

Wuhlweacng Sasuc

Puk Nuhtin Mwet Luti ke Olweacng luhn Wosasuc



Wuhlweacng Sasuc

Puk Nuhtin Mwet Luti ke Olweacng luhn Wosasuc

Oreklac sin
Alu luhn Jisus Kraist luhn Mwet Luhlahlfongi Lal ke Lwen-sahflah
Salt Lake City, Utah

Kolo: *The Sermon on the Mount*, sel Carl Bloch. Lwelah in orekmakihnyuck sin National Historic Museum luhn Frederiksborg.
© 2005 sin Intellectual Reserve, Inc.

Kuh ac suwohs nuhkwea fihliyucki
Sihmlac fin acn USA
Ahkkweyeyucklac ke English: 1/98
Ahkkweyeyucklac ke lweng: 1/98

Lwenglah luhn kahs ke *New Testament Gospel Doctrine Teacher's Manual*
Kosraean

Koano

Nempuh in Lesin ac Sifac	Sra Puk
Kahsruh nuh sin Mwet Luti	v
1 “Tuh Kom in Luhlahlfongi Lah Jisus pa Kraist” (Isaia 61:1–3; Joseph Smith Translation, Luk 3:4–11; Jon 1:1–14; 20:31)	1
2 “Nguhnikh Kaksakihn Leum” (Luk 1; Mattu 1)	5
3 “Isuslac Nuh Suwos ... Sie Mwet Lahngo” (Luk 2; Mattu 2)	9
4 “Ahkoelah Inkacnek luhn Leum” (Mattu 3–4; Jon 1:35–51)	13
5 “Sifilpac Isuslac” (Jon 3–4)	18
6 “Elos Som Sislah Nwek Nahtuhlos” (Luk 4:14–32; 5; 6:12–16; Mattu 10)	22
7 “[E] Sruhwack Mwe Muhnahs Lasr, ac Uslah Mas Lasr” (Mark 1–2; 4:35–41; 5; Luk 7:11–17)	27
8 Luti Finohl Ah: “Sie Ohiyac na Wo” (Mattu 5)	31
9 “Suk Met Tohkohsrahi luhn God” (Mattu 6–7)	37
10 “Eis Srenenuh Luhk Nuh Fom, ac Lutlut Sihk” (Mattu 11:28–30; 12:1–13; Luk 7:36–50; 13:10–17)	43
11 “El Sramsramkihn Ma Pucspucs nuh Selos ke Puhpuhlyuck” (Mattu 13)	47
12 “Nga Pret luhn Moul” (Jon 5–6; Mark 6:30–44; Mattu 14:22–33)	52
13 “Nga Fah Sot Nuh Sum Ki luhn Tohkohsrahi” (Mattu 15:21–17:9)	57
14 “Suc Mwet Tuhlan Luhk Uh?” (Mattu 18; Luk 10)	62
15 “Nga Pa Kahlwem luhn Facluh” (Jon 7–8)	67
16 “Nga Kun, Inge Nga Liye” (Jon 9–10)	71
17 “Meac Nga Fah Oruh Tuh Ngan Usrui Moul Ma Pahtpaht” (Mark 10:17–30; 12:41–44; Luk 12:13–21; 14; 16)	76
18 “El Tuhlac, ac Konweyuckyak” (Luk 15; 17)	81
19 “Luhlahlfongi Lom Molikomlac” (Luk 18:1–8, 35–43; 19:1–10; Jon 11)	85
20 “We nuh Suwos,... Mwet Wosonkacs” (Mattu 21–23; Jon 12:1–8)	89
21 “Meac Mwe Akucl ke Tuhkuh Lom Uh?” (Joseph Smith—Matthew [Mattu 24])	94
22 “Usrui Tohkohsrahi Ahkoeyucklac nuh Sum” (Mattu 25)	99
23 “Luhngse Sie Sin Sie, Oacna Nga Luhngse Kom” (Luk 22:1–38; Jon 13–15)	104
24 “Pa Inge Moul Ma Pahtpaht” (Jon 16–17)	109

25	“Tiac Ke Luhngse Luhk, Tuh Luhngse Lom, in Orek” (Mattu 26:36–46; Mark 14:32–42; Luk 22:39–46)	114
26	“Ke Srihpac Se Inge Nga nuh Isuslac” (Mattu 26:47–27:66; Mark 14:43–15:39; Luk 22:47–23:56; Jon 18–19)	118
27	“El Tiac Oasr Inge, Tuh El Moulyak” (Mattu 28; Luk 24; Jon 20–21)	124
28	“Kuht Mwet Lohoh” (Orekma 1–5)	129
29	“Pihsen Mwet Tuhma Lutlut Puhseni” (Orekma 6–9)	135
30	“God El Tiac Sol Mwet” (Orekma 10–14; 15:1–35)	140
31	“Ac Na Alu uh Muhsahiyuckyak ke Luhlahlfongi” (Orekma 15:36–18:22; 1 ac 2 Mwet Tessonika)	145
32	“Muhta in Nguhn” (Orekma 18:23–20:38; Mwet Galatia)	150
33	“Kom Tempuhl luhn God” (1 Mwet Korint 1–6)	155
34	“Karihngihn Akwuck, Oacna Ke Nga Usot Uh” (1 Mwet Korint 11–16)	160
35	“Kom In Ahkfwelyacлах nuh sin God” (2 Mwet Korint)	165
36	“Mwet Kuloh Luhn God, Pahngonyuck Tuh In Mwet Luhlahlfongi” (Mwet Rom)	169
37	Jisus Kraist: “Mwet Kol ac Mwet Ahksuwosye Luhlahlfongi Lasr” (Mwet Hibru)	174
38	“Kom Fahkwack Keik” (Orekma 21–28)	179
39	“Tuh in Ahksuwosye Mwet Luhlahlfongi” (Mwet Efesus)	184
40	“Nga Kuh In Oruh Ma Nuhkwewa ke Kraist” (Mwet Filippai; Mwet Kolosse; Failimon)	188
41	“Nga Ahksahfyelah Kahsruhsr Luhk” (1 ac 2 Timote; Titus)	193
42	“Alu Pwacye” (Jemes)	197
43	“Sie Fihl Sollac” (1 ac 2 Piter; Jud)	201
44	“God El Luhng” (1, 2, ac 3 Jon)	205
45	“El Suc Kuhtwanglah Fah Usrui Nohfohn” (Fwackyuck 1–3; 12)	209
46	“El Ac Muhta Yohrohlos, ac Elos Ac Fah Mwet Lal” (Fwackyuck 5–6; 19–22)	216

Kahsruh nuh sin Mwet Luti

Tukun Leum suc moulyak el ahkkahlwemyacl sifacna nuh sin Mwet Sap lal, el sifil sikyang nuh selos ke elos ullac Mea Galilee ac. Ke el weluhlos, el siyuck sel Peter kihsensiyuck se pacl tolu: “Yac kom luhng sum nga?” Ke kais sie pacl Peter el topuk, “Kom etuh lah nga luhngse kom.” Ke fahk lal Peter Leum el topuk: “Kihtacang lahm fuhsr nuhtihk.... Liacang sip nuhtihk.... Kihtacang sip nuhtihk” (Jon 21:15–17).

In sie Mwet Luti ke Olweacng luhn Wosasuc, kom kuh in ahkkahlwemye luhngse lom nuh sin Leum uh in kihtacang sip nahtuhl, oruh tuh kais sie mempucr ke kuhlals lom “an in esamyuck ac kihteyuck ke kahs luhn God” (Liye Moroni 6:4). Sie srihpac yohk ke kahs luhn God uh pa in kahsre kuht “luhlahlfongi lah Jisus pa Kraist, Wen Nuhtin God; ac ke luhlahlfongi sacn [kuht] fah eis moul ke inel” (Jon 20:31). Kolyuck ke Nguhn, kom kuh in kahsruh mempucr ke kuhlals in ahkkweye puhla in luhlahlfongi lalos ke Mwet Lahngo, luhlahlfongi lalos kac, ac insacnweacng lalos in moukihn wosasuc lal. Kom ac oacyacpac kahsrelos in eis kuhtuh pac mwe insewowo ma tuhkuh ke insacnweacng in lutlut ke Wuhlweacng Sasuc, oacna ke ahkkahlwemyeyuck sel Prestuhn Thomas S. Monson inge:

“Kwewana mwe fwackyuck ke Wuhlweacng Sasuc uh use nguhn in ahkacsmakihn nuh ke moul luhn mwet uh. Lullul luhn finsrak ayaollac ke kahlwem luhn finsrak, pahkomuhta eklac engan, ac puhla se ma muh el tiac etweyuck in mahsrton mwet fin facluh uh wacngihnlac ke etuh pwacye se lah Pahpah Lucng el etuh ac sensenkihn kais sie sesr” (“The Spirit Giveth Life,” *Ensign*, June 1997, 2).

Luti ke Nguhn

Ke kom ahkolah in luti kuhlals ke Olweacng luhn Wosasuc uh, ac yohk srihpac kom in suk mokleyuck ac kolyuck luhn Nguhn Muhtahl. Leum el fahk lah Nguhn fah utohkoht nuh sum ke pruhe luhn luhlahlfohngi, ac kom fin tiac eis ke Nguhn kom koflah na in luti (liye D&C 42:14). Esam lah Nguhn Muhtahl pa mwet luti se ke kuhlals lom an.

Kom kuh in suk Nguhn ke pruhe, lalo, lutlut ke ma suhmuhslah lwen nuhkwe-wa, ac ahkos masap. Ke pacl in ahkolah nuh ke kuhlals uh, pruhe siyuck sin Nguhn in kahsre kom in etuh ke ma suhmuhslah ac enenuh luhn mempucr ke kuhlals. Nguhn oacyacpac kuh in kahsre kom plwacni ohiyac oasr kalmac in sramsramkihn ma suhmuhslah ac orekmaihn nuh ke moul lasr mihsenge uh (liye 1 Nephi 19:23). Ke kolyuck luhn Nguhn, kom ac sie kuhfwen mwe orekma ke kolyuck luhn Leum in luti kahs lal nuh sin tuhlihk nahtuhl.

Kuhtuh mwe nguhsr nuh ke eisyacn Nguhn in tuhkuh nuh ke kuhlals lom an pa ahkkahlweyeyuck ten inge:

1. Ngihstre mempucr ke kuhlals in pruhe met liki ac tukun lesin an. Ke pacl in kuhlals, pruhe ke insiom Nguhn in kol kom, in ahkolah insiyacn mempucr ke kuhlals, ac in ahkpwacye ac ahkkweye.

2. Orekmakihn ma suhmuhslah (liye “Loacng nuh ke Ma Suhmuhslah” ke sra puk 00).
3. Fahkwack puhla in luhlalfongi ke pacl Nguhn pihrihk kom uh, tiac ke sahlahiyacn lesin an muhkwenana. Fahkwack ke Jisus Kraist. Kwac ngihstre mempucr ke kuhlals in fahkwack puhla in luhlalfongi lalos.
4. Orekmakihn on, on luhn U luhn Tuhlihk Srihsrihk, ac kuhtuh pac on in ahkolah insiacn mempucr ke kuhlals in puhla ke Nguhn.
5. Ahkkahlwemye luhngse lom nuh sin mempucr ke kuhlals, nuh sin mwet sahyac, ac nuh sel Pahpah Lucng ac Jisus Kraist.
6. Akacsruhi ke nuhnak, puhla, ac ohiyac ma fototo nuh ke lesin se inge. Ngihstre mempucr ke kuhlals in oruh oacna. Mempucr ke kuhlals kuh in oacyacpac sruhmuhn lah elos orekmakihn ma yohk ke lesin tari ac fuhkah.

Lohacng nuh ke Ma Suhmuhslah

Elder Boyd K. Packer el luti fahk, “Olweacng pwacye, kahlwem muh, ekuhllah ohiyac ac elah” (ke Conference Report, Oct. 1986, 20; kuh *Ensign*, Nov. 1986, 17). Ke pacl in ahkolah lom ac ke pacl in kuhlals, lohacng nuh ke olweacng luhn loangwelah ke wosasuc oacna ke ahkkahlwemyeyuck ke ma suhmuhslah ac luti luhn Mwet Pahluh ke lwen-sahflah. Ma se inge enenuh kom in lutlut ke ma suhmuhslah in aru ac ke pruhe. Leum el sapkihn kuht in tiac, suk in fahkwack kahs lal, tuhsruhk ma se met suk in eis kahs lal. Ke kom eis kahs lal ke lutlut ke ma suhmauhslah, Leum el olwelah tuh, loum fah taltallah; ac, kom fin kenna, kom ac fah eis Nguhn ac kahs lal, kuh luhn God fah oan sin mwet kwacfweang (liye D&C 11:21).

Kwacfe mempucr ke kuhlals in use ma suhmuhslah nahtuhlos nuh ke kuhlals ke wik nuhkewewa. Tuhkweni riti fuhs sollac ke ma suhmuhslah ke kom ahkuhtweyac kac an. Ke acn ma kuh an, orekmakihn puk se luhn Mwet Luhlalfongi ke Lwen-sahflah ke ma suhmuhslah ingacn.

Kais sie mempucr ke kuhlals enenuh in ituckyang sie *Mwe Kol Nuhsin Mempucr ke Kuhlals luhn Wuhlweacng Sasuc* (35682). Puk se inge ac kahsruh mempucr ke kuhlals in ahkkapyeack mwe lutlut lalos ac orek loh nuh ke ma suhmuhslah nuh ke top nuh ke kihsensiyuck lalos. Ac kahsrelos in etuh ke ma suhmuhslah, orekmakihn ke moul lalos, ahkoo in sramsramkihn nuh sin kuhlals, ac orekmakihn ke pacl in sramsram luhn sucu.

Orekmakihn Puk in Luti Se Inge

Puk in luti se inge sie kuhfwen mwe orekma in kahsre kom luti olweacng ke wosasuc ke ma suhmuhslah uh. Sihmlac nuh sin mwet fuhsr ac kuhlals luhn mwet mahtuh ke kuhlals luhn Olweacng luhn Wosasuc ac in orekmakihnyuck ke yac ahkosr nuhkewewa. Tiac enenuh mwet luti in orekmakihn kuhtwena mwe luti (kamentacri) in luti lesin inge.

Lesin ke puk in luti se inge nwacnwaclah ke mwe ahkuhtweyac puhs liki ma kom kuh in sahp luti kac ke kuhlals ke sie piriet. Suk Nguhn luhn Leum in sulacalah mwe sramsram ke ma suhmuhslah, kihsensiyuck, ac kuhtwena kuhfa nuh ke lesin sacn ma ac wo emet in oraclah enenuh luhn mempucr ke kuhlals sacn.

Kais sie lesin ac ukwe ip inge:

1. *Sifac*. Sifac uh oasr ma luu kac: ahkuhtweyac fototo se kuh kihnsenyuck kuh fahk se ac ma suhmuhslah kom enenuh in riti met liki ahkoeyacn lesin sacn.
2. *Srihpac*. Lain soko ma ahkkahlwemye srihpac an ngihstre nuhnak se ma kom kuh in lohacng nuh kac ke kom ahko-o ac luti lesin sacn.
3. *Ahkolah*. Ip se inge oracni nohfohn mwe ahkuhtweyac ke ma suhmuhslah ke tahklac luhn mwe luti lesin ac usot mwe nguhsr in kahrse kom luti in muh wo. Ac oacyacpac oasr mwe rit sahyac weacng ac kuhtuh pac mwe nguhsr nuh ke ahkolah, oacna nuh ke kuhfa kom ac luhngse in use nuh ke kuhlals an.
4. *Mukwikwi ahkoeyucklac*. Ip se inge oasr mukwikwi na fihsracsr se, ma in sang ahkkahlwemye ma kom luti ke lesin sacn, kuh kihnsenyuck in kahrseh mmpucr ke kuhlals in ahkolah in lutlut, wi oruh, ac puhla ke orekma luhn Nguhn. Lah kom orekmakihn mukwikwi ahkoeyucklac ke puk in luti se inge kuh sie ma lom sifacna, ac yohk srihpac in eis lohacng luhn mmpucr ke kuhlals sacn ke muhtwacwacyacn lesin sacn. Mukwikwi sacn enenuh in fototo.
5. *Mwe sramsram ke Ma Suhmuhsalah ac moukhihnyac*. Pa inge ip yohk se ke lesin uh. Pruhe in kom ke pacl in lutlut ke mwe ahkuhtweyac ke ma suhmuhslah kom in muh kuh in luti ac sramsramkihn wo. Orekmakihn mwe nguhsr luhn “Kwacfe Sramsram luhn Kuhlals” ac “Orekmakihn Kain in Ma in Luti Ma Suhmuhsalah uh” (sra puk 00 [vii–viii]) in akuhlahmsiyac ohiyacn luti lom an ac in sruokyac luhngse luhn mmpucr ke kuhlals sacn.
6. *Sahflah*. Ip se inge kahrse kom ahkfototoyelah lesin an ac kwacfe mmpucr ke kuhlals in moukhih ma yohk kom sruhmuhn kac an. Ahkacsmakihnye kom pac in fahkwack puhla in luhlalfongi lom. Oruh in oasr pacl in ahksahfye kais sie lesin.
7. *Nuhnak in weacng mwe luti*. Ip se inge oasr ke inkaiyacn lesin ke puk se inge. Ac kuh in oasr pac ma pwacye sahyac ke mwe ahkuhtweyac ke ma suhmuhslah, kuhtwena ohiyac nuh ke lutiyacn mwe ahkuhtweyac ke ma suhmuhslah, mukwikwi, kuh kuhtuh pac mwe nguhsr ma ac kuh in sang ahol tahklac luhn mwe lutlut ke lesin sacn. Kom ac ke orekmakihn nuhnak inge in kahrsekom.

Sifwil liye kais sie lesin ke wik se met liki an. Ke kom sa in lutlut ke mwe ritiyuck an ac kuhfa nuh ke lesin sacn uh, kom ac eis nuhnak ac puhla ke wik sacn ma ac kahrse kom in luti ke lesin sacn. Ke kom nuhnak ke lesin ke wik sacn, pruhe tuh Nguhn in kol kom. Luhlalfongi muh Leum elac fah kahrse kom.

Kwacfe Sramsram luhn Kuhlals

Kom tiac enenuh in oruh sramsram in ahkuhtweyac pacl nuhkwea. A, in kahrseh mmpucr ke kuhlals in wi sramsram ke ma suhmuhslah an. Wi luhn mmpucr ke kuhlals kahrselos:

1. Lutlut yohk ke ma suhmuhslah.
2. Lutlut ke orekmakihnyacn ip yohk ke wasasuc.
3. Fototoeni nuh ke moukhihnyacn wasasuc.
4. Ngihstre Nguhn nuh ke kuhlals.

5. Luti ac ahkkweye sie sin sie (D&C 88:122) elos in muh orekmakihn mwe sang inmasrloos, etuh, ma elos oruh etuh kac, ac puhla in luhlalfongi.

Mwe sramsram luhn kuhlals enenuh in kahsrh mumpuc in tuhkuh nuh yurin Kraist ac in mwet tuhma lutlut lal. Sifil nahwelah ma ac tiac oraclah srihpac inge.

Suk kolyuck luhn Nguhn ke kom lutlut ke kihsensiyuck luhn puk in luti se inge ac sulaclah lah piyac kac ma kom ac siyuck an. Puk in luti se inge usot mwe kahsrh nuh ke ma suhmuhslah in kahsre kom ac mumpuc ke kuhlals in konwacack top nuh ke inkaiyacn kihsensiyuck inge. Top nuh ke kihsensiyuck sahyac an ac tuhkuh ke ma mumpuc ke kuhlals puhlakihn uh.

Yohk srihpac in kahsrh mumpuc ke kuhlals in kahlwem ac orekmakihn ma suhmuhslah liki na in orekmakihn kwewa kuhfwen mwe luti lesin ke ma kom ahkolah an. Fin mumpuc ke kuhlals eis etwacack ke sie mwe sramsram wowo, ac kwac kahsrh in kalweniyuck liki na in ahkfalyelah kwewa ma ke lesin sacn.

Orekmakihn mwe kolyuck inge in kwacfe mwe sramsram luhn kuhlals:

1. Siyuck kihsensiyuck ma ac oraclah nuhnac ac sramsram liki na in “ahok” kuh “m-moh” nuh ke top an. Kihsensiyuck ma muhtwacwacack ke efuh, fuhkah, suc, meac, ngac, ac *oyac* kwac wo nuh ke ahkfahsryeyacn mwe sramsram uh.
2. Kwacfe mumpuc ke kuhlals in akacsruhi ke ma elos etuh oruh ma ac ahkkahlwemye lah ma yohk ke ma suhmuhslah uh ac olweacng kuh in orekmakihnyuck fuhkah nuh ke moul uh. Oacyacpac kwacfelos in akacsruhi ke puhla lalos ke ma elos luti ke ma suhmuhslah uh. Sang puhsra wo nuh ke oraclah lalos.
3. Ngucsrihk nuh ke enenuh luhn kais sie mumpuc ke kuhlals. Ne mumpuc nuhkwea ke kuhlals enenuh in kwacfeyuck in wi sramsram ke kuhlals, kuhtuh ac sruhnga wi. Kom ac ke sramsram nuh selos kais sie in konwacack lah elos puhla fuhkah ke rit yohk uh kuh wi oruh ma ke kuhlals an. Sensen in tiac suhpuh mumpuc ke kuhlals fin ac ahkmwekihnnyaclos.
4. Sang mwe kahsrh nuh ke ma suhmuhslah in kahsrh mumpuc ke kuhlals in konwacack top nuh ke kuhtuh kihsensiyuck an.
5. Kwacfe mumpuc ke kuhlals in nuhnkuh yohk ke kihsensiyuck ke *Mwe Kol Nuhsin Mumpuc ke Kuhlals luhn Wuhlweacng Sasuc* ke elos lutlut ke ma in ritiyuck ke kais sie wik. Ke kom ahko-o kais sie lesin, motko lah ac sramsramkihnyuck fuhkah kihsensiyuck inge lun kuhlals. Mumpuc ke kuhlals ac wo in wi ke mwe sramsram an elos fin lutlut ke ma in ritiyuck ac kom fin siyuck kihsensiyuck ma elos ahkolah in topuk

Orekmakihn Kainin

ma in Luti

Ma Suhmuhslah

Orekmakihn mwe nguhsr inge in luti sramsram ke ma suhmuhslah in wo ac ke kain in ma yohk:

1. Kahsrh mumpuc ke kuhlals in kahlwem kac lah meac ma suhmuhslah luti ke Jisus Kraist uh. Siyuck selos in motko lah kain in fuhs inge ahkyohkye luhlalfongi lalos ke Mwet Lahngo ac kahsrelos in puhlakihn luhngse lal.
2. Siyuck mumpuc ke kuhlals in nuhnkuh kac ac akacsruhi ke ohiyac ma mwe rit ke ma suhmuhslah kuh in orekmakihnyuck nuh ke moul lalos. Oruh elos in kohpwehik ke ma suhmuhslah in ahol innelos nuh ke mwe rit sollac an.

3. In weacng lutiyaen olweacng an, ahkkahlwemye sramsram in sruhmuhn ke luhlalfongi ke Wuhlweacng Sasuc, oruh tuh mempucr ke kuhlals in kahlwem kac ac sruhmuhn ohiyac in moulkihn.
4. Oruh mempucr ke kuhlals in suk kaks, pohloh kaks, kuh nuhnak ma kwac kalweniyuck ke sie mwe rit kuh ma oasr kalmac se nuh selos an.
5. Kwacfe mempucr ke kuhlals an in orekmakihn acpentiaks ke King James Version. Topical Guide ac Bible Dictionary uh yohkna kahsruh sifacna lutlut uh ac sramsram ke kuhlals uh.
6. Suhmuhsrah ke port an pohloh kaks, kaks yohk, kuh kihseniyuck ma kuh-pahsr nuh ke sramsram ke ma suhmuhsrah uh. Na rit ac ahkfototoyelah sramsram sacn. Ke mempucr ke kuhlals lohng pohloh kaks, kaks yohk, kuh top nuh ke kihseniyuck an, tui ac sramsramkihn uh.
7. Muhtwacwacack neke sahflahiyacn Puk luhn Mormon, pohloh kaks se inge “ke ma inge kuht liye” orekmakihnyuck in ahkuhtweyac sie ma ahkfototoyeyucklac ke ma yohk lutiyaen uh (liye, fin pa, Helaman 3:28). Tukun sramsramkihn sie mwe rit ke ma suhmuhsrah, siyuck mempucr ke kuhlals in ahkuhtweyac ma yohk ke mwe rit sacn ma orekmakihn pohloh kaks se inge “ke ma inge kuht liye.”
8. Suk kac ac sramsramkihn akucl ma orekmakihnyuck lun Wuhlweacng Sasuc uh. Fin pa, sie Mukul ac Muhtwacn ahol Mwet Lahngo ac mwet lal.
9. Akihlen mwet kuh ohiyac ke ma suhmuhsrah lah kuh in tiac oacna sie fuhkah.
10. Oruh mempucr ke kuhlals an in etahi sramsram ke ma suhmuhsrah in riti in yohk kaks luhn kainin mwet, mwe sramsram sacn. Liye etahiyac an in fal nuh ke ma suhmuhsrah an.
11. Kihtaclihk kuhlals nuh ke u srihsrihk luo kuh puhs liki. Tukun sifil pac liye ke sie sramsram ke ma suhmuhsrah, oruh kais sie u in suhmuhsrah ma yohk ac olweacng lutiyaen ke sramsram sacn. Na oruh u an in sruhmuhn nuh sin kuhlals na fohn sacn lah mwe lutlut inge ac orekmakihnyuck fuhkah nuh ke moullalos.
12. Ngihstre mempucr ke kuhlals in us soko pinsucl mwe mahki fuhs ke kom ac sramsramkihn uh.

Kahsruh Mempucr Sasuc

In sie Mwet Luti ke Olweacng luhn Wosacuc, ac oasr lom in luti mempucr ma sasuc nuh ke Alu uh. Luti lom an kuh in kahsruh mempucr sasuc in fokoko ke luhlalfongi lalos.

Prestuhnsi Se Met fahk: “Mempucr nuhkweya ke Alu uh enenuh in luhlalfongi ac ahkkweyeyuck, ke mahlwem ekahsr na emet tukun pacptaislac an. Ke mempucr sasuc uh eis kuhpahsr wowo in kawuck uh, inkacnek in kuhlwasnap, ac ahkkweyeyacn nguahn ma tuhkuh ke lutlut ke kaks luhn God uh, elos puhlakihn eklac ac welah in ‘mwet wi mwet luhlalfongi, ac sucu luhn God’ (Mwet Efesus 2:19)” (First Presidency letter, 15 May 1997).

**Luti Wosasuc nuh
sin Mwet Fuhsr**

Kom fin luti mwet fuhsr, esam lah elos enenuh muhtweng ac petsac ke akwuck sruhmuhnyuck an. Orekmakihnyacn petsac in liyeyuck, petsac, ac mukwikwi kuh sritacl ngihrsreyuck ke puk in luti uh kuh in kahsrub mwet fuhsr in luhngse lesin uh.

“Tuh Kom in Luhlahlfongi Lah Jisus pa Kraist”

Lesin Ahk

1

Isaia 61:1–3; Joseph Smith Translation, Luk 3:4–11; Jon 1:1–14; 20:31

Srihpac In kwacfe mempucr ke kuhlals in ahkkweye puhla in luhlahlfongi lalos ke Jisus Kraist in lutlut ke Wuhlweacng Sasuc.

- Ahkolah**
- Rit, nuhnkuh, ac pruhe ke ma suhmuhslah inge:
 - Isaia 61:1–3; Joseph Smith Translation, Luk 3:4–11. Isaia ac Jon Pacptais pa-lye ke orekma in luti luhn Mwet Lahngo.
 - Jon 1:1–14; 20:31. Mwet Sap Jon el ahkkahlwemye lah Jisus Kraist pa “kah-lwem pwacye.” El fahk arulacna fokoko lah srihpac lal in sihmihs puhla in luhlahlfongi lal ma in kahsrub kuhtuh pac in “luhlahlfongi lah Jisus pa Kraist.”
 - Eis sie puk ke *Mwe Kol Nuhsin Mempucr ke Kuhlals luhn Wuhlweacng Sasuc* (35682) nuh sin kais sie mwet luhn kuhlals lom an. (Ward enenuh in ohtohi puk in kol nuh ke mwe lutlut inge in ipin ohtoh nuh ke mwe lutlut ke yac sacn. Sie mempucr ke u luhn pisaprik enenuh in sang ma inge nuh sin U luhn Prestuhn ke Sacnri Skul.)
 - Kom fin orekmakihn mukwikwi ahkoeyucklac an, siyuck sin kuhtuh na sin mempucr ke kuhlals in ahkolah in riti kuh ahkfototoyelah sie mwe rit na wo ke Wuhlweacng Sasuc ac in ahkuhtweyac in fototo lah efuh mwe rit sacn wo kuh kahsrelos.
 - Fin oasr petsac inge, orekmakihn ke pacl in lesin an: Isaia el sihmihs ke Isuslac luhn Kraist (62339; Gospel Art Picture Kit 113) ac Jon el Luti Yen Mwesis (62132; Gospel Art Picture Kit 207). Kom fin orekmakihn mukwikwi kuh sritacl ahkoeyucklac, oacyacpac use kuhtuh petsac ma ahkkahlwemye ohiyac ke Wuhlweacng Sasuc, pa nuh ke Ahkkweyelah Mwet Kun (62145; Gospel Art Picture Kit 213) ac Mary ac Leum suc Sifilpac Moulyak (62186; Gospel Art Picture Kit 233).
 - Nguhsr nuh ke mwe luti: Kwacfe mempucr ke kuhlals in ahksahfye mwe rit nuh ke wik nuhkweya ac in tuhkuh nuh ke kuhlals in sramsramkihn ma elos riti. Ahkolah se inge ac kahsrub in ahkpwacyeyelah olwelah luhn Leum lah el suc luti ac el suc eis [ke Nguhn luhn ma pwacye] etuh ke kais sie, ac kwewana ahkkweye ac tuhkweni engankihnyuck (liye D&C 50:22).
-

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac Fin wo, orekmakihn mukwikwi inge kuh sie sin ma lom sifacna an in sramtweack lesin an.

Sruhkwack petsac ma ahkkahlwemyey ma sikyak ke Wuhlweacng Sasuc.

Siyuck mempucr ke kuhlals in nuhnkuh ke kihsensiyuck se inge:

- Meac ahkuhtweyac kuh luti ke Wuhlweacng Sasuc ma wo kuh kaksre kom uh?

Sang sie pacl an mempucr ke kuhlals in nuhnkuh, ac ngihstre kais sie mempucr ma kuneyucki ke kuhlals in rit kuh ahkfototoyelah sie mwe rit na wo ke Wuhlweacng Sasuc. Fin kuhtuh pac mempucr ke kuhlals luhngse ahkacsruhi ke sie mwe rit wo, lwelah ekahsr na in oruh.

Ahkkahlwemye luhngse lom in luti ac lutlut ke Wuhlweacng Sasuc ke yac se inge. Ahkkahlwemye lah srihpac luhn mwe lutlut ke yac se inge ke Wuhlweacng Sasuc uh ma in kaksruh mempucr ke kuhlals ahkkweye luhlalfongi lalos ke Jisus Kraist ac in ahkfototoyaclos nuh ke moul lal ac orekma in luti lal.

Mwe Sramsram
ke ma Suhmuhsalah
ac Moulkihnyac

Ke kom luti ke mwe rit ke ma suhmuhsalah inge, sramsramkihn lah ma inge ac kaksruh fuhkah nuh ke moul lasr pacl nuhkewewa. Kwacfe mempucr ke kuhlals in ahkacsruhi ohiyac lalos ma kuhpahsr nuh ke ma yokh ke ma suhmuhsalah.

1. Isaia ac Jon Pacptais palye ke fuhfahsryucsr luhn Mwet Lahngo

Riti ac sramsramkihn Isaia 61:1–3 ac Joseph Smith Translation, Luk 3:4–11.

Sruhkwack petsac ke sihm lal Isaia ke isuslac luhn Mwet Lahngo. Ahkkahlwemye lah kuht kuh in ahkkweye puhla in luhlalfongi lasr ke Jisus Kraist uh ac srui lasr ke Wuhlweacng Sasuc in lutlut ke kaks lal Isaia ac kuhtuh pac suc palye ke fuhfahsryucsr luhn Mwet Lahngo.

- Meac kuhtuh mwe akihlenyuck ke tuhkuh luhn Mwet Lahngo in fuhfahsryucsr ahkuhtweyucki ke Isaia 61:1–2? (Suhmuhsalah top luhn mempucr ke kuhlals an ke port an. Top an ac oasr ke ma ekahsr ten inge.)
 - “Fahkwack kaks wo nuh sin mwet fihlpacp” (fuhs 1).
 - “Ohnwaclah mwet suc muhsallah insiac” (fuhs 1).
 - “Fahkwack sukohsohk nuh sin mwet kohs” (fuhs 1).
 - “Ahkpwacryaclos nuhkewewa suc ahsor” (fuhs 2).
- Jisus el ahkpwacyei pahluh inge fuhkah? (Kwacfe mempucr ke kuhlals in fahk srihkasrak ke ma suhmuhsalah ac in akacsruhi ke oruh luhn kais sie.)
 - Ahkkahlwemye lah Jisus el sruhmuhn ke mwe rit se inge ke muhtwacwacyen orekma lal in fahk lah el pa Messiah (Luk 4:16–21; liye lesin 6).
 - Sruhkwack petsac ke luti lal Jon Pacptais yen mwesis. Ahkkahlwemye lah Jon Pacptais el palye ke tuhkuh luhn Mwet Lahngo in fuhfahsryucsr met liki na muhtwacwacyen orekma lal.
- Jon Pacptais el ahkuhtweyac fuhkah tuhkuh luhn Mwet Lahngo in fuhfahsryucsr? (Liye Joseph Smith Translation, Luk 3:4–9. Suhmuhsalah top luhn mempucr ke kuhlals an ke port an. Fin Joseph Smith Translation ke fuhs inge tiac ahkolah, tahkuhnlah pahluh ahkkahlwemyeyuck ten inge.)
 - “Eslah ma koluk luhn facluh” (fuhs 5).
 - “Use molwelah nuh sin muhtuhn facl tiac etuh ke wasasuc” (fuhs 5).
 - “Oracni nuh sie elos suc tuhlacl” (fuhs 5).
 - “Oruh in sikyak luti wasasuc nuh sin mwet Gentiles” (fuhs 6).
 - “In sie kahlwem nuh selos nuhkewewa suc muhta in lohst” (fuhs 7).
 - “In use nuh ke moulyak liki misac” (fuhs 7).

“Sang sukohsohk nuh sin nuhkewewa” (fuhs 9).

“Furohklah ma suhfal nuhkewewa ke suhfal lalos” (fuhs 9).

- Jisus el ahkpwacyei pahlul inge fuhkah? (Kwacfe mempucr ke kuhlahs in fahk srihkarak ma pwacye ke ma suhmuhlah ac in akacsruhi ke oruh luhn kais sie.)
- Kom puhla fuhkah ke kom nuhnuh ke ma Jisus el oruh nuh sesr uh? Moul lasr ac fuhkah fin Jisus el tiac oraclah ma inge nuh sesr?

2. Mwet Sap Jon el ahkkahlwemye lah Jisus Kraist pa “Kahlwem Pwacye.”

Riti ac sramsramkihn Jon 1:1–14; 20:31.

- Meac kuht kuh in lotwelah kac Jisus Kraist ke Jon 1:1–3, 14? (Liye tahk soko ten inge. Akihlen lah “Kahs” ke Jon 1:1, 14 luhmweyuck nuh ke Mwet Lahngo.)
 - a. El “oasr ke muhtwacwacackiyac” wi God Pahpah (Jon 1:1–2). Akihlen lah fuhfahsryucsr luhn Mwet Lahngo muhtwacwacack ke facluh se met, met liki na el isuslac Bethlehem.
 - b. El God se (Jon 1:1). Ahkkahlwemye lah ke kuht sramsram ke God uh, kuht luhma nuh sel Pahpah Lucng. Tuhsruhktuh, “mwet se ma etweyuck muh Jeovah ke pacl luhn Wuhlweacng Mahtuh ... pa Wen, etweyuck muh Jisus Kraist,... suc oacyacpac God se. Jisus el orekma ye kolyuck luhn Pahpah.... Ma pucspucs ma suhmuhslah ahkkahlwemye muh oreklac sin God uh oreklac na pwacye sin ... Jisus” (Bible Dictionary, “God,” 681).
 - c. Ke El wosasuc lutyuck ke facluh se met (Joseph Smith Translation, Jon 1:1).
 - d. El oraclah ma nuhkewewa (Jon 1:3).
 - e. El pa Wen Kuloh Nuhtin God ke ikoac (Jon 1:14; oacyacpac liye 1 Nephi 11:14–21). Olweacng se inge sruhmuhnyuck ke lesin ahk 2.
- Mwet Sap Jon el fahk lah “ke [Jisus] oasr moul” (Jon 1:4). El oacyacpac fahk lah Jisus pa “kahlwem pwacye, suc tohlwack mwet nuhkewewa ma tuhkuh nuh facluh uh” (Jon 1:9). Mwet Lahngo el sot nuh sum fuhkah moul ac kahlwem uh? (Ke mempucr ke kuhlahs sramsramkihn kihsensiyuck se inge, kom ac ke liye ke Jon 8:12; 1 Mwet Korint 15:20–22; Moroni 7:15–18, 41; D&C 88:6–14; Bible Dictionary, “Light of Christ,” 725.)
- Meac srihpac lal Jon in sihmihs puhla in luhlalhfongi lal? (Liye Jon 20:31.) Meac kalmac in “luhlalhfongi lah Jisus pa Kraist?” (Ahkkahlwemye lah *Kraist* kahs Greek se kalmac pa akmuhsralah. Ke oasr puhla in luhlalhfongi lasr lah Jisus pa Kraist, kuht etuh lah el pa Wen Nuhtin God ac mosrweyucklac ac akmuhsralah in Mwet Lahngo lasr.) Lutlut ke Wuhlweacng Sasuc ke Sacnri Skul ke yac inge kahsrub ahkkweye puhla in luhlalhfongi lom lah Jisus pa Kraist fuhkah?
- Meac kuht kuh in sifacna oruh ac in oruh kuhlahs in eis kolyuck ke Nguhn ke kuht lutlut ke Wuhlweacng Sasuc uh? (Liye Jemes 1:5–6; D&C 50:17–22; 88:118.)
- Kahs ke Jon 1:10–14 orekmakihnyuck nuh sesr fuhkah, finne kuht tiac oasr fin facluh ke orekma in ikoac luhn Mwet Lahngo ah?

Elder Thomas S. Monson el luti:

“Kuht tiac enenuh in muhtwacta nuh ke Acn Muhtahl in puhlakuhnuhl lan fototo nuh yohrohrs. Kuht tiac enenuh in fahsr ke sisken weacn Galilee kuh inmahsrlon finohl Judea in fahsr ke acn Jisus el fahsr we.

“In oraclah in pwacye, kuht nuhkwea kuh in fahsr ke acn Jisus el fahsr we ke kahs lal in an ke inngasrosr, nguhn lal in an insiacsr, ac luti lal in moullasr, kuht fuhfahsryucsr ke moull suhkawihl” (ke Conference Report, Apr. 1974, 70; kuh *Ensign*, May 1974, 48).

Sahflah

Fahkwack ke Jisus Kraist ac ahkkahlwemye puhla lom in lutlut kac ke Wuhlweacng Sasuc.

Oruh mempucr ke kuhlahs in kahlwem kac lah puhla in luhlalhfongi lalos ke Mwet Lahngo ac kapwack ke elos suk ke kolyuck luhn Nguhn ke lutlut lalos ke ma ke Wuhlweacng Sasuc ac ke elos wi mwe sramsram ke kuhlahs an. Kwacfelos in orekmakihn *Mwe Kol Nuhsin Mempucr ke Kuhlahs luhn Wuhlweacng Sasuc* ke elos lutlut ke ma suhmuhslah in ahkolah nuh ke kais sie kuhlahs.

**Nuhnak in Weacng
Mwe Luti**

Kuhfa inge kuh in weacng mwe nguhsr tahkihnyucklac ke lesin an. Kom ac ke orekmakihn sie nuhnak inge in sie ip ke lesin an.

1. Sifwilpac liye srihpac luhn Wuhlweacng Sasuc

Ngihstre mempucr ke kuhlahs in ikacslah nuh ke sra puk luhn koano ke Pwacpuhl ac sifil lutlut ke innen puk 27 ke Wuhlweacng Sasuc an.

Ahkkahlwemye lah Wuhlweacng Sasuc kihtakatwelihk nuh ke ip ahkosr (kom ac luhngse tahkuhnlah ma inge ke port an):

- a. Wosasuc (Mattu, Mark, Luk, ac Jon), suc ma sihmlac ac mwe loh ke moull luhn Jisus Kraist, fuhfahsryucsr, ac luti lal.
- b. Puk luhn Orekma, suc sie ahkuhtweyac ke orekma luhn Mwet Sap tukun misac ac Sifilpac Moulyak luhn Jisus Kraist. Puk se inge som yohk na nuh ke orekma lal Piter inmahsrlon mwet Jew ac orekma lal Paul inmahsrlon mwet Gentiles.
- c. Lwacta lal Paul ac kuhtuh pac mwet kol luhn Alu uh, sihmlac in luti ac ahkweye Mwet Luhlalhfongi ke pac lalos.
- d. Fwackyuck luhn Leum nuh sel Mwet Sap Jon ke fintuhka Patmos.

2. Petsac in liyeyuck

Fin *New Testament Video Presentations* (53914) oasr, kom ac oacyacpac luhngse oruh in liyeyuck “New Testament,” ip se oasr mihnit luo na kac.

3. “El ... suhpweyuckme in oruh mwe loh lal ke Kahlwem sac” (Jon 1:8)

Sang sie mempucr ke kuhlahs in riti Jon 1:6–8.

- Suc mwet se sruhmuhnyuck ke fuhs inge? (Jon Pacptais.) Meac fuhfahsryucsr lal? (Liye Jon 1:8.) Fuhkah kuht kuh, in oacna Jon, “oruh mwe loh ke Kahlwem sac”?

“Nguhnikh Kaksakihn Leum”

Lesin ahk

2

Luk 1; Mattu 1

Srihpac In kahrüh mēpucr ke kuhlahs in muhsahi in yohkwaclihkh luhlalhfongi ke Jisus Kraist ke sie mwe lutlut ke moul lal Elisabeth, Zacharias, Jon Pacptais, Mary, ac Joseph.

Ahkolah

- Rit, nuhkuh, ac pruhe ke ma suhmuhslah inge:
 - Luk 1:5–25, 57–80. Lupufacn Gabriel el sikyang nuh sel Zacharias ac fahk lah, in topuk pruhe lal, muhtwacn kiyac Zacharias, Elisabeth, el ac oswelah sie tuhlihk mukul. Tuhlihk mukul se inge, ac fah pahngpahng Jon, fah ahkoelah mwet uh nuh sin Leum. Zacharias el kihsensiyuckihn kahs lal Gabriel ac lut koflah in sramsram. Elisabeth el pihtuctuc ke matwac mahtuh lal, na Jon el isuslac. Zacharias el ahksasucye luhlalhfongi ke el palye fuh-fahsryucsr lal Jon.
 - Luk 1:26–56; Mattu 1:18–25. Lupufacn Gabriel el fahk nuh sel Mary lah el ac fah ninac kiacn Wen Nuhtin God. Mary ac kuhsin lal Elisabeth engan ke pweng ke tuhkuh luhn Mwet Lahngo. Joseph el etwacack lah Mary el ac fah oswelah Mwet Lahngo.
- Fin oasr petsac inge, orekmakihn ke pacl in lesin: Jon el Luti Yen Mwis (62132; Gospel Art Picture Kit 207) ac Pweng: Lupufacn Gabriel el sikyang nuh sel Mary (Gospel Art Picture Kit 241).
- Nguhsr nuh ke luti: Ke sie mwet luti ke kuh luhn Nguhn Muhtahl, kuh luhn Nguhn Muhtahl uslah nuh ke insiacn mwet uh (liye 2 Nephi 33:1). Puhlakihn orekma luhn Nguhn ahkfokokoye puhla in luhlalhfongi luhn mēpucr ke kuhlahs, luhngse lalos ke Leum ac nuh sin sie sin sie, ac kampare lalos in moul suwohswohs. Pruhe in kom motko ma kom kuh in oruh in suli Nguhn ke kais sie lesin. (Liye sra pwepuh v–vi ke puk in luti se inge.)

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac Fin wo, orekmakihn mukwikwi inge kuh sie sin ma lom sifacna an in sramtwack lesin an.

Siyuck sin mēpucr ke kuhlahs kihsensiyuck inge:

- Kom fin kuh in ohsun nuh sin oacna sie mwet ke Wuhlweacng Sasuc sahyac Jisus, suc kom luhngse ohsun nuh se? Efuh kom luhngse ohsun nuh sin mwet sacn?

Tukun kuhtuh sin mēpucr ke kuhlahs topuk kihsensiyuck an. Ahkkahlwemye lah kuht ac ahkfototo nuh sin mwet suwohswohs mweyen elos fahsr tukun Mwet Lahngo ac fahkwack kac. Ke kuht fototoeni nuh sin mwet inge, kuht oac-yacpac fototoeni nuh sin Jisus Kraist. Lesin se inge sramsramkihkh kais kuhtuh mwet suc srihkasrak suwohswohs lalos kuh in kahrē kuht fototo nuh sel.

Ke kom luti mwe rit ke ma suhmuhsalah inge, sramsramkihn lah ma inge orek-makihnyuck fuhkah nuh ke moul lwen nuhkwewa uh. Kwacfe mempucr ke kuhlahs in akacsruhi ke oruh lalos ma kuhpahsr nuh ke ma yohk luhn ma suhmuhsalah. Mweyen ac upac in siyuck kihsensiyuck nuhkwewa kuh ahkfalyelah ma yohk srihpac nuhkwewa ke lesin sacn, pruhe in kom sifacna in sulaclah ma ma ac kahsrub ahkfalyelah enenuh luhn mempucr ke kuhlahs.

1. Jon Pacptais el isuslac nuh sel Elisabeth ac Zacharias.

Sramsramkihn Luk 1:5–25, 57–80. Ngihstre mempucr ke kuhlahs in riti fuhs sol-lac an in yohk.

- Elisabeth ac Zacharias ahkuhtweyucki fuhkah ke ma suhmuhsalah? (Liye Luk 1:6–9.)
- Meac mwe inewowo Zacharias ac Elisabeth pruhe nuh kac? (Liye Luk 1:7, 13.) Pruhe se inge toplac fuhkah? (Liye Luk 1:11–13, 24–25. Ahkkahlwemye lah Zacharias ac Elisabeth pruhe ke lusen yac pucspucs tuh elos in ahkinsewowoyeyuck ke sie tuhlihk. Tuhsruhktuh, Pahpah Lucng el tiacna sang nuh selos mwe ahkinsewowo se inge nuh ke pacl fal in ahkpwacye srihpac lal.) Kuht ac sruokyac luhlalhfongi uh fuhkah ac sensenkihn mwe ahkkoluk ke pacl pruhe lasr uh sonna top nuh ke kena lasr uh fuhkah?
- Meac Gabriel el palye ke tuhkuh lal Jon in fuhfahsryucsr? (Liye Luk 1:14–17. Sruhwack petsac ke luti lal Jon yen mweysis, ac ahkfototoyelah palye lal Gabriel ke port an. Sramsramkihn lah meac kalmacn pahluh inge, ahkpwacyeyuck sel Jon fuhkah, ac kuht ac kuh in fahsr tukun srihkasrak lal Jon ke ma ingacn fuhkah.)
 - a. Jon el ac “furohklah [mwet pucspucs] nuh sin Leum God lalos” (Luk 1:16).
 - b. El ac “furohklah insiacn pahpah nuh sin tuhlihk” (Luk 1:17).
 - c. El ac “furohklah ... mwet lihkeke nuh ke lahlmwetmwet luhn mwet suwohs” (Luk 1:17).
 - d. El ac “oruh mwet in ahkolah nuh sin Leum” (Luk 1:17).

Ma in etweyuck: Jon Pacptais pa “mwet se ma sruok etweyuck emet ke Pristut lal Aaron emet me na” (Bible Dictionary, “John the Baptist,” 714). Kom ac luhngse sramsramkihn ke ma yohk ke fuhfahsryucsr lal Jon lah ac moulkihi-nyuck fuhkah sin mempucr ke kuhlahs suc sruok Pristut lal Aaron.

- Meac sikyak nuh sel Zacharias ke el suhlalhfongi kahs luhn lupufacn sac? (Liye Luk 1:18–20.) Mukwikwi lal Zacharias tukun isuslac lal Jon ahkkahlwemye ahksasucyeyacn luhlalhfongi lal fuhkah? (Liye Luk 1:59–63. El ac Elisabeth sang innen tuhlihk mukul nahtuhltahl Jon, ohinge, ahkos sap luhn God liki in ukwe facsin.)
- Ke Zacharias el palye ke tuhkuh in fuhfahsryucsr luhn tuhlihk mukul nahtuhl, el oacyacpac sramsramkihn iwacalah, molwelah, eslah ma koluk, pahkomuhta pwacye, ac kahlwem (Luk 1:68–79). Nuh sin suc el kapsra nuh se ke el sramsramkihn ma inge ah? (Jisus Kraist.) Ngihstre sie mempucr ke kuhlahs in riti Jon 1:6–9. Fahkwack lah in oacna Jon Pacptais, kuht enenuh in lohacng nuh ke orekma lasr in kahsrub kuhtuh pac in tuhkuh nuh yurin Kraist.
- Tukun Jon el isuslac, el kapkapwack ac “kuhi in nguhn” (Luk 1:80; akihlen lah ke fuhs se inge kalmacn kahs se inge kuhi uh pa in kapkapwack kuh fokokoi).

Efuh kom nuhnkuh muh Jon el enenuh in kuhi in nguhn in ahkpwacyei tuhkuh lal in fuhfahsryucsr? Meac kuht kuh in oruh in kuhi in nguhn uh?

2. Mary ac Joseph kahlwem kac lah Mary el ac fah ninac kiacn Wen Nuhtin God.

Riti ac sramsramkihn fuhs sollac ke Luk 1:26–56 ac Mattu 1:18–25. Sruhwack petsac ke Pweng se inge.

- Meac Mary el lotwelah sel lupufacn Gabriel? (Liye Luk 1:26–33.) Efuh kuh Mwet Lahngo el enenuh in wen nuhtin ninac in ikoac se ac Pahpah nguhn se?

In sramsram kacn Jisus Kraist, Elder Bruce R. McConkie el luti:

“God pa Pahpah Tuhmacl, sin Mwet Nguhn se suc ... el eis kuh luhn Moul Kawihl, suc kuh se in moukhihnyuck netok; kuh, sulaclah in misac, pa kuh in sifil moulyak ke nguhn, in moul netok tiac sifil misac....

“... Mary pa ninac kiyacn, sin ninac in ikoac se ... el eis kuh luhn ikoac suc pa kuh in misac....

“Ke srihpac se inge ... akuhlahihsu luhn kuh sin God ac ikoac in sie mwet, oruh Leum lasr el kuh in ahkfahsryelah ma upac ac kihsackuhnlah nuh ke moul ma pahtpaht. Mweyen God pa Pahpah tuhmwacl ac Mary pa ninac ki-acn, oasr kuh lal in moul kuh in misac, ke sulaclah lal, ac ke kihsackuhnlah moul lal, oasr kuh lal in sifil eis, ac na, ke sie ohiyac kuht tiac kuh in oruh, in sang nuh sin mwet nuhkwea moulyak tuh mwet nuhkwea in moulyak liki misac” (*The Promised Messiah* [1978], 470–71).

- Meac kuht kuh in luti kacn Mary ke sramsram lal nuh sin lupufacn sac ac nuh sel Elisabeth ah? (Liye Luk 1:26–38, 45–49; oacyacpac liye Alma 7:10. Ahkfototoyelah top luhn mempucr ke kuhlahs ke port an. Kom fin luti mwet fuhsr, kom ac ke ngihsre elos in nuhnkuh kacn Mary muh sie srihkasrak ke muhtwacn fuhsr na suwohswohs se.)
 - a. Mary el konwacack kuhlwaclng sin God (Luk 1:28, 30). Meac kalmac in konwacack kuhlwaclng sin God? Nuh ke kuhtuh pac meac kuhtuh mwet uh suk ke kuhlwaclng uh? Suk luhngse ke ma inge ac oruh upac in konwacack kuhlwaclng sin God uh fuhkah?
 - b. Mary el suwohswohs Leum lan weluhl (Luk 1:28). Meac kuht kuh in oruh in suwohswohs nuhke insewowo se inge?
 - c. Mary el mongfihsracsr ac fuhlwelwaclng nuh ke luhngse luhn Leum (Luk 1:38, 48). Efuh kuh yohk srihpac nuh sesr in sang nuh ke luhngse luhn Leum? Kuht ac mongfihsracsr ac fihlikuhtyang fuhkah?
 - d. Mary el enganwack ke Mwet Lahngo lal (Luk 1:47). Kuht ac enganwack ke Mwet Lahngo fuhkah?
- Efuh Elisabeth ac tuhlihk mukul nahtuhl suc soena isuslac enganwack ke Mary el tuhkuh in muhtwacta ah? (Liye Luk 1:39–44; oacyacpac liye Luk 1:15. Ahkkahlwemye lah sie orekma yohk luhn Nguhn Muhtahl pa in fahkwack ke Jisus Kraist.) Fin kuh, sruhmuhn ke Nguhn Muhtahl lah kaksre kom in oruh sie puhla in luhlalhfongi ke Jisus Kraist, ac ngihsre kuhtuh pac in oacyacpac oruh.
- Luhngse lal Joseph nuh sel Mary srihkeyuck fuhkah? (Liye Mattu 1:18.) Joseph el mukwikwi fuhkah ke el kahlwem kac lah oasr tuhlihk se insiacn Mary ac? (Liye Mattu 1:19. Ahkkahlwemye lah in fahsr ke ma sap, Joseph el kuh in lae-

nuhl Mary muh el kuhnaoslah akwuck luhn macruht ac usaclwack nuh ke nuhnunhkuh. Kain in nuhnunhkuh inge kuh in sikyak in som nuh ke misac. In tiac oruh ma se inge, el sulaclah in sisuhllah liki macruht laltahl.)

- Pahpah Lucng el kahrrel Joseph fuhkah in tiac nuhnkuh ma sikyak nuh sel Mary ac ahkolah nuh ke ma kunacl sifacna? (Liye Mattu 1:20–23.) Meac Joseph el oruh in topuk mwemwe se inge? (Liye Mattu 1:24–25.) Meac top se inge ac fahkwack ke ohiyacl uh?

Sahflah

Ngihstre sie mempucr ke kuhlals in riti Luk 1:46. Ahkkahlwemye lah ke fuhs se inge, kaks se *macknifae* uh luhmweyuck nuh ke oruh lal Mary in kaksakihn Leum ac kahrroh kuhtuh pac in akihlen wo lal.

- Srihkasrak lal Elisabeth, Zacharias, Jon Pacptais, Mary, ac Joseph kahrre kom in akihlen wo luhn Mwet Lahngo ac ahkkapye luhlalfongi lom kacl uh fuhkah? Kuht ac kahrroh kuhtuh pac ahkkapye luhlalfongi laltahl ke Jisus Kraist uh fuhkah?

Ahkkahlwemye srui lom ke srihkasrak suwohswohs lal Elisabeth, Zacharias, Jon Pacptais, Mary, ac Joseph. Fahkwack ke ma pwaye kom sruhmuhn an.

Nuhnak in Weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ip ke lesin an.

1. “Tuh kom fah etuh pwacye ke ma ingoh” (Luk 1:4)

- Luk el sruhmuhn puhla in luhlalfongi lal nuh sin sie mwet pahngpahng Theophilus (Luk 1:3). Meac srihpac lal Luk in sihmihns puhla in luhlalfongi lal? (Liye Luk 1:3–4. Ma in kahrrel Theophilus in etuh pwacye luhn ma suc luti-yuck tari.) Kom ac kuhi fuhkah ke kom lohng kuhtuh pac in fahkwack ke akwuck ma oacna sie ac ahkuhtweyac ke ma suhmuhlah ma etweyuck uh?

“Isuslac Nuh Suwohs ... Sie Mwet Lahngo”

Lesin ahk
3

Luk 2; Mattu 2

Srihpac

In kwacfe mempucr ke kuhlals in engan ke isuslac luhn Jisus Kraist ac ukwe srihkarak el akiyac ke pacl fuhsr lal, “[kapwack] in lahlmwetmwet ac in luh-mahl, ac in ohi yurin God ac mwet uh” (Luk 2:52).

Ahkolah

1. Rit, nuhnkuh, ac pruhe ke ma suhmuhslah inge:
 - a. Luk 2:1–7. Jisus Kraist el isuslac.
 - b. Luk 2:8–39. Lupufacn ac puhs pac mwet engan ke isuslac luhn Jisus.
 - c. Mattu 2. Mwet lahlmwetmwet yeir muhtwacta nuh yurin Jisus ac sang nuh sel mwe sang. Herod, el sensen ke isuslac luhn Tohkohsrah luhn Mwet Ju, sapkihn misac luhn tuhlihk nuhkwewa ma matwac yac luo ac fuhsr suc muhta Bethlehem ac acn nuhkwewa raunweack. Sie lupufacn luhn Leum kohlohl Joseph lacn kahinglac nuh Egypt weluhl Mary ac Jisus ac tok foh-lohk nuh Israel.
 - d. Luk 2:40–52. Kolyuck sin Pahpah, Jisus el kapkapwack ac ahkolah in mwet fuhsr lal nuhke orekma lal.
 2. Ma in weacng mwe rit: Joseph Smith Translation, Mattu 3:24–26; 1 Nephi 11:1–23; Helaman 14:1–8; 3 Nephi 1:4–21; 27:13–16; D&C 93:11–20.
 3. Fin kuhfa in orekma inge oasr, orekmakihn kuhtuh ke pacl in lesin an:
 - a. “Luke II,” sie ip ma mihnit ohnkohsr ke petsac in liyeyuck ke *New Testament Video Presentations* (53914).
 - b. Ke Pestsac No Room at the Inn (62115); The Birth of Jesus (62116; Gospel Art Picture Kit 200); The Nativity (62495; Gospel Art Picture Kit 201); The Announcement of Christ’s Birth to the Shepherds (62117; Gospel Art Picture Kit 202); The Wise Men (62120; Gospel Art Picture Kit 203); Flight into Egypt (62119; Gospel Art Picture Kit 204); Boy Jesus in the Temple (62500; Gospel Art Picture Kit 205); Childhood of Jesus Christ (62124; Gospel Art Picture Kit 206); ac Jesus and His Mother (Gospel Art Picture Kit 242).
 4. Mwe nguhsr nuh ke luti: Orekmakihn petsac fal ac petsac in liyeyuck in use Nguhn, orekmakihn kain in ma nuh ke lesin an, ac kahsrh mempucr ke kuhlals in esam ahkuhtwewyac ke ma suhmuhslah elos sramsramkihn ac.
-

Mwe Nguhsr Nuh Ke Ahkyohkyeyacn Lesin

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Likiyac inen mwet inge ke port an: *sie mwet liyacacng sip, Simeon, sie mwet lahlmwetmwet yeir, Herod, sie mwet ke iwen mwet fahsr, Anna, sie lupufacn, Mary.*

Riti top nuh ke isuslac luhn Jisus Kraist inge. Siyuck mempucr ke kulahs in liki-yac top pwacye nuh ke inen mwet ma pwacye an:

1. Nga fuhfahsryucsr ke acn loeloes in konwacack, sang mwe sang nuh sel, ac alu nuh sel. (Sie mwet lahlmwetmwet yeir; Mattu 2:1–2, 9–11.)
2. Nga tiac ahkolah rum nuh sel. (Sie mwet ke sie iwen mwet fahsr; Luk 2:7.)
3. In eis sie mwe loh sin Nguhn Muhtahl, Nga eis tuhlihk fuhsr nuh in pouk ac etuh lah nga kuh in misac ke mihs. (Simeon; Luk 2:25–32.)
4. Nga fahk, “Wolacna nuh sin God in fuhlwact liki nuhkwea, ac mihsac fin facluh, inmasrlon mwet suc el in sewowo kaclos.” (Sie lupufacn; Luk 2:13–14.)
5. Nga suhlahklahk som in liyacl. (Sie mwet liyacacng sip; Luk 2:15–16.)
6. Nga kasrkuhsrak ac srihke in unilyac. (Herod; Mattu 2:3–4, 16.)
7. Tukun liyacl lun tempuhl, Nga ahkkahlwemye engan ac usaclihk pweng ke isuslac lal. (Anna; Luk 2:36–38.)
8. Nga nuhnkuh ke ohiyac sac ke insiyuck. (Mary; Luk 2:19.)

Siyuck mempucr ke kuhlals in nuhnak ke kihsensiyuck inge ke lesin an:

- Oacna fuhkah nuhnak lom ke isuslac luhn Mwet Lahngo? Oacna fuhkah nuhnak lom ke moul, misac, iwaclah, ac sifilpac moulyak lal?

Mwe Sramsram
ke ma Suhmuhsalah
ac Moulkihnyac

Ke kom luti mwe rit ke ma suhmuhsalah inge, kahsrh mempucr ke kuhlals in etuh lah efuh kuht enenuh in engan ke isuslac luhn Mwet Lahngo. Sramsram ke kuhtuh ohiyac enenuh in ukweyuck ke srihkasrak el muhsaheack ke mwet fuhsr lal.

1. Jisus Kraist el isuslac.

Riti ac sramsramkihn Luk 2:1–7. Sruhwack kuhtuh petsac likiucki ke ip luhn “Ahkolah an.”

- Oasr wolacna luhn Jisus wi Pahpah Lucng “met liki muhtwacwacyacn facluh” (Jon 17:5). El oraclah kuhsrao ac facluh (Mosaiah 3:8). El Jeovah, ahkkahlwemye ma sap ac ma pwacye ke wosasuc nuh sin mwet pahluh ke Wuhlweacng Mahtuh (3 Nephi 15:2–5). Efuh kuh Jisus el tuhkuh nuh facluh? (Liye 3 Nephi 27:13–16.)
- Meac kuhtuh ohiyac sikyak ke isuslac luhn Jisus? (Liye Luk 2:7.) Ma sikyak inge ahkkahlwemyeyuck fuhkah met ke orekma lal fin facluh ac kihsackuhn-lah lal ah? Ohiyac fuhkah mwet mihsenge uh sruhnga in oraclah rum luhn Mwet Lahngo nuh ke moul laltahl sifacna uh? Meac kuht kuh in oruh in orac-lah rum lal ke moul lasr uh?

2. Lupufacn ac puhs pac mwet engan ke isuslac luhn Jisus.

Sramsramkihn Luk 2:8–39. Ngihstre mempucr ke kuhlals in riti fuhs sollac an in yohk. Sruhwack kuhtuh petsac likiucki ke ip luhn “Ahkolah” an.

Kom fin ac orekmakihn petsac in liyeyuck ke “Luke II,” oruh ingena.

- Meac lupufacn ah fahk ke elos sulkackihn isuslac luhn Mwet Lahngo ah? (Liye Luk 2:13–14.) Jisus el fahkwack wolacna luhn Pahpah fuhkah? El use mihsac

ac engan nuh sin mwet nuhkwewa ac nuh sum sifacna fuhkah? Kuht ac ahkahlwemye srui lasr nuh sin God ke mwe sang ke wen nahtuhl fuhkah?

- Meac mwet liyacacng sip ac oruh tukun elos liye Mwet Lahngo suc isuslac ah? (Liye Luk 2:17–18.) Meac kuht kuh in oruh in ukwe srihkasrak lalos ah? Ngihsre mempucr ke kuhlals in nuhnkuh ke sie mwet suc elos kuh in akacsruhi nuh se puhla in luhlalfongi lalos ke Mwet Lahngo uh.
- Meac Mary el oruh tukun isuslac luhn Jisus ac muhtwacta luhn mwet liyacacng sip ac? (Liye Luk 2:19.) Meac ma se inge fahkwack kac! Mary? Efuh yohk srihpac in sislah pacl in engankihn ac nuhnkuh ke oruh muhtahl uh?
- Simeon ac Anna ahkoo in liye tuhlihk Jisus fuhkah? (Liye Luk 2:25–26, 37.) Elos fuhkah ke elos liyacl ah? (Liye Luk 2:27–35, 38.) Meac kuht kuh in luti ke Mwet Lahngo ke palye lalos?

3. Mwet Lahlmwetmwet tuhkuh in alu nuh sin tuhlihk fuhsr Jisus. Herod el suk in unilyac.

Riti ac sramsramkihn fuhs sollac ke Mattu 2 an. Sruhwack kuhtuh petsac likiyucki ke ip luhn “Ahkollah” an.

- Efuh kuh “mwet lahlmwetmwet yeir” suk Jisus? (Liye Mattu 2:1–2.) Meac elos oruh ke elos konwacwack ah? (Liye Mattu 2:11. Akihlen lah ke elos sun Jisus ah, el sie “tuhlihk fuhsr,” tiac tuhlihk tuhfhahna isuslac se.) Mwe sang fuhkah kuht kuh in sang nuh sin Leum uh?
- Efuh Herod el kena konwacwack Jisus? (Liye Mattu 2:3–6, 13. El kasrkuhsrak, ac el kena unilyac Jisus.) Efuh kuh isuslac luhn Jisus Kraist ahkolukyack tohkohsrah? (Liye Mattu 2:2, 6. Nuh ke ma palyeyuck uh, Jisus el ac fah kol acn Israel.)
- Jisus el loangweyucklac luhkwel Herod fuhkah? (Liye Mattu 2:13–15.) Joseph el etuh pacl in fohlohk liki acn Egypt fuhkah? (Liye Mattu 2:19–23.) Efuh kom nuhnkuh muh Joseph el kuh in eis kolyuck se inge sin God? Meac Pahpah ac ninac mihsenge uh kuh in oruh in eis fwackyuck ke sucu laltahl uh? God el kahsre kom ke kom suk kolyuck nuh ke sucu lom an fuhkah?

4. Kolyuck sin Pahpah, Jisus el ahkoellah ke pacl in fuhsr lal nuh ke orekma lal.

Riti ac sramsramkihn Luk 2:40–52. Sruhwack kuhtuh petsac likiyucki ke ip luhn “Ahkollah” an. Ahkuhtweyac lah yac nuhkwewa Joseph ac Mary ac kuhtuh pac mwet luhlalfongi Ju ahkfuhlwactye Kuhfwen Ahluhkwelah fin acn Jerusalem. Ke facsin pacl sac ah, Jisus el weluhltahl ke el sun yac 12 ah (Luk 2:41–42).

- Tukun ahkfuhlwactyeyacn kuhfwen Ahluhkwelah fin acn Jerusalem, Mary ac Joseph muhtwacwacack fahsr lalos in fohlohk nuh Nazareth ke elos akihlacnwack lah Jisus suc yac 12 el tiac weluhllos (Luk 2:43–45). Oyac elos konwacwack we ah? (Liye Luk 2:46.) Fin pahpah ac ninac kiom kuh kuhtwepacna mwet luhngse kom tiac etuh lah kom oasr oyac, elos kuh in luhlalfongi muh kom oruh ma wo ma ac ahkenganye Pahpah Lucng?
- Joseph Smith Translation ke Luk 2:46 fahk lah mwet lun tempuhl ah “lohngohl [Jisus], ac siyuck kihsensiyuck sel.” Meac ma se inge ahkahlwemye ke mwet fuhsr ac ahkpah luhn Jisus?

- Ke Mary ac Joseph konwacwack Jisus, Mary el fahk, “Pahpah tomom ac nga suk kom pahkomotom” (Luk 2:48). Suc el fahk muh “pahpah tomom ah?” (Joseph.) Jisus el topuk fuhkah elyah lal Mary ac? (Liye Luk 2:49.) Suc Jisus el luhma nuh kac muh “orekma luhn Pahpah tuhmuhk”? (Pahpah Lucng.) Meac ma se inge ahkkahlwemye nuh sesr ke kahlwem lal mwet fuhsr Jisus ke akmuhsralah lal met liki na tuhkuh lal in fuhfahsryucsr uh?
- Ke el sie mwet fuhsr, Jisus el oruh fuhkah nuh sel Mary ac Joseph? (Liye Luk 2:51. El ne Wen Nuhtin God, el esacwacng nuh sin ninac kiyac ac nuh sel Joseph.) Meac kuht kuh in lotwelah ke srihkasrak se inge?
- Ke el mwet fuhsr se, Jisus El “kapwack in lahlmwetmwet ac in luhmahl, ac ohi yurin God ac mwet uh” (Luk 2:52). Ke kuhtuh pac kahs, el kapkapwack in nuhnak, in mahno, in nguhn, ac inmahsrlon mukwikwi uh. Meac kuhtuh ma kuht kuh in oruh in kapkapwack in nuhnak, mahno, nguhn, ac mukwikwi uh?
- Ahkuhtweyac lah ke ahkolah lal in Mwet Lahngo lasr, Jisus el tiac eis kahlwem nuhkewewa, kuh, lahlmwetmwet, ac wolacna pac se fanna. El eis ma inge ke kuhlwapng nuhke kuhlwapng, kuhtuhsrihk ke pac (liye D&C 93:11–17). Ma pwacye se inge ac orekmakihnyuck fuhkah nuh sesr? (Liye D&C 93:18–20.)

Sahflah

Fahkwack ke ma pwacye kom sruhmuhn ke lesin se inge. Kwacfe mempucr ke kuhlahs in engan ke isuslac luhn Mwet Lahngo ac ukwe srihkasrak el akiyac ke mwet fuhsr lal.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ip ke lesin an.

1. “Tuhsruhk Mary el karuhnganwapng ma inge kwewa, ac nuhnkuh ke insiac” (Luk 2:19)

Ke kom sramsramkihn muhtahliyacn top lal Mary ke isuslac luhn Jisus, ngihstre sie ninac an in sruhmuhn ke puhla lal tukun sie sin tuhlihk nahtuhl isuslac uh.

2. Mukwikwi luhn Mwet Fuhsr

Sulaclah limekohsr mwe rit yohk srihpac ke ma suhmuhslah ke lesin an, ac oruh mempucr ke kuhlahs in kahlwem ke koanon kais sie mwe rit. Na sap mempucr ke kuhlahs in kaliyac Pwacpuhl nahtuhlos. Sang kahs in ahkuhtweyac ma ac oruh mempucr ke kuhlahs in etuh ke mwe rit ke ma suhmuhslah ma kom sram-sram kac tari an, oracni kahs in muh wacngihn fohs nuh ke mwe rit an. (Fin pa, kom kuh in fahk, “Fuhs se inge nacack kahs luhn lupufacn in kaksakihn God ke Jisus el isuslac ah.” Top se fanna nuh kac uh pa Luk 2:14.) Tukun kom riti kahs in ahkuhtweyac se uh, sap mempucr ke kuhlahs in ikacslah Pwacpuhl nahtuhlos an ac suk mwe rit pwacye sacn. Orekmakihn sritacl se inge in sie ohiyac in etwaclah ke mwe rit liki na in akuhtuhn kuh saikeng kac. Nimet sislah pac yohk nuh kac.

“Ahkoelah Inkacnek luhn Leum”

Lesin ahk

4

Mattu 3–4; Jon 1:35–51

Srihpac In kwacfe mempucr ke kuhlals in fototo nuh sin Mwet Lahngo in auliyak ke ma koluk lalos, karihngihn olwelah ke pacptais lalos, ac lain mwe sruhf.


Ahkolah

- Rit, nuhnkuh, ac pruhe ke ma suhmuhslah inge:
Mattu 3:1–12. Jon Pacptais el luti ke auliyak ac pacptais, ahkolah inkacnek luhn Leum Jisus Kraist.
Mattu 3:13–17. Jisus el pacptaislac sel Jon Pacptais.
Mattu 4:1–11. Jisus el lain mwe sruhf lal Setuhn yen mwesis.
Jon 1:35–51. Kuhtuh sin mwet lutlut lal Jon Pacptais ac sulaclah in ukwe Jisus.
- Ma in weacng mwe rit: Mark 1:1–13; Luk 3:1–22; 4:1–14; Jon 1:19–34; 2:1–25; 2 Nephi 31.
- Fin oasr petsac inge, orekmakihn ke pacl in lesin an: Jon el Luti Yen Mwesis (62132; Gospel Art Picture Kit 207) ac Jon Pacptais el Pacptaisel Jisus (62133; Gospel Art Picture Kit 208).
- Mwe nguhsr nuh ke luti: Orekmakihn pacl luhn kuhlals an in wo. Plwacni ma kom ac sramsramkihn an ac luhpah ma kom ac sislah ke kais sie ip ke lesin an, tuhsruhk sang Nguhn in kol kom. Nimet ahksahfye sie mwe sramsram wowo mwenna kom ke lesin sacn in sa sahflah. Yohk srihpac mempucr ke kuhlals in lutlut ac puhla Nguhn liki na koanon lesin sacn in ahksahfyeyucklac.

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac Fin wo, orekmakihn mukwikwi inge kuh sie sin ma lom sifacna an in sramtweack lesin an.

Suhmuhslah ma inge ke port an, ac siyuck sin mempucr ke kuhlals fin elos etuh lah meac fahk uh:



Ahkkahlwemye lah kahs Hebru se pa *Messiah*, kalmac pa akmuhsralah. Mwet Ju sano ke puhlan pacl na loeloes se nuh ke tuhkuh luhn Messiah, suc, in oacna ke pahluh uh, el akmuhsraiuyucklac in Tohkohsrah ac Mwet in Kohlohloslac se. Kahs Greek se nuh ke *Messiah* pa *Kraist*. Jisus Kraist pa Messiah se suc sanweyuck ah, ac Jon Pacptais pa mwet pahluh se suhpweyuck me in ahkoelah inkacnek lal.

Mwe Sramsram
ke ma Suhmuhsalah
ac Moulkihnyac

Sramsramkihn lah luti ke mwe rit ke ma suhmuhsalah inge kuh in kahsre kuht in fototo nuh sin Mwet Lahngo. Mweyen ac upac in siyuck kihsensiyuck nuhkwe-wa kuh in ahkfalyelah ma yohk nuhkwe-wa ke lesin an, ke pruhe sulaclah ma ac ahkfalyelah enenuh luhn mempucr ke kuhlals an.

1. Jon Pacptais el ahkolah inkacnek luhn Leum Jisus Kraist.

Riti ac sramsramkihn Mattu 3:1–12. Sruhwack petsac ke luti lal Jon, ac akacsruhi ke mwe fahkwack ma oasr kac ke kahs lom sifacna:

Ke pacl loeloes met liki isuslac lal Jon, mwet pahluh etuh ke orekma lal ac fahkwack ke etweyuck lal in sie suc ahkolah inkacnek luhn Messiah (Isaia 40:3; 1 Nephi 10:7–10). In ahkolah nuh ke orekma lal Jon, lupufacn Gabriel el fahkwack ke isuslac lal Jon (Luk 1:13–19), Zacharias el palye ke lwen se ituckyang inel Jon ac kohsrkohsrlah (Luk 1:67–79), ac sie lupufacn ahkmuhstraallah Jon suc lwen alkosr nuh ke kuhlwasnsap (D&C 84:27–28). Fahk se ke pwengpwengiyac Jon tuhkuh sin Mwet Lahngo sifacna, suc fahk, “Inmahsrlon elos suc isuslac sin muhtwacn uh wacngihn sie mwet pahluh pwenpweng oacna Jon Pacptais” (Luk 7:28).

Jon el isuslac mahlwem ohnkoehr met liki Jisus. Tiac paht tukun isuslac luhn Jisus, Herod, el kasrkuhsrak ke pweng se ma muh sie tohkohsrah sasuc luhn mwet Ju el isuslac, “uniyac tuhlihk nuhkwe-wa ma oasr Bethlehem, ac ke sisen weacn sac, matwac yac luo ac srihk liki” (Mattu 2:16). In kosracllah Jisus, sie lupufacn sikiyang nuh sel Joseph ke sie mwemwe ac fahk nuh sel in eis Jisus ac Mary nuh Egypt (Mattu 2:13–15). In kosracllah Jon, “Zacharias el oruh [Elisabeth] lacn usacl nuh finohl ah, yen el fah tuhfweyucklac ke lokuhs ac uhni” (*Teachings of the Prophet Joseph Smith*, sel. Joseph Fielding Smith [1976], 261). Jon el muhtwacwacack orekma lal yac pucspucs tok, luti se emet yen mwesis ac tok Jerusalem ac “acn nuhkwe-wa raunweack Jordon” (Mattu 3:5).

- Meac tuhkuh in fuhfahsryucsr se lal Jon Pacptais ac? (Liye Luk 1:76–79; 3:3–4.) Efuh kom nuhkuh muh yohk srihpac tuh sie mwet in ahkolah inkacnek luhn Leum?
- Meac mwe fahkwack Jon el luti in ahkolah mwet nuh ke tuhkuh luhn Mwet Lahngo? (Liye Mattu 3:1–2.) Meac kalmac in auliyak? (Mempucr ke kuhlals in sramsramkihn top nuh ke kihsensiyuck se inge, likiyac ke port an kuhtuh ohiyac ke auliyak ma ahkkahlwemyeyuck ten an. Kom ac ke ngihstre mempucr ke kuhlals in riti ma suhmuhsalah inge.)
 - a. Ahsor fal nuh sin God ke ma koluk (2 Mwet Korint 7:9–10).
 - b. Fahkwack ac forlah liki ma koluk (D&C 58:42–43).
 - c. Ahksuwohsyelah, fin kuh, nuh ke ma tahfonglac (Luk 19:8).
 - d. Ahkos ma sap (D&C 1:31–32).
 - e. Ngwet nuh sin Leum ac kuhlwasnsuhpwac (Mosiah 7:33).

- Auliyak uh kaksre kuht fuhkah in ahkolah in wi Pahpah Lucng ac Jisus Kraist muhta? (Liye 3 Nephi 27:19.) Auliyak uh kaksre kuht in fototo nuh seltahl ke kais sie lwen fuhkah?
- Mwet Pharisee ac Sadducee mwet loh ke pacptais orek sel Jon tuhsruhk sulac-lah in tiac pacptaislac (Mattu 3:7; Luk 7:29–30). Jon el laenuhlos, kwacfelos in auliyak ac use *fahko* nuh ke auliyak (liye Joseph Smith Translation, Mattu 3:35; akihlen lah kaks se fahko uh luhmweyuck nuh ke ma sikyak wo uh na lah kaks se sun uh kalmac pa suwohs kuh fal). Meac fahko luhn auliyak uh? (Liye Moroni 8:25–26.)
- Jon el pacptais “ke kof nuh ke auliyak” ac olwelah muh Jisus el ac pacptais “ke Nguhn Muhtahl, ac ke e” (Mattu 3:11). Meac kalmac in pacptaislac “ke Nguhn Muhtahl, ac ke e”? Kuht pacptaislac ke Nguhn Muhtahl ac ke e ke kuht eis mwe sang luhn Nguhn Muhtahl ke fihliyak paho fin sifac (D&C 20:41). “Mwe sang luhn Nguhn Muhtahl pa enenuh in oasr, ke pacl se mwet se suwohs uh, oasr luhn Nguhn Muhtahl.... Ac orekma sruhluhkihn mwet in ahknwacsnwacs se in ahknwacsnwacsye sie mwet ac ahkmuhtahyacl liki ma koluk nuhkwea. Ohinge kwac sruhmuhnyuck ‘muh e’ ” (Bible Dictionary, “Holy Ghost,” 704).

2. Jisus el pacptaislac sel Jon Pacptais.

Riti ac sramsramkihn Mattu 3:13–17. Sruhwack petsac lal Jon ke el pacptaisi Jisus ah.

- Efuh Jon el tahfuh luo in pacptaisi Jisus? (Liye Mattu 3:14.) Efuh Jisus el enenuh in pacptaislac? (Liye Mattu 3:15; 2 Nephi 31:6–7, 9–11.) Efuh kuht enenuh in pacptaislac? (Liye 2 Nephi 31:5, 12–13, 17–18; D&C 20:71; 49:13–14.)
- Meac olwelah kuht oraclah ke kuht pacptaislac ah? (Liye D&C 20:37.) Olwelah inge ac enenuh in kaksruh mukwikwi lasr ke lwen nuhkwea uh fuhkah? (Liye Mosiah 18:8–10.)

3. Jisus el lain mwe sruhf lal Setuhn yen mwesis.

Riti ac sramsramkihn Mattu 4:1–11 (oacyacpac liye futnot nuh ke Mattu 4:1–2, 5–6, 8–9, ac 11, suc nacnwack fuhs ke Joseph Smith Translation inge).

- Tiac paht tukun Jisus el pacptaislac, Nguhn kohluhllah nuh yen mwesis in weluhl God (Joseph Smith Translation, Mattu 4:1). Kom nuhkuh muh ohiyac se inge ahkoelah Jisus fuhkah in lain mwe sruhf lal Setuhn uh? Lalo, pruhe ac in “kolyuck ... ke Nguhn” kihlihskuhtyak in lain mwe sruhf fuhkah?
- Meac Setuhn el kena srihke in oruh ke el srihfac Jisus, suc lalo, in ekuhllah yot nuh ke pret ah? (Liye Mattu 4:2–3. El srihke in oruh kena uh in yohk ke ma luhn ikoac.) Setuhn el srihfe kuht fuhkah in muhnahs ke ma luhn ikoac uh? Kuht ac akihlen ac sensenkihn mwe sruhf inge fuhkah?
- Setuhn el oruh kuht in inefuhlwact ke el srihfac Jisus lacn ahtulac nuh ten liki acn fuhlwact ac ahkkahlwemye lah oasr kuh in el in langweyucklac sin lupufacn (Mattu 4:5–6). Setuhn el srihke in oruh inefuhlwact lasr uh fuhkah? Kuht ac akihlen ac tu kuh ke mwe sruhf uh fuhkah in kosraclah inefuhlwact uh?
- Meac Setuhn el ac sang fin Jisus El alu nuh sel? (Liye Mattu 4:8–9.) Setuhn el srihfe kuht fuhkah ke mwe kaksruh ac kuh luhn facluh uh? Kuht ac akihlen ac sensenkihn mwe sruhf inge fuhkah? (Liye Mattu 4:10.)

- Meac stuhuh ke mwe sang luhn Setuhn in sang nuh sin Jisus tohkohsrahi luhn facluh uh? (Liye D&C 104:14.) Meac kuhtuh mwe sang stuhuh Setuhn el oruh mihsenge in pwen kuht nuh ke ma koluk uh?
- Jisus el topuk kais sie mwe sruhf lal Setuhn in orekmakihn fahk ke ma suhmuhslah (Mattu 4:3–4, 6–7, 8–10). Ma suhmuhslah use nuh sesr kuh in lain mwe sruhf fuhkah? (Liye Helaman 3:29–30.)
- Setuhn el siyuck pacl luo sel Jisus lah el, Wen Nuhtin God (Mattu 4:3, 6). Efuh kom nuhnkuh muh Setuhn el siyuck kihsensiyuck se inge? El siyuck kihsensiyuck se inge fin facluh mihsenge fuhkah? Ke kuht sun mwe sruhf uh ac kahsre kuht fuhkah in etuh lah kuht tuhlihk nuhtin God? (Liye Moses 1:12–22.)
- Ac kahsre kuht fuhkah in etuh lah Jisus, Wen Nuhtin God, el sun mwe sruhf oacna ma kuht sun uh? (Ke mempucr ke kuhlals sramsramkihn kihsensiyuck se inge, kom ac ke sap elos in riti Mwet Hibu 4:14–15.)

Elder Joseph B. Wirthlin el fahk: “Leum el arulacna etuh ke moul in ikoac lasr fin facluh uh. El etuh muhnahs lasr uh. El etuh mwe kuhtangyuck lasr ke moul lasr ke lwen nuhkewewa. Oasr sruhnga yohk lal nuh ke mwe sruhf ac luhngse luhn facluh uh” (ke Conference Report, Apr. 1996, 46; kuh *Ensign*, May 1996, 34).

4. Kuhtuh sin mwet lutlut lal Jon Pacptais ac sulaclah in ukwe Jisus.

Riti ac sramsramkihn fuhs sollac ke Jon 1:35–51 inge.

- Ke Jisus el muhtwacwacack kuhlwasnsap lal fin facluh ah, meac Jon Pacptais el kwacfe mwet tuhma lutlut lal in oruh? (Liye Jon 1:35–37.) Ke Jisus el liye luo sin mwet lutlut lal Jon Pacptais ac ukwacl ah, meac el oruh? (Liye Jon 1:38–39.)
- Ke Andrew el lohng ac akihlen Mwet Lahngo ah, meac el oruh? (Liye Jon 1:40–42.) Tukun el eis sie mwe loh lah Jisus pa Messiah, Philip el kahsruh tahfuh luo lal Nathanael ah fuhkah? (Liye Jon 1:43–46.) Meac kuht kuh in oruh in suli kuhtuh pac in “fahsruh ac liye” Mwet Lahngo uh?

Sahflah

Fahkwack lah solsol in “fahsruh ac liye” Mwet Lahngo fahsrelihk nuh sin kais sie sesr. Ahkkahlwemye lah kuht kuh in ahokkuhnlah nguhsr sac in auliyak, pacptaislac, karihngihn olwelah ke pacptais lasr, ac lain mwe sruhf.

Nuhnak in Weacng Mwe Luti

Kuhfa inge kuh in weacng mwe nguhsr tahkihnyucklac ke lesin an. Kom ac ke orekmakihn sie nuhnak inge in ip ke lesin an.

1. Mwe nuhnak ke pacptais luhn Mwet Lahngo

Sifwil pac lutlut ke Mattu 3:16–17.

- Ohiyac se ke pacptais luhn Mwet Lahngo ahkkahlwemye fuhkah lah pacptais uh enenuh in orek ke tili otyak? (Liye Mattu 3:16; oacyacpac liye Jon 3:23; Mwet Rom 6:3–6; 3 Nephi 11:23–26; Bible Dictionary, “Baptism,” 618, suc ahkkahlwemye lah kahs se *pacptais* uh “ma ke kahs Greek se pa in *isongyac* kuh *tilmackihnyac*.”)

- Meac Jon el liye tukun el pacptaisellah Jisus ah? (Liye Mattu 3:16.) Luhnsuc puhsra se el lohng ah? (Liye Mattu 3:17.) Meac ohiyac se ke pacptais luhn Mwet Lahngo ah luti ke sifac luhn God ah? (Pahpah Lucng, Jisus Kraist, ac Nguhn Muhtahl elos ma tolu.)

2. Jisus el ahkkahlwemye ahkfuhlwact ac luhngse nuh sin ninac kiyacl

Ahkkahlwemye lah tukun Jisus el pacptaislac, el ac mwet tuhma lutlut lal wi sie kuhfwen macruht fin acn Cana (Jon 2:1–11). Ke ninac kiyacl ah lfahk nuh sel lah wacngihn wain nuh ke kuhfa sac ah, el siyuck sel lah meac el luhngse ellacn oruh nuh sel ac fahk lah elac fah oruh (liye Joseph Smith Translation, Jon 2:4).

- Meac kaks luhn Jisus nuh sin ninac kiyacl ahkkahlwemye ke puhla lal nuh sel? Meac el oruh in kaksrel? (Liye Jon 2:6–11. Ahkkahlwemye lah pa inge mwenmwen se emet luhn Jisus sihmlac ke Wuhlweacng Sasuc.)

3. Jisus el ahkkahlwemye muhtahl uh ke el ahknwacsnwacsye tempuhl

Sang mempucr ke kuhlahs in riti Jon 2:13–17, suc nwacnwack sie sramsram ke Jisus ke el konwacack mwet kuhka ac mwet ayaol mani ahkfohkfohkye tempuhl. Fin petsac se ke Jisus el ahknwacsnwacsye Tempuhl (62163; Gospel Art Picture Kit 224) oasr, sruhwack. Ahkkahlwemye lah Jisus el ahkkahlwemye ahkfuhlwact ac muhtahl ke el “luhsuhtahllah kwewa liki tempuhl,... ac okwaclah mani luhn mwet ayaol mani, ac ikorinyac tepuh” (Jon 2:15). Ahkkahlwemye lah ahkmuh-tahl nuh sin Pahpah Lucng yohk liki na in muhta mihs lac lun lohm Alu ac. Kuht enenuh in oruh mukwikwi lasr lah kuht luhngse el ac lah kuht akikhen kuh lal.

Srihpac

In kahsrubh mempucr ke kuhlahs in eis moul ma pahtpaht, kuht enenuh in “sifwil pac isuslac” ac tahfwelah in ukwe Jisus Kraist.

Ahkolah


1. Rit, nuhnkuh, ac pruhe ke ma suhmuhslah inge:
 - a. Jon 3:1–22. Jisus el lotwel Nicodemus lah mwet nuhkwea enenuh in isuslac ke kof ac Nguhn in ilyak nuh ke tohkohsrahi luhn God. Jisus el luti lah el muhkwen pa Wen Kuloh Nuhtin God, suhpweyuckme in molwelah mwet uh.
 - b. Jon 4:1–42. Jisus el luti muhtwacn Samaria se ke luhf in kof lal Jacob. Mwet Samaria pucspucs forlah.
2. Ma in weacng mwe rit: Topical Guide, “Living Water,” 294.
3. Kom fin ac orekmakihn mukwikwi ahkoeyucklac an, use nuh ke kuhlahs:
 - a. Soko sahk fokoko kwac sroksrokihnyuck ac soko sahk ma ul atac suhkwa sroksrokihnyuck an (kuh sruhlwacrah ke port an soko sahk fokoko ac soko sahk mas an, oacna ke ahkkahlwemyeyuck ke mukwikwi ahkoeyucklac an).
 - b. Sie mwe nenyuck kof nwacnwacrah ke kof an.
4. Fin ma inge oasr, orekmakihn kuhtuh ke lesin an:
 - a. Petsac se ke Muhtwacn se ke Luhf in Kof sac (62169; Gospel Art Picture Kit 217).
 - b. “Muhtwacn se ke Luhf in Kof se,” ip se ma mihnit alkohsr ke *New Testament Petsac in liyeyuck* (53914).
 - c. Macp se ke acn Palestine in pac luhn Wuhlweacng Sasuc uh.
5. Mwe nguhsr nuh ke luti: “Finsrak yohk se nuh ke luti ke Alu uh pa in kahsrubh use eklac ma yohk srihpac nuh ke moul luhn mwet uh. Ma in ahkkweye kais sie in nuhnkuh, puhla, ac oruh ma se ke pwacye ac ma yohk ke wosasuc” (Rex A. Skidmore, itucklac ke *Teaching—No Greater Call*, 83; oacyacpac liye 84).

**Mwe Nguhsr Nuh
Ke Ahkyohkyeyacn
Lesin**

**Mukwikwi
Ahkoeyucklac**

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Sruhwack soko sahk fokoko an ac soko sahk ul an (liye ip luhn “Ahkolah” sacn), kuh srolwacrah ke port an oacna ke an ke sra pwepuh se tohkoh an. Oacyacpac sruhwack mwe nenyuck kof sacn.



- Meac sikyak nuh sin soko sahk fin tiac eis kof? Meac sikyak nuh sesr fin kuht tiac eis kof?

Ahkkahlwemye lah oacna ke kuht misac in ikoac uh fin kuht tiac eis kof, kuht ac misac in nguhn kuht fin tiac eis kof in mou. Lesin se inge sruhmuhn ke luti luhn Jisus ke sifwil isuslac ke kof ac Nguhn ac ke kof in mou suc el use uh.

Mwe Sramsram
ke ma Suhmuhsalah
ac Moulkihnyac

Ke kom luti mwe rit ke ma suhmuhsalah inge, sramsramkihn lah ma inge kuh-pahsr nuh ke mou lasr uh fuhkah. Kwacfe mempucr ke kuhlahs in akacsruhi ke ma elos puhlakihn ma kuhpahsr nuh ke ma yohk ke ma suhmuhsalah uh.

1. Jisus el lotwel Nikodimus lah mwet nuhkwea enenuh in isuslac ke kof ac Nguhn in ilyak nuh ke tohkohsrahi luhn God.

Sramsramkihn Jon 3:1–22. Ngihstre mempucr ke kuhlahs in riti fuhs sollac an in yohk. Ahkkahlwemye lah Nikodimus el sie mwet kol ke acn sin mwet Ju. El tuhkuh nuh yurin Jisus etuh lah Jisus el “sie mwet luti tuhkuh sin God me” (Jon 3:2).

- Meac Jisus el luti nuh sel Nikodimus muh el enenuh in oruh in ilyak nuh ke tohkohsrahi luhn God? (Liye Jon 3:5.) Meac kalmac in “isuslac ke kof”? (Jon 3:5; in pacptaislac). Pacptais uh sie akucl fuhkah nuh ke sifwil isuslac uh? (Tili nuh ye kof uh akucl se nuh ke misac kuh puckpucki luhn ma koluk lasr met ah; ke kuht otyak liki kof uh, kuht muhtwacwacack sie mou sasuc.) Meac kalmac in “isuslac ... ke Nguhn”? (Jon 3:5; in eis mwe sang luhn Nguhn Muhtahl).
- Elder Bruce R. McConkie el luti lah “Mempucr ke Alu uh sifwil isuslac tiac ke pacptaislac muhkwea” (*Doctrinal New Testament Commentary*, 3 Vols. [1966–73], 1:142). Sahyacn paptaislac ac eis mwe sang luhn Nguhn Muhtahl, meac pac enenweyuck nuh ke eklac sifwilpac isuslac uh? (Liye Jon 3:16, 18; Mosiah 5:1–7; 27:25–26; Alma 5:14–35; 22:15–18. Kom ac ke mempucr ke kuhlahs in mahkiyac pohloh kaks ke fuhs ma fahk ke sifwilpac isuslac uh. Atac uh pa tahklac ten inge. Fahk lah fuhs ke Puk luhn Mormon ahkkahlwemye lah meac kalmacn sifwilpac isuslac uh.)
 - a. Luhlahlfongi ke Jisus Kraist (Jon 3:16, 18).
 - b. Puhlakihn eklac yohk ke ... insiacsr, tuh kuht in muh tiac sifwil ke oruh ma koluk, tuhsruhkuht kena oruh ma wo pac l nuhkwea (Mosiah 5:2; oac-yacpac liye Alma 5:12–14, 26).

- c. In eklac ke sie muhnahs, ac puhtatyang nuh ke sie moul suwohswohs (liye Mosiah 27:25).
- d. In eklac tuhlihk mukul ac muhtwacn nuhtin God (liye Mosiah 5:7; 27:25).
- e. In moul sasuc (Mosiah 27:26).
- f. Eis luhman God in an in kuht (liye Alma 5:19; oacyacpac liye fuhs 14).
- g. Auliyak in muh karmacn lasr uh nwacsnwacs nekena owolac liki tuhn uh ke srahn Kraist (liye Alma 5:21; oacyacpac liye Alma 5:19, 33–34; 22:18).
- Elder McConkie el oacyacpac luti lah in sifwil isuslac “tiac sikyak ke kihtin pacl na. [El] ohiyac se” (“Jesus Christ and Him Crucified,” ke *1976 Devotional Speeches of the Year*, 399). Meac kuht ac oruh ke ohiyac se inge in kuh in sikyak nuh ke moul lasr uh? (Liye 2 Nephi 31:19–20.) Kuht ac kuhtanglah mwe ahk-muhnahs nuh ke kapkapwack luhn nguhnasr fuhkah? Eklac fuhkah kom akih-len in kom sifacna kuh ke sie sahyac ke sifwil isuslac uh?
- Ngihstre sie mempucr ke kuhlals in riti Jon 3:14–18 in yohk. Ma pwacye inge ke tuhkuh luhn Mwet Lahngo kuhpahsr nuh ke ma sap lal tuh kuht in sifilpac isuslac uh fuhkah?
- Jisus el orekmakihn kajs yohk ke kahlwem ac lohsr in lotwel Nicodemus (Jon 3:19–21). Efuh kuh kuhtuh sulaclah lohsr liki kahlwem? Kuht ac kuh in sruo-kyacna kahlwem ac kaliyac lohsr uh fuhkah? Meac olwlelah Leum el oraclah nuh selos suc tuhkuh nuh ke kahlwem uh? (Liye D&C 50:24; 88:67.)

2. Jisus el luti muhtwacn Samaria se ke Luhf in Kof lal Jacob.

Riti ac sramsramkihn fuhs sollac ke Jon 4:1–42. Sruhkwack macp ke acn Palestine. Ahkkahlwemye lah ke Jisus ac mwet tuhma lutlut lal fuhfahsryucsr Judia nuh Galili (kom ac ke ahkkahlwemye acn inge ke macp an), elos tui in monglac ke Luhf in Kof lal Jacob fin acn Samaria. Ke Jisus el muhta siskacn luhf in kof sac sie muhtwacn Samaria tuhkuh in ut kof.

Sruhkwack petsac ke muhtwacn se ke luhf in kof sac. Kom fin ac orekmakihn petsac in liyeyuck “Muhtwacn se ke Luhf in Kof,” oruh in liyeyuck ingena.

- Mwet Ju “tiac aengani yurin mwet Samaria” (Jon 4:9) ac kwac kahingkuhnuh-los pacl fuhfahsryucsr uh. Na Jisus el fahsr sahslah Samaria. Meac ma se inge ahkkahlwemye kac uh? Suc kuhtuh “Mwet Samaria” fin facluh mihsenge uh? (Top uh kuh in oacna sie mwet kuh un mwet ma motkoeyuck muh srihk uh.) Kuht ac oruh nuh seltahl fuhkah?
- Muhtwacn Samaria sac oruh in fuhfahsryucsr nuh sin Jisus fuhkah lacn lotwel? (Liye Jon 4:9, 11–12, 15, 19, 25. Top nuh kac uh kuh in pa el mongfih-sracs, el ke etuh pac in yohk, ac el luhlalhfongi kajs lal.) Meac kuht kuh in oruh in sa eis luti luhn Mwet Lahngo uh?
- Muhtwacn Samaria sac eklac fuhkah ke Jisus el sramsram nuh sel ah? Jisus el kajsruh fuhkah in use eklac se inge? (Top nuh kac uh kuh in pa el lotwel ke faliyacn kahlwem lal, el fahkuhl sifacna, el orekmakihn akucl ke kof arulacna fokoko, ac el ahkkahlwemye pahkomuhta.) Kuht ac ukwe srihkasrak lal ke kuht luti mwet sahyac uh fuhkah?
- Jisus el fahk nuh sin muhtwacn Samaria sac lah el kuh in sang nuh sel “kof in moul” (Jon 4:10). Meac kom nuhnkuh muh pa kalmacn “kof in moul”? (Liye 1 Nephi 11:25; D&C 63:23. Top an kuh in pa Olweacng luhn Wosacuc, luhng-

se luhn God, ac Iwaclah.) Kuht kuh in eis kof in moul fuhkah? Kof in moul se inge ahkinsewowoye kom fuhkah?

- Muhtwacn Samaria sac tuhkuh nuh ke luhf in kof sac in ut kof (Jon 4:7). Tuhsruhktuh, tukun el sramsram nuh sin Jisus, el likiyac mwe nenyuck kof sac ke luhf in kof sac ac som fahkwelihk nuh sin kuhtuh pac mwet ke ma se el puhlakihn ac (Jon 4:28–29). Meac kuht kuh in lotwelah ke srihkasrak lal?
- Kuhtuh pac mwet uh ahkinsewowoyeyuck fuhkah ke srihpen luhlalhfongi luhn muhtwacn Samaria sac? (Liye Jon 4:39–42.) Kom ahkinsewowoyeyuck kuh liye ke kuhtuh pac mwet ahkinsewowoyeyuck ke luhlalhfongi ke Leum uh fuhkah? Luhlalhfongi lasr uh ac kahsrub fuhkah mwet raunikuhtlac uh?

Sahflah

Kom fin orekmakihn mukwikwi ahkoeyucklac an, sruhwack sahk ac mwe nenyuck kof sac. Ahkuhtweyac lah in oacna ke sahk uh enenuh kof in moul kihn uh, kuht enenuh in ukwe Mwet Lahngo ac luti lal in sifwil isuslac ac eis moul ma pahtpaht.

Fahkwack ke ma pwacye kom sramsramkihnh ke lusen lesin an. Oruh mempucr ke kuhlahs an in suk Jisus Kraist, ukwac, ac sifwil kwacfwacng nuh ke moulkihnyacn sifwil pac isuslac.

Nuhnak in Weacng Mwe Luti

Kuhfa inge kuh in weacng mwe nguhsr tahkihnyucklac ke lesin an. Kom ac ke orekmakihn sie nuhnak inge in sie ip ke lesin an.

1. “Tiac Nga pa Kraist, tuhsruhkh ... Nga suhpweyuckme met luhkwel” (Jon 3:28)

- Ke Jon 3:25–36, meac elah lal Jon nuh ke ma kunacl suc fototo nuh sin Mwet Lahngo? Elah lal Jon ahkkahlwemye mwet kuhlwacnsap pwacye se fuhkah? Kuht ac orekmakihn elah se inge nuh ke kuhlwacnsap lasr nuh ke Alu uh fuhkah?

2. “In imac uh ... fasrfasrlah tari nuh ke kosracni” (Jon 4:35)

- Meac Jisus el luti mwet tuhma lutlut lal ke orekma luhn misineri ke Jon 4:35–38 an? Meac kalmac sel ke el fahk lah in imac uh fasrfasrlah ac ahkolah nuh ke kosracni? (Oacyacpac liye D&C 4:1–4; 75:3–5.) Siyuck mempucr ke kuhlahs in akacsruhi ke oruh lalos ke pacl elos akacsruhi ke wosasuc nuh sin mwet sahyac uh.

3. Jisus el ahkkweyelah sie tuhlihk mukul nuhtin mwet wal fuhlwact se

Riti ac sramsramkihnh Jon 4:46–54.

- Meac mwet wal fuhlwact sac kena sin Jisus ah? (Liye Jon 4:46–47.) Meac top se met luhn Jisus ah? (Liye Jon 4:48.) Meac top luhn mwet wal fuhlwact sac? (Liye Jon 4: 49.)
- Meac top ahkluo luhn Jisus nuh sin mwet kol fuhwact sac? (Liye Jon 4:50.) Meac oruh luhn mwet kol fuhlwact sac? (Liye Jon 4:50.) Meac sikyak ke luhlalhfongi luhn mwet kol fuhlwact sac? (Liye Jon 4:51–54.) Meac kuht kuh in lotwelah ke sikyak ma se inge ke kuh luhn luhlalhfongi uh?

“Elos Som Sislah Nwek Nahtuhlos”

Luk 4:14–32; 5; 6:12–16; Mattu 10

Srihpac

In kahsrubh mempucr ke kuhlahs in etuh lah Mwet Sap elos pahng in mwet loh luhn Jisus Kraist ac tuh kuht ahkinsewowoyeyuck ke kuht ahkkweye ac fahsr tohkohlos uh.

Ahkolah

1. Rit, nuhnkuh, ac pruhe ke ma suhmuhslah inge:
 - a. Luk 4:14–32. Jisus el luti ke iwen lohngohk fin acn Nazareth ac ahkkahlwemye lah el pa Messiah suc Isaia el palye kac. Mwet elos kasrkuhsrak ac sruhngwacl.
 - b. Luk 5:1–11, 27–28; 6:12–16. Jisus el pahngon Mwet Sap Singucul luo Lal.
 - c. Mattu 10. Jisus el ahkmuhshraelah ac sramsram nuh sin Mwet Sap Singucul Luo ac suhpwacloslac in luti ke wosasuc.
2. Ma in weacng mwe rit: Isaia 61:1–2; Mattu 4:18–22; Mark 1:16–20; 3:13–19; 6:7–13; Luk 9:1–6; 12:1–12; Doctrine and Covenants 107:23–24, 33–35, 39, 58.
3. Fin oasr petsac inge, orekmakihn ke pacl in lesin an: Pahng luhn Mwet Pahtuhr (62496; Gospel Art Picture Kit 209) kuh Jisus ac Mwet Pahtuhr (62138; Gospel Art Picture Kit 210); Kraist el Akmuhsrai Mwet Sap (62557; Gospel Art Picture Kit 211); ac sie petsac ingena ke U luhn Mwet Sap Singucul Luo (ma ke kanfracns ingena ke Mackuhsin Orekmakihnyuck fin Facluh nohfohn uh).
4. Mwe nguhsr nuh ke luti: Lutlut ac orekmakihn inen mempucr ke kuhlahs. Ke kom oruh uh, mempucr ke kuhlahs ac liye lah kom loh nuh selos kais sie. In etuh ke inen mempucr ke kuhlahs kuh pac in kahsre kom kwacfe wi in lwelah kom in siyuck kihsensiyuck suwohs nuh sin mwet kom etuh.

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Ahkkahlwemye lah ke Tuhkuh Ahkluo luhn Jisus Kraist, mwet nuhkweya ac fwah akihlacnuhl lah el pa Mwet Lango (liye Mosiah 27:31). Ma se inge tiac pwacye ke tuhkuh se met lal. Mwet Ju lutlut ke pahluh ke tuhkuh luhn Mwet Lahngo ke yac pucspucs, tuhsruhk puhs selos suc lohng ke Jisus tiac akihlacnuhl muh el Mwet Lahngo. Mweyen Jisus el tiac na tuhlahlah mwet Ju liki kolyuck luhn mwet Rom, suc elos muh Messiah el ac fah oruh, puhs selos laenuhl ac mwe luti lal.

Ahkkahlwemye lah ip se met ke lesin se inge ac fah sramsramkihnyuck ke ma si-kyak ke Jisus el ahkkahlwemye pacl se met lah el pa Messiah se sanweyuck ke

pacl na loeloes ah. Kuhtuh ip ke lesin uh ac sramsramkihnyuck pahng luhn Jisus nuh sin Mwet Sap in kahsrüh usaclihk mwe fahkwack lal.

Mwe Sramsram
ke ma Suhmuhsalah
ac Moulkihnyac

Ke kom lutlut ke mwe rit ke ma suhmuhsalah inge, sramsramkihn mwe insewo-wo ma ac tuhkuh ke etweyac lah Jisus Kraist pa Mwet Lahngo ac ke ukweyacn Mwet Sap.

1. Jisus el ahkkahlwemye lah el pa Messiah.

Sramsramkihn Luk 4:14–32. Ngihstre mempucr ke kuhlals in riti fuhs sollac inge. Ahkkahlwemye lah nguhsr Jisus lacn riti fuhs se ke ma suhmuhsalah ac sruh-muhn nuhnak lal kac ke sie alu orek ke iwen lohngohk fin acn Nasaret.

- Sap sie mempucr ke kuhlals in riti Luk 4:16–19. (Ahkkahlwemye lah fuhs 18–19 pa fahk se lal Isaia 61:1–2. Isaia el pahngpahng “Elias” ke Luk 4:17.) Fuhs inge ma ke meac? (Kahs in pahluh ahkuhtweyac ke ma Messiah el ac fah oruh; liye lesin 1.)
- Ke Jisus el tari ke ritiyacn fuhs se ke Isaia ah meac puhla in luhlalhfongi el fahkwack kac ah? (Liye Luk 4:21. El ahkkahlwemye lah el pa Messiah se Isaia el palye ac suc mwet Ju sano ke lusen pacl na loeloes sac.) Mwet ke iwen lohngohk sac top fuhkah nuh ke fahk luhn Jisus ah? (Liye Luk 4:22–29.)
- Efuh kom nuhnkuh muh upac nuh sin mwet ke iwen lohngohk sac in luhlalhfongi muh Jisus pa Messiah? (Liye Luk 4:22. Top nuh kac uh pa elos etwac ac liyac ke el kapkapwack ah, na oruh elos tiac etuh lah efuh elacn pa Messiah se elos sano uh.) Efuh kom nuhnkuh muh mwet mihsenge uh upac in luhlalhfongi Jisus Kraist? Kuht ac ahkkweye puhla in luhlalhfongi lasr lah Jisus pa Mwet Lahngo uh fuhkah?

2. Jisus el pahngon Mwet Sap Singucul Luo.

Riti ac sramsramkihn fuhs sollac ke Luk 5:1–11, 27–28; 6:12–16. Sruhwack pet-sac ke Jisus ac mwet pahtuhr ac petsac ke Mwet Sap ingena uh. Ke kom sramsramkihn fuhs ke ma suhmuhsalah, kahsrüh mempucr ke kuhlals in etuh lah Mwet Sap uh pahng in oruh ma Jisus sifacna el oruh ke iwen lohngohk fin acn Nasaret—ahkkahlwemye lah el pa Messiah, Mwet Lahngo.

- Meac Simon Piter, Jemes, ac Jon oruh ke Jisus el tuhkuh nuh yohrohllas ah? (Liye Luk 5:1–2.) Meac Jisus el fahk nuh selos kac muh moul lalos ac eklac fin elos ukwac? (Liye Luk 5:10.) Moul loman eklac fuhkah ke srihpen kom sulac-lah in ukwe Jisus Kraist uh?
- Mwenmwén ke koa in ik sac luhmweyuck fuhkah nuh ke oruh lal Piter, Jemes, ac Jon muh elos ac “mwet koa mwet”? (Mark 1:17). Sap mempucr ke kuhlals in nuhnak ke pohloh kahs inge:
 - a. Luk 5:5. “Ke kahs lom ngwac likiyac nwek uh.” (Elos ac orekma nuh ke acn Jisus el srihsrngweltahl nuh we uh.)
 - b. Luk 5:6. “Elos oracni un ik na puhs ac nwek lalos patlah.” (Elos ac konwac-ack mwet pucspucs suc ac eis wosasuc uh.)
 - c. Luk 5:7. “Elos ac pahngon kuhtuh pac mwet ... in kahsrüh ke orekma uh.)
- Ahkkahlwemye lah ke Luk 5:1–11, Jisus el pahnglol Piter, Jemes, ac Jon in mwet tuhma lutlut lal. Tok el pahnglolos in Mwet Sap. Suhmuhsalah *Mwet*

Tuhma Lutlut ac Mwet Sap ke port an. Meac sielacna ke sie mwet tuhma lutlut ac sie Mwet Sap uh?

Ahkkahlwemye lah sie mwet tuhma lutlut pa oacna sie mwet ukwe Jisus Kraist. Sie Mwet Sap pa sie mwet tuhma lutlut suc pahng in sie mwet loh ke Kraist (D&C 107:23). Kahs se inge *Mwet Sap* kalmac “sie [suc] suhpweyuck” (Bible Dictionary, “Apostle,” 612). Mempucr ke U luhn Mwet Sap Singucul Luo suhpweyuck in fahkwack nuh fin facluh lah Jisus pa Mwet Lahngo ac Mwet Iwaclah luhn mwet uh.

- Efuh yohk srihpac tuh Jisus lacn pahngon Mwet Sap? (Liye Mattu 9:36–38; 16:19; Mark 3:14–15; Jon 20:19–21, 23; Mwet Efessus 4:11–15. Elos ac kahsruh Jisus luti ke wosasuc ac kol Alu uh ac us kuh luhn pristut tukun Jisus el ac fah wacngihnlac.) Efuh yohk srihpac tuh Leum lacn pahngon Mwet Sap mihse-nge?
- Jisus el sulacalah fuhkah Mwet Sap ah? (Liye Luk 6:12–13.) Jisus el ahkoelah si-facna in pahngloltahl fuhkah? Ohiyac se inge fuhkah nuh ke sollac luhn Mwet Sap mihsenge uh ac in kuhlwasnsap ke kuhtuh pac kunohkohn luhn Alu uh? (Mwet kol luhn Alu uh pruhe ac suk kolyuck in etuh lah suc Leum el ac oruh in kuhlwasnsap ke kais sie kunohkohn.)
- Meac ma suhmuhslah sruhmuhn nuh sesr ke moul ac ohiyacn mwet suc Jisus el pahngon in Mwet Sap uh? (Liye Luk 5:5, 8, 11, 27–28. Top uh kuh in pa wacngihn ahkpah wowo lalos nuh ke kuhlwasnsap, tuhsruhktuh elos mong-fihsracsr, ahkostwen, mwet orekma upac suc luhngse in kihsackuhnlah ma nuhkwea in fahsr tukun Leum.) Meac ohiyac se inge ngihstre nuh ke mwet se el fin ac fal fuhkah in kuhlwasnsuhpuh Leum? (Oacyacpac liye D&C 4:3, 5–6; Ip Yohk ke Luhlalfongi 1:5.)

3. Jisus el akmuhsraelah ac luti nuh sin Mwet Sap Singucul Luo.

Riti ac sramsramkihn fuhs sollac ke Mattu 10 an. Sruhwack petsac ke Kraist ma el akmuhsrai Mwet Sap ah.

- Tukun Jisus el pahngon Mwet Sap Singucul Luo ah, el sang nuh selos kuh luhn pristut ac luti nuh selos ke ma kunaclos. Meac kuht luti ke kuh ac kunohkohn luhn Mwet Sap ke Jisus el sramsram in kahsruh ke Mattu 10 an? (Suhmuhslah top luhn mempucr ke kuhlals ke port an. Top an ac oasr ke ma ekahsr ten inge.)
 - a. Oasr kuh lalos in ahkkweyaclah mwet mas in nguhn ac ke ikoac (fuhs 1).
 - b. Elos suhpweyucklac nuh yurin sip tuhlac nuhtin Israel in luti lah tohkoh-srahi luhn inkuhsrao apkuhran me (fuhs 6–7).
 - c. Elos in orekmakihn kuh luhn pristut in ahkinsewowoye ac ahkkweye mwet (fuhs 8).
 - d. Elos in suk elos suc ahkoo in lohng ke wosasuc (fuhs 11–14).
 - e. Elos in luti ke kolyuck luhn Nguhn (fuhs 19–20).
 - f. Elos in sang moul lalos kwewa nuh ke orekma luhn Mwet Lahngo (fuhs 39).
- Kuh ac kunohkohn ituckyang nuh sin Mwet Sap met ah fuhkah nuh ke ma ituckyang nuh sin Mwet Sap ke lwen sahflah uh? (Liye D&C 107:23, 33, 35; 112:14, 19–22, 30–31.) Kom liye Mwet Sap ke pacl mihsenge uh ahkfalyelah fuhkah kunohkohn inge?

- Meac mwe in sewowo uliyuck nuh selos suc ukwe Mwet Sap uh? (Liye Mattu 10:40–42; oacyacpac liye D&C 124:45–46.)

Elder Spencer W. Kimball el fahk: “Wacngihn sie mwet ke Alu se inge ac fah som loes liki elos suc luhlalhfongi ac ukwe mwet kol ke Alu uh suc Leum el likiyac ke Alu lal. Alu se inge ac fah tiac maelihk; U luhn Mwet Singucul Luo ac fah tiac kol kom lac nuh keinkacnek sahyac soenna ac fah tiacna” (ke Conference Report, Apr. 1951, 104).

Sahflah

Fahkwack lah Jisus Kraist el pa Messiah pwacye ac lah Mwet Sap Singucul Luo elos mwet loh kacl. Kom ac ke akacsruhi ke sie oruh ma ukwe kahsreyuck luhn sie Mwet Sap ahkinsewowoye moul lom an uh.

Nuhnak in Weacng Mwe Luti

Kuhfa inge kuh in weacng mwe nguhsr tahkihnyucklac ke lesin an. Kom ac ke orekmakihn sie nuhnak inge in ip ke lesin an.

1. Mwet Sap Singucul Luo Ingena Uh

Sruhwack petsac ke Mwet Sap Singucul Luo ingena uh ac kahrüh mempucr ke kuhlahs in luti ke ineltahl. Kom ac ke orekmakihn sikeng se inge:

Sang nuh sin kais sie mempucr ke kuhlahs an soko pinsucl ac sie ipin pwepuh, ac siyuck selos in nempuhyac pwepuh lalos Ineke 12. Sruhwack petsac ke kais sie Mwet Sap tiac fahk ineltahl ac siyuck mempucr ke kuhlahs in suhmuhslah in-ne sacn ke pwepuh lalos an siskacn nempuh fal an. Ke kom ahkkahlwemye kewa petsac an, lutlut ke top pwacye nuh kac an.

2. Mwet Sap Singucul Luo Met Ah

Kahrüh mempucr ke kuhlahs in luti inen Mwet Sap Singucul Luo met ah (Mattu 10:2–4). Ahkkahlwemye ma inge ke kahrüh lom sifacna in kahrüh mempucr ke kuhlahs in etuh ke kain in Mwet Sap ahkuhtweyucki kac lun ma suhmuhslah:

Mwet Sap luo ekihn Jemes: Jemes tuhlihk mukul nahtuhl Zebedee ac Jemes tuhlihk mukul nahtuhl Alphaeus. Luo ekihn Simon: Simon Piter ac Simon Mwet Canaan, oacyacpac pahngpahng Simon Zelotes (“zealot”). Luo ekihn Judas: Judas (oacyacpac pahngpahng Lebbaeus Thaddaeus) ac Judas Iscariot, suc tuhkahkuhnwack Kraist. Mattu el pahngpahng Levi ke Luk 5:27–28. Thomas el oacyacpac etweyuck muh Didimus, suc kalmac “fak.” Mwet Sap se ma muh Bartholomew ke wosasuc lal Mattu, Mark, ac Luk motkweyuck muh pa Nathanael ke wosasuc lal Jon.

3. “El suc luhngse pahpah kuh ninac yohk likiyuc el kuhpanuwol nuh sihk” (Mattu 10:37)

Sap mempucr ke kuhlahs in riti Mattu 10:35–38.

- Fuhs 35 ac 36 kuhtuh pacl uh ahkpwacyeyuck fuhkah ke sie mwet welah Alu uh? In etuh lah Leum el kena sucu lasr in mihs ac tuhkweni, efuh kom nuhnkuh muh el oraclah fahk inge? Nuh sin suc ahkfuhlwact se emet ac kuh uh som nuh se uh? (Liye fuhs 37–38; oacyacpac liye Luk 14:33.)

4. Petsac in liyeyuck

Ip se met ke “New Testament Customs,” sie ip ke *New Testament Video Presentations* (53914), ac wo nuh ke lesin se inge. Ip se inge oasr mwe ahkkahlwe-myē kac lah meac kalmacn ma Jisus el fahk nuh sel sifacna muh el pa akmuhsra-iyucklac, kuh Messiah (Luk 4:18); ke alu ke iwen lohngohk; ac ke meac kalmac in luti wosasuc wacngihn mwe nenyuck mani ac pwepuh, ke Jisus el luti Mwet Sap lal in oruh ah (Mattu 10:9–10).

“[El] Sruhkwack Mwe Muhnahs Lasr, ac Uslah Mas Lasr”

Lesin Ahk
7

Mark 1–2; 4:35–41; 5; Luk 7:11–17

Srihpac Kahsruh mempucr ke kuhlals in etuh kuhtuh srihpac Mwet Lahngo el oruh mwenmwen uh.

- Ahkolah**
- Rit, nuhnkuh, ac pruhe ke ma suhmuhslah inge:
 - Mark 1:14–15, 21–45. Jisus el fuhfahsryucsr Galili luti wosasuc, sislah nguhn fohkfohk, ac ahkkweyelah mwet mas. El sislah nguhn fohkfohk liki sie mwet, ahkkweyelah ninac se kiactn muhtwacn kiacd Simon Piter, ac ahknwacsnwacsyelah sie mwet lepa.
 - Mark 2:1–12. Jisus el nuhnak muhnahs ke ma koluk luhn sie mukul ac ahkkweyelah mwet mas mahtoltol se.
 - Mark 4:35–41; 5:1–20; Luk 7:11–17. Jisus el ahkmihsye pahkah meoa, sislah nguhn fohkfohk ke sie Lijion, ac ahkmoulyeack tuhlihk mukul se nuhtin sie katinmas fin acn Nain liki misac.
 - Mark 5:21–43. Jisus el ahkkweyelah sie muhtwacn mihsen srah ac ahkmoulyeack tuhlihk muhtwacn se nahtuhl Jairus liki misac.
 - Ma in weacng mwe rit: Mattu 8–9; Luk 4:33–44; 5:12–32; 8:22–56; Alma 7:11–12; Mormon 9:7–20; Moroni 7:27–29, 33–37.
 - Fin petsac ke Ahkmihsye Pahkah (62139; Gospel Art Picture Kit 214) ac Jisus el ahkinsewowoyeye tuhlihk muhtwacn se nahtuhl Jairus (62231; Gospel Art Picture Kit 215) oasr, orekmakihn ke lesin an.
 - Mwe nguhsr nuh ke luti: mempucr ke kuhlals enenuh in etuh lah efuh mwe luti ke ma suhmuhslah yohk srihpac mihsenge. Ke kom ahkoo kais sie lesin, pruhe in kom motko lah meac kom kuh in oruh in kwacfe mempucr ke kuhlals in orekmakihn ma yohk ke wosasuc nuh ke moul lalos.

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtwe-
Ahkoeyucklac ack lesin an.

- Meac mwenmwen? (Sie ohiyac na usrnguck tuhkuh ke kuh luhn nguhn.)
- Meac sie mwenmwen luhn Mwet Lahngo ma kom ac luhngse in wi mwet loh kac uh? Efuh? (Kom ac luhngse suhmuhslah kuhtuh mwenmwen luhn Kraist ke port an in kahsruh mempucr ke kuhlals in topuk kihsensiyuck se inge.)

Ahkkahleme ye lah ke lesin se inge ac sramsramkihyuck kuhtuh mwenmwen luhn mwet Lahngo ac srihpac lal in oruh mwenmwen ingacn.

Mwe Sramsram
ke ma Suhmuhsalah
ac Moulkihiyac

Ke kom luti mwe rit ke ma suhmuhsalah inge, sramsramkihn lah ma inge ac orek-makihni fuhkah nuh ke moul ke lwen nuhkewewa uh. Ahkkahlwemye lah Jesus el srackna oruh mwenmwen nuh ke moul lasr uh. Kwacfe mempucr ke kuhlals in akacsruhi, oacna ke sikyak an, mwenmwen elos puhlakihni (Kom ac ke ahkacs-makihnye mempucr ke kuhlals lah kuhtuh ma elos puhlakihni uh arulacna al in akacsruhi kac. Nguhn Muhtahl kuh in kaksrelos in etuh pacl fal in akacsruhi ke sie puhla an.)

1. Jisus el fuhfahsryucsr Galili luti ke wosasuc ac orek mwenmwen.

Sramsramkihn Mark 1:14–15, 21–45. Ngihstre mempucr ke kuhlals in riti fuhs sollac an in yohk.

- Ke Jisus el fuhfahsryucsr Galili luti ke wosasuc, el oruh mwenmwen pucspucs, pa nuh ke ahkkweye mwet mas ac eslah nguhn fohkfohk (Mark 1:34, 39). Efuh Jisus el oruh ma inge ac kuhtuh pac mwenmwen ke orekma lal? Top an ac oasr ke ma ekahsr ten inge.)
 - a. In ahkkahlwemye luhngse ac pahkomuhta (liye Mark 5:19; oacyacpac liye 3 Nephi 17:6–7).
 - b. In muhsahi ac ahkkweye luhlalfongi (liye Mattu 9:27–30).
 - c. In ahkpwacyei ma sin God uh ac kuh lal (liye Mark 1:27; 2:10–11).

Suhmuhsalah top luhn mempucr ke kuhlals an ke port an, ac likiyac top an in an ke port an ne kena lesin sacn tari. Ke kom sramsramkihn mwenmwen ma Jisus el oruh, sramsramkihn kuhtuh srihpac ma ahkpwacyeyeyucklac ke kais sie mwenmwen. Sang nuh ke takh an oacna sie sin kuhtuh srihpac sruhmuhnyuck ke lesin an.

- Efuh kuh mwet ke iwen lohngohk Keperneum lut ke luti luhn Jisus ac kuh lal in eslah nguhn fohkfohk uh? (liye Mark 1:22, 27.) Ke kuh suc Jisus el luti ac orek mwenmwem kac? (Ke kuh luhn pristut, suc mwet sihm wacngihn yohrohlos.) Kuht eis fuhkah kuh se inge mihsenge?
- In oacna ke Mark 1:41 an, meac sie srihpac Jisus el unwelah mwet lepa sac ah? Ahkkahlwemye lah Jisus el oruh mwenmwen pucspucs ma suwohswohs nuh sin mwet se na in ahkinsewowe. Meac ma sikyak inge ahkkahlwemye ke puhla luhn Jisus nuh sesr kais sie uh? El ahkkahlwemye fuhkah luhngse ac pahkomuhta Lal nuh... sum uh?
- Kuht kuh in ahkkahlwemye luhngse oacna Kraist ac pahkomuhta fuhkah nuh selos suc raunikuhtlac uh? Mwet sahyac uh ahkkahlwemye luhngse oacna Kraist ac pahkomuhta nuh sum fuhkah?

2. Jisus el nuhnak muhnahs ke ma koluk luhn sie mukul ac ahkkweyelah mwet mas mahtoltol se.

Riti ac sramsramkihn Mark 2:1–12.

- Luhlalfongi luhn suc sang ahkkweyelah mukul se suc mas ke mas mahtoltol sac? (Liye Mark 2:3, 5.) Mwet inge ahkkahlwemye luhlalfongi laltahl fuhkah? (Liye Mark 2:1–4.) Kuht ac oruh luhlalfongi nuh sin kuhtuh pac mwet uh fuhkah? Luhlalfongi luhn kuhtuh pac mwet uh ac kaksre kom kuh mwet se kom etuh uh fuhkah?

- Meac kuhtuh mwet sihm ac nuhnkuh kacI Jisus ke el fahk nuh sin mukul mas mahtoltol sac muh ma koluk lal nuhnak muhnahs nuh sel ah? (Liye Mark 2:5–7.) Jisus el top nuh sin mwet sihm inge fuhkah? (Liye Mark 2:8–11.) Ahkkahlwemye lah mwenmwem se nuh sin mwet mas mahtoltol sac ma nuh ke ahkkweyeyucklac, ac oacyacpac mwenmwem se nuh sel in nuhnak muhnahs ke ma koluk lal. Ahkkahlwemye lah mwenmwem se inge oasr nuh sesr kais sie ke kuht auliyak uh.
- Meac mwe ahkkweyelah yohk se ma ac mwe akucl se nuhke ahkkweye luhn Mwet Lahngo nuh ke ikoac uh? (Liye Isaia 53:5; 2 Nephi 25:13; 3 Nephi 9:13.) Kuh in ahkkweye luhn Jisus ahkinsewowoye kom in nguhn fuhkah? Kuht ac suk ahkkweye luhn nguhn fuhkah?

3. Jisus el ahkmihsye meoa, sislah nguhn fohkfohk, ac ahkmoulyeack tuhlihk mukul se nuhtin katin mas se Nein liki misac.

Riti ac sramsramkihn fuhs sollac ke Mark 4:35–41; 5:1–20 ac Luk 7:11–17. Sruhwack petsac ke Jisus ke el ahkmihsye pahkah uh.

- Mwenmwem luhn Mwet Lahngo in ikoac uh mwe akucl nuh ke ma pwacye luhn nguhn uh. Meac ma pwacye luhn nguhn kuht kuh in luti ke mwenmwem inge? (Top an ac kuh in pa ituckyang nuh ke pacracntesis inge.)
 - a. Mark 4:35–41. Jisus el ahkmihsye mea. (El kuh in use nuh sesr mihs wolacna.)
 - b. Mark 5:1–20. Jisus el eslah nguhn fohkfohk ke sie lijion luhn timon. (El kuh in sisuhllah Setuhn ac kolyuck lal liki moul lasr.)
 - c. Luk 7:11–17. Jisus el ahkmoulyeack sie mukul fuhsr liki misac. (Ke srihpen kihsackuhnlah lal, kuht ac tuhkahkwek liki misac ke pacl in Sifilpac Moulyak.)

Ngihsre mempucr ke kuhlals in fahk kuhtuh mwenmwem Mwet Lahngo el oruh ac ma pwacye ke nguhn ma kuht kuh in luti ke mwenmwem an.
- Meac pac kuhtuh ma kom eis ke lutiyaen mwenmwem tolu inge?

4. Jisus el ahkkweyaclah sie muhtwacn mihsen srah ac ahkmoulyeack tuhlihk muhtwacn se nahtuhl Jairus liki misac.

Riti ac sramsramkihn fuhs sollac ke Mark 5:21–43.

- Muhtwacn se ma mihsen srah el ahkkahlwemye fuhkah luhlalfongi lal? (Liye Mark 5:25–29.) Meac srihpen kwelac lal? (Liye Mark 5:34. Ahkkahlwemye lah ma ke kuh in luhlalfongi lal ke Jisus, tiac ma ke el kahlyac nuknuk in lweyuck lal, pa srihpac oruh el kwelac ah.)
- Sruhwack petsac ke Jisus ke el ahkinsewowoye tuhlihk muhtwacn se nahtuhl Jairus ah. Jairus el ahkkahlwemye luhlalfongi lal ke Mwet Lahngo fuhkah? (Liye Mark 5:22–23.) Meac Jisus el fahk in ahkkweye luhlalfongi lal Jairus ke el lohng lah tuhlihk muhtwacn se nahtuhl ah misac ah? (Liye Mark 5:36.) Kom ac moukihn kahs inge ke moul lom fuhkah?
- Efuh kom nuhnkuh muh luhlalfongi el fahsr met liki mwenmwem? (Liye Ether 12:12, 18; Moroni 7:37; ac ma mwet fahk inge.) Efuh tiac mwenmwem muhkwenah kuh in sang sie pwelucng fokoko luhn luhlalfongi?

Brigham Young el fahk: “Miracles, or these extraordinary manifestations of the power of God, are not for the unbeliever; they are to console the Saints, and to strengthen and confirm the faith of those who love, fear and serve God” (*Discourses of Brigham Young*, sel. John A. Widtsoe [1941] 341)

- Eful mwenmwen ma Jisus el oruh ke moul in ikoac lal ah yohk srihpac nuh sum? Eful yohk srihpac in etuh lah el srackna oruh mwenmwen inge mihse- nge? Meac kuhtuh srihkasrak ke mwenmwen mihsenge uh?

Sahflah

Fahkwack lah Mwet Lahngo el kuh in ahkwoyelah kwewana mwe muhnahs luhn nguhn ac ikoac. Ahkkahlwemye engan lom ke ma nuhkwewa el oruh nuh sum. Fin ac wo, kom ac luhngse sruhmuhn ke sie mwenmwen ma ahkinsewo-woye moul lom.

Siyuck mempucr ke kuhlahs in mihslac in nuhnak ke mwenmwen elos puhla-kihn. Kwacfelos in akihlen ac sang kuloh ke mwenmwen sikyak in moul lalos.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ip ke lesin an.

1. Mwenmwen ke Wuhlweacng Mahtuh

Ahkkahlwemye lah mwenmwen uh tiac sasuc nuh sin Mwet Ju. Mwenmwen uh kwac orek sin mwet pahluh ke Wuhlweacng Mahtuh suc Mwet Ju elos ahkfuh- lwactye. Sifwil sramsramkihn srihkasrak inge ke na kihtin pacl:

- a. Mwet pahluh Elijah el ahkmoulyeack sie tuhlihk liki misac (1 Tohkohsrah 17:17–24).
 - b. Mwet pahluh Elisha el kihte sie un mwet pucspucs ke sie mongo na srihsrihk (2 Tohkohsrah 4:42–44).
 - c. Mwet pahluh Elisha el ahkkweyacllah Naaman, sie mwet lepa (2 Tohkohsrah 5:1–19).
- Ke kuh fuhkah se mwet pahluh inge oruh mwenmwen inge? (Pristut, kuh muhtahl se suc ituckyang nuh selos sel Pahpah Lucng ac Jisus Kraist.)

2. “Mwet kuh tiac enenuh mwet ono” (Mark 2:17)

- Mwet sihm ac Mwet Pharisee oruh fuhkah ke elos liye Jisus el mongo wi mwet elos motko muh mwet koluk ac? (Liye Mark 2:15–16.) Meac Jisus el fahk nuh selos ah? (Liye Mark 2:15–16.) Meac Jisus el fahk nuh selos ah? (Liye Mark 2:17.) Meac kalmacn ma se inge? Ohiyac fuhkah kuht nuhkwewa “oasr ... enenuh la nuh ke taktuh uh?”

Luti Finohl Ah: “Sie Ohiyac na Wo”

Lesin Ahk
8

Mattu 5

Srihpac

In kwacfe mempucr ke kuhlals in tuhkuh nuh yurin Kraist ke orekmakihnyacn ma yohk el luti kac ke Luti Finohl Ah.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mattu 5:1–12. Ke sie tohktohk fin acn Galili Jisus el luti mwe in sewowo nuh sin mwet tuhma lutlut lal.
 - b. Mattu 5:13–16. Jisus el ahkkahlwemye lah mwet tuhma lutlut lal pa “sohl luhn facluh” ac “kahlwem luhn facluh.”
 - c. Mattu 5:17–48. Jisus el ahkkahlwemye lah el tuhkuh in ahkpwacyeye ma sap lal Moses, ac el luti ke sie ma sap fuhlwact.
 2. Ma in weacng mwe rit: Luk 6:17–36; Mosiah 13:28–35; Alma 34:13–16; 3 Nephi 12; Ether 12:11.
 3. Kom fin orekmakihn mukwikwi kuh sritacl inge, sang kais sie mempucr ke kuhlals in eis pacn soko kuh pinsucl soko ac sie ipin pwepuh.
 4. Fin ma inge oasr, orekmakihn ke lesin an:

Petsac ke Luti Finohl Ah (62166; Gospel Art Picture Kit 212).
Sie mwe nenyuck sohl ac sie lahm.
 5. Nguhsr nuh ke luti: Jisus Kraist el sifac luhn Mwet Luti. Ke kom lutlut ke Luti Finohl Ah uh, akikhlen ohiyacn luti lal ac liye inkacnek kom kuh in etahi in sie mwet luti. (Nuh ke kuhtuh pac nguhsr lah kuht ac ukwe srihkarak luhn Mwet Lahngo fuhkah in sie mwet luti.)
-

**Mwe Nguhsr Nuh
Ke Ahkyohkyeyacn
Lesin**

**Mukwikwi
Ahkoeyucklac**

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Sang nuh sin sie mempucr ke kuhlals sie ipin pwepuh ac soko pinsucl kuh pacn. Ahkkahlwemye lah ma suhmuhslah uh nwacnwack mwe nguhsr pucspucs sin Mwet Lahngo. Kom ac ke mempucr ke kuhlals in riti mwe nguhsr luhn Mwet Lahngo ke Mattu 11:28–29 (oacyacpac liye 3 Nephi 27:27). Siyuck mempucr ke kuhlals in suhmuhslah *Mwet Lango el suliyuc in*: ke siskac se lucng ke ipin pwepuh sacn. Na ahkkahlwemye lah lesin se inge ma ke Luti Finohl Ah, suc nwacnwack nguhsr pucspucs sin Mwet Lango. Kwacfe mempucr ke kuhlals in suk mwe nguhsr ke lesin an ac suhmuhslah ke ipin pwepuh sacn.

Mwe Sramsram
ke ma Suhmuhsalah
ac Moulkihiyac

Ke kom luti mwe rit ke ma suhmuhsalah inge, sramsramkihn lah ma inge orekmakihnyuck fuhkah nuh ke moul ke lwen nuhkewewa uh. Kwacfe mempucr ke kuhlals in akacsruhi ke oruh lalos ma kuhpahsr nuhke ma yohk luhn ma suhmuhsalah uh. Mweyen ac upac in siyuck kihnsensiyuck nuhkewewa kuh ahkfalyelah ma yohk srihpac nuhkewewa ke lesin sacn, pruhe in kom sifacna in sulacalah ma ma ac kahsrub ahkfalyelah enenuh luhn mempucr ke kuhlals.

1. Jisus el luti mwe inewowo uh nuh sin mwet tuhma lutlut.

Ahkkahlwemye lah ke lusen yac na pucspucs somlah ah tukun moul se yurin God ah Kraist el sang masap nuh sel Moses Finohl Sainai. Messiah ke moul in ikoac fanyak nuh ke soko pac ohl in ahkkahlwemye masap fuhlwact ke sie ohiyac etweyuck muh Luti Finohl Ah. Sruhkwack petsac ke Luti Finohl Ah.

Mwe luti emet ke Luti se inge etweyuck muh pitituts (Mattu 5:1–12). Kahs se inge piatituts tuhkuh ke kahs Latin *pihtuhs*, suc kalmac, wo ohiyac, engan kuh inewowo. Riti mwe inewowo ac sruhnuhn oacna ke ahkoeyucklac ten inge.

- Mattu 5:3. Meac kalmac in “suhkahrub in nguhn”? (Pa in mongfihsracs; Oacyacpac liye 3 Nephi 12:3.) Ejuh yohk srihpac kuht in mongfihsracs? Kuht ac mongfihsracs lac fuhkah?
- Mattu 5:4. Meac kuhtuh ohiyac Leum el use nuh sesr in ahkwoye kuht uh? (Liye Jon 14:26–27 ac Mosiah 18:8–9 nuh ke kuhtuh srihkasrak an.) Kom ahkwoyeyucklac fuhkah ke pacl in ahsor?
- Mattu 5: 5. Meac kalmac in fakpacp? (Pa in okak, nuhnak muhnahs, etatwen.) Kuht ac muhsahi fakpacp uh fuhkah? (Liye Mosiah 3:19; Alma 7:23; 13:28.)
- Mattu 5:6. Meac Jisus el olwelah nuh selos suc “masrinsrac lac maluhkihn ma suwohswohs”? (Liye Mattu 5:6; 3 Nephi 12:6.) Meac kuht kuh in oruh in eslah kena lasr uh liki ma luhn facluh uh nuh ke ma suwohswohs uh?
- Mattu 5:7. Kuht ac ahkkahlwemye pahkomuhta nuh sin mwet sahyac uh fuhkah? Ejuh kuht enenuh pahkomuhta sin Leum? (Liye Alma 42:13–15.)
- Mattu 5:8. Kom nuhnkuh muh meac kalmac in nwacsnwacs insiac? Kuht ac ahknwacsnwacsye insiacsr fuhkah? (Liye Helaman 3:35.) Ejuh kuht enenuh in nwacsnwacs insiacsr kuht fin ac liye God ac muhta yohrohl? (Liye Moses 6:57)
- Mattu 5:9. Kuht ac karihngihn mihs in lohm sesr ac acn sesr uh fuhkah?
- Mattu 5:10–12. Ejuh mwet suwohswohs kuhtuh pacl uh ahkkohsyeyuck? Kuht topuk ahkohs nuh sesr uh fuhkah? (Liye Mattu 5:44; Luk 6:35.)

Kom fin orekmakihn mukwikwi, kuh sritac ahkoeyucklac an, siyuck mempucr ke kuhlals in tahkuhnlah ma nguhsr ke mwe inewowo ma elos puhla muh kahsrelos an.

2. Jisus el ahkkahlwemye lah mwet tuhma lutlut lal pa “sohl luhn facluh” ac “kahlwem luhn facluh” uh.

Riti ac sramsramkihn Mattu 5:13–16. Ke kom sramsramkihn fuhs inge, kom ac ke sruhkwack mwe nwenyuck sohl ac sie lahm an.

- Jisus el fahk muh mwet tuhma lutlut lal pa “sohl luhn facluh” (Mattu 5:13; D&C 101:39). Meac kuhtuh orekmakihnyacn sohl uh? (Top an kuh in pa sohl

el kwac oasr ke puhlan pacl ac mwe karuhnganwacng se.) Mwet Luhlahlfongi Lal ke Lwen Sahflah uh ac “sohl luhn facluh” fuhkah?

- Leum el fahk lah kuht pa kahlwem luhn facluh ac mwet in molwelah mwet uh. Ke kuht tiac mwet in molwelah luhn mwet uh, kuht oacna sohl ma wacngihnlac em kac (liye D&C 103: 9–10). Kuht ac molwelah mwet uh fuhkah? (Top nuh kac uh kuh in pa akacsruhi ke wosasuc ac oruh orekma luhn tempuhl.)
- Mwet Luhlahlfongi Lal ke Lwen Sahflah ac “kahlwem luhn facluh fuhkah? (Mattu 5:14; oacyacpac liye fuhs 16). Meac ac sikyak ke soko kacntuhl likiyuc-ki “ye tepuh uh”? (Mattu 5:15; Akihlen lah sie fohtoh pa sie mwe nenyuck luhlahp). Kuht suc mempucr ke Alu uh kuhtuh pacl uh likiyac kahlwem lasr uh fin mwe fihl lahm uh fuhkah? Kuht ac likiyac lahm lasr uh in kahlwem ke sie ohiyac ma ac kol mwet sahyac in “kaksakihn Pahpah Tuhmasr ... suc oasr inkuhsrao” fuhkah? (Liye Mattu 5:16; 3 Nephi 18:24.)

3. Jisus el luti ma sap fuhlwact liki ma sap lal Moses.

Sramsramkihn Mattu 5:17–48. Ngihstre mempucr ke kuhlahs in riti fuhs sollac an in yohk.

- Jisus el fahk lah el tuhkuh in ahkpwacyei ma sap lal Moses, ac in tiac kuhna-oslav (Mattu 5:17–18). El ahkpwacyei ma sap lal Moses fuhkah?

Ahkkahlwemye lah ma sap lal Moses nuh na ituckyang nuh sin tuhlihk nuhtin Israel tuh elos mwet kwekwe inkwacwac, sa in oruh ma koluk, ac suhmuhi in esam Leum God lalos. Ma sap nuh ke orekma ac ke akwuck suc tuhlihk nuhtin Israel tuh elos in akihlen in wo ke lwen nuh ke lwen, in karihngihn in esam ke God ac ke kunohkohn lalos nuh sel (liye Mosiah 13:29–30). Elos suc etuh ma sap inge liye kwacfeacng nuh sin Kraist neke ma sap tuh ahkpwacyei-yucklac. Tuh ke srihpac se inge ma sap ituckyang (2 Nephi 25:24–25).

Mwet Lahngo el ahkpwacyeyelah ma sap lal Moses ke el khsackuhnillah ke ma koluk lasr (Alma 34:13–16). Tukun khsackuhnlah, mwet uh tiac sifilpac sapkihnyuck in khsac kosro, suc enenuh se nuh ke ma sap lal Moses in mwe ahkkahlwemye se nuh ke khsackuhnlah luhn Jisus Kraist. Ac, mwet uh sapkihnyuck in khsac ke insiac pwacye ac mongfihsracsr in nguhn nuhke khsac (liye 3 Nephi 9:20; oacyacpac liye fuhs 19).

- Jisus el fahk lah suwohswohs luhn mwet tuhma lutlut lal enenuh “in yohk liki suwohswohs luhn mwet sihm ac Mwet Pharisee” (Mattu 5:20). Meac wacngihn ke “suwohswohs” luhn mwet sihm ac Mwet Pharisee? (Elos lohacng nuh ke lihkihn ma sap ac tiac lohacng nuh lun luhlahlfongi uh. Fin elos akihlen ma sap uh ke ituckyang ah, elos ac akihlen Jisus muh el pa Messiah.)

Lucng ke lacyacn lacsac ke port an, suhmuhsalah *Kowos lohng ma fwack tari*. Ahkkahlwemye lah ke Luti Finohl Ah lal, Jisus el orekmakihn kabs inge ke el furok nuh ke ma sap ma ip ke ma sap lal Moses. Ke lacyacn lacyot lucng ke port an, suhmuhsalah *Tuh Nga fahk nuh suwos*. Ahkkahlwemye lah Jisus el orekmakihn kabs inge ke el luti mwet tuhma lutlut lal ke ma sap fuhlwact lal.

- Ke Mattu 5:21, meac ma sap mahtuh ma Jisus el kapsra nuh kac ah? (Suhmuhsalah *Nik kom ahkmas ye Kowos lohng ma fwack tari*.) Meac ma sap fuhlwact ma Jisus el sang muh ma nuh ke ma sap se inge? (Liye Mattu 5:22.)

Suhmuhsalah *Tiac foloyak ten Tuh nga fahk nuh suwos.*) Ma sap nuh ke tiac foloyak sie ma sap fuhlwact liki ma sap ma lain ahkmas fuhkah? Puhla in foloyak uh ac ahkkolukye kuhpahsr lasr nuh sin God uh fuhkah? Meac ma kuht kuh in oruh in kutong foloyak uh ac suk in konwelah liki moul lasr uh?

- Mwet Lahngo el sruhmuhn ke use sie “mwe sang nuh ke mwe loang,” luh-mweyuck nuh ke oruh mahtuh nuh ke use mwe kihsac nuh ke mwe loang (Mattu 5:23). Meac Jisus el fahk muh mwet tuhma lutlut lal enenuh in oruh fin elos folo ke elos ahkolah use mwe sang nuh ke mwe loang uh? (Liye Mattu 5:23–24.) Ac orekmakihnyuck fuhkah nuh sesr?
- Meac kuht kuh in oruh ke mwet se lain kuht uh? (Liye Mattu 5:24;18:15; D&C 64:8–11.) Meac elyah fin kuht sano mwet se ma lain kuht uh in siyuck ke nuhnak muhnahs sesr uh?
- Ke Mattu 5:27, meac ma sap mahtuh ma Jisus el kapsra nuh kac ah? (Suhmuhsalah *Nik kom kosro ten Kowos lohng ma fwack tari.*) Meac ma sap ma Jisus el sang in eslah ma sap se inge? (Liye mattu 5:28. Suhmuhsalah *Tiac nuhnak in kosro ten Tuh nga fahk nuh suwos.*) Meac kuhtuh ma sikyak ke nuhnak fohkfohk uh? (Liye Mosiah 4:30; Alma 12:14; D&C 63:16.) Meac kuht kuh in oruh in karihngihn nuhnak nwacsnwacs lasr uh?
- Lweng lal Joseph Smith fahk lah muhta ac paho sruhmuhnnyuck ke Mattu 5:29–30 an ahkkahlwemye ma koluk. Meac fuhs inge luti kuht ke ohiyacn karihngihn ma koluk lasr uh?
- Ke sihmlac ke Mattu 5:33, mwet ke pacl luhn Wuhlweacng Mahtuh ah ahkkahlwemye lah elos fahk ke ma pwacye fuhkah? (Suhmuhsalah *Oruh olwelah nuh sin Leum ten Kowos lohng ma fwack tari.*) Meac ma sap ma Jisus el sang in eslah ma sap se inge? (Liye Mattu 5:34–37. Riti fahk se sel Elder Bruce McConkie inge. Na suhmuhsalah *Karuhnganwacng kahs lom ten Tuh nga fahk nuh suwos.*)
 Elder Bruce R. McConkie el fahk: “Ke ma sap lal Moses eis fuhlahk orek ac sang ahkfahsryelah kainin ohiyac, ke orek, srihklac ma pwacye oreklac in wi fuhlahk.... Ke ma sap wowo luhn Kraist kahs nuhkwewa luhn mwet se enenuh in pwacye, ac ma nuhkwewa fwackyuck enenuh in pwacye in oacna kais sie kahs fwackyuck ke fuhlahk sacn” (*The Mortal Messiah*, 4 vols, [1979–81], 2:140).
- Ke Mattu 5:38, meac ma sap mahtuh ma Jisus el luhma nuh kac uh? (Suhmuhsalah *Muhta nuh ke muhta ten Kowos lohng ma fwack tari.* Ahkkahlwemye lah “muhta nuh ke muhta” kalmac pa sie mwet kantweyac sie pac na kuh in eis pacna kantweyac sacn in mwe kaclpous; liye Leviticus 24:17–21.) Ma sap fuhkah se ahollah ma sap se inge uh? (Liye Mattu 5:39–40. Suhmuhsalah *Furohklah nuh sel lihkihn tuhpah se sahyac an ten Tuh nga fahk nuh suwos.*) Meac ip yohk Jisus el luti ke el sramsram ke furohklah nuh sel lihkihn tuhpah se sahyac nuh sin suc ma puok kuht ac sang nuknuk lasr nuh sin suc ma eslah kot lasr?
- Ke Mattu 5:43, ohiyac mahtuh fuhkah ma Jisus el luhma nuh kac uh? (Suhmuhsalah *Luhngse mwet tuhlan lom ac sruhnga mwet lokoalok lom ten Kowos lohng ma fwack tari.*) Ma sap fuhkah se ahollah ohiyac se inge? (Liye Mattu 5:44–47. Suhmuhsalah *Luhngse mwet lokoalok lom ye Tuh nga fahk nuh suwos.*) Kuht ac muhsaheack luhngse nuh sin mwet lokoalok lasr uh fuhkah? (Liye

Moroni 7:47–48 in sie mwe srihkasrak.) Moul lasr uh ac eklac fuhkah ke kuht luhngse mwet lokoalok lasr uh? Moul lalos ac eklac fuhkah?

Kom fin orekmakihn mukwikwi kuh sritacl ahkoeyucklac tari, siyuck mempucr ke kuhlals in liye port an ac tahk ke mwe nguhsr ke Mattu 5:17–47 ma ac kaksrelos yohk an.

- Kuht ac akihlen sap luhn Mwet Lahngo fuhkah tuh kuht in eklac suwohs? (Kahs Greeke ke *perfect* pa “ahkfalyeyucklac, sahflah, tari na pwacye.”) Ma Sap nuh ke in suwohs uh ac kaksre kuht fuhkah liki na in ahk kolukye kuht?

Prestuhn Joseph Fielding Smith el fahk:

“Nga luhlalhfongi Leum el pwacye ke ma el fahk: lah kuht enenuh in suwohs, in oacna Pahpah Inkuhsrao suwohs. Ac tiac tuhkuh pacl sefanna, tuhsruhk lain nuh fin lain, ac kahs in luti nuh ke kahs in luti, srihkasrak nuh fin srihkasrak ac finne tok kuht fin tiac muhta paht ke moul se inge, tuh kuht ac fah som nuh ke kuclyuck uh met liki kuht sun suwohswohs se inge na fah oacna God.

“Tuhsruhk inge kuht akiyac pwelucng se. Pa inge acn kuht lutyuck ke ma pwacye fihsracsr ke wosasuc luhn Jisus Kraist uh, ke pacl in srihkasrak se inge, in ahkoekuhtlac nuh ke suwohswohs sacn. Ma kunacsr in wo mihsenge liki ekweah, ac wo lutu liki mihsenge.... Kuht fin ac karihngihn ma sap luhn Leum, kuht oasr ke inkacnek soko nuh ke suwohswohs an” (*Doctrine of Salvation*, comp. Bruce R. McConkie, 3 vols. [1954–56], 2:18–19; oacyacpac liye D&C 93:11–14, 19–20).

- Iwacalah luhn Mwet Lahngo kaksre kuht fuhkah in sun suwohswohs? (Liye Moroni 10:32–33; D&C 76:68–70.) Mwe Luti Finohl Ah kaksre kuht fuhkah in “tuhkuh nuh yurin Kraist, ac in ahksuwohsyeyucklac sel?

Sahflah

Fahkwack lah mwe luti ke Luti Finohl Ah sac kaksre kuht tuhkuh nuh yurin Kraist, ac in ahksuwohsyeyucklac kac (liye Moroni 10:32). Kwacfe mempucr ke kuhlals in orekmakihn mwe luti ingacn ke moul lalos. Fin kom orekmakihn mukwikwi kuh sritacl ahkoeyucklac, siyuck mempucr ke kuhlals in liye ma ngihseyuck eltahl tahkuhnlah ac in sulaclah sie kuh luu ma eltahl ac lohacng nuh kac ke wik se tok an.

Nuhnak in Weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie nuhnak inge in ip ke lesin an.

1. “Sie inkacnek wo liki na” (Ether 12:11)

Ngihstre kuhtuh sin mempucr ke kuhlals in tuhkuh nuh ke kuhlals ahkoo in akacsruhi ke nuhnak lah luti ke Mattu 5 uh kuh in kaksreltahl loh ah, nien lutlut ac, kuh ke orekma ah fuhkah.

2. Luti luhn Mwet Lahngo ke sahf

Fin kom kuh mempucr ke kuhlals oasr kihsensiyuck la ke Mattu 5:31–32, liye nuhnak in weacng mwe luti ahk limekohs ke lesin ahk 14 an. (Liye sra pwepuh 00 [60].)

3. Petsac in liyeyuck

Ip se ahkluo ke “New Testament Customs,” sie ma suleyucklac ke *New Testament Video Presentations* (53914) Ahkkahlwemye kahs se inge *mwet liacacng*, ma orekmakihnyuck ke Galetia 3:24–25 in ahkuhtweyac ke ma sap lal Moses. Fin kom oruh in liyeyuck ip se inge, sramsramkihn lah ma sap lal Moses ac sie mwet in liacacng in use mwet uh nuh yurin Kraist fuhkah.

“Suk Met Tohkohksrahi luhn God”

Lesin Ahk
9

Mattu 6–7

Srihpac

In kwacfe mempucr ke kuhlals in eklac mwet tuhma lutlut luhn Jisus Kraist suc yohkwaclichk kihsackuhnlah la.

Ahkolah

- Rit, nuhnkuh, ac pruhe ke ma suhmuhslah inge, suc tuhtahflah luhn Luti Finohl Ah:
 - Mattu 6:1–6, 16–21. Jisus el luti mwet tuhma lutlut lal in oruh mwe sang, pruhe, ac lalo in lukmac, ac in elohsack mwe kahsruhp inkuhsrao likina fin facluh.
 - Mattu 6:7–13; 7:7–11. El ahkkahlwemye nuh sin mwet tuhma lutlut lal ohi-yacn pruhe ac luti lah Pahpah Lucng el ac ahkinsewowoyaclos suc siyuck sel ke mwe enenuh lalos.
 - Mattu 6:14–15; 7:1–6, 12. Jisus el luti nuh sin mwet tuhma lutlut lal in nuhnak muhhahs nuh sin mwet sahyac, in nuhnuhnkuh ke suwohs, ac oruh wo nuh sin mwet oacna ke elos luhngse in orek nuh selos.
 - Mattu 6:22–34; 7:13–29. El luti mwet tuhma lutlut lal lah elos ac fah ahkinsewowoyeyuck ke kuhlwcansuhpuh Pahpah Lucng ac oruh ma luhngse lal.
- Ma in weacng mwe rit: Luk 6:37–49; 11:1–13, 34–36; 12:22–34; 16:13; 3 Nephi 13–14.
- Fin kuhfa inge oasr, orekmakihn ke pacl in lesin an: Petsac ke Luti Finohl Ah (62166; Gospel Art Picture Kit 212).
- Mwe nguhsr nuh ke mwe luti: Sramsram an kuh in ahkkahlwemye ke ip yohk ke wosasuc ac oruh mempucr ke kuhlals in lohacng oacpacna nuh ke kuhtuh pac mwe luti fin kuh. Jisus el kwacna orekmakihn sramsram uh in luti lesin yohk srihpac kuh ahkkahlwemye nuhnak upac uh. Ke kom ahkoo lesin lom an, motko lah kom ac orekmakihn sramsram uh fuhkah in kahsruh mempucr ke kuhlals in kahlwem ke ip yohk ke wosasuc uh. Ke kom sruhmuhn sie sramsram oruh mempucr ke kuhlals in kahlwem kac lah ma pwacye se kuh sramsram soko inge mwe na ahkuhtweyac sie atac uh.

Mwe Nguhsr Nuh Ke Ahkyohkyeyacn Lesin

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Sruhmuhn sramsram inge ke kahs lom sifacna:

Elder William R. Bradford ke Itngucul sie pacl ah tuh sramsram nuh sin pisap se ke ward se suc mwet fuhsr kac tuh orekma sruh sacn nuh ke mukwikwi se. Pisap sac siyuck sel Elder Bradford lah el kuh in kahsruh mwet fuhsr in oasr kaksak nuh seltahl ke ma elos oraclah. Mwe lut se nuh sin pisap sac, ke Elder Bradford

el fahk muh el ac tiac. El fahk lah el engan lah mwet fuhsr ah orekma upac, tuh-sruhk tiac pa yohk srihpac uh in akihlenyuck inwuclihl ke orekma lalos.

Ke mwet fuhsr inge otwelah in sang mani eltahl sruokyac nuh ke fuhn luhn misineri ke Alu uh likina in orekmakihn nuh ke mukwikwi lalos, eltahl luhngse in itucklac petsac laltahl weluhl Elder Bradford ke eltahl ac oraclah mwe sang sac ac eltahl ke petsac sac ac sie ma sihmlac in ituckyang nuh ke nuspwepuh ah. Elder Bradford el sifwil pacna ahklutyacitahl in fahk muh “m-moh.” El fahk nuh sin pisap sac: “Kom enenuh in motko in kahsrh mwet fuhsr lom in luti ke sie ma sap fuhlwact luhn akihlenyuck. Kaksak inkuhsrao uh el mihs lac. Taranyuck ac mihs lacna sihmlac we. Lwelah elos in puhla in puhla engan ac eis mwe kahsrh upac insiaclos ac moul tuhkuh ke mihs lac, tiac kuhl wacnsuhpwaclos sifacna” (ke Conference Report, Oct. 1987, 90–91; kuh *Ensign*, Nov. 1987, 75).

- Lesin fuhkah kuht kuh in lotwelah sel Elder Bradford ke top lal nuh sin mwet fuhsr inge?

Ahkkahlwemye lah sie lesin kuht kuh in luti uh pa kuht enenuh in oruh ma wo mweyen kuht luhngse God ac kena ahkinsewowoyacl, tiac mweyen kuht ke in kaksakihnyuck kuht sin mwet sahyac uh. Pa inge sie ohiyac in sie mwet tuhma lutlut pwacye luhn Jisus Kraist uh.

Suhmuhs lah *Mwet Tuhma Lutlut Pwacye* ke port an. Ke kom sramsramkihn Luti Finohl Ah uh, tahkuhlah ohiyac wo luhn mwet tuhma lutlut pwacye lutyuck sin Mwet Lahngo ke luti se inge.

Mwe Sramsram
ke ma Suhmuhs lah
ac Moulkihi nyac

Ke kom luti mwe rit ke ma suhmuhs lah inge, kwacfe kais sie mempucr ke kuh-lahs in motko ma el enenuh in oruh in eklac ac isaclwacng kwewa ac in mwet tuhma lutlut pwacye luhn Kraist. Kwacfe mempucr ke kuhlahs in akacsruhi ke puhla lalos sifacna ma oacna ip yohk luhn mwet tuhma lutlut pwacye.

1. Mwet tuhma lutlut pwacye oruh ma uh ke srihpac pwacye.

Riti ac Sramsramkihn Mattu 6:1–6, 16–21.

- Efuh Jisus el luhslah kuhtuh mwet uh ke oruh wo pa in sang mwe pahkomuh-ta (sang nuh sin mwet suhkahsrh up), pruhe, ac lalo? (Liye Mattu 6:1–2, 5, 16. Eltahl oruh ma inge ke tiac pwacye.) Jisus el luhma kain mwet se inge mwet wosonkacs. Meac wosonkacs? (Kain in mwet se ma oruh in muh oasr kain in ma yohrohl tuhsruhk wacngihn: mwet se ma oruh muh el suwohs tuhsruhk tiac. Kahs Greek se nuh ke wosonkacs kuh pac in lwenglah muh mwet srihke in nuh muh. Liye Mattu 15:8; Luk 11:39.)
- Meac mwe opi nuh sin mwet ma oruh ma wo in liyeyuck sin kuhtuh pac uh? (Liye Mattu 6:2, 5, 16.) Meac ma kuht oruh in liyeyuck sin kuhtuhpac likina in ahkinsewowoye God uh? Kuht ac ahkwoye mukwikwi in kuhl wacnsap lasr ac oruh kuhtuhpac orekma wo fuhkah?
- Ke luti se inge, meac Jisus el luti kac ke ma kuht enenuh in eis yohk (Liye Mattu 6:19–21.) Meac kalmac in “elohsack ... mwe kahsrh up inkuhsrao?” Meac kuhtuh mwe kahsrh up inkuhsrao kuht kuh in suk uh? (Liye D&C 18:14–16 ac 130:18–19 in pa luo mwe srihkasrak an.)
- Meac kalmacn “tuh yen ma sacohk lom oasr we, insiom ac fah oasr pac we”? Kuht ac oruh fuhkah ke mwe kahsrh up lasr uh? (Sie inkacnek uh pa in orac-

lah luhpan pacl, mani, ac nuhnak kuht sang in oruh sie ma uh.) Meac mwe kahsrup luhn mwet mihsenge uh? Siyuck mempucr ke kuhlahs in nuhnkuh ke ma eltahl kahsrup kac uh ac mihsac in nuhnkuh lah meac mwe kahsrup inge fahk ke acn insiaclahl oasr we.

2. Mwet tuhma lutlut pwacye ukwe srihkasrak in pruhe luhn Mwet Lahngo.

Riti ac sramsramkihn Mattu 6:7–13; 7:7–11. Ahkkahlwemye lah Mattu 6:9–13 etweyuck muh Pruhe luhn Leum.

Meac pruhe luhn Leum luti kuht kac ke ohiyen pruhe uh? (Liye Mattu 6:9–13.)

- Pruhe luhn Leum ahkkahlwemye muhtahl ac ahkfuhlwact luhn Jisus nuh sel Pahpah Lucng fuhkah? Kuht ac ahkkahlwemye ahkfuhlwact ac suhnak nuh sin Pahpah Lucng ke pruhe lasr uh fuhkah?

Elder Dallin H. Oaks el sapkihn nuh ke kainin puhsra kuht enenuh in orekma-kihn ke kuht pruhe uh. “Puhsra sacohk ke pruhe uh tuhkuh ke kainin luhmah ke kainin kahs, tuhsruhk ma yohk kac uh oacna sie pacl nuhkwewa. Kuht enenuh in ahkkahlwemye pruhe nuh sel Pahpah Lucng ke kahs ma mwet sramsram ke puhsra sacn akihlen ke luhngse ac ahkfuhlwact, muhtahl ac in fototo.... Mukul ac muhtwacn uh kena ahkkahlwemye ahkfuhlwact ac is pacl in luti puhsra in pruhe ma sacohk uh” (ke Conference Report, Apr. 1993, 17, 20; kuh *Ensign*, May 1993, 16, 18).

- Kuht ac sensenkihn orekmakihnyacn “kalweni” ke kuht pruhe uh fuhkah? (Liye Mattu 6:7.)
- Ke Pahpah Lucng el etuh lah meac kuht enenuh met liki kuht pruhe (Mattu 6:8), efuh kuht enenuh in pruhe? Efuh siyuck, suk, ac tongol uh (Mattu 7:7) enenuh nuh ke kapkapwack luhn nguhn uh? Kuht ac kwacfeacng in suk kahsrup lal Pahpah Lucng fuhkah?
- Kuht ac kahlwem ke olwelah luhn Mwet Lahngo fuhkah lah “elos nuhkwewa suc siyuck uh eis”? (Mattu 7:8). Efuh kuhtuh pacl uh kuht tiac eis ma kuht siyuck uh ke pacl kuht siyuck uh kuh ke pacl kuht luhngse uh? (Liye 3 Nephi 18:20.) Kom etuh fuhkah lah God el etuh ma wo nuh sum uh?

3 Mwet Tuhma Lutlut Pwacye uh kuhlwacng ac oruh wo nuh sin mwet sahyac uh.

Riti ac sramsramkihn Mattu 6:14–15; 7:1–6, 12.

- Efuh kuh kom nuhnkuh muh Mwet Lahngo el sapkihn nuh sesr in nuhnak muhnahs nuh sin mwet sahyac? Kuht ac srihke in nuhnak muhnahs fuhkah?
- Lweng lal Joseph Smith ahkwoyelah Mattu 7:1 in rityuck lah kuht “tiac enenuh in nuhnkuh sesuwohs kuht in muh tiac nuhnkuhweyuck; tuhsruhk kuht enenuh in nuhnkuh suwoswos” (liye Joseph Smith Translation, Mattu 7:2). Meac nuhnkuh suwoswos? Meac elyah kuh in sun kuht ac elos suc kuht nuhnkuh kuh fin kuht tiac nuhnkuh in suwoswos uh? Kuht ac etuh fuhkah lah kuht nuhnkuh ke suwoswos? (Liye Mattu 7:3–5; Moroni 7:14–18.)
- Jisus el fahk lah sie mwet sesuwoswos suc srihke in ahkpwacyei mwet sahyac uh el sie mwet wosonkacs (Mattu 7:4–5). In nuhnkuh ke sesuwoswos uh sie akucl ke wosonkacs uh fuhkah?

- Luti fuhkah ahkkahlwemye nuh sum yohkiyacn ip yohk se sramsramkihnyuck ke Mattu 7:12 an? Ukweyacn Ip Yohk uh oruh fuhkah kuht in mwet tuhma lutlut wo luhn Jisus Kraist?

Elder Marvin J. Ashton el ahkuhtweyac sie miting suc sie un mempucr ke Alu uh tuh motko ke kihsensiyuck se “Kom ac etuh fuhkah lah sie mwet el eklac nuh sin Jisus Kraist”?

“Ke lusen mihnit angaul limekohsr elos suc wi oraclah kainin top pucspucs in topuk kihsensiyuck sac, na mwet kol sac suhmuhslah ahkwoyac kais sie top ke port na luhlahp se. Kwewana fahk ah oasr kalmac ac fal. Tuhsruhke ke kihtin pacl na, mwet luti sac ullah ma nuhkewewa el suhmuhslah ah.” Na, ahkkahlwemye lah kwewana fahk ah yohk kalmac ac fal, el nuhnkuh sie ma yohk. “Ma se ma wo emet ac fahkwack kahlwem lah kuht kapkapwack in nguahn ac tuhkuh nuh yurin Kraist uh pa ohiyacn oruh lasr nuh sin mwet sahyac uh.”

Elder Ashton el tahfwelah in fahk: “Ohiyacn oruh lasr nuh sin mempucr ke sucu lasr, kawuck lasr, elos suc kuht wi orekma ke kais sie lwen yohk srihpac oacna ma yohk ke wosasuc kuht ahkkahlwemye kuhtuh pacl uh” (ke Conference Report, Apr. 1992, 25; kuh *Ensign*, May 1992, 20).

4. Mwet tuhma lutlut pwacye kuhlhwacnsuhpuh God ac oruh ma luhngse lal.

Riti ac sramsramkihn fuhs sollac ke Mattu 6:22–34; 7:13–29.

- Efuh upac in kuhlhwacnsuhpuh kwewana God ac macmon, kuh ma luhn facluh? (Liye Mattu 6:24.) Meac mwe insewowo God el olwelah nuh selos suc kuhlhwacnsuhpwacul uh? (Liye Mattu 6:25–33; D&C 11:7.)
- Jisus el olwelah muh kuht fin “suk ... met tohkohsrahi luhn God,” ac fah utuckuh ma nuhkewewa sahyac ma kuht enenuh uh (Mattu 6:33). Meac ohiyac ma kahre kom in eis luhlhlafongi ke olwelah se inge uh?
- Ma luhn facluh uh ekuhllah luhngse lasr ac ahkfuhlwact lasr liki God fuhkah? Meac kuhtuh ohiyac kuht kuh in srihfeyuck kac in suk ke ma luhn facluh met liki ma luhn God uh? (Top uh kuh in pa ke kuht ac sano in moli sie tahfuh singucul tukun kuht moli ma kuht enenuh kuh luhngse kuh sulaclah in tiac som nuh ke misin ma ke kena se ke ma luhn facluh uh.)
- Ke Jisus el apkuhran in ahksahfye luti lal finohl ah, meac el luti ke ilyak nuh ke tohkohsrahi luhn inkuhsrao ah? (Liye Mattu 7:13–14, 21–23.) Efuh kuh yohk srihpac inkacnek nuh ke moul ma pahtpaht uh oasrihksrihk, ke inkacnek luhn kuhnaustwen el sralacp uh?
- Ke sahflahiyacn Luti Finohl Ah, Jisus el sruhmuhn ke puhpuhlyuck se ke sie mukul lahlmwetmwet ac mukul lahlfon (Mattu 7:24–27). Puhpuhlyuck se inge ac moulikihnyuck sesr fuhkah? Meac “yot” se ma muh kuht in muhsah kac uh? (Liye Helaman 5:12.) Meac kuhtuh mwet uh muhsahi moul lalos kac ma kuh in kuhpahsr nuh ke puhkpuhk uh?

Sahflah

Fahkwack ke yohk srihpaciyacn ukwe Jisus Kraist uh. Kwacfe mempucr ke kuhlahs in motko elos in oruh in mwet tuhma lutlut wo luhn Kraist.

**Nuhnak in Weacng
Mwe Luti**

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in ip ke lesin an.

1. “Ke fahko lalos kom fah etwaclos” (Mattu 7:20)

- Jisus el sensenkihn nuh sin mwet fahsr tohkohl ke mwet pahluh kikiacp—mwet suc luti ma stuhuh kuh kohllah mwet uh liki Kraist (Mattu 7:15). Kuht kuh in etuh inmahsrlon mwet pahluh stuhuh ac mwet pahluh pwacye uh fuhkah? (Liye Mattu 7:16–20; oacyacpac liye Moroni 7:5, 10–11.) Mattu 7:20 ac ma nuh sesr oacna mwet pahluh uh fuhkah?

2. Petsac in liyeyuck

Ip ahkluo ke “New Testament Customs,” sie ma sollac ke *New Testament Video Presentations* (53914), Ahkkahlwemye lah mwet Ju elos orekmakihn fuhlackteris ac frings. Kom fin oruh in liyeyuck ip se inge, sramsramkihn orekmakihnyacn ma inge suc tuh ahkkahlwemye ahkostwen nuh sin God eklac akucl in kena luhn mwet Pharisee in “liyeyuck sin mwet uh” ke elos alu uh (Mattu 6:5).

3. Konwacack sahk luhlahp suc an in muhtahsr

Akacsruhi ke sramsram soko inge ke mwet pahluh Joseph Smith el luti sie tahmtahel in liye sahk luhlahp an in muhtahl sifacna ke el oruh sie akuhkuhin lal.

Sie muhtwacn el som nuh yohrohl Mwet Pahluh Joseph Smith foloyak ke kuh-tuh ma sie mempucr ke alu uh fahk kacl. Mwet Pahluh el fahk nuh sel lah fin ma mukul sac fahk ah tiac pwacye, el enenuh in tiac nuhnkuh ma sac, ke srihpen ma pwacye uh kwac kahlwem ac ma stuhuh uh tiac. Muhtwacn sac puhla lah ma fwackyuck ah tiac pwacye, tuhsruh el tiac luhngse ac koflah ngwetlah liki. Mwet Pahluh el fahk ohiyac lal in kahsrub kain in fahk inge:

“Ke sie mwet lokwalok sruhmuhn sie sramsram tiac kuhlwacng kacl, suc kwac si-kyak, met liki el oraclah nuhnuhnkuh nuh kac el tui ac esamwack pacl ac acn ac fahsriyacn sramsram sac in liye lah el oacna fuhkah ke kuhtuh kahs sowac kuh mukwikwi pa ma sramtweack sramsram sac. Fin el konwacack tuh el oruh, el fahk nuh insiac lah el nuhnak muhnahs nuh sin mwet lokwalok lal, ac kulohkihn lah el eis sensenkihnyacn muhnahs suc el tiac puhlakihn.”

Mwet Pahluh el sruhmuhn nuh sin tahmtahel sac lah el enenuh in nuhnkuh ahkwoyac lah el tahfonglac in sang nuh sin mukul sac srihpac in fahk ma el oruh ah. Tukun nuhnak yohk, el sulaclah muh el oacna ke el fahk ah, ac el kuloh nuh sel Mwet Pahluh na el som. (Liye Jesse W. Crosby, fwakyuck ke Hyrum L. Andrus ac Helen Mae Andrus, comps., *They Knew the Prophet* [1974], 144.)

4. Mukwikwi luhn Mwet Fuhsr

Suhmuhsrah kais sie pohloh kahs ke Mattu 6 ac 7 ke sie kaht sahyac an:

Tiac lwelah lacpo lacsac in etuh (6:3)	Meac lacpo lacyot lom oruh (6:3)
Pahpah Tomom suc liye in lukmac (6:6)	Fah usot nuh sum kahlwem (6:6)
Tiac orekmakihn (6:7)	Kalweni (6:7)
Nuhnak muhnahs nuh sin mwet (6:14)	Ma suhfal lalos (6:14)
Likiyac nuh sum sifacna (6:20)	Usru inkuhsrao (6:20)

Kom tiac kuh in kuhlwasnsap (6:24)
Kom suk met (6:33)
Sislah sahk luhlahp (7:5)
Siyuck (7:7)
Suk (7:7)
Sensenkihn ((7:15)
Ke fahko lalos (7:20)

God ac macmon (6:24)
Tohkohsrahi luhn God (6:33)
Liki motom sifacna (7:5)
Na ac fah utuckoht nuh sum (7:7)
Ac kom fah konwacack (7:7)
Mwet Pahluh stuhuh (7:15)
Kom fah etuh kaclos (7:20)

Likiac kaht an in ohnkiyucki fin tepuh kuh falfucl an. Kihtalihk mempucr ke kuhlals an nuh ke u luo, ac oruh u an in eis pacl in sulaclah kaht luo. Fin oacna sie kaht an, u sacn eslah liki tepuh an kuh falfucl an ac sifil pac eis. Fin kaht an tiacna oacna sie, u sacn fohlohkohnlah nuh ke acn an we met ah, na u se inge ac pacl la. Oruh nekena ohsun nohfohn.

“Eis Srenenuh Luhk Nuh Fom, ac Lutlut Sihk”

Lesin Ahk
10

Mattu 11:28–30; 12:1–13; Luk 7:36–50; 13:10–17

Srihpac Kahsruh mempucr ke kuhlals in etuh lah ke kuht eis srenenuh luhn Mwet Lahngo nuh facsr uh ac oruh luhngse lal uh, kuht ac konwacack mislac ac engan ma el olwelah uh.

- Ahkolah**
1. Rit, nuhnkuh, ac pruhe ke ma suhmuhslah inge:
 - a. Mattu 11:28–30. Jisus el ngihsre elos nuhkwewa suc orekma ac tohtohlah uh in tuhkuh nuh yohrohl, eis srenenuh Lal nuh faclos, ac lutlut kacl.
 - b. Mattu 12:1–13; Luk 13:10–17. Jisus el ahkkahlwemye lah el pa Leum luhn Sahpuht. El ahkkweye ke lwen sahpucht ac ahkkolukyeyuck el kac.
 - c. Luk 7:36–50. Sie muhtwacn suk nuhnak muhnahs ohllah nien Leum ke sro-nin muhtahl; Simon mwet Pharisee el ahkkolukye Jisus ke el lwelah muhtwacn orekma koluk sac in kahluhl ah. Jisus el lotwel Simon puhpuhlyuck ke mwet sowemoul luo ac nuhnak muhnahs nuh sin muhtwacn sac.
 2. Ma in weacng mwe luti: Isaia 58:13–14; Mattu 11:16–19; 12:14–50; 26:6–13; Mark 2:23–3:12; 14:3–9; Luk 6:1–11; Doctrine and Covenants 59:9–19.
 3. Fin kuhfa inge oasr, orekmakihn ke pacl in lesin an:
 - a. “Come unto Me” mihnit itkohsr ke ip se ke *New Testament Video Presentations* (53914).
 - b. Petsac kacl Mary Fielding ac Joseph F. Smith elos fahsr ahliki yen tuhpahsr-pahsr se (62608); Gospel Art Picture Kit 412), suc ahkkahlwemye kaho luko-ac srenenuh an kacltahl.
 4. Mwe nguhsr nuh ke mwe luti: Ke kom ahko-o kais sie lesin, ke pruhe motko in kwacfe kais sie mempucr ke kuhlals in wi. Sruhwack ma in sulkackihn, sramsram in u srihsrihk, oruh sritacl in etahi, ac kuhtuh pac mukwikwi fal kuh in kahsruh mempucr ke kuhlals in wi.
-

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtwe-
Ahkoeyucklac ack lesin an.

Siyuck sie mempucr ke kuhlals in tuhkuh nuh met ke kuhlals ac ahsrelah pahol. Likiyac kuhtuh puk kuh kuhtuh ma toasr ke poun mwet sacn. Kalweni in nwek poun mwet sacn ke ma neke el koflah in sifwil sruok. Na siyuck:

- Lusac suc kom kuh in us ma toasr se inge met liki kom tui monglac? Ahkolah fuhkah kom enenuh in oruh in us ma toasr se inge ke lusac na loes?

Ahkkahlwemye lah oasr kain in ma ac utuck kuh ma toasr. Kuhtuh ma kuht akikhlen ke mahno, ac kuhtuh ma ke nguhsr ac tiac fihsracsr in liyeyuck. Ma toasr

tiac liyeyuck pucspucs kuh in eslah kuhiyacsr in muhtweng, na oruh kuht ullac. Lesin se inge sramsramkihn lah Leum el kuh in ahkmuhlahlahye ma toasr lasr uh ac us kuht me in monglac.

Mwe Sramsram
ke ma Suhmuhsalah
ac Moulkihiyac

Ke kom luti mwe rit ke ma suhmuhsalah inge, sramsramkihn lah ma inge ac orek fuhkah nuh ke moul ke lwen nuhkweua uh. Kwacfe mempucr ke kuhlahs in akacsruhi ke ma elos puhlakihni ma fototo nuh ke ma yohk ke ma suhmuhsalah uh.

1. Jisus el ngihstre kuht in eis srenenuh lal nuh facsr ac lutlut sel.

Riti ac sramsramkihn Mattu 11:28–30.

- Meac kalmac in “orekma ac [in] tiac tohtohlah”? (Mattu 11:28). Meac kuhtuh srihkaskrak ke ma toasr kuht kampare kac ke moul se inge uh? Leum el kuh in “use [nuh sesr] monglac” liki mwe toasr inge fuhkah?
- Meac srenenuh? (Sruhkweua petsac kac Mary Fielding ac Joseph F. Smith an na ahkkahlwemye srenenuh ke kaho ke petsac sacn. Ahkkahlwemye la srenenuh pa sahk se kuh pohloh ma se likiyucki ke mwet se kuh mwet luo kuh kosro ma ul kuh wucn ma toasr se. Srenenuh uh ahksuwohsye ma toasr ac in fihsracsr in kuh in orek. In weacng kalmac an, srenenuh el oacyacpac sikyak ke ma suhmuhsalah pucspucs nuh ke sie pacna kalmac nuh ke srohoh kuh kohs; liye Jeremiah 28:2; Alma 44:2.) Meac kalmac in eis srenenuh luhn Kraist nuh facsr? (In mongfihsracsr in oruh kena lal ac lwelah lwacn kol ac srihsrangi moul lasr.)

Kom fin ac orekmakihihi petsac in liyeyuck “Come unto Me,” oruh in liyeyuck ip se met an ingena. Tulokihnyac petsac an ke Prestuhn Howard W. Hunter el ac sahflah ke sramsram uh.

- Leum el fahk, “Srenenuh luhk fihsracsr, ac ma toasr luhk muhlahlah” (Mattu 11:30). Ke ohiyac suc srenenuh luhn Mwet Lahngo fihsracsr? Efuh kuhtuh mwet uh motko muh mwe luti luhn Leum uh upaclac? Ahkostwen ac kuhlwacnsuhpuh Leum ac oruh fuhkah ma toasr lasr uh in muhlahlah?

2. Jisus el ahkkahlwemye lah el Leum luhn Sahpuht.

Sramsramkihn Mattu 12:1–13 ac Luk 13:10–17. Ngihstre mempucr ke kuhlahs in riti fuhs sollac an in yohk.

- Meac mwet Pharisee elos oruh ke elos liye mwet tuhma lutlut luhn Jisus ke elos kihnis kohrn ke lwen Sahpuht ah? (Liye Mattu 12:1–2. Ahkkahlwemye lah lweng luhn Mwet Pharisee ke ma sap lal Moses ac tiac na akihlen nguhihi pwacye ac srihpac luhn Sahpuht ac som yohk na nuh ke ma mahtuh ma lain mukwikwi luhn Sahpuht.) Meac Leum el luti ke el topuk sramsram in ahkmwekihihi lalos? (Liye Mattu 12:3–8.)
- Meac kalmac sin Jisus ke el fahk, “Nga fah pahkomuhta, ac tiac kihnac”? (Mattu 12:7. El kena mwet uh in lohacng nuh ke luhngse mwet sahyac uh, tiac in oruh muhkweua toeni ahkfuhihwact ke alu ma uh.) Kuht ac orekmakihihi ma yohk se inge in kol kuht ke mukwikwi lasr ke lwen Sahpuht lasr uh fuhkah?
- Meac Jisus el luti ke srihpac luhn Sahpuht ke el unwelah mukul se suc ul paho ac sie muhtwacn suc seseslah ke mas? (Liye Mattu 12:10–13; Luk 13:10–17.)

Meac el luti ke Sahpuht ke Mark 2:27–28 an? (Ahkkahlwemye lah lweng lal Joseph Smith ke Mark 2:26 an ahkkahlwemye lah Sahpuht uh utuckuh in sie lwen in monglac ac sie lwen in ahkenganye God.) Meac kuht kuh in oruh ke lwen Sahpuht in ahkenganye God uh? Karuhnganwacng lwen Sahpuht in muhtahl ac oruh ma toasr lasr uh in muhlahlah ac use monglac nuh sesr fuhkah?

3. Jisus el nuhnak muhnahs nuh sin sie muhtwacn in lohm sel Simon Mwet Pharisee.

Kom fin ac orekmakihn petsac in liyeyuck “Come unto Me,” oruh in liyeyuck ma luhlah an ingena. Na riti ac sramsramkihn fuhs sollac ke Luk 7:36–50 an.

- Muhtwacn se ma utyak nuh in lohm sel Simon Mwet Pharisee el us ma toasr ke ma koluk (Luk 7:37). Meac muhtwacn sac oruh tuh Jisus lwacn eslah ma toasr yohrohl? (Liye Luk 7:38, 44–50.) Meac kuht kuh in oruh Mwet Lahngo lwacn eslah mwe toasr luhn ma koluk liki moul lasr uh?
 - Muhtwacn koluk sac ac Simon Mwet Pharisee tiac oacna sie ke ohiyaclahl nuh sin Jisus fuhkah? (Sraclihk auliyak ahkfuhlwact, kuhlwacng ac luhngse luhn muhtwacn sac nuh ke inefuhlwact, suhwac ahkfuhlwact, ac nuhnun-kuh lal Simon. Oacyacpac liye fahk se ten inge.) Efuh kuh yohkiyacn ma oasr yurin muhtwacn sac yohk srihpac ke kuht auliyak ac suk nuhnak muhnahs uh? Ma yohk yohrohl Simon inge oruh kuht in tiac auliyak fuhkah?

Elder James E. Talmage el luti: “Facsin se mihsenge in ahkfuhlwactye mwet ngihseyuck uh ke lohacng; in esacl ke sie angokmwet luhn paing, in use kof in ohllah fohkfohk liki niac, ac mwe akmuhsra in akmuhsraelah aunsifac ac ahluht. Ohiyac inge kwewa Simon el tiac na oruh” (*Jesus the Christ*, 3rd ed. [1916], 261).

- Ohiyac Simon nuh sin muhtwacn sac oruh ma koluk lal toasr fuhkah? Kuhtuh pacl uh kuht oruh ma toasr luhn kuhtuh pac mwet in toasr fuhkah? Meac kuht kuh in luti ke top luhn Mwet Lahngo nuh sin muhtwacn sac?
- Finne el tiac suliyuck ac pihlacsraclah in orek koluk el sel Simon ac mwet in lohm sel, mutwacn sac som suwohswohs nuh yurin Kraist ke pacl el etuh muh el ac konwacnwack we. (Luk 7:37). Meac kuht kuh in luti ke srihkasrak lal? Meac kuh in tulokihnkuhti liki auliyak ac tuhkuh nuh yurin Kraist uh? Kuht kuh in kuhtanglah ma tulokihnkuht uh fuhkah?
- Meac kuht kuh in luti ke puhpuhlyuck se ke mwet sowemoul luo ah? (Liye Luk 7:41–50.) Ma koluk uh kuhpahsr nuh ke sowemoul uh fuhkah? (Liye Luk 7:44–50.) In eis Kraist lacn “mwet in molwelah” lasr in oruh ma toasr lasr uh muhlahlah fuhkah?

Sahflah

Ahkkahlwemye lah kuht kuh in sulaclah in eis nuh facsr ma toasr luhn facluh kuh srenenuh luhn Jisus. Ahkkahlwemye lah luti luhn Kraist pwacye ac lah kuht ac konwacack mislac ke kuht fahsr tohkohl uh. Kwacfe mempucr ke kuhlahs in lutlut ke Kraist ac ahkos mwe luti lal elos in muh kuh in konwacack monglac ac mislac.

**Nuhnak in Weacng
Mwe Luti**

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in ip ke lesin an.

1. Yohk srihpac luhn toeni

Riti ac sramsramkihn Mattu 12:22–30.

- Ke kuhtuh pacl uh kuht kuh in... maelihk inmahslosr sifacna in sucu lasr, lohmsesr, kuh ward lasr uh fuhkah? Meac kuht kuh in oruh in ma se fanna liki met ah uh?
- Jisus el fahk nuh sin mwet Pharisee, “El suc tiac ma luhk lainyuc” (Mattu 12:30). Efuh in ohinge?

2. “Kahs lusrohngtwen nuhkewewa” (Mattu 12:36)

Riti ac sramsramkihn Mattu 12:33–37.

- Meac kahs kuht sramsramkihn uh ahkkahlwemye kacsr uh? Efuh Jisus el likiyac yohk ke kahs kuht sramsramkihn uh? Meac kuhtuh sin “kahs lusrohngtwen” uh? (Top uh kuh in pa kahs kohu, lwesrihk, kikiacp, kahskahs koluk, kahs lahlfon.) Kuht kuh in ahkkweyelah olwelah lasr in sramsram ke ohiyac wo muhkwenafuhkah?

3. Mukwikwi luhn Mwet Fuhsr

Ahkolah nuh sin kais sie mempucr ke kuhlahs sie ipin pwepuh puhsuhl se inge in an kac. Tukun kom riti ac sramsramkihn mwe rit an, kihtaclihk puhsuhl an. Siyuck mempucr ke kuhlahs in liye kahs ma fototo nuh ke lesin an ma wihklac ke puhsuhl an. Kahs an kuh in oan loeloes, kuh in an fani, kuh an lucngi nuh ten, twengka. Fin mempucr ke kuhlahs enenuh kahsrüh ke tukun mihnit ekahsr ma, oruh eltahl in sifil riti fuhs ma kahs wihklac ngwacn an we an (Mattu 11:28–30: burden, heavy laden, yoke, Mattu12:1–13: Sabbath heal, Luke 7:36–50: parable, debtor, forgiven).

P	H	K	N	J	R	I	H
H	A	A	R	A	B	L	E
S	E	R	M	D	A	O	A
A	B	N	A	E	E	F	V
B	U	E	H	B	D	R	Y
B	R	V	A	T	L	T	L
A	D	I	B	O	B	E	A
T	E	G	B	R	K	I	D
H	N	R	F	O	O	K	E
O	D	O	Y	O	R	M	N
J	F	F	R	G	I	V	R

“El Sramsramkihn Ma Pucspucs nuh Selos ke Puhpuhlyuck”

Lesin Ahk
11

Mattu 13

Srihpac

Kahsruh mempucr ke kuhlahs in ahkolah “insrac in lohng” elos in muh kah-lwen kac lah elos ac moulkihn fuhkah puhpuhlyuck Jisus el oruh nuh selos inge (Mattu 13:9).

Ahkolah

1. Rit, nuhnkuh, ac pruhe ke ma suhmuhslah inge:
 - a. Mattu 13:1–17. Jisus el oruh puhpuhlyuck se ke mwet tahknwelihk fihtac se ac ahkkahlwemye orekmakihnyacn puhpuhlyuck sel.
 - b. Mattu 13:18–23. Jisus el ahkkahlwemye puhpuhlyuck se ke mwet tahknwelihk fihtac sac.
 - c. Mattu 13:24–53. Jisus el luti ke tohkohsrahi luhn inkuhsrao fin facluh (Alu luhn Jisus Kraist) ke puhpuhlyuck se ke wit ac tacs, fihtac in muhstart, pret tiac pulohl, mwe kahsruh ukunyucklac in imac uh, pearl yohk molo, ac sie koa sisilac meoa.
 2. Ma in weacng mwe rit: Mark 4:1–34; Luk 8:4–18; 13:18–21; Doctrine and Covenants 86:1–7.
 3. Nguhsr nuh ke mwe luti: Elder Boyd K. Packer el fahk: “Wacngihn mwe luti wo liki sie, ac kuhtuh na oacna sie, port uh.... Kom kuh in orekmakihn in pwen muhtuhn tuhlihk an in lohacng ke mwe luti na pwacye lutiyeck an. Ke kom sramsram an, kom kuh in likiacna kuhtuh ke port an in mwe liye ac in sang nuhnak nuh selos, in tiac puhslaclac oruh elos tilac lohacng” (*Teach Ye Diligently* [1975], 224–25).
-

**Mwe Nguhsr Nuh
Ke Ahkyohkyeyacn
Lesin**

**Mukwikwi
Ahkoeyucklac**

Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Ngihstre mempucr ke kuhlahs in luhma muh elos kahsruhsr lun pas soko. Ke som lalos loeselihk elos ngwetngwet ke winto ke pas ah ac intein atacn acn ah.

- Tukun tuhkwani kahsruhsr lun pas soko fanna, oacna kowos ac intein ma se fanna oacna kuhtuh mwet wi ac? Efuh ac efuh tiac?

Ahkkahlwemye lah mwet ma oasr ke ohiyac se fanna ah tiac pacl nuhkwea akihlen ma se fanna. Oacpacna ke tiac mwet nuhkwea ma lohng Jisus ke el luti ke puhpuhlyuck uh etuh lah puhpuhlyuck uh luhmweyuck nuh seltahl fuhkah. Lesin se inge ac sramsramkihn lah kuht kuh in etuh ac orekmakihn puhpuhlyuck luhn Jisus inge fuhkah.

Mwe Sramsram
ke Ma Suhmuhsalah
ac Moulkiynyac

Ke kom sramsramkihn puhpuhlyuck inge, oruh mempucr ke kuhlals in etuh lah meac kalmac ma kain in mwet, ma, ac mukwikwi inge ahkkahlwemye uh. Ac kahrseles in etuh ke puhpuhlyuck ac in orekmakihn nuh ke moul lalos.

1. Jisus el oruh puhpuhlyuck ke mwet tahknwelihk fihtac se ac ahkkahlwemye orekmakiynyacn puhpuhlyuck uh sel.

Riti ac sramsramkihn Mattu 13:1–17.

- Ke un mwet pucspucs tuhkweni we kof uh, Jisus el “sramsram ke ma pucspucs nuh selos orekmakihn puhpuhlyuck” (Mattu 13:3). Meac puhpuhlyuck? (Sramsram ma orekmakihn akucl in luti ma pwacye ke wosasuc in kapsra nuh ke ma fin facluh uh.) Meac Jisus el fahk muh srihpac lal in luti orekmakiynyacn puhpuhlyuck uh? (In pacl se fanna luti nuh sin mwet tuhma lutlut lal ke puhpuhlyuck lal ac okanlah nuh sin mwet suhlahlalfongi. Liye Mattu13:10–13.

Siyuck sie mempucr ke kuhlals in riti in yohk puhpuhlyuck ke mwet tahknwelihk fihtac sac (Mattu 13:3–8). Ngihstre kuhtuh pac mempucr sahyac ke kuhlals an in wi rit ke rityuck an, esam lah ma ac mukwikwi nuh ke sie puhpuhlyuck ahkkahlwemye ma pwacye ke wosasuc uh.

- Meac oruh fihtac ma puhtatlac nuh siskacn inkacnek uh in tiac sruhnwack uh? (Liye Mattu 13:4. Suhmuhsalah ke port an *Fihtac siskacn inkacnek uh—mongolac sin won uh.*)
- Efuh fihtac ke acn yotyot uh uli? (Liye Mattu 13:5–6; Luk 8:6. Suhmuhsalah ke port an *Fihtac ke acn yotyot—wacngihn okah.*)
- Meac sikyak ke kuhtuh fihtac uh puhtatlac in mahsrton acn kohkihl uh? (Liye Mattu 13:7. Suhmuhsalah ke port an *Fihtac inmahsrton kohkihl uh—kupo ke kohkihl.*)
- Meac sikyak nuh ke fihtac puhtatlac nuh ke fohk wo uh? (Liye Mattu 13:8. Suhmuhsalah ke port an *Fihtac ke fohk wo uh—use fahko.*)

Fihliac kahr kom suhmuhsalah an ke port an, ac ahkkahlwemye lah ke mihnit ekahr na kom ac sramsramkihn ke ma pwacye ma ma inge luhmweyuck nuh kac uh.

- Mwet uh ac mukwikwi fuhkah ke elos lohng puhpuhlyuck se inge fin wacngihn ahkuhtweyac ke kalmac uh? (Kuhtuh mwet uh ac elyah mweyen elos ac tiac kahlwem. Kuhtuh pac mwet uh ac kahlwem kac tuhsruhk tiac motko muh ma nuh seltahl. Kuhtuh pac mwet uh ac nuhnkuh kac ac siyuck kihnsenyuck kac nekena elos kahlwem kac ac etuh lah ac orek fuhkah nuh ke moul lalos.)
- Meac siyuck lal Jisus el tahfwelah tukun el oruh puhpuhlyuck se ke mwet tahknwelihk fihtac sac? (Liye Mattu 13:9.) Meac kom nuhnkuh muh kalmacn kahr se inge lohng uh ke nguhsr se inge? Meac kalmac in liye tuhsruhk tiac liye ac in lohng tuhsruhk tiac lohng? (Liye Mattu 13:13–15.)

Mwet Pahluh Joseph Smith el fahk: “Mwet pucspucs ... tiac na eis fahk Lal ... mweyen elos tiac luhngse liye ke muhtahlos, ac lohng ke insraclos; tiac ke srihpen elos tiac kuh, ac tiac na kuh in liye ac lohng, tuhsruhk ma ke insiaclos nwacnwaclah ke muhnahr ac ma sruhngwacyuck.... Srihpac se ma oruh mwet pucspucs ... tiac eis ahkuhtweyac se ke puhpuhlyuck lal, ma ke suhlahlalfon-

ngi" (*Teachings of the Prophet Joseph Smith*, sollow sel Joseph Fielding Smith [1976], 96–97).

2. Jisus el ahkkahlwemye puhpuhlyuck ke mwet tahknwelihk fihtac sac.

Riti Mattu 13:18–23, ac sramsramkihn kalmacn ma ac mukwikwi ke puhpuhlyuck se ke mwet tahknwelihk fihtac sac.

Fihtac

- Ke puhpuhlyuck ke mwet tahknwelihk fihtac sac, meac fihtac sac luhmweyuck nuh kac uh? (Liye Mattu 13:19; Luk 8:11. Suhmuhsalah ke port an *Fihtac = kaks luhn God.*)

Siskacn Inkacnek uh

- Meac siskacn inkacnek uh luhmweyuck nuh kac uh? (Liye Mattu 13:19.) Suhmuhsalah ke port an *Siskacn Inkacnek uh = mwet ma lohng kaks luhn God tuhsruhkiac kahlwem kac uh.*
- Meac kuhtuh ma kuht kuh in oruh ma ac tiac oruh kuht in kahlwem ke kaks luhn God uh? (Liye Mosiah 26:1–3 nuh ke top ac wo sacn.) Meac kuht kuh in oruh in kuh in kahlwem ke kaks luhn God uh? (Liye Alma 32:27.) Srihklac luhn kahlwem oruh in fihsracsr nuh sel Setuhn lan eslah kaks liki insiacsr fuhkah? (Liye Mattu 13:19.)

Acn Yotyot

- Meac acn yotyot luhmweyuck nuh kac uh? (Liye Mattu 13:20–21.) Suhmuhsalah ke port an *Acn Yotyot = mwet ma lohng ac eis kaks luhn God tuhsruhkiac na lwelah in oraclah okah in el.*
- Efuh kuhtuh mwet uh tiac lwelah kaks luhn God in oraclah okah in el (Liye Mattu 13:21; Mark 4:5.) Kuht kuh in lwelah kaks in akiac okah loal in kuht fuhkah? (Liye Alma 32:41–43.) Ac kaksre kuht in kuhtanglah mwe elyah luhn lokoalok, ahkkoluk, ac lain uh fuhkah?

Acn Kohkihl

- Meac acn kohkihl luhmweyuck nuh kac uh? (Liye Mattu 13:22; Mark 4:19; Luk 8:14.) Suhmuhsalah ke port an *Acn kohkihl = mwet ma lohng kaks luhn God tuhsruhkiac kuhflah nuh ke ma luhn facluh.*
- Meac kalmac sie mwet in tiac isus fahko? Meac “kohkul” ac oruh nuh sin mwet uh in tiac isus fahko uh? (Liye Mattu 13:22; Mark 4:19; Luk 8:14.) Kohkul inge kahlwem fuhkah fin facluh mihsenge? Meac kuht kuh in oruh in kosraclah kohkul inge in tiac ahkkolukye kaks luhn God yohrohsr uh?

Fohk Wowo

- Meac fohk wowo luhmweyuck nuh kac uh? (Liye Mattu 13:23.) Suhmuhsalah ke port an *Fohk wowo = mwet ma lohng kaks luhn God, kahlwem kac, ac oruh orekma suwohswohs.*
- Meac kuh in orek in sang kaksruh acn ma koluk in kuh in oraclah fahko? (Siskacn inkacnek kuh in kuclkuclyak ac ahkmongoiyac, yot uh kuh in sisilac,

ac kohkihl in fihfyak.) Ma se inge kuh in orekmakihnyuck nuh ke kuhiyacsr in kuh in sa nuh ke kaks luhn God fuhkah?

- Efuh kom nuhkuh muh puhpuhlyuck ke mwet tahknwelihk fihtac sac luhmweyuck yohk nuh ke fohk uh likina nuh sin mwet tahknwelihk fihtac sac kuh fihtac uh?

3. Jisus el orekmakihn puhpuhlyuck in luti ke tohkohsrahi luhn inkuhsrao fin facluh (Alu luhn Jisus Kraist).

Riti ac sramsramkihn fuhs sollac ke Mattu 13:24–53. Ahkkahlwemye lah ke fuhs inge kaks se inge “tohkohsrahi luhn inkuhsrao” luhmweyuck nuh ke Alu luhn Jisus Kraist suc pa tohkohsrahi luhn inkuhsrao fin facluh.

- Meac kalmacn puhpuhlyuck se ke wit ac tacrs uh? (Liye Mattu 13:24–30, 36–43; D&C 86:1–7. Kom ac ke oraclah sie tahk an ke port an oacna ke kom oruh nuh ke puhpuhlyuck ke mwet tahknwelihk fihtac sac. Tahkuhnlah lah suc kuh meac kalmacn mwet tahknwelihk fihtac, imac, fihtac wo, tacrs, mwet lokoalok, kosracni, ac mwet kosracni.)
- Ke puhpuhlyuck ke wit ac tacrs, efuh mwet tahknwelihk fihtac sac sruhnga mwet kuhlwcacsap lal in sa oracni tacrs kuh mah ah? (Liye Mattu 13:27–30; oacyacpac liye D&C 86:5–7, suc ahkuhtweyac Mattu 13:30.)
- Mwet Pahluh Joseph Smith el luti lah puhpuhlyuck ke fihtac in muhstart ac pret tiac pulohl sac ma nuh ke Alu luhn Jisus Kraist luhn Mwet Luhlahlfongi Lal ke Lwen-sahflah (*Teachings of the Prophet Joseph Smith*, sel. Joseph Fielding Smith [1976], 98–100). Meac kuht kuh in lotwelah ke fohlohkyak luhn Alu uh ke kapsra sin Mwet Lahngo ke sie fihtac in muhstart? (Liye Mattu 13:31–32.) Nuh ke pret tiac pulohl? (Liye Mattu 13:33. Ahkkahlwemye lah pret tiac pulohl ma akuhlahmihsi se, oacna is kuh peking pauta, ma oruh pret uh in pulohlwack uh.) Kom nuh liye orekma luhn God uh in kapkapwack oacna ke ahkkahlwemyeyuck ke puhpuhlyuck inge?
- Meac kuht kuh in lotwelah ke puhpuhlyuck ke ma sacohk ac pearl suc yohk molo? (Liye Mattu 13:44–46.) Kihzac fuhkah kuht kuh in oruh in eis ma sacohk luhn wasasuc uh? Kihsa fuhkah kom kuh elos suc kom etuh oruh nuh ke wasasuc uh? Meac mwe in sewowo tuhkuh ke kihzac ingacn?
- Meac koa sac luhmweyuck nuh kac ke puhpuhlyuck se ke koa se sisilac nuh in meoa ah? (Liye Mattu 13:47.) Meac kalmac in toeni nuh ke koa sac? Meac kalmac in oracni ma wo nuh lun oak uh ac sislah ma koluk ac liki? (Liye Mattu 13:48–50. Kom ac ke orekmakihn Joseph Smith—Matthew 1:4 in ahkkahlwemye lah “sahflahiyacn facluh,” ke fuhs 49 ahkkahlwemye kuhnausyucklac luhn mwet koluk.) Meac kuht kuh in oruh in kaksre kuht in sruokyac luhlahlfongi ke Alu uh ac in kaksruh kuhtuh pac in oruh oacpacna?

Sahflah

Ahkkahlwemye lah Jisus el ahkkahlwemye puhpuhlyuck lal nuh selos suc suk ma kahlwem. Fahkwack lah ke kuht lutlut ke puhpuhlyuck luhn Jisus ke sie kena in kahlwem kac, kuht kuh in liye lah ma inge orekmakihnyuck fuhkah in lwen lasr uh.

Nuhnak in Weacng**Mwe Luti**

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn nuhnak se inge in ip ke lesin an.

Lesin ke ma

Kahsruh mempucr ke kuhlals in etuh ac esam puhpuhlyuck ke lesin an, oruh kuhtuh ma ma ac ahkuhtweyac an. Fin pa, kom kuh in ahkkahlwemye ke ohiyacn is uh ke wi kof ac suka uh. Kom kuh in muhnanlah sie lof in pret ah ke is ac sie in tiac is, na lwelah mempucr ke kuhlals in liye ac ema tiac oacna sie la an. Kom kuh in oacyacpac ahkkahlwemye kuhtuh fihtac in muhstart an (kuh pwepuh yok infohkuh an, ma oacna fihtac in muhstart an).

Jon 5-6; Mark 6:30-44; Mattu 14:22-33.

Srihpac

Kahsruh mempucr ke kuhlajs in ngwet nuh sin Jisus Kraist muh “pret luhn moul,” inkacnek luhn moul ma pahtpaht (Jon 6:47-48).

Ahkolah


1. Rit, nuhnkuh, ac pruhe ke ma suhmuhslah
 - a. Jon 5. Jisus el ahkkweyelah sie mukul ke lwen Sahpuht. Mwet kol luhn mwet Ju suk in... unilyac ke srihpen fahk lal muh el pa Wen nuhtin God.
 - b. Jon 6:1-14; Mark 6:30-44. Jisus el kihteyac puhs liki mwet 5,000.
 - c. Jon 6:15-21; Mattu 14:22-33. Jisus el fahsr fin kof uh solwacl Piter lan fahsr nuh yohrohl, ac ahkmihsyelah eng uh.
 - d. Jon 6:22-71. Jisus el ahkkahlwemye lah el pa “pret luhn moul” ac elos suc luhlalhfongi in el fah eis moul ma pahtpaht. Mwet pucspucs lain luti se inge, tuhsruhk Piter ac kuhtuh pac Mwet Sap sikalweni in weluhl Jisus.
 2. Ma in weacng mwe rit: Mattu 14:1-21; Mark 6:1-29, 45-52; Luk 9:10-17.
 3. Siyuck sie mempucr ke kuhlajs in tuhkuh ahkolah in akacsruhi ke sie sram-sram fototo oracni ma yohk srihpac ke Jisus el ahkkweyaclah sie mukul ke in-luhluh Bethesda (Jon 5:1-9).
 4. Fin petsac ke Feeding the Five Thousand (62143) ac Christ Walking on the Water (Gospel Art Picture Kit 243) oasr, orekmakihn ke pacl in lesin an.
 5. Mwe nguhsr nuh ke mwe luti: Mwet Lahngo el kwac orekmakihn kain in ma oasr ke lwen nuhkweua uh, fin pa pret kuh fihtac, in luti ma yohk ke wosa-suc. Ke kom ahko-o kais sie lesin, motko lah kom ac orekmakihn kuhtuh ma fuhkah in oruh mempucr ke kuhlajs in lohacng kuh oruh sie ip yohk an.
-

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Sruhlwaclah mwe ahkuhtweyac inge ke port an:



- Meac ma inge oacna sie kac uh?

Sang mempucr ke kuhlals in sramsram kuhtuhsrihk ke top ma fal nuh ke kihsen-siyuck se inge. Na oruh elos in riti Helaman 5:12, ma Helaman el luhma Jisus Kraist muh pa yot sac, ac Jon 8:12, suc Jisus el ahkkahlwemye muh el pa “kahlwem luhn facluh.” Ahkkahlwemye lah ke apkuhran nuh ke sahflah luhn lesin an kom ac fah sramsramkihn lah fuhkah tuh Jisus lan “pret luhn mou” (Jon 6:35).

Mwe Sramsram
ke Ma Suhmuhslah
ac Moulkihnyac

Ke kom luti lesin se inge uh, kahsrubh mempucr ke kuhlals in “suk ke ma suhmuhslah” (Jon 5:39). Kwacfelos in akacsruhi ke ma elos puhlakihn ma fototo nuh ke ma yohk elos sramsramkihn an.

1. Jisus el ahkkweyaclah sie mukul ke lwen Sahpuht ac ahkkahlwemyacl sifacna lah el Wen Nuhtin God.

Sramsramkihn Jon 5. Ngihstre mempucr ke kuhlals in riti fuhs sollac an in yohk.

- Ngihstre mempucr se ke kuhlals ma kuneyucki in sruhmuhn in fototo sramsram kac Jisus ke el ahkkweyelah mukul se siskacn inluhlul Bethesda (Jon 5:1–9). Meac fahk luhn Jisus nuh sin mukul sac ke el liyac tempuhl tacfuhn lwen tok ke lwen sac? (Liye Jon 5:14.) Efuh kuh ma oraclah ma koluk uh “sie ma koluk” liki na mwe muhnahs in ikoac uh?
- Efuh mwet kol luhn mwet Ju elos suk in unilyac Jisus? (Liye Jon 5:16–18.) Ke Jisus el topuk mwet kasrkuhsrak Ju ac, meac el ahkkahlwemye ke kuhpahsr lal nuh sin Pahpah ah? (Liye Jon 5:19–23, 30.)
- Jisus el fahk nuh sin mwet ah lah el ac tiac paht oruh “orekma yohk” liki ahkkweyaclah mas (Jon 5:20). Meac el fahk muh orekma yohk uh? (Liye Jon 5:21–29. El ac fah use Sifilpac Moulyak, nuhnunhkuh mwet nuhkwewa, ac sang mou” ma pahtpaht nuh sin mwet luhlalfongi.)
- Meac mwe loh Mwet Lahngo el fahk muh ac fahkwack kac uh? (Liye Jon 5:32–39, 45–47.) Efuh yohk srihpac in oasr mwe loh inge? (Liye Jacob 4:6.) Kuht kuh in mwet loh ke Mwet Lahngo fuhkah?
- Jisus el pahtok mwet kol luhn mwet Ju in “suk ke ma suhmuhslah” (Jon 5:39). Meac sienalac ke suk ke ma suhmuhslah ac in riti uh? (Kom ac ke orek-makihn nuhnak in weacng mwe luti met ke sahflahiyacn lesin an ke kom sramsramkihn kihsen-siyuck se inge.) Kom oruh fuhkah in oasr kalmacn lutlut

lom ac sucu lom an ke ma suhmuhslah uh? Kom ahkinsewowoyeyuck fuhkah ke kom suk ke ma suhmuhslah uh?

- In oacna ke Jon 5:39, meac mwet kol luhn mwet Ju ac kuh in etuh fuhnuh elos suk ke ma suhmuhslah ac luhlhlafongi ke ma suhmuhslah uh? (Elos ac etuh lah ma suhmuhslah fahkwack ke Jisus Kraist. Oacyacpac liye Jon 5:40, 46–47.) Ma suhmuhslah ahkkweye luhlhlafongi lom ke Kraist fuhkah?

2. Jisus el kihteyac puhs liki mwet 5,000.

Riti ac sramsramkihn fuhs sollac ke Jon 6:1–14 ac Mark 6:30–44. Sruhwack pet-sac ke Jisus el kihte un mwet sac.

- Efuh Jisus ac mwet tuhma lutlut lal som nuh finohl ah? (Liye Jon 6:1–3; Joseph Smith Translation ke Mark 6:31 fahk lah Jisus ac mwet tuhma lutlut lal som nuh ke sie acn srenglah.) Jisus el oruh fuhkah ke mwet pucspucs tuhkuh nuh yohrohl? (Liye Mark 6:33–34; Mattu 14:14.) Kuht kuh in ukwe srihkasrak in pahkomuhta lal fuhkah?
- Jisus el kihteyac fuhkah un mwet sac? (Liye Jon 6:5–13; oacyacpac liye Mattu 14:21.) Kuht kuh in ukwe srihkasrak se luhn tuhlihk mukul se ma sang lof ac ik nwacl nuh sin Jisus ah fuhkah? Leum el ahkinsewowoye kuht pacl se kuht, oacna tuhlihk mukul sac, sang ma oasr lasr in kuhlwcacnsuhpwaccl fuhkah?

Elder James E. Faust el fahk:

“Puhkantwen mwet ma ac tiac fwack inne la ma oasr mwe sang la suc tiac ek-lac liki lof limekohsr ac ik srihsrihk lukoac ahkyohkye pahng nuh selos ac tiac kuhlwcacnsap in pwen muhtuhn mwet kuh in akihlenyuck, kihte tausin.... Pa inge foko tausin ke mwet kol ac mwet ac mwet luti ke u srihsrihk ac u luhn pristut, mwet forfor luti lohmi ah, mwet forfor luti luhn Rilif Sosaiti. Pa inge mwet luti puhsisacl pucspucs ke Alu uh, kuhtuh wacngihn ahkpah yohk la tuhsruhk ahkinsewowoyeyuck sin Leum in kwac lutlut, ke insiac puhsisacl in kuhlwcacnsuhpuh Leum ac mwet ke ward lalos....

“Srihpac yohk se Alu se inge kapkapwack kac ke muhtwacwacack na puhsisacl sac nuh ke kuhi ingena uh ma ke luhlhlafongi ac kwacfeacng luhn miliacn mwet puhsisacl kwacfeacng suc oasr lof limekohsr na ac ik srihsrihk lukoac yohroh in sang nuh ke kuhlwcacnsuhpweyacn mwet kol fuhlwact. Elos fuhlweack pwacr lalos sifacna ac ke elos oruh ‘elos konwacack mislac yurin God, suc ahlukwelah ma etweyuck nuhkwea’ (Mwet Filippai 4:7)” (ke Conference Report, Apr. 1994, 4–5, kuh *Ensign*, May 1994, 5–6).

- Meac kuhtuh srihkasrak kom liye ke mwet ma fokokoi sin Leum ke elos kuh-lwacnsuhpwaccl uh?
- Kuhfa usrnguck se ke lof limekohsr ac ik lukoac ah ac akucl se nuh ke kuhfa in nguhn Mwet Lahngo el use nuh sesr uh fuhkah?

3. Jisus el fahsr fin kof uh, ngihsre Piter lacn fahsryang nuh yohrohl, ac ahkmihsyelah eng uh.

Riti ac sramsramkihn Jon 6:15–21 ac Mattu 14:22–23. Ahkkahlwemye lah tukun Jisus el kihtweyac un mwet sac el ahkkahlwemye nuh sin mwet tuhma lutlut lal in sroacng nuh lun soko oak ac kallah som nuh lac meoa ngi ac. Na el suhpwac-

lah un mwet sac in fahsrelihk na el fanyak nuh lucng nuh finohl uh in pruhe. Ke mwet tuhma lutlut ac som in meoa uh, elos sruhuh ke eng upac.

- Meac mwet tuhma lutlut ac oruh ke elos liye Jisus el fahsr nuh yohrohlos fin kof uh? (Liye Mattu 14:26; Jon 6:19.) Fuhkah oruh luhn Jisus ke sahngweng lalos? (Liye Mattu 14:27; Jon 6:20.)

Sruhwack petsac kacl Jisus ke el fahsr fin kof uh.

- Meac Piter el siyuck ke el lohng puhsren Mwet Lahngo? (Liye Mattu 14:28–29.) Efuh luhlalfongi lal Piter srihkeni ke el fahsr fin kof uh? (Liye Mattu 14:30.) Kuht kuh in kuhtuh pacl uh oruh kain in tahfonglac ke pacl upac uh in sikyak fuhkah?
- Meac Piter el oruh ke el muhtwacwacack in tili? (Liye Mattu 14:30.) Meac Jisus el oruh? (Liye Mattu 14:31–32.) Meac ma se inge ahkkahlwemye ke kuhpahsr lasr nuh sin Leum uh? Kom puhla fuhkah ke Mwet Lahngo el ahkkweye kom ac tulokihnyac sahngweng lom uh?

4. Jisus el ahkkahlwemye lah el pa “pret luhn mouL.”

Riti ac sramsramkihn fuhs sollac ke Jon 6:22–71.

- Lwen se tukun mwenmwen luhn Jisus ke lof ac ik ac, mwet ah ukwacllah nuh Capernaum. Efuh elos ukwaccl? (Liye Jon 6:26.) Jisus el orekmakihn engan luhn mwet ah ke mwenmwen ke lwen ekahsr ah in fahkwack fuhfahsryucsr lal fuhkah? (Liye Jon 6:27–35. Akihlen lah kaks se inge *ikoac* ke fuhs 27 kalmac pa mongo.

Elder Jeffrey R. Holland el akihlen: “Ke orekma luhn mwet Lahngo Galilee, el muhlat nuh selos suc lohnguhl kihteyac 5,000 ah ke lof limwekohsr ac ik lukoac ah, na inge som nuh yohrohl muhnguh muh in eis mongo in infulwen lwen sukohsohk wacngihn molo se kac. Mongo sac yohk srihpac la sikyak fal nuh ke enenuh ma El srihke in sang nuh selos ah” (ke Conference Report Oct. 1997, 87; kuh *Ensign*, Nov. 1997, 65).

- “Pret luhn Moul” ac ahkuhtweyac na fal se ke Mwet Lahngo ac ke mwe insewowo el use nuh sesr uh fuhkah? (Liye Jon 6:35, 47–51.) Meac kalmac in “tiac masrinsracl” ac “tiac maluh”? Kuht kuh in ipeis ke “pret luhn mouL” fuhkah? (Liye Jon 6:47, 51–54; Mattu 26:26–28; Alma 5:33–35; D&C 20:77.)

Prestuhn Howard W. Hunter el kahsr in fahk: “Kuht enenuh in etuh Kraist in yohk likina kuht etwaccl uh; kuht enenuh na in esamuhl pacl nuhkwewa likina kuht esamuhl uh; kuht enenuh in kuhlwanhsuhpwacl ke puhlaiklacna likina kuht kuhlwanhsuhpwacl uh. Na kuht fah nihm ke kof pulohlwack nuh ke mouL ma pahtpaht ac fah mongo pac ke pret luhn mouL” (ke Conference Report, Apr. 1994, 84; kuh *Ensign*, May 1994, 64).

Ahkkahlwemye lah kuhtuh mwet uh tiac luhlalfongwel Jisus mweyen elos liyacl muhkwenah muh “tuhlihk mukul nahtuhl Joseph” (Jon 6:42). Kuhtuh pac suc fahk muh elos mwet tuhma lutlut luhn Jisus tohrkahskahs ac forlah luhkwel, fahk lah elos tiac etuh lah meac kalmac luhn nguhn in fahk lal lah el pa pret luhn mouL ac luti lal ke enenuh in kang ikoac ac nihm ke srahl (Jon 6:51–66).

- Ke kuhtuh mwet ah lain luti luhn Jisus, meac Jisus el siyuck sin Mwet Sap Singucul Luo ah? (Liye Jon 6:67.) Meac top lal Piter? (Liye Jon 6:68.) Meac

Piter ac kuhtuh pac Mwet Sap etuh kac! Jisus ma elos suc som tiacna etuh kac?
(Liye Jon 6:69.)

Sahflah

Ahkkahlwemye lah Jisus Kraist pa “pret luhn mou! ac lah oasr yohrohl “kabs nuh ke mou! ma pahtpaht” (Jon 6:35, 68). Kwacfe mempucr ke kuhlahs in orekmakihn olwelah lal ke Luti lal ke Pret luhn Mou! “El suc tuhkuh nuh yuruk fah tiac masrinsa!; ac el suc luhlalhfongi keik fah tiac maluh.... El suc luhlalhfongi keik fah eis mou! ma pahtpaht” (Jon 6:35, 47).

**Nuhnak in Weacng
Mwe Luti**

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana sin nuhnak inge in ip ke lesin an.

1. “Suk Ma Suhmuhsrah” (Jon 5:39)

Siyuck mempucr ke kuhlahs in riti Jon 5:20–30 in wacngihn puhsra ke kom riti in yohk an.

Riti in sa, wacngihn tui in ahkuhtweyac kuh sramsramkih oacna sie sin fuhs an.

Ahkuhtweyac lah ke kom riti tari Jon 5:20–30 tuhsruhktuh kom ac inge tuhkweni suk ma sihmlac inge. Kihtaclihk mempucr ke kuhlahs nuh ke u tolu kuh ahkosr. Sang nuh sin kais sie u kais sie ip ke Jon 5:20–30: fuhs 20–22, 23–24, 25–27, ac 28–30. Sang nuh sin kais sie u in tuhkweni orekma.

- Oruh elos in riti fuhs ituckyang ah, sulaclah tolu sin kabs yohk srihpac ke fuhs ingacn, ac ahkolah in sramsram ke yohk srihpaciyacn kabs ingacn.
- Meac kom liyacack ke kom suk ma ma kom tiac liye ke kom riti sa ah? Meac kuht kuh in oruh in suk ma suhmuhsrah in mou! lasr sifacna uh?

Ahkkahlwemye lah Mwet Pahluh Joseph Smith el eis ararama ke tohkohsrahi luhn wolacna ah tukun el nuhnak ke Jon 5:29 an. Wolacna luhn Leum tohloh-lwack, ac el liye wolacna luhn wen, ke lacpo lacyot luhn pahpah, ac eis ma luhlahp lal. (Liye D&C 76:15–20)

- Meac etwacack kuht ahkinsewowoyeyuck kac ke srihpen Joseph Smith el suk ke Jon 5:29?

2. “Liacacng elos suc san ke luhluh Bethesda”

Elder Boyd K. Packer el orekmakihn sramsram se ke Jon 5:1–9 in ahkkahlwemye lah kuht enenuh in kabsruh mwet suc oasr elyah in mahno la. El fahk lah mahno ac nuhnak oasr elyah la uh “ac fah wolac. Ke pacl se inge, kuht enenuh in liyaclosyang suc sano ke luhluh Bethesda,” (ke Conference Report, Apr. 1991, 8; kuh *Ensign*, May 1991, 9).

- Meac kuht kuh in oruh nuh sin mwet suhkahpahs kuh elyah in nuhnak uh?

“Nga Fah Sot Nuh Sum Ki luhn Tohkohsrahi”

Lesin Ahk
13

Mattu 15:21–17:9

Srihpac In ahkkweye mempucr ke kuhlals ke puhla in luhlalhfongi lalos lah Jisus pa Kraist ac lah ki luhn pristut ituckyang fin Finohl luhn Eklac sifil fohlohkihnyuckyak.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mattu 15:21–39. Jisus el ahkkweyaclah tuhlihk muhtwacn se nuhtin muhtwacn Gentile se ac kihteyac puhs liki 4,000 ke mwet, puhs selos mwet Gentile.
 - b. Mattu 16:13–19. Piter el fahkwack lah Jisus pa Kraist. Jisus el luti lah Alu lal muhsah ke yot luhn fwackyuck ac uliyuckyang nuh sel Piter ki luhn tohkohsrahi.
 - c. Mattu 17:1–9. Jisus el eklac ye muhtahl Piter, Jemes, ac Jon.
2. Ma in weacng mwe rit: Mark 7:24–9:10; Luk 9:18–36; 12:54–57.
3. Fin sie macp ke acn Palestine ke pacl luhn Wuhlweacng Sasuc ah oasr orekmakihn ke pacl in lesin an. Kom kuh in ahkyohkyaclihk petsac sacn mempucr nuhkwewa ke kuhlals in kuh in liye wo.

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtweack lesin an.
Ahkoeyucklac

Akacsruhi ke sramsram se inge:

Yac pucspucs somlah ah Prestuhn Spencer W. Kimball ac kuhtuh pac mwet kol luhn Alu uh muhtwacta nuh ke lohm in alu srihsrihk se fin acn Copenhagen, Denmark, suc karuhnganwacng ma sruhlwacclah pwengpweng se kaccl Jisus Kraist ac Mwet Sap Singucul Luo ah oreklac sel Bertel Thorvaldsen. In sramsramkihni ke ma se inge, Elder Rex D. Pinegar el fahk: “Ke kuht intein orekma kahto ke tuh-fahlfahl inge kuht akihlen lah tafllweyucklac Piter el sruok ki luhlalhp in pahol.... Ke kuht ahkolah in tifoklac liki lohm in alu sac, mwet karihngihn Danish sac ... tu sicken sruhnguhl ah sano tifoki lasr ah. Prestuhn Kimball el usrukyac pahol [na] kuloh nuh sel ke kuhlwasng lal in lwelah kuht in muhtwacta nuh ke lohm in alu sac. Na Prestuhn el muhtwacwacack oruh ahkuhtweyac se ke muhtwacwacack luhn Alu uh sin Jisus Kraist ac yohk srihpaciyac nuh sesr.... Oracloseni nuh sie, Prestuhn Tanner, Elder Monson, ac Elder Packer fototo nuh yohrohl, prestuhn el kalweni, ‘Kuht mwet sap luhn Leum Jisus Kraist. Oasr Mwet Sap Singucul Luo ac tolu pac suc pa prestuhnsi ke Alu uh. Kuht sruok ki pwacye oacna ke Piter ah, ac kuht orekmakihn lwen nuhkwewa. Orekmakihnyuck pacl nuhkwewa’.” (ke Conference Report, Oct. 1976, 104; or *Ensign*, Nov. 1976, 69).

Ahkkahlwemye lah lesin se inge ac sramsramkihn ki luhn pristut ac lah Piter el eis fuhkah fin Finohl luhn Eklac.

Mwe Sramsram
ke Ma Suhmuhslah
ac Moulkihiyac

Sruhkwack map ke acn Palestine ke pacl luhn Olweacng Sasuc, fin enenweyuck. Ahkkahlwemye lah sikyak ma sramsramkihiynyuck ke lesin se inge Tyre, Sidon, Decapolis, ac Caesarea Phillippi. Kahsruh mempucr ke kuhlals in konwacack acn inge ke macp an. Ahkkahlwemye lah forfor luhn Jisus ke acn inge oruh lacn sun mwet Gentile pucspucs (tiac mwet Israel).

1. Jisus el ahkkweyelah tuhlihk muhtwacn se nuhtin Gentile se ac kihteyac puhs liki 4,000 ke mwet.

Sramsramkihn Mattu 15:21–39. Siyuck mempucr ke kuhlals in riti fuhs sollac an in yohk.

- Meac muhtwacn Canaan sac siyuck sin Jisus lacn oruh ah? (Liye Mattu 15:22.) Efuh Jisus el tiacna oraclah enenuh se lal ah in pacl sac na? (Liye Mattu 15:24. El tiac mwet Ju, ac mwe in sewowo luhn wasasuc uh ac ituckyang nuh sin mwet Ju met liki mwet Gentile.) Efuh Jisus el ahkkweyelah tuhlihk muhtwacn se nuhtin muhtwacn sac ke sahflahiyc ah? (Liye Mattu 15:28.) Meac kuht kuh in lotwelah sin muhtwacn se inge? (Top an kuh in pa elos suc wasasuc uh tiac fohnlah yohroh uh ne ohinge oasr luhlalhfongi yohk yohroh, na kuht in tiac fuhlweack luhlalhfongi lasr uh ke pacl mwe in sewowo uh tiac sikyak oacna ke kuht kena uh.)
- Mwet Lahngo el som nuh Meoa Galilee, fuhfahsryucsr sahslah Decapolis (Mark 7:31). Decapolis sie ipin acn eir iyacn Meoa Galilee ma mwet Gentile pucspucs muhta we. Leum el ahkkahlwemye fuhkah pahkomuhta nuh sin mwet we ah? (Liye Mattu 15:29–31.) Fuhkah oruh luhn un mwet sac (Liye Mattu 15:31.) Meac mwenmwèn ke pacl lasr uh ma oruh kom in kaksakihn God uh?
- Un mwet sac muhta yurin Jisus ke lwen tolu, ac ke pacl in som lalos, Jsius el tiac luhngse suhpwacloslac masrinsracl. Meac mwenmwèn el oraclah nuh selos? (Liye Mattu 15:32–38.)

Ahkkahlwemye lah mwenmwèn se inge sie likina kihtakat se el oruh nuh sin mwet 5,000 ah (Mattu 14:15–21) mwet Gentile pucspucs pa wi ac. Elder Bruce R. McConkie el ahkkahlwemye lah ke kihteyacn mwet 5,000 sac, Jisus el “akiyac pwelucng ke luti suc wacngihn lainyac ke Pret luhn Moul” (Jon 6:22–69; liye lesin ahk 12). Ke kihtakat se tok ke mwet 4,000 sac, Jisus el luti ke ohiyac lah ke pacl tok uh, pret moul fah ituckyang nuh sin muhtuhnacl nuhkwea ma oasr Gentile we. (*Doctrinal New Testament Commentary*, 3 vols. [1966–73] 1:375.)

2. Uliyuckyang nuh sel Piter ki nuh ke tohkohsrahi.

Riti ac sramsramkihn Mattu 16:13–19.

- Jisus el som liki Decapolis ac som nuh ke acn luhn Caesarea Phillippi, fin acn we el siyuck sin mwet tuhma lutlut lal, “Suc kowos fahk muh nga uh?” (Mattu 16:15). Meac top lal Piter? (Liye Mattu 16:16.) Meac sang luhlalhfongi nuh sel Piter uh? (Liye Mattu 16:17.) Meac kuht kuh in lotwelah ke sramsram se inge ke puhla in luhlalhfongi lasr uh?

- Jisus el fahk nuh sel Piter, “Fin yot se inge Nga fah muhsahi alu luhk” (Mattu 16:18). Mwet Pahluh Joseph Smith el luti lah yot se Jisus el sramsramkihn uh pa fwackyuck (*Teachings of the Prophet Joseph Smith*, sel. Joseph Fielding Smith [1976], 274). Ke ohiyac fuhkah fwackyuck pa pwelucng ke Alu luhn Leum uh?
- Mwet Lahngo el olwelah in sang nuh sel Piter “ki luhn tohkohsrahi luhn inkuhsrao” (Mattu 16:19). Meac ki inge? Efu elos enenweyuck? (Liye D&C 128:9–10; 132:46.) Suc sruok mihsenge uh?

Prestuhn Joseph F. Smith el luti:

“Pristut pa kuh se ituckyang nuh sin mukul in ahol God oruh orekma lal uh. Mukul nuhkwewa ma ahkmuhstraluh nuh ke pristut, oasr kuh se inge ituckyang nuh selos.

“Tuhsruhk ac wo tuh mukwikwi ma ac orek nuhkwewa ye kuh se inge in fah orek ke pacl fal ac acn fal, ke ohiyac fal, ac tukun sap fal. Kuh nuh ke oruh orekma inge tuhkuh ke ki luhn Pristut. Ke fohnlah la uh ki inge sruhuh sin mwet se fanna ke pacl se, pa mwet pahluh ac Prestuhn luhn Alu uh. El kuh in sang oacna sie sin ip ke kuh se inge nuh sin sie, suc mwet sacn sruok ki na nuh ke orekma sacn” (*Gospel Doctrine*, 5th ed. [1939], 136).

- Efu wo in etuh lah Mwet Pahluh el sruok ki inge pa sie ip enenuh nuh ke puhla in luhlalhfongi lasr uh?

3. Jisus el eklac ye muhtahl Piter, Jemes, ac Jon

Riti ac sramsramkihn Mattu 17:1–9. Ahkkahlwemye lah sahp ke wik se tukun Piter el eis olwelah luhn ki nuh ke tohkohsrahi luhn inkuhsrao nuh sel ah, el, Jemes, ac Jon mwet loh ke Eklac luhn Mwet Lahngo ac eis kahlwem yohk srihpac ac ki. Pa inge sie ma sikyak yohk ke Wuhlweacng Sasuc. Kahsrel Jisus in ahkolah nuh ke Iwaclah lal ac sang kuh nuh sin Mwet Sap tolu ac nuh ke kuhtuh pac kunohkohn elos ac fah oruh in ekihn mwet kol ke Alu uh.

- Meac kalmacn eklac? (Eklac se na ke kihtin pacl nuh ke oasr luhn sie mwet: Sie eklac nuh ke wolacna yohk kuhtuh se. Tuhkuh ke kuh luhn God. (Liye D&C 67:11; Mosis 1:11.)
- Ke Mattu 17:1–5, Meac sikyak ke Jisus, Piter, Jemes, ac Jon oasr ke Finohl luhn Eklac ah? (Kom ac ke suhmuhslah top luhn mempucr ke kuhlahs an ke port an.)
 - a. Acn muhtahl Jisus el an we ah kahlwem oacna faht ah, ac nuknuk lal aru-lacna fahsrfahsr.
 - b. Moses ac Elias (Elijah) sikyak.
 - c. “Sie puhkuhnyeng kahlwem kosraloslac,” ac elos lohng puhsren Pahpah fahkwack mwe loh lal ke Wen nahtuhl.

Kom ac ke ahkkahlwemye lah inne se *Elias* uh orekmakihnyuck kais kuhtuh pacl ke ma suhmuhslah. Ke Mattu 17:3–4 *Elijah* orekmakihnyuck sin mwet Greek, ac Hebru oacna sie. Ke kuhtuh acn pac (oacna ke Mattu 17:10–13), wal se sang ahkuhtweyac mwet se ma kahsruhsr met, kuh mwet in ahko-o se.

Ahkkahlwemye lah Mwet Pahluh ke pacl mihsenge uh luti kuht yohk ke ma sikyak ke Finohl luhn Eklac. Sifil kalweni in lutlut ke mwe luti inge nuh sin mempucr ke kuhlahs ac, fin kuh, ahkfotoyelah sramsram an ke port an:

- a. Piter, Jemes, ac Jon liye sie ararama ke eklac luhn facluh ke tuhkuh luhn Mwet Lahngo ke pacl se Ahk luo(D&C 63:20–21).
 - b. Elos eklac yemuhtuhn Kraist (*Teachings of the Prophet Joseph Smith*,158).
 - c. Elos lutiyuck ke misac luhn Mwet Lahngo ac sifilpac moulyak (Joseph Smith Translation, Luk 9:31).
 - d. Elos eis sin Jisus, Moses, ac Elijah ki luhn pristut elos enenuh in sang kol Alu uh tukun misac luhn Mwet Lahngo. (*Teachings of the Prophet Joseph Smith*, 158; Joseph Fielding Smith, *Doctrines of Salvation*, 3 vols. [1954–56], 2:110).
- Ke 1836 Moses ac Elijah sifilpac fohlohk nuh facluh. Elos fihliyac paholos kacil Joseph Smith ac Oliver Cowdery in sang ki na tuh ituckyang nuh sel Piter, Jemes, ac Jon ah. Ki nuh ke meac Moses el sang ah? (Liye D&C 110:11. Ki nuh ke fahsreni luhn Israel.) Ki nuh ke meac Elijah el sang ah? (Liye D&C 110:13–16. Ki nuh ke kuh in sil.) Fuhkah orekmakihnyacn ki inge mihsenge? (Nuh ke orekma luhn misineri ac orekma ke tempuhl, suc fosrngahkihnyuck ye kohkoh luhn Prestuhn ke Alu uh.)
 - Elder David B. Haight el luti lah Eklac luhn Jisus “ma nuh ke kahlwem in nguahn lasr ac nuh selos suc mwet loh sifacna” (ke Conference Report, Apr. 1977, 8; kuh *Ensign*, May 1977, 7). Meac kuht kuh in lotwelah ke Eklac sac in kahsre kuht ke kuht enenuh kuh in nguahn uh?

Kom ac ke sifil lutlut ke nuhnak ahkkahlwemyeyuck sel Elder Haight inge (ke Conference Report, Apr. 1977, 9–10; kuh *Ensign*, May 1977, 7–9):

- a. Kuht enenuh in ukwe srihkasrak luhn Mwet Lahngo in pruhe in moniyuck ke kuht enenuh kuh luhn nguahn uh (Luk 9:28). In sramsramkihn Eklac, Elder Haight el fahk: “Sahp Jisus el tiac puhla mislac luhn inkuhsrao suc ac use pacl wo se in sramsram nuh sin Pahpah Tuhmwacil, tuhsruh yohk liki-na, tuh El ac fah kahsreyuckyang ke pacl fototo ke kahrhuh tiac ma ke fac-luh se inge.... Ke el pruhe nuh sin Pahpah Tuhmwacil, El tohuyak nuh lucng liki ahlohloh ac muhnahs luhn facluh suc laenuhl.”
- b. Kuht kuh in etuh suwohs lah Jisus el ac kahrhuh kuht oacna ke el oruh nuh sel Piter, Jemes, ac Jon ah. Elder Haight el fahk, “El us Mwet Sap tolu Lal in weluhl luhlalhfongi lah elos, tukun liye lalos ke wolacna Lal ... fah fokokoi, tuh luhlalhfongi lalos in ahkoeloslac nuh ke ahkkoluk ac sruhnga ma ac fah tuhkuh.”
- c. Kuht kuh in ahkkweyeyuck ke luhlalhfongi ke Mwet Lahngo (Mattu 17:5) ac ke olweacng ke wosasuc. Elder Haight el fahk, “Mwet Sap tolu sollac ah lutiyuck nuh selos ke tuhkuh in misac luhn [Mwet Lahngo] ac oacyacpac ke sifilpac moulyak Lal, luti ma ac ahkkweye kais sie selos nuh ke pacl fahrhuh uh.”

Sahfah

Ahkkahlwemye lah ke kuht Mwet Luhlalhfongi Lal ke Lwen-sahflah uh oasr mwe ahkkahlwemye yohrohsh in kahrhuh kuht in etuh lah meac sikyak ke Finohl luhn Eklac. Ahkkahlwemye yohk srihpac luhn fwackyuck ke Alu uh mihsenge ac oasr luhn pristut ki uh. Ahkkweye mempucr ke kuhlahs lah kuht, oacna Piter, kuh in etuh ke Nguahn Muhtahl lah Jisus pa Kraist, Wen Nuhtin God mouh.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn nuhnak se inge in sie ip ke lesin an.

Ma kahlwem ke Pahpah el ahkkahlwemye ke Wen.

Pa inge ma kahlwem sihmlac ke ma suhmuhsлах ke Pahpah el ahkuhtweyac ac ahkkahlwemye ke Wen nahtuhl. Sie sin ma inge sramsramkihnyuck ke lesin se inge. Ngihstre mempucr ke kuhlals in esamwack ke ma tolu ngi ac.

1. Pacptais luhn Jisus (Mattu 3:13–17)
2. Eklac (Mattu 17:1–9)
3. Sikyang luhn Jisus nuh sin mwet Nephi (3 Nephi 11:1–7)
4. Ararama se met lal Joseph Smith (Joseph Smith—History 1:13–17)

Mattu 18; Luk 10

Srihpac

Kahsruh mempucr ke kuhlals in ahkpuhsisaclyaclos sifwacna, nuhnak muhnahs nuh sin mwet sahyac, ac ahkkahlwemye luhngse pwacye nuh sin sie sin sie.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mattu 18:1–6, 10–11, 14. Jisus el luti lah kuht enenuh in eklac ac in oacna tuhlihk srihsrihk uh in ilyak nuh ke tohkohsrahi luhn inkuhsrao.
 - b. Mattu 18:15, 21–35. Ke puhpuhlyuck se ke mwet kuhlwasnsap suhkwac pahkomuhta sac, Jisus el luti ke nuhnak muhnahs.
 - c. Luk 10:25–37. Ke puhpuhlyuck se ke mwet Samaria wo sac, Jisus el luti ke luhngse pwacye.
 2. Ma in weacng mwe rit: Mark 9:33–50; Mosiah 3:17–21; 4:16–19, 26.
 3. Fin kuhfa inge oasr, orekmakihn ke pacl in lesin an: a. Petsac ke Kraist ac Tuhlihk Srihsrihk (62467; Gospel Art Picture Kit 216) ac *The Good Samaritan* (62156; Gospel Art Picture Kit 218).
 4. Kom fin orekmakihn mukwikwi ahkoeyucklac an, ngihstre sie pahpah kuh ninac in sramsram nuh sin kuhlals oacna ke tahkihnyucklac ke mukwikwi an.
 5. Mwe nguhsr nuh ke mwe luti: Ngihstre mempucr ke kuhlals ke kais kuhtuh pacl (kuh kuhtuh mempucr ke ward) in kahsruh lesin an in oruh sie repohrt, akacsruhi ke soko sramsram, fahkwack luhlalhfongi, kuh kahsru ke kuhtuh pac ohiyac. Ke kom sang ma in tuh orek an, oruh in kahlwem ma kom ke mwet sacn in oruh an ac pacl ngac kom lwelah lacn oruh an. (*Liye Teaching — No Greater Call*, 136, 139.)
-

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Ngihstre sie pahpah kuh ninac ma oasr tuhlihk srihsrihk se nahtuh an (ma yac tolu kuh limekohsr matwac an) in use nuh ke kuhlals, tuhkahkuhnuhlwacng nuh sin kuhlals, ac ahkfototoye in sruhmuhn kuhtuh ma wo kacl an. Tukun pahpah ac ninac sacn tari an, siyuck mempucr ke kuhlals in nuhnkuh ke wo luhn sie tuhlihk ma Jisus el kena in oasr yohrohsr uh. Tahkuhnlah top an ke port an.

Ahkkahlwemye lah lesin se inge ac sramsramkihn yohk srihpac luhn ahkyohkye woiyacn sie tuhlihk ac in puhsisac ac kuhlwasng nuh sin mwet nuhkewewa.

Mwe Sramsram
ke Ma Suhmuhsalah
ac Moulkihnyac

Ke kom luti mwe rit ke ma suhmuhsalah inge, sramsramkihn lah kuht ac ukwe fuhkah Luti luhn Mwet Lahngo ke puhsisac, nuhnak muhnahs, ac luhngse pwacye uh.

1. Jisus el luti muh kuht enenuh in eklac oacna tuhlihk srihsrihk uh.

Riti ac sramsramkihn Mattu 18:1–6, 10–11, 14.

- Efuh kom nuhnkuh muh mwet tuhma lutlut elos kihsensiyuck kac lah suc yohk emet ke tohkohsrahi luhn Leum uh? (Mattu 18:1; Mark 9:33–34). Kuhtuh pacl uh kuht oruh kain in tahfonglac se inge fuhkah? Kuht ac srelah kain in nuhnak se inge fuhkah?
- Sruhkwack petsac se kac Kraist ac Tuhlihk Srihsrihk ac. Meac kaks in kaksruh luhn Jisus nuh selos suc kena eis usru yohk ke tohkohsrahi lal? (Liye Mattu 18:2–4; Mark 9:35.) Efuh upac kuhtuh pacl uh in ukweyuck kihsen kaksruh se inge? Kihsen kaksruh se inge kuhpahsr fuhkah nuh ke ma facluh luti muh pa eisyacn ohiyac fuhwact uh?
- Meac kalmac in eklac oacna sie tuhlihk srihsrihk? (Liye Mosiah 3:19. Ahkkahlwemye lah tuhlihk uh tiac wo, oasr ma wo pucspucs yohrohlos ma kuht enenuh in ahkyohkye in usru tohkohsrahi luhn inkuhsrao. Ma wo inge pa nuh ke puhsisac, mongfihsracs, ac kena in luhlalhfongi.) Meac kom lotwelah sin tuhlihk uh? Kuht kuh in oacna tuhlihk uh ac eiskuhtyang nuh ke kena luhn Pahpah Lucng fuhkah?
- Meac kalmac in “ahktikuclkuclye sie sin suc srihk inge”? (Liye Mattu 18:6, futnut 6a; ke koanon ma se inge, kalmacn *ahktikuclkuclye* pa oruh in tikucukucl.) Meac kuhtuh ohiyac mwet uh oruh tuhlihk uh in tikucukucl kac uh? (Top uh kuh in pa srihkasrak koluk nu selos, tikucukucl suhfanuhltahl koluk, tiac lotwelos ac onweltahl.) Leum el nuhnkuh ahktikuclkucl inge fuhkah? (Liye Mattu 18:6.)

Elder M. Russel Ballard el ahkkahlwemye: “Kuht lohng kihsen sramsram tiac wo ke Pahpah ac Ninac kuh mwet karihngihn tuhlihk suc ahluhkwelah som liki Nguhn luhn Kraist oruh elos acnwuck tuhlihk. Lah uniyuck inge som nuh ke mahno, puhsra kuh srihklac tuhsruh ahkkolukye nuhnak, sie ma sruhngwacyuck ac ahktikuclkucl yurin God na pwacye” (ke Conference Report, Apr. 199, 107; kuh *Ensign*, May 1991, 80).

- Kuht sifacna in oacna tuhlihk uh ac kaksre kuht in luhngse tuhlihk uh fuhkah? Meac kuht kuh in oruh in oraclah luhngse luhn God muh “[wacngihn] sie sin tuhlihk inge fah tuhac” (Mattu 18:14)?

2. Ke puhpuhlyuck se ke mwet kuhlwacnsap suhkwac pahkomuhta sac, Jisus el luti ke nuhnak muhnahs.

Riti ac sramsramkihn Mattu 18:15, 21–35.

- Ke Mattu 18:15, meac Leum el fahk muh kuht enenuh in oruh fin oasr ahkkolukyeyacs? Efuh ohiyac se inge pa wo emet in kosraclah akuhkuhin uh?
- Jisus el top fuhkah ke Piter el siyuck lah pacl ekahsr el enenuh in nuhnak muhnahs? (Liye Mattu 18:22. Ahkkahlwemye lah Jisus el orekmakihn nempuh yohk in luti lah kuht enenuh na in nuhnak muhnahs nuh sin mwet sahyac pacl nuhkwea). Efuh kuhtuh pacl uh upac in nuhnak muhnahs?

Kom ahkinsewowoyeyuck fuhkah ke kom nuhnak muhnahs nuh sin mwet sahyac uh kuh elos nuhnak muhnahs pac nuh sum uh?

- In sifil pacna sramsramkihn yohk srihpaciyacn nuhnak muhnahs nuh sin mwet sahyac uh, Jisus el orekmakihn puhpuhlyuck se ke mwet kuhlwaconsap suhkwaconsap pahkomuhta se (Mattu 18:23–35). Suc tohkohsrah ac mwet kuhlwaconsap luhmweyuck nuh kac uh? (Liye Mattu 18:35. Tohkohsrah luhmweyuck nuh sel Pahpah Lucng, ac mwet kuhlwaconsap uh luhmweyuck nuh sesr.) Kuht oacna mwet kuhlwaconsap luhn tohkohsrah ke misac lasr nuh sin Leum uh fuhkah? (Liye Mattu 18:24–27.) Meac kuht enenuh in oruh in eis nuhnak muhnahs ke “sowe mou” lasr uh?
- Meac kuht kuh in lotwelah ke srihkarak lal tohkohsrah ke nuhnak muhnahs nuh sin mwet sahyac uh? (Liye Mattu 18:33.) Meac kuhtuh mwe sensen ke kuht tiac nuhnak muhnahs nuh sin mwet sahyac uh? (Liye Mattu 18:34–35.)

3. Ke puhpuhlyuck se ke mwet wo Samaria sac, Jisus el luti ke luhngse pwacye.

Riti ac sramsramkihn Luk 10:25–37. Sruhkwaconsap petsac ke mwet Samaria wo sac.

- Jisus el topuk mwet etuh ke masap se suc siyuck lah elac oruh fuhkah in usruimoul ma pahtpaht? (Liye Luk 10:25–28.) Ma sap se ma in luhngse God ac mwet tuhlan lasr inge oracni kwewa wosasuc uh fuhkah? Kuht kuh in ahkos ma sap luo inge in yohk fuhkah?
- Jisus el topuk fuhkah mwet etuh ke ma sap sac ke el siyuck, “Suc mwet tuhlan luhk uh?” (Liye Luk 10:29–37.) Meac puhpuhlyuck se inge luti kac lah suc mwet tuhlan lasr uh?

Prestuhn Howard W. Hunter el fahk: “Kuht enenuh in esam lah finne kuht oruh akawucki lasr uh, God el oraclah mwet tuhlan lasr uh—acn nuhkwea. Tiac enenuh in oasr inmahsrol ke luhngse uh; enenuh in wacngihn inse kus yohrohsr.” (ke Conference Report, Oct. 1986, 44; kuh *Ensign*, Nov. 1986, 35).

- Meac prist sac ac mwet Levi sac oruh ke elos liye mukul se suc pihsreyucklac ma lal ac kihnet ah? (Liye Luk 10:31–32.) Meac kuhtuh inkacnek ma mwet uh enenuh kahsruh kac mihsenge uh? Meac kuhtuh srihpac kuht tiac kahsruh kuhtuh pac mwet ke ma enenuh uh? (Liye Mosiah 4:16–19 nuhke sie ohiyac an.)
- Mwet Samaria wo sac kahsruh mukul se suc pihsrapasr lah ma lal ac kihnet ah fuhkah? (Liye Luk 10:33–35.) Meac ohiyac oasr sin mwet tuhlan uh ma oasr yurin mwet Samaria wo sac? Kom ahkinsewowoyeyuck fuhkah sin “mwet Samaria wo uh”? Kuht kuh in “mwet Samaria wo se” fuhkah? (Liye Mosiah 4:26.)

Sahflah

Ahkkahlwemye ke yohk srihpac in ukwe srihkarak luhn Mwet Lahngo in ahk-mongfihsracsrye kuht sifacna, nuhnak muhnahs nuh sin mwet sahyac, ac ahkkahlwemye luhngse pwacye nuh sin sie sin sie. Kwacfe mempucr ke kuhlahs in moulkihn mwe lutlut inge.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh pucs sin nuhnak inge in ip ke lesin an.

1. Mary ac Martha

Sap sie mempucr ke kuhlans an in riti Luk 10:38–42.

- Martha el kuhlwanhpuh fuhkah Leum? Meac “ip se ma wo” ma Mary el sulaclah ah? Kuhtuh pacl uh kuht kahfofo ke orekma puhkantwen oruh kuht tiac eis Jisus suc enenuh se fuhkah? Meac kuht kuh in lotwelah ke fuhs inge?

2. “Lwelah tuhlihk fuhsr in tuhkuh nuh yuruk” (Mark 10:14)

Ke kom sramsramkihn luti luhn Mwet Lahngo uh oruh kuht in eklac oacna tuhlihk srihsrihk uh, kom ac oacyacpac luhngse sramsramkihn ahkinsewowo lal nuh sin tuhlihk srihsrihk uh ke Mark 10:13–16.

- Meac mwet tuhma lutlut luhn Jisus ah oruh ke tuhlihk srihsrihk uh elos utucukuh nuh yohrohl ah? (Liye Mark 10:13.) Meac Jisus el fahk nuh sin mwet tuhma lutlut lal? (Liye Mark 10:14–15.) Meac Jisus el oruh nuh sin tuhlihk srihsrihk ac? (Liye Mark 10:16.) Meac kuht kuh in luti ke Jisus ke sramsram se inge? Kuht kuh in srihke fuhkah in ukwe srihkasrak el akiyac ke sramsram se inge?

3. Ma in weacng mwe sramsram ke Mattu 18

- Sramsramkihn Mattu 18:8–9 ac Mark 9:43–48 (oacyacpac liye Mattu 5:29–30). Meac kalmacn fuhs inge? (Liye Mattu 18:9, futnot 9a, suc ahkkahlwemye lah Lweng lal Joseph Smith konwacack mwe lain inge muh mwet ma oruh kuht in tuhlacl uh. Wo kuht in tui tilac wi mwet likina in lwelah elos in kol kuhtlac nuh ke ma koluk. Oacyacpac liye; Joseph Smith Translation, Mark 9:40–48.)
- Lweng lal Joseph Smith ke Mattu 18:11 sihmlac kacl Jisus muh el fahk lah tuhlihk srihsrihk uh tiac enenuh in auliyak (futnot 11c). Efuh in ohinge? (Liye Moroni 8:11–12.) Tuhlihk srihsrihk uh “moul in Kraist” fuhkah? (Liye Moroni 8:12; D&C 29:46–47.) Meac kuht kuh in oruh in kuh in “moul in Kraist” uh? (Liye Mattu 18:4; Mosiah 3:19; Moroni 8:10.)
- Riti Mattu 18:11–14. Kuht kuh in moulkihn puhpuhlyuck se ke sip tuhlacl soko ah nuh ke moul lasr fuhkah? Kom kuh sie mwet kom etuh uh ahkinsewowyeyuck fuhkah ke sie pacna mwet ukwe ma yohk ke puhpuhlyuck se inge uh?

4. “Leum el srihsrngiac Mwet Itngucul pac” (Luk 10:1).

- Sramsramkihn Luk 10:1–24. Fahk luhn Leum nuh sin Mwet Itngucul ac kuhpahsr nuh ke fahk lal nuh sin Mwet Singucul Luo ah ke Mattu 10 ac fuhkah? Meac kunohkohn luhn Mwet Itngucul ke pacl mihsenge uh? (Liye D&C 107:25, 34, 38, 93–97.)

5. Ahkmuhtahlyeyucklac ke kuhpahsr luhn macruht uh.

Ahkkahlwemye lah Mattu 19:1–12 ahkuhtweyac sie ohiyac ma mwet Pharisee srihke in sang srihfucsrilyac Jisus in siyuck sel ke suwohsiyacn fahsrelihk luhn sie siyacnyacn sramsramkihnyuck yohk inmahsrln mwet kahlwem Ju ac mwet kol, ac mwet Pharisee ac finsrak tuh top luhn Jisus nuh ke kihsensiyuck lalos in sramtweack kasrkuhsrak nuh inmahsrln mwet Ju ac. Sap sie mempucr ke kuhlans in riti Mattu 19:3–9 in yohk.

- Meac top luhn Jisus nuh ke kihnsensiyuck luhn Mwet Pharisee ke fuhs 3 an? (Liye Mattu 19:4–6. El fahk nuh selos lah fahsrelihk luhn sie siyacnyacn tiac ma akwucki sin God.) Efuh Moses el lwelah fahsrelihk luhn sie siyacnyacn in-mahsrln mwet Israel? (Liye Mattu 19:7–8.)

Ahkkahlwemye lah fin acn Israel met, sie mukul kuh in sislah, fahsrelihk liki muhtwacn kiac ke tiac srihpac yohk. Jisus el luti lah ke sie facluh na wowo, pa nuh ke Tohkohsrahi Celestial, fahsrelihk uh wacngihn we. Ke srihpen facluh soenna wo na pwacye, fahsrelihk uh lwelah tuhsruhk tiac enenuh in sikyak finte ke srihpac na yohk. Mattu 19:9 ahkkahlwemye lah sie mukul fin sislah muhtwacn kiac ke srihpac el ac srack macruht nuh sel ye muhtuhn God, ac el oacwac in kosro fin el macruht nuh sin sie pacna muhtwacn. (Liye James E. Talmage, *Jesus the Christ*, 3rd ed. [1916] 473–75, 484; oacyacpac liye Bruce R. McConkie, *The Mortal Messiah*, 4 vols. [1979–81], 2:138–39.)

- Meac puhsisac, nuhnak muhnahs ac luhngse pwacye uh ac oruh nuh ke sie macruht wowo? Kampare in oacna Kraist uh ac kahsre kuht fuhkah ke macruht ac kuhtuh pac kuhpahsr sahyac uh?
- Kuht kuh in kahsrh fuhkah mwet ma kweokihn nuhnak ke fahsrelihk luhn sie siyacnyacn uh?

6. Mukwikwi luhn Mwet Fuhsr

Suhmuhsrah (kuh sap mempucr ke kuhlahs in suhmuhsrah) kihnsensiyuck ke lesin an ke sie ipin pwepuh ah. (In sie mukwikwi mwe sifil lutyuck, kom kuh in sulaclah kihnsensiyuck ke kais sie ip ke lesin an.) Likiac ipin pwepuh an lun sie pack kuh pohk an. Sap mempucr ke kuhlahs in oracni siah lalos an in oraclah sie raun an, ac likiyac pack kuh pohk sacn ke sie siah infulwacn raun sacn. Sap mempucr ke kuhlahs in eis pacl la in fais pwepuh in kihnsensiyuck an liki pohk an ac topuk. (Liye *Teaching—No Greater Call*, 124–25.)

Jon 7–8

Srihpac In ahkkweye puhla in luhlalfongi luhn mempucr ke kuhlahs lah Jisus Kraist pa Mwet Lahngo lasr ac in fahsr tohkohl kuh in eis sukohsohk.

Ahkolah

1. Rit, nuhnkuh, ac pruhe ke ma suhmuhslah inge:
 - a. Jon 7. Jisus el wi Kuhfa luhn Iwen Ahktucktuck ac luti lun tempuhl. Kuhtuh mwet ah luhlalfongi muh el pa Kraist, ac kuhtuh nuhnkuh muh el sie mwet kikiacp
 - b. Jon 8:1–11. Sie muhtwacn kosro utucklac nuh yurin Jisus. El ahkkahlwemye pahkomuhta nuh sel.
 - c. Jon 8:12–36. Jisus el fahk, “Nga pa kahlwem luhn facluh” El luti nuh sin mwet Ju ma luhlalfongi ac lah fahsr tohkohl uh oruh elos tiac kapihr liki nguhn.
2. Mwe nguhsr nuh ke mwe luti: Kwac lutlut ke lesin lom an ke wik se met an. Ke kom riti ke ma suhmuhslah an sa uh, kom ac eis nuhnak ac kolyuck in luhmahlah ke wik sacn ma ac kahsre kom ke lesin an. Ke kom nuhnkuh ke lesin sacn ke wik sacn, pruhe ke nguhn in kol kom ac luhlalfongi tuh Leum el fah ahkinsewowoye kom.

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtwe-
Ahkoeyucklac ack lesin an.

Oruh rum an in lohslah konwelah lahm nuhkweya ac kaliyac mwe lihsrlihsr winto an. Siyuck sie mempucr ke kuhlahs in riti in yohk Doctrine and Covenants 93:1–2. Ke mempucr ke kuhlahs sacn rit (kuh srihke in rit) fuhs inge, siyuck sel:

- Yac upac in ritiyuck fuhs inge? Meac ac oruh in fihsracsr uh? (Kahlwem yohk.)

Ahkosack lahm an na ikacslah mwe lihsrlihsr an. Siyuck sie mempucr ke kuhlahs in sifil riti Doctrine and Covenants 93:1–2. Ahkuhtweyac lah kahlwem uh orekmakihnyuck ke ma suhmuhslah inge kwewa in mwe akucl ke Jisus Kraist. Jisus Kraist sifacna el orekmakihn akucl se inge ke el luti lun tempuhl ah. Lesin se inge ac sramsramkihn ohiyac ma Jisus Kraist el sie kahlwem nuh sesr kac uh.

Kom fin ac koflah in oraclah rum an in lohsr, na tari sruhlwaclah sie laitaus an ke port an (kuh sruhwack sie petsac ke laitaus an). Ahkuhtweyac lah srihpac luhn sie laitaus pa in sensenkihn ak liki ongaiyac ac kohlohlos nuh ke panmoul. Na ahkuhtweyac lah kahlwem uh pa sie akucl Jisus el orekmakihn nuh ke luti ke orekma lal ac kuhpahsr lal nuh sesr. Lesin se inge ac sramsramkihn lah Jisus el sie kahlwem ma ahkkahlwemye nuh sesr inkacnek nuh ke panmoul luhn nguhn.

Ke kom luti sramsram ke ma suhmuhsalah inge, ahkkahlwemye pac puhla in luhlalfongi ke Jisus Kraist kom puhla muh enenuh an. Kwacfe mempucr ke kuhlahs in oacyacpac ahkkahlwemye puhla in luhlalfongi ke Jisus Kraist pacl elos puhla muh elos ke an.

1. Jisus el wi Kuhfa luhn Iwen Ahktucktuck ac luti lun tempuhl

Sramsramkihn Jon 7. Ngihstre mempucr ke kuhlahs in riti fuhs sollac an in yohk. Ahkuhtweyac lah Kuhfa luhn Iwen Ahktucktuck uh sie kuhfa luhn mwet Ju orek ke mahlwem ohnkohsr tukun Kuhfa in Ahluhkwelah ke yac nuhkweya sahflah ke lwen alkosr ac ma in esam mwe insewowo luhn Leum nuh sin tuhlihk nuhtin Israel ke elos fuhfahsryucsr yenmwesis. Oacyacpac ahkfuhlwactye yac in kosracni ac mahkiyac sahflahiyacn puhlan pacl in kosracni uh. Mwet Ju elos motko kuhfa se inge muh pa yohk emet ac pa pwacr liki kuhfa nuhkweya lalos uh.

Ahkkahlwemye lah Jisus el fuhfahsryucsr Galilee nuh Jerusalem in wi kuhfa se inge ke tempuhl. (Jon 7:1–10).

- Meac mwet ke kuhfa sac fahk kacl Jisus ke elos sanel lacn tuhkuh ah? (Liye Jon 7:12.) Efuw mwet ah lut ke Jisus el muhtwacwacack luti ac? (Liye Jon 7:14–15.)
- Meac Jisus el fahk nuh sin mwet ke tempuhl ah ke luti lal ah? (Liye Jon 7:16.) Meac el luti nuh sin mwet ah in oruh in eis sie puhla in luhlalfongi ke luti lal ah? (Liye Jon 7:17.) Kuht kuh in orekakihn luti se inge fuhkah nuh ke moul lasr uh?

Elder John K. Carmack ke u luhn Itngucul el fahk: “Jisus el ahkuhtweyac, ‘Kuhtwena mwet fin luhngse in oruh ma luhngse Lal, el fah etuh ke mwe luti, fin ma sin God mwe, kuh Nga sifacna kahskahs’ ” (Jon 7:17). Ke kuhtuh pac kaks in ahkuhtweyac, ke kom srihke uh kom kuh in etuh lah pwacye. Enenuh luhlalfongi in srihke ma se inge, tuhsruhk ac sackuhnlah inkacnek nuh ke ma pwacye luhn nguhn. Nuh sin mwet lutlut ma ac srihke ohiyac se inge ac fah oasr forlah in luhlalfongi, lahlmwetmwet, ac kahlwem (ke Conference Report, Oct. 1988, 32; kuh *Ensign*, Nov. 1988, 26).

Ngihstre mempucr ke kuhlahs in sruhmuhn lah puhla in luhlalfongi lalos ke sie ma yohk ke wasasuc fokokoi fuhkah ke elos moulkihn uh (kom ac ke akacsruhi ke sie ohiyac lom sifacna kom puhlakihn uh). Ahkkahlwemye lah lac-lacn ngi ke olwelah se ke Jon 7:17 ah oacyacpac pwacye; fin kuht tiac moulkihn ma yohk ke wasasuc, puhla in luhlalfongi lasr uh ac muhnahsalah.

- Ke Jisus el luti, mwet ah sifil pacna maelihk ke nuhnak lalos kacl. Meac kuhtuh srihpac ma oruh kuhtuh mwet ah luhlalfongi lah el pa Kraist ac? (Liye Jon 7:31, 37–41.) Meac kuhtuh srihpac oruh kuhtuh mwet ah tiac luhlalfongi lah el pa Kraist ac? (Liye Jon 7:27, 41–42, 52.) Ke luhmah yac mwet uh etuh lah Jisus el ma oyac me? (Elos etuh sucu lal ac acn sel.) Ke luhmah suc elos tiac etuh lah el ma oyac me? (Liye Jon 7:28–29; 8:14, 19, 23–29. Elos tiac kahlwem kac lah el suhpweyuck me sel Pahpah Lucng.)
- Kuht kuh in ahkkweye puhla in luhlalfongi lasr ke fuhfahsryucsr luhn Jisus Kraist uh fuhkah?

2. Sie muhtwacn kosro utucklac nuh yurin Jisus.

Riti ac sramsramkihn Jon 8:1–11.

- Efuh Mwet Sihm ac Mwet Pharisee ac use muhtwacn kosro se nuh yurin Jisus? (Liye Jon 8:4–6. Elos kena srihfucsryac Jisus lwacn luhslah muhtwacn sac nuh ke misac kuh in lahfuhkihn ma sap lal Moses.) Meac Jisus el fahk nuh sin Mwet Sihm ac Mwet Pharisee ac? (Liye Jon 8:7.) Efuh elos tiacna tuhngal muhtwacn sac? (Liye Jon 8:9.)
- Na Jisus el tiacna ahkkahlwemye ma koluk luhn muhtwacn sac, el tiacna luh-suhllah kac (Jon 8:10–11). Meac kuht kuh in lotwelah ke srihkasrak luhn Mwet Lahngo lah kuht ac oruh fuhkah nuh sin mwet suc oraclah ma koluk yohk?

Elder Marvin J. Ashton el ahkuhtweyac: “Mwet Sihm ac Mwet Pharisee use nuh ye muhtuhn Mwet Lahngo sie muhtwacn kosro. Srihpac lalos tiac pa in ahkkahlwemye luhngse nuh sin oacna sie muhtwacn sac kuh Jisus, tuhsruhk ma in ahkmwekihnye ac ahklahlfonye Jisus ... Jisus el tiac nuhnkuh ke kosro; wacngihn ma ac stuhelac ke ohiyac nuh ke kain in ohiyac se inge. [Tuhsruhk] El sulacлах in luti ke luhngse—in ahkkahlwemye nuh sin mwet sihm ac mwet Pharisee enenuh luhn kuhlwacnsuhpuh sie sin sie uh nuhke wolacana ac in ahkkahlwemye kuh in ahkfohs luhn ahklahlfon ac ahkmwekihn” (ke Conference Report, Apr. 1981, 31–32; kuh *Ensign*, May 1981, 24).

3. Jisus el ahkkahlwemye, “Nga Pa Kahlwem luhn Facluh.”

Riti ac sramsramkihn Jon 8:12–36.

- Ke Kuhfa in Iwen Lohlngohk, tempuhl fin acn Jerusalem kahlmwelihk ke fih-rihr luhn kacntuhl ke acn ahkosr. Fihrihr inge kuh in liyeyuck ke siti sac noh-fohn. Efuh ma se inge ahkolah fal se nuh sin Jisus in ahkkahlwemyelah, “Nga Pa Kahlwem luhn Facluh”? (Jon 8:12.) “Meac kalmac muh Jisus pa kahlwem luhn facluh uh”? (Liye Jon 8:12; Alma 38:9; 3 Nephi 15:9; D&C 88:6–13.)
- Ke mwet uh srihke in oacna Jisus, elos oacyacpac eklac in kahlwem luhn fac-luh, fohlohkihn kahlwem lal (Mattu 5:14; 3 Nephi 18:24). Kuht ac kuh in kahsruh kuhtuh pac in liye kahlwem suc Kraist el acse uh fuhkah? (Liye Mattu 5:16, 28:18–20; Mwet Filippai 2:14–15.)
- Jisus el fahk nuh sin mwet in tempuhl lah el kwacna oruh ma ahkenganye Pahpah Tuhmwacл (Jon 8:29). Kuht kuh in iskuhtyang in oruh ma ac ahkenganye Pahpah Lucng fuhkah?
- Ke Jisus el fahkwack ke Pahpah Tuhmwacл Inkuhsrao ah, “puhkantwen selos luhlalhfongwel” (Jon 8:30). Meac Jisus el olwelah nuh sin mwet inge elos fin sikalwacng in fahsr tohkohl? (Liye Jon 8:31–32.) Meac ma pwacye uh ahksukohsohkye kuhtlac liki uh? (Liye Jon 8:33–34.) Oraclah ma koluk uh use kapihr nuh sesr fuhkah? (Liye Alma 12:11; 34:35.) Etuh ma pwacye uh oruh kom sukohsohk fuhkah?
- Jisus el pahnglol sifacna tok “pwacye” (Jon 14:6). Ma se inge ac oruh fuhkah nuh ke kahlwem lom ke olwelah oasr ke Jon 8:32 an? Etuh ke Mwet Lahngo uh oruh fuhkah kuht in sukohsohk? Kuht kuh in etuh kacл fuhkah?

Ahkkahlwemye lah Jisus Kraist el Mwet Lahngo lasr ac tuh el muhkwenah kuh in tuhlwekuhtlac liki kapihr luhn ma koluk. Kwacfe mempucr ke kuhlahs in fahsr tukin Kraist, “kahlwem luhn facluh” lacn muh kohlohlos nuh ke mislac luhn nguhn.

Nuhnak in Weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana sin nuhnak inge in ip ke lesin an.

1. Kof in moul

Ke sie ahkfuhlwact orek ke Kuhfa luhn Iwen Lohlngohk sie prist el utiac kof liki inluhluh Siloam nuh fin mwe loang fihrihr. Kih sac se inge ma orek in ngihstre ke af ac in wo fukun ma suhnwaclos ke yac tok an. Ke Jisus el luti lun tempuhl ke lwen sahflah se ke kuhfa sac, el sulih mwet ah in wi ipeis ke kof in moul (Jon 7:37–38).

- Meac pac kuhtuh ma orek ma Jisus el sruhmuhn ke kof in moul? (Liye Jon 4:5–15.) Meac “kof in moul”? Kuht kuh in nihm kac fuhkah?

2. Jisus Kraist pa Jeovah

Riti ac sramsramkihnh Jon 8:37–59.

- Efuh Jisus el fahk nuh sin mwet luhlalhlalfongi Ju lah elos tiac tuhlih nah-tuhl Abraham? (Liye Jon 8:39–40. Ne elos tuhkuh ke fihl lal Abraham ah, elos tiacna oruh orekma suwohs oacna ke Abraham el oruh ah. Efuh Jisus el fahk nuh selos muh elos tiac tuhlih nuhtin God? (Liye Jon 8:41–44.) Kuht kuh in ahkkahlwemye ke mukwikwi lasr lah kuht tuhlih nuhtin Pahpah Lucng fuhkah?
- Efuh mwet Ju elos kasrkuhsrak ke fahk luhn Leum kac Abraham ah? (Liye Jon 8:51–53, 56–57. Elos tiacna akihlen lah Jisus el luhma nuh ke kuh lal in kuh-tanglah misac luhn nguhn [fuhs 51] ac ke moul in nguhn lal met ah [fuhs 56–57].) Meac fahk se lal Jisus, “met luhkwel Abraham, nga oasr” (Jon 8:58) ac kaksre kuht in etuh kac? (Liye futnot 58*b*; oacyacpac liye Exodus 3:13–14. Jisus pa Jeovah, Kuhlzacna “Nga,” God lal Abraham, Isaac, Jacob.) Efuh yohk srihpac in etuh lah Jisus pa Jeova met liki moul in ikoac lal?

“Nga Kun, Inge Nga Liye”

Lesin Ahk
16

Jon 9–10

Srihpac In kahsrh mempucr ke kuhlahs in eis kahlwem yohk ac srui ke Jisus Kraist muh el Kahlwem luhn Facluh ac Mwet Sropo Wowo se.

Ahkolah

1. Rit, nuhnkuh, ac pruhe ke ma suhmuhslah inge:
 - a. Jon 9. Jisus el ahkpwacyei lah el pa Kahlwem luhn Facluh ac ahkkweyelah sie mukul suc isuslac kun. Mwet kwelac sac fahkwack nuh sin mwet Pharisee ac alu nuh sin Jisus.
 - b. Jon 10:1–15, 25–28. Jisus el luti lah el pa Mwet Sropo wowo se ac el fah liki-yac moul lal ke sip nahtuhl. Sip nuhtin Leum pa elos suc lohng puhsracl ac fahsr tohkohl.
2. Fin kuhfa inge oasr, orekmakihn ke pacl in lesin an:
 - a. Petsac ke Healing the Blind (62145; Gospel Art Picture Kit 213).
 - b. Ip ahk 3 ke “New Testament Customs,” sie ip ke *New Testament Video Presentations* (53914).
3. Mwe nguhsr nuhke mwe luti: “Puhsisac! ye muhtuhn God pa ki se nuhke kap-kapwack. Sie mwet luti suc Puhsisac! ye muhtuhn Leum eis kahsrh ke ei-syacn etwacack nuhkewewa ac kuh ac tiac sislah. Sie mwet luti suc puhla in ti-ac eis kahsrh sin mwet fah tuhla nguhn yohrohl. Fin tiac God, [kuht] tiac kuh in sifacna. Ke El, ma nuhkewewa kuh” (*Teaching—No Greater Call*, 5).

Mwe Nguhsr Nuh Ke Ahkyohkyeyacn Lesin

**Mukwikwi
Ahkoeyucklac** Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Siyuck mempucr ke kulahs in nuhnkuh kuhtuh mwe muhnahs in mahno ma Jisus el ahkkweyelah ke kuhlwacnsap in ikoac lal. Suhmuhsrah top lalos an ke port an. Na ahkkahlwemye lah ip ke lesin se inge ma ke Jisus el ahkkweyelah mwet kun se-sie ma usrnguhk el kwac oruh.

- Efuh kuh kom nuhnkuh muh ahkkweyelah mwet kun sac sie ma na usrnguck yohk ke kuhlwacnsap luhn mwet Lahngo? Meac ahkkweyelah luhn mwet kun sac ahkkahlwemye ke nguhn uh? (Kuh luhn mwet Lahngo in kahstre kuht kuhtanglah lohslah luhn nguhn uh ac “liye” kuh kahlwem ke ma pwacye luhn nguhn uh.)

Ahkuhtweyac lah ma suhmuhslah lutlutkihnyuck ke lesin se inge som yohk na nuhke liye ac lohng mwet Lahngo ac ke ma kunacsr in oruh oacpacna in kah-sruh kuhtuh pac mwet.

1. Jisus el sang kahlwem nuh sin sie mukul suc tuh isuslac kun.

Sramsramkihn Jon 9. Ngihstre mempucr ke kuhlahs in riti fuhs sollac an.
Sruhkwick petsac ke Jisus ke el ahkkweyelah mukul kun sac.

- Met liki ahkkweyelah luhn mukul se ma kun ac, Jisus el fahk, “Nga pa kah-
lwem luhn facluh.” (Jon 9:5). Meac ohiyac Jisus el sang kahlwem nuh sin mu-
kul kun sac uh? (Liye Jon 9:6–7, 35–38.)
- Mukul se ma kun ac ahkkahlwemye ke pacl ekahsr lah Jisus el ahkkweyacllah
(Jon 9:10–11, 15, 17, 24, 27, 30–33. Kom ac ke kwacfe mempucr ke kuhlahs in
mahkiyac mwe rit inge lun ma suhmuhsalah nahtuhlos an). Meac kuht kuh in
lotwelah ke srihkaskrak luhn mukul se inge? (Top an kuh in pa oasr ma se ku-
nacsr in akacsruhi ke fahkwack luhlalhfongi lasr uh. Ahkkahlwemye lah mukul
sac puhlaik in ahkkahlwemye nuh sin mwet pucspucs, finne elos suc lain fah-
kwack lal ac ahksahngwengyeluhl).
- Fahkwack luhlalhfongi luhn mukul se inge kapkapwack fuhkah ke el kwacfe-
acng in akacsruhi kac uh? (Kapsra fuhs 11, 17, 33, ac38.) Fahkwack luhlalhfongi
lom kapkapwack fuhkah ke kom akacsruhi kac uh?
- Fuhkah ohiyacn mwet Pharisee ke elos lohng ke ma usrnguck sac? (Liye Jon
9:16.) Efuh kom nuhnkuh muh eltahl sruhnga in kahlwem lah Jisus el oruh
ma usrnguck se inge ke kuh luhn God? (Top an kuh in pa ma ke inefuhlward,
ahngyahng ke Jisus el ahkkweye ke lwen Sahpuht, sahngweng muh ac wac-
ngihnlac kuh kuh pwengpweng, ac kuhtuhpac.) Mwet Pharisee srihke in ahk-
srihkye Jisus fuhkah? (Liye Jon 9:16, 18–20, 24, 28–29, 34.) Kuhtuh mwet
mihsege uh lahfwekihn kuh luhn God uh fuhkah?
- Pahpah ac Ninac kiyacn mukul kun sac top fuhkah ke mwet Pharisee ac si-
yuck selos ke ma usrnguck sac? (Liye Jon 9:18–23.) Efuh kuh Pahpah ac Ninac
sac topuk ke ohiyac se inge? (Liye Jon 9:22.) Kuht kuhtuh pacl uh oacna
Pahpah ac Ninac kiyacn mukul se inge fuhkah? Kuht kuh in puhlaik ke fah-
kwack luhlalhfongi lasr uh fuhkah?
- Mwet Pharisee elos kacpousi mukul sac fuhkah ke el srackna fahk lah Jisus el
ahkkweyacllah ah? (Liye Jon 9:34. Ahkuhtweyac lah kalmeyacn sisilac liki pa
tilac wi mempucr. Meac Jisus el oruh ke el lohng lah mukul sac sisilac ma ke
luhlalhfongi in fahkwack lal? (Liye Jon 9:35–37.) Leum el ahkinsewowoye kom
fuhkah in kwacfeacng luhlalhfongi lom ke pacl in sruhf?

Kom fin orekmakihn petsac in liyeyuck an, oruh “the Synagogue” ingena.

- Ohiyac fuhkah mwet Pharisee kuh in akihlen uh, ac ohiyac fuhkah elos kun
kac uh? (Liye Jon 9:39–41. Elos etuh ma sap uh, tuhsruhk elos kun ke srihpac
pwacye la uh. Elos srahngwesr akihlen lah Jisus el tuhkuh in ahkpwacyeye ma
suhmuhsalah.) Meac sielacna liki in akihlen ke muhtahsr ac “liye” kuh etuh ke
nguhn uh? Meac kuhtuh ma oruh kun luhn nguhn uh? Meac kuht kuh in luti
ke ohiyac se inge ke kuhtanglah kun luhn nguhn uh?

2. Jisus el luti lah el pa Mwet Sropo Wo se.

Riti ac sramsramkihn Jon 10:1–15, 25–28. Ke fuhs inge, Jisus el ahkkahlwemye lah sie mwet liyacacng sip el ac karihngihn ac liyacacng sip nahtuhl fuhkah. Ahkuhtweyac lah ke pacl lal Jisus ah, sip uh kolyucklac nuhke kalkal in liyacacng sip nuhke fong an. Sie sin mwet liyacacng sip uh ac topangi motonwac an ac mwet liyacacng sip ngiac ac som nuh lohm selos in eis monglac. Fin oasr kosro lwemnak utyak nuh inmahsrlon sip uh, mwet liyacacng sip sac ac enenuh in kihsackuhnlah moul lal in karihngihn sip an. Ke lututang kais sie mwet liyacacng sip ac fohlohkoh ac pahngon sip nahtuhl an. Elos ac akikhlen puhsracl ac ukwacl nuh yen in mongo mah lalos.

- Ke sramsram luhn Jisus ke mwet liyacacng sip ac sip nahtuhl, suc sip ac luh-mweyuck nuhkac uh? (Liye Jon 10:4, 27.) Suc mwet Liyacacng Sip uh? (Jon 10:11.) Meac kuhtuh ma wo ke sie mwet liyacacng sip uh? (Jon 10:11.) Meac kuhtuh ma wo ke sie mwet liyacacng sip wo uh? (Kom ac ke tahkuhnlah ma wo inge ke port an oacna ke ahkkahlwemyeyuck ten inge.)
 - a. El etuh sip nahtuhl, pahnglolos ke ine, ac kohlohlos (Jon 10:3–4, 14).
 - b. El pa motonwac luhn sip, lwelah elos in ilyak nuh ke u in eis karihngihnyuck ac konwacack acn in mongo (Jon 10:7, 9).
 - c. El sang nuh sin sip “moul ... yohk” (Jon 10:10).
El sang moul lal nuh sin sip (Jon 10:11, 15).
- Meac siena ke mwet liyacacng sip ac sie mwet ngihnsreyuck moul nuh se uh? (Liye Jon 10:11–14.) Jisus el srihkasrak wowo fuhkah se nuhke sie mwet liyacacng sip uh? (Orekmakihn tahk soko kom suhmuhslah ke port an, sramsramkihn lah Jisus el srihkasrak nuhke ma wo inge fuhkah. Liye 2 Nephi 9:41–42 ke kom sramsramkihn ke Jisus lah el pa sruhnguuhl luhn sip uh. Ke kom sramsramkihn kena luhn Jisus lan use moul lal nuh sesr, liye Jon 10:17–18.)
- Sip uh akikhlen mwet liyacltahlwacng uh fuhkah? (Liye Jon 10:3–4.) Kuht kuh in lohng puhsren Leum fuhkah? (Liye D&C 1:37–38; 18:33–36; 97:1) Kuht ac lihsrihngyuckyak fuhkah ke kuht etuh ac ukwe puhsren sie mwet Liyacacng sip wo uh?

Kom fin ac orekmakihn petsac in liyeyuck uh, oruh “The Shepherd” ac “The Sheepfold” ingena.

- Suc mwet pihsrapasr ma srihke in utyak nuh ke un sip uh? (Liye Jon 10:1. Elos pa mwet ma oruh in ahkkolukye mwet ukwe Leum kuh kohlohloslac in fahsrelih.) Kuht ac akikhlen inmahsrlon mwet liyacacng sip pwacye ac elos suc srihke in kol kuht lac nuhke fahsrelih uh fuhkah? (Liye Jon 10:10)
- Sip uh eis mwe moul nuh selos ke ukwe sie mwet Liyacacng Sip Wo fuhkah? (Liye Jon 10:9–10, 28.) Kom ahkinsewowoyeyuck fuhkah ke ukwe mwet Lahngo uh?

Sahflah

Ahkkahlwemye lah Jisus pa Kahlwem luhn Facluh ac sie mwet Liyacacng Sip Wo. Ac fin kuh, akacsruhi nuh sin mempucr ke kuhlals lah Leum el kahsre kom fuhkah in akikhlen in nguhn ac in ukoacl.

**Nuhnak in weacng
mwe luti**

Kuhfa inge kuh in weacng ma nguhsr tahkihnyucklac nuhke lesin uh. Kom ac ke orekmakihn sie kuh puhs sin nuhnak inge in ip ke lesin an.

Ma kunacsr in mwet liyacacng sip.

- Kuht oacyacpac mwet in liyacacng sip nuhtin Leum fuhkah? Meac kuht kuh in oruh in kahsrh kuhtuh pac in lohng ac ukwe puhsren mwet Liyacacng Sip Wowo uh?

Elder Bruce R. McConkie el luti: “Oacna sie mwet kuhlwcansap ke oacna sie luhpah ke Alu uh suc el fal nuhke nguhsr kuh wo luhn ikoac luhn tuhlihk nuhtin Leum pa mwet liyacacng sip nuh sin sip ingacn. Leum el kol mwet liyacacng sip lal nuhke molwelah luhn sip nahtuhl” (*Mormon Doctrine*, 2nd ed. [1966], 710).

2. “Kuhtuhpac sip nuhtihk” (Jon 10:16)

- Suc Jisus el luhma nuhkac ke Jon10:16 an? (Liye 3 Nephi 15:21–24.) Ngac kuhtuh pac sip sahyac tuh lohng puhsren Mwet Lahngo ah? Fuhs se inge ac kahsrh mwet se ma suk ke Alu uh in kahlwem pwacye ke puk luhn Mormon uh lah fuhkah?

Elder Howard W. Hunter el luti: “Elos suc kahlwem ke moul ac luti luhn Jisus ke etwacack lalos ke puk luhn Pwacpuhl ac luhngse in etuh lah oasr pac sie ma suhmuhslah ke sikyak lal nuh sin mwet fin acn Macrke ... kuhtuh pac sip suc el ahkkahlwemye kac. Ituckyang inen sifac an Puk luhn Mormon tukun ine se luhn mwet pahluh se suc oracni ac kapsreni ma suhmuhslah ke mwet fin acn Macrke. Puk luhn Mormon pa sie mwe loh ke Kraist ac ma sihmlac ke luti lal nuh sin kuhtuh pac un sip ke facs sasuc sacn.” (ke Conference Report, Apr. 1983, 19; kuh *Ensign*, May 1983, 16).

3. Kain in ohiyac in Akihlen

In kahsrh mempucr ke kuhlahs in srihke inkacnek ma Mwet Lahngo el kahsrh kuht kac in akihlen, oraclah sie pohloh kahs nuhke kalmac puhkantwen ke kahs se inge *Akihlen* (kalmac ngihnsreyuck uh pa sikyak ten inge). Likiyac un kahs inge ke sie susu kuh pohk, oruh mempucr ke kuhlahs in eis pac in sulacclah sie kahs an na ahkuhtweyac lah Mwet Lahngo el kahsrh kuht in akihlen ke inkacnek ma ahkuhtweyac kac an fuhkah, nuhnak se ngwacn kuh in oraclah wo nuhke kuhlahs luhn mwet fuhsr uh.

In eis ke muhta

in kalwem

in sensen kac

in luhma muh kuh

in konwacack in lohacng nuhkac

in liye kac ke siepacna ngwetngwet

to look at from a particular point of view

17 “Meac Nga Fah Oruh Tuh Ngan Usrui Moul Ma Pahtpaht?”


Mark10:17–30; 12:41–44; Luk 12:13–21; 14; 16

Srihpac

In kahsrüh mempucr ke kuhlals in kahlwem kac lah kuht enenuh in kihsac-kuhnlah ma luhn facl se inge in eis sie acn ke tohkohsrahi inkuhsrao.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mark 10:17–30; 12:41–44. Sie mukul fuhsr kahsrühp siyuck lah meac el kuh in oruh in eis moul ma pahtpaht, ac Jisus el luti lah luhlalhfongi ke mwe kahsrühp kuh in luhslah sie mwet liki suc sang sacn sruhsrah luo nuhke mwe sang.
 - b. Luk 12:13–21. Ke puhpuhlyuck se ke mwet kahsrühp lahlfon sac, Jisus el luti ke mwesensen luhn rahpkuh. El kwacfe mwet tuhma lutlut lal in suk ma inkuhsrao likina mwe kahsrühp luhn facluh.
 - c. Luk 14:15–33. Ke puhpuhlyuck ke sie mongo in ekuh na pwenpweng, Jisus el luti lah elos suc ukwacl enenuh na in sislah ma nuhkwewa sahyac.
 - d. Luk 16:1–12. Ke puhpuhlyuck se ke sie mwet kuhlwcansap suwohs sac, Jisus el luti mwet fahsr tohkohl in suk mwe kahsrühp luhn nguhn ke kena se pacna ma oasr selos suc suk mwe kahsrühp luhn facluh.
2. Ma in weacng mwe rit: Mattu 19:16–30; Luk18:18–30; 21:1–4; Jacob 2:18–19.
3. Fin petsac ke Kraist ac Mwet nuhnkuh Kahsrühp Fuhsr sac oasr (Gospel Art Picture Kit) orekmakihn ke pacl in lesin an.
4. Kom fin orekmakihn Mukwikwi ahkoeyucklac an, oraclah sie sruhf in sacco kuh srolwaclah ke port an (liye atac se oreklac ten inge). In oraclah sie sruhf in sacco, eis sie pohk ma oasr kafa kac. Ahklohyac oruh in wo kafa nuhke pohk an, na suhpuklah sie siskac ke pohk an in oasr acn mahngwelihk yohk se kom in kuh in isohngwacng la poum a in tiac fihsihk se. Likiyac sie ipin fukunsahk kuh kuhtuh srihfac an lun pohk sacn. [Mwe srihkeyuck]
5. Kahsrüh mempucr ke kuhlals in furok, kuh orekmakihn, ma suhmuhslah nuh ke moul lalos.



**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Sruhwack sruhf se kom oraclah kuh srolwaclah an (liye ip se ke “Ahkolah”). Ahkuhtweyac lah sruhf kain sacn kuh in sang sruokyac soko sacco. Mwe nenyuck sacn el akwucki nuh fin fohkoh, ac mwe kihtakat (fin pa srihfahc kuh fukunsahk) likiyucki loac. Pat se ke mwe nenyuck sacn enenuh in yohk kuhtuh poun sacco soko an in kuh in tilyang fihsracsr tuhsruhk in srihk pahol ac mwe kihtakat sacn in koflah tuhkweni itucklac (kom ac ke srihke oruh ma se inge). Sacco soko an ac liye mwe kihtakat sacn ac srihke in eis. Ke sacco soko an sruokyac mwe kihtakat an, ac oruh se fanna sruhuh likina in sisilac mwe kihtakat sacn. Ac tiac kihsackuhnlah molo se inge nuhke sie pac ma yohk—sukohsohklah la an.

Ahkkahlwemye lah kuhtuh pacl uh kuht oraclah tahfonglac uh oacna sacco uh. Ke kuht eis ma na wo se, kuht ac tiac luhngse in wacngihnlac finne eis luhk kac uh ac oruh wacngihnlac ma wo se luhk sahyac. Lesin se inge ma ke kuhtuh ma kuht enenuh in kihsackuhnlah in muh eis mwe in sewowo yohk liki ma nuhkwe-wa: Moul ma pahtpaht wi Pahpah Tuhmasr Inkuhsrao ac Jisus Kraist.

Mwe Sramsram
ke Ma Suhmuhsrah
Ac Moulkihnyac.

Ke kom luti mwe rit ke ma suhmuhsrah inge kahsruh mempucr ke kuhlahs kac lah kais sie sesr ac kuh in siyuckyuck se in kihsackihn kain in ma nuhke tohkohsrahi luhn God. Kuht enenuh in luhngse in kihsackuhnlah oacna sie ma God el siyuck sesr uh.

1. Luhlahlfongi ke mwe kahsruh kuh in oruh sie mwet in tiac ilyak nuh ke tohkohsrahi luhn God.

Riti ac sramsramkihn Mark 10:17–30; 12:41–44. Sruhwack petsac ke Kraist ac mukul nuhnuhkuh fuhsr kahsruh sac.

- Meac Jisus el fahk nuh sin mukul fuhsr kahsruh sac suc siyuck sel lah el ac eis fuhkah moul ma pahtpaht? (Liye Mark 10:17–21.) Efuh kuh mwe kolyuck inge ahksuhpwacrye mwet fuhsr sac? (Liye Mark 10:22.) Efuh kom nuhnuhkuh tuh Leum el siyuck sel elan fuhlweack nohfohn mwe kahsruh lal? Luti luhn Mwet Lahngo nuh sin mwet fuhsr kahsruh se inge kuhpahs nuh sesr fuhkah?

Prestuhn Joesph F. Smith el fahk: “Ma upac nuh sin mukul fuhsr sac [pa] yohk suhnuh ma lal, el kena luhlahlfongi mwe kahsruh lal likina in fuhlweack ma nuhkwe-wa ac in ukwe Jisus.... Wacngihn sie mwet kuh in eis mwe sang luhn moul ma pahtpaht el fin tiac luhngse kihsackuhnlah nohfohnna ma lal fin facluh in kuh in eis” (*Gospel Doctrine*, 5th ed. [1939], 261).

- Meac Jisus el luti ke kuhpahs inmahsrlon in kahsruh ac in ilyak nuh ke tohkohsrahi luhn God? (Liye Mark 10:23–25.) Meac siena liki in oasr mwe kahsruh ac luhlahlfongi kac uh? Kuht ac kuh in sruokyacna sie elah wo fuhkah nuhke ma luhn facluh uh? (Liye Mosiah 4:19, 21.)

Prestuhn Smith el oacyacpac luti: “God el tiac mwe ahksruhksruh luhn mwet. Mwet kahsruh se el kuh in ilyak nuhke tohkohsrahi inkuhsrao sukoh-

sohk oacna mwet suhkahsruh se, fin el use insiacl ac kena lal nuhke ma sap luhn God ac nuhke ma yohk ke ma pwacye; fin el likiyac luhngse lal nuh sin God, insiacl nuhke ma pwacye ac nguhnal nuhke muhsaheack srihpac luhn God, ac tiac luhngse lal ac finsrak lal nuhke ma luhn facluh” (*Gospel Doctrine*, 260–61).

- Kapsra mukul fuhsr kahsruh sac nuhke katinmas suhkahsruh se ke Mark12:41–44 ah. Meac katinmas sac ke oruh ma mukul fuhsr kahsruh sac tiac oruh? (Liye Mark 12:44. El ke sang nohfohn ma oasr yohrohl nuhke tohkohsrahi luhn God.) Kuht ac kuh in muhsaheack kain ohiyac se luhn muhtwacn katinmas suhkahsruh sac fuhkah?

2. Suk ma inkuhsrao, likina mwe kahsruh luhn facluh.

Riti ac sramsramkihn Luk 12:13–21.

- Meac Jisus el fahk nuh sin mukul se ma elyah ke mwe usru lal? (Liye Luk 12:13–15.) Meac rahpkuh? (Kena na yohk se in kahsruh kuh nuhke ma luhn siepacna mwet.) Meac ma mwet uh rahpkuh kac mihsenge uh? Efuh kuh mwe sensen se pa in rahpkuh?
- Ke sie facluh ma kuht likiyac yohk nuhke ma lasr uh, kuht ac esam fuhkah lah yohk srihpac luhn kais sie tiac ma akihlenyuck ke luhpah suc oasr yohrohrs (Liye Luk 12:15.) Mwe insewowo fuhkah ma yohk srihpac liki ma oasr yohrohrs uh? (Liye Luk 12:31–34; D&C 6:7, nuhke kuhtuh srihkasrak an.)
- Mukul se ke puhpuhlyuck se ke mwet kahsruh lahlfon sac ahkinsewowoyeyuck fuhkah? (Liye Luk12:16.) Meac el sulaclah in oruh ke ma yolyak lal. (Liye Luk 12:18.) Meac mukwikwi lal ahkkahlwemye? (Liye 12:19–21. Insiac som na nuhke mwe kahsruh lal.) Meac el ac oruh ke ma puhs lal fuhnuh el suk ma luhn nguhn likina mwe kahsruh luhn facluh? (Liye Mosiah 4:26; D&C 52:40.)
- Efuh kuh mwet pucspucs likiyac insiaclos nuhke mwe kahsruh luhn facluh finne elos etuh lah ma na nuhke pacl se inge? Kuht ac etuh fuhkah lah kuht nuhnkuh ke ma lasr uh? Kuht ac kuhlzacng fuhkah ke mwe kahsruh lasr ac kuhtuh pac mwe insewowo, fin pa nuhke pacl ac talan (kom ac ke kwacfe mepucr ke kuhlacs in nuhnkuh ke siyuck inge nuh seltahl sifacna kuh mepucr ke sucu sahyacn kuhlacs an.

3. Mwet fahs tukun Kraist enenuh in luhngse kihackuhnlah ma nuhkewea in mwet tuhma lutlut pwacye.

Riti ac sramsramkihn fuhs ke Luk 14:15–33.

- In luhngaslah puhpuhlyuck se ke mongo in ekuh pwengpweng sac, Elder James E. Talmage el luti lah mwet ngihseyuck ah pa mwet ke olwelah kuh tuhlihk nuhtin Israel. Ke mwet kuhlzacnsap (Jisus) el siyuck selos in tuhkuh nuhke kuhfa (in eis wosasuc) elos sukok srihpac in tiac tuhkuh (*Jesus the Christ*, 3rd ed. [1916], 452). Efuh kuh tuhlihk nuhtin Israel ah tiac tuhkuh nuhke kuhfa sac? Suc “Mwet suhkahsruh, mwet suhkahpahs, ac mwet ul ac mwet silohngohntwen” suc tuhkuh nuhke kuhfa sac? (Luk 14:21).
- Puhpuhlyuck se ke mongo in ekuh pwengpweng sac kuhpahs nuh sesr fuhkah? Meac kuhtuh ma oruh kuht in tiac wi kuhfa ke tepuh luhn Leum—fin pa, tiac rit ma suhmuhslah kuh som nuhke tempuhl uh? Kuht ac ahkkahlwemye fuhkah lwelah lasr nuhke nguhsr luhn Leum nuhke kuhfa uh?

- Jisus el luti lah mwet Tuhma lutlut lal enenuh in luhngse kihsackuhnlah ma nuhkwea ma el siyuck selos kac (Luk 14:26–33). Meac kuhtuh ma siyuckyuck sin mwet tuhma lutlut met ah in kihsackuhnlah ah? Meac kuhtuh ma siyuckyuck sin mwet tuhma lutlut mihsenge in kihsackuhnlah uh? Meac Leum el siyuck sum in kihsackuhnlah uh? Kom ahkinsewowoyeyuck fuhkah ke kom oruh kihsac inge uh?

4. Suk mwe kahsrup luhn nguhn ke kena ac kuh.

Riti ac sramsramkihn fuhs sollac ke Luk 16:1–12. In kahsrup mempucr ke kuhlahs in kahlwem ke puhpuhlyuck se ke mwet kuhlwasnsap ke mongo sesuwos, in akacsruhi ke mwe ahkkahlwemye inge:

Elder James E. Talmage el ahkkahlwemye lah Leum el orekmakihn puhpuhlyuck se inge “in ahkkahlwemye sie lacna ke karihngihn, nuhnkuh, ac kihsackuhnlah luhn mwet ma mukwikwi ke orekma luhn mani fin facluh, ac tahfuh luo luhn mwet pucspucs suc kwacfeacng in fahsr tukun mwe kahsrup luhn nguhn.” Leum el tiac siyuck tuh kuht in etahi mukwikwi koluk luhn mwet kuhlwasnsap sesuwos sac ac kuht in suk mwe kahsrup luhn nguhn in kwacfeacng ac kahsrup tuh ma mwet kuhlwasnsap sac suk ac pa mwe kahsrup.

Elder Talmage el kalweni, “Mwet luhngse facluh uh tiac wi pihlesruh nuh ke mwe kahsrup laltahl nuhke pacl fahsrup uh, ac kwac luhngse in oasr suhna la; suc tuhlihk nuhtin kahlwem, kuh elos suc luhlalhfongi ke mwe kahsrup luhn nguhn in yohk liki mwe kahsrup luhn facluh, suhkwas kuh, loh, kuh lahlmwetmwet” (*Jesus the Christ*, 463).

- Siyuck mempucr ke kuhlahs in kapsra in eltahl sifacna luhpan pacl, nuhnak, ac kuh elos sislah in oraclah mani ac ma ke puhlan pacl, nuhnak, puhla, ac kuh elos sislah in suk mwe kahsrup luhn nguhn uh. Kuht ac kwacfeacng ac sang kuhiyacsr in suk mwe kasrup luhn nguhn uh fuhkah?

Sahflah

Ahkkahlwemye lah in eis moum ma pahtpaht, kuht enenuh in likiyac ma luhn facluh ac kuhlwasnsuhpuh Leum ke insiacsr nohfohn, kuhiyacsr nohfohn, ma lasr nohfohn ac ke kuh lasr nohfohn. Kwacfe mempucr ke kuhlahs in sang kuloh ke mwe insewowa luhn facluh uh tuhsruhk in akihlen ma inge ke inkacnek wo.

Nuhnak in weacng mwe luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in sie ip ke lesin an.

1. Puhsisac

Riti ac sramsramkihn Luk 14:7–11.

Kom liye fuhkah ma pwacye ke fahk se luhn Jisus ke Luk 14:11 nge?

2. Luhngse Pwacye

- Meac kuht kuh in luti ke Luk 14:12–14 ke ohiyacn kuhlwasnsap uh? (Top uh kuh in pa kuht tiac kuh in kuhlwasnsap ke finsrak in fohlohkihn ke ma, ac kuht enenuh in tiac ahksrihkyelah kuhlwasnsap lasr nuh selos suc ac moli kuh finne kuloh nuh sesr uh.) Meac oruh kuht in kuhlwasnsap uh?

- Luhngse pwacye uh kahsre kuht fuhkah in fototo nuh sin Leum?

3. Puhpuhlyuck ke sie mukul kahsruh ac Lazarus.

Sap mempucr ke kuhlals in rit ac sramsram ke puhpuhlyuck se ke Luk16:19–31 an.

- Tukun mukul kahsruh sac misac ah, meac el siyuck sel Pahpah Abraham elacn oruh nuh sin mwet wiacl ah? (Liye Luk 16:27–28.) Abraham el top fuhkah? (Liye Luk 16:29–31.) Ma se inge luti kuht fuhkah in lohng mwet pahluh?
- Meac puhpuhlyuck se inge luti kuht kac ke yohk srihpac in karihngihn mwet suhkahsruh uh? (Liye D&C 104:18.)

Mwet fuhsr enenuh in engan ke srihkeyacn puhpuhlyuck se inge. Likiyac mempucr luo ke kuhlals (Abraham ac Lazares) ke sie lacyacn ma oasr siah we an (sie luhf loal), ac sie pac mempucr ke kuhlals (mwet kahsruh sac) ke lwacyacn ngiac. Sang mwet se ahk ahkosr an in pa sramsram an. Oruh mempucr ke kuhlals an in riti ip laltahl an ke Luk 16:19–31, wi mwet in sramsram sacn in riti ma nuhkwewa ma tena ritiyuck sin mwet ma wi rit an.

Luk 15; 17

Srihpac In kahsrh mempucr ke kuhlals in kahlwem ke engan ma tuhkuh ke kuht auliyak ac ke kuht kahsrh kuhtuhpac in auliyak uh.

Ahkolah

1. Rit, Nuhnkuh, ac pruhe ke ma suhmuhslah inge:
 - a. Luk 15:1–10. Ke puhpuhlyuck ke soko sip tuhlaac ac ke puhpuhlyuck ke sie ipin selfuh, Jisus el luti ke yohk srihpac luhn mouh.
 - b. Luk 15:11–32. Ke puhpuhlyuck ke sie wen suhnuhtac, Jisus el luti lah Pahpah Lucng el konwacack engan. Mwet Lahngo el oacyacpac luti mwet fahsr tohkohl in wi etuh nuhnak muhnahs.
 - c. Luk 17:11–19. Sie mukul suc Jisus el ahkkweyelah ke lepa fohlohkoh in sang kuloh nuh sel.
2. Ma in weacng mwe rit: Mattu 18:11–14.
3. Fin petsac ke Sie Wen Suhnuhtac (62155; Gospel Art Picture Kit 220) ac Mwet Lepa Singucul ac (62150; Gospel Art Picture Kit 221) oasr, orekmakihn ke pacl in lesin an.
4. Mwe nguhsr nuh ke mwe luti: Jisus el kwac siyuck kihsensiyuck in kwacfe mwet lohngohl in mouhkihn ma yohk el luti (liye Mattu 16:13–16; Luk 7:41–42). Ahko-o kihsensiyuck ke ohiyacn pruhe ma ac kwacfe mempucr ke kuhlals in kuh in wi lohng mwe sramsramkihnyuck ac in kahsrelos kahlwem ac in orekmakihn ip yohk ma lutiyuck uh.

**Mwe Nguhsr Nuh
Ke Ahkyohkyeyacn
Lesin**

**Mukwikwi
Ahkoeyucklac** Fin wo, orekmakihn mukwikwi inge kuh sie sin ma lom sifacna an in sramtweack lesin an.

Ngihstre mempucr ke kuhlals in sruhmuhn ke sie pacl ma tuhlaac sie ma yohk srihpac nuh selos kuh pacl ma sie mempucr ke sucu tuhlaac uh. Na siyuck kihsensiyuck inge:

- Kom puhla fuhkah ke ma se kuh mwet se tuhlaac uh? Kom ac puhla fuhkah ke ma se kuh mwet se konweyuckyak uh?

Kom ac oacyacpac ke siyuck sin mempucr ke kuhlals in sruhmuhn ke pacl ma oasr ma se laltahl tuhlaac ac konweyuckyak uh?

Ahkuhtweyac lah Jisus el kwac luti ke lesin ma oasr nguhsr kac luhma ma inge ke ma sikyak ke mwet uh. Lesin se inge sramsramkihn kuhtuh puhpuhlyuck ma luti ke yohk srihpac nuhke suk ac konwacack elos suc tuhlaac.

Ke kom sramsramkihn mwe rit ke ma suhmuhsalah inge, kahsrüh mempucr ke kuhlals in kahlwem kac lah Pahpah Lucng ac Jisus Kraist luhngse kais sie sesr ac kena kuht in fohlohk ac sifilpac muhta yohrohlos.

1. Mwet Lahngo el luti ke yohk srihpac luhn Moul.

Riti ac sramsramkihn Luk 15:1–10. Ahkuhtweyac lah el ahkkahlwemye puhpuhlyuck ke sip tuhlaç soko ac puhpuhlyuck ke ipin selfuh se tukun mwet Pharisee ac mwet sihm elos tohrkahskahs, “Mwet se inge eis mwet koluk, ac mongo yohrohlos” (Luk 15:2).

- Ke puhpuhlyuck se ke soko sip tuhlaç mwet liyacacng sip el sislah sip yucngucul yuc in konwacack soko suc tuhlaç (Luk 15:4). Ke puhpuhlyuck se ke ipin selfuh sac, muhtwacn sac suk ke oaru sie selfuh tuhlaç (Luk 15:8). Meac kuht kuh in lotwelah ke mwet liyacacng sip sac ac muhtwacn sac? (Liye D&C 18:10–13.)
- Ohiyac fuhkah mwet se kuh in “tuhlaç” uh? Meac kunacsr nuh selos suc tuhlaç uh? (Liye Luk 15:4–5, 8; Alma 31:34–35.)

Prestuhn Gordon B. Hinckley el fahk:

“Kuhtuh sin mwet lasr sifacna uh ... tuhng ke ngal ac kweok ac muhkahimtacl ac sahngweng. Ma kunacsr pa orekma na yohk ac enenuh se in sokolos ac kahsrelos, in sraklalogyak, in kihtaclos fin elos masrihnsracl, in kihte nguhnalos elos fin maluhkihn ma pwacye ac suwohswohs....

“... Oasr selos tuh srack kuh ke luhlalhfongi, tuhsruhk luhlalhfongi lalos muhnahslah. Puhs selos ke fohlohk tuhsruhk tiac etuh lah ac oruh fuhkah. Eltahl enenuh kahsrüh wowo nuh selos. Ke kahsrüh srihsrihk puhs selos kuh in fohlohkoh in sifil ipeis ke tepuh luhn Leum.

“Mwet lili ac tahmtahel wiyuck, nga finsrak, ac nga ac pruhe tuh kais sie sesr ... enenuh in fahsrelih in sokolos suc enenuh kahsrüh, suc muhta in elyah ac ohiyac upac, ac puhrakalogyak ke nguhn luhn luhngse in kawuckuhnuhlosi ke alu uh ke acn ma paho fokoko ac insiac luhngse ac ahkfucsfucryaclos, ahkwoyaclos, ahkkweyaclos, ac luhkwelosi ke inkacnek in engan ac moul wowo” (in Conference Report, Oct. 1996, 118; kuh *Ensign*, Nov. 1996, 86).

- Meac kuht ac fahk ke fohlohk luhn sie mwet suc tuhlaç? (Oruh mempucr ke kuhlals in suk ke sie nuhnak ma kalweniyuck ke Luk 15:5, 6 ac 9. Oacyacpac liye fuhs 7, ac 10 ac D&C 18:15–16.)

2. Jisus el luti lah Pahpah Lucng el engan in nuhnak muhnahs nuh sin mwet auliyak uh.

Riti ac sramsramkihn Luk 15:11–32. Sruhkwack petsac ke wen suhnuhntac sac.

- Ke puhpuhlyuck se ke wen suhnuhntac sac, meac tuhlih mukul fuhsr sac oruh ke usru lal? (Liye Luk 15:13. Akihlen lah kalmacn *suhnuhntac* pa suhnuhkuhi.) Meac kuhtuh ohiyac mwet mihsenge uh oraclah stuhelac uh oacna pac met ke wen suhnuhntac sac?
- Meac sikyak nuh sin wen suhnuhntac sac tukun el suhnuhntaci mwe usru lal nohfohn ah? (Liye Luk 15:14–16) Meac nuh sesr mihsenge?

- Ke wen suhnuhtac sac suk enenuh ah, suc loh nuh sel fin acn ingo? (Liye Luk 15:16) Meac kuht kuh in lotwelah kac?
- Suc tuhlihk mukul sac nuhnuh kac ke el liye lah wacngihn mwet loh nuh sel in acn ingo ah? (Liye Luk 15:17.) Meac kuht kuh in lotwelah ke auliyak ke elah luhn tuhlihk mukul sac? (Liye Luk 15:18–19.)
- Meac pahpah sac oruh ke el liye tuhlihk se nahtuhl ah fohlohk ah? (Liye Luk 15:20.) Pahpah sac top fuhkah nuhke taltal koluk luhn tuhlihk mukul se nahtuhl ah? (Liye Luk 15:21–24.) Top luhn pahpah sac oacna top luhn Leum fuhkah ke kuht auliyak uh? (Liye Luk 15:7; Mosiah 26:30; D&C 58:42.)
- Ohiyac fuhkah kuht oacna wen suhnuhtac sac kac uh? (liye fahk se ten inge.) Meac finsrak luhn puhpuhlyuck se ke wen suhnuhtac sac use nuh sesr uh?
- Nuhke puhpuhlyuck ke wen suhnuhtac sac, Prestuhn Gordon B. Hinckley el fahk: “Nga siyuck sum in riti sramsram sacn. Sucu nuhkwewa enenuh in kalweni in riti. Yohk suhna in raunweack lohm nuhkwewa ac yohk suhna likina in raunweack mwet nuhkwewa, yac tiac kuht nohfohn wen suhnuhtac ac tuhlihk muhtwacn suc enenuh auliyak ac ipeis ke pahkomuhta luhn Pahpah Lucng ac na in ukwe srihkasrak Lal?” (“Of You It Is Required to Forgive,” *Ensign*, June 1991, 5).
- Efuh kuh tuhlihk mukul mahtuh sac kasrkuhsrak ke ohiyac pahpah sac oruh nuh sin tuhlihk mukul fuhsr sac? (Liye Luk 15:25–30.) Fuhkah top luhn pahpah sac nuhke tohrkahskahs luhn tuhlihk mukul mahtuh sac? (Liye Luk 15:31–32.) Efuh upac kuhtuh pacl uh in pain sie “wen suhnuhtac” suc auliyak? Meac kuht kuh in lotwelah ke top luhn mukul se inge ke fohlohk luhn tuhlihk mukul natuhl? (Liye Luk 15:32.)

3. Sie mukul suc Jisus El ahkkweyaclah ke lepa fohlohk sang kuloh nuh sel.

Riti ac sramsramkihn Luk 17:11–19. Sruhwack petsac ke mwet lepa singucul ac.

- Ke Mwet Lahngo el som nuh Jerusalem el ahkkweyaclah mwet lepa singucul (Luk 17:11–14). Sin mwet lepa singucul ac, ekahsr selos fohlohk in ahkkahlwemye srui lalos? (Liye Luk 17:15–16.) Meac kuhtuh srihpac ma kuht oacna mwet lepa yuc ma nihkihn fahk kuloh, tiac ahkkahlwemye srui lasr ke mwe ahkinsewowo kuht eis uh? Efuh yohk srihpac kuht in ahkkahlwemye srui lasr nuh sin Leum?
- Ohinge nohfohnna mwet lepa singucul ac nwacsnwacslah, mukul se na ma fohlohkoh ah oreklac el nwacsnwacslah nohfohn (Luk 17:14; 19). Meac sielacna liki in ahkkweyeyucklac ac in oreklac in nwacsnwacslah nohfohn? (Liye fahk se ten inge.) Srui ac luhlalhfongi lasr kahsre kuht fuhkah in nwacsnwacslah nohfohn?

Pisap Merrill J. Bateman el luti: “In eklac in sie mwet nwacsnwacs, mwet lepa sac ahkkweyeyucklac insiacl ac oacyacpac luhkuhl. Ke lwen sac mwet lepa yuc ah ahkkweyeyucklac ke luhkuhltahl, tuhsruhk sie na oasr luhlalhfongi la in eklac in nwacsnwacs nohfohn” (ke Conference Report, April 1995, 16; kuh *Ensign*, May 1995, 14).

Iwemye kuloh lom ke puhpuhlyuck luhn Jisus ac kuhtuh pac luti ma ahkkahlwemye luhngse luhn God nuh sin tuhlihk nahtuhl ac kena lal tuh kuht in luhngse sie sin sie.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in sie ip ke lesin an.

1. Puhpuhlyuck ke sie mwet kuhlwacnsap wacngihn srihpac

Riti ac sramsramkihn puhpuhlyuck ke sie mwet kuhlwacnsap suc wacngihn srihpac (Luk 17:5–10).

- Jisus el sruhmuhn puhpuhlyuck se inge tukun Mwet Sap ngihsre sel, “Ahkkapye luhlalhfongi lasr” (Luk 17:5). Meac kuht kuh in lotwelah ke puhpuhlyuck se inge lah kuht ac kuh in ahkkapye luhlalhfongi lasr uh fuhkah? (Top an kuh in pa kuht kapkapwack in luhlalhfongi ke oaru in kuhlwacnsuhpuh Leum.)
- Efuh kuht mwet kuhlwacnsap wacngihn srihpac finne kuht oruh ma nuhkwe-wa Leum el sapkihn nuh sesr in oruh uh? (Liye Mosiah 2:20–25.) Meac ma se inge ahkkahlwemye ke luhngse luhn Leum nuh sesr uh?

2. Puhpuhlyuck ke mwet orekma ke imac.

Riti ac sramsramkihn puhpuhlyuck se ke mwet orekma ke imac (Mattu 20:1–16).

- Ke puhpuhlyuck se inge, meac mwet kuhlwacnsap nuhkwe-wa ke imac uh eis uh?

Ahkkahlwemye lah elos suc orekma ao se eis luhpah sena oacna elos suc orekma lwen fohn se an. Kuht tiac enenuh in elyah kac lah suc ac eis yohk kuh suc orac-lah yohk ke kuhlwacnsap nuh sin Leum. Mwet nuhnunhkuh wo se emet, suc etuh insiacsr, fah nuhnunhkwekuht ke pahkomuhta se nuh sesr “ma pwacye” (Mattu 20:4, 7).

3. Petsac in Liyeyuck.

Ip ahk ahkosr ke “New Testament Customs,” sie ip sollac ke *New Testament Video Presentations* (53914) kuh in yohk srihpac in ahkuhtweyac lah mwet lepa uh oac-wac ac luhpan eklac luhn mwe ahkinsewowo ke pacl luhn Wuhlweacng Sasuc luhn moul nuh sin mwet lepa singucul in ahkkweyeyucklac sin Kraist.

Ip se inge oacyacpac nacack mwe ahkkahlwemye nuh sin mwet Ju ke Wuhlweacng Sasuc srihkiyacn pacl uh. Kom ac ke sramsramkihn mwet orekma ke imac (liye nuhnak in weacng, mwe luti ahk luo), in kahsrh mempucr ke kuhlals in kahlwem wo ke mwet oasr lohm se suc “som ke ao tolu” oacyacpac ohnkoahr, yuc, ac ao singucul sie (Mattu 20:3, 5–6).

“Luhlahlfongi Lom Molikomlac”

Lesin Ahk
19

Luk 18:1–8, 35–43; 19:1–10; Jon 11

Srihpac In Kahsruh mempucr ke kuhlahs muhsaheack luhlahlfongi yohk ke Pahpah Lucng ac Jisus Kraist.

- Ahkolah**
1. Rit, nuhnkuh, ac pruhe ke ma suhmuhslah inge:
 - a. Luk 18:1–8. Ke puhpuhlyuck se ke mwet nuhnkuh sesuwos se ac muh-twacn katinmas sac, Jisus el luti ke srihpac yohk se in sikalweni na in pruhe.
 - b. Luk 18:35–43. Sie mukul kun ahkkahlwemye luhlahlfongi lal ac el ahkkweyeyucklac sin Jisus.
 - c. Luk 19:1–10. Jisus el eisyuck nuh in lohm sel Zachaeus
 - d. Jon 11:1–54. Jisus el ahkkahlwemye kuh lal in ahkmoulyaclwack Lazarus liki misac.
 2. Ma in weacng mwe rit: Mark 10:46–52; Luk 11:5–13.
 3. Fin petsac ke Ahkkweyaclah Mwet Kun sac (62145; Gospel Art Picture Kit 213) ac Jisus el ahkmoulyaclwack Lazarus liki misac (62148; Gospel Art Picture Kit 222) oasr, orekmakihn ke pacl in lesin an.
 4. Mwe Nguhsr nuh ke Luti: Prestuhn David O. McKay el fahk, “Kom kuh in luti wo muhkweni fin kom puhla wo sum sifacna” (*Gospel Ideals* [1953], 190). Suk in lutlut kac, pruhe ac ahkostwen in ahkkweye luhlahlfongi lom ke ma yohk kom luti an.

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtwe-
Ahkoeyucklac ack lesin an.

Met liki elder Hugh B. Brown el som nuh ke misin ac, ninac kiac ah fahk nuh sel:
“Hugh, kom esam ke kom sie tuhlihk mukul srihsrihk, ac kom oruh sie mwe-mwe koluk kuh tuhkahkwek sahngweng ke fong? Kom pahng ke rum lom ah, ‘Ninac kom oasr ngwacn?’ Na nga ac topuk ac srihke in ahkwoye kom ac oruh kom in tiac sahngweng. Inge kom ac som nuhke misin ac som nuhke acn fin facluh ac fah oasr pacl kom ac sahngweng, ke pacl kom puhla muhnahs, muhkweni, ac puhlakihn elyah nga ke kom in etuh lah kom kuh in pahng nuh sin Pahpah tomom Inkasrao oacna ke kom muhta pahngonyuc ah in fahk, Pahpah kom oasr ngwacn? Nga enenuh kahsruh lom. Oruh ma se inge etuh lah El oasr we na lah El ahkolah in kahsre kom fin kom oruh ip kunom ac moukihn suwoswohs luhn mwe insewowo lom. Nga ke kom in etuh lah el oasr we ac el ac topuk pruhe lom ac enenuh ma ac wo nuh sum” (sruhmuhnyuck sel Marvin J. Ahston, “Know He Is There,” *Ensign*, Feb. 1994, 50).

Ahkuhtweyac lah ke lesin se inge kuht ac lutlut ke sramsram ke ma suhmuhslah ma kuh in kahre kuht muhsaheack luhlalfongi yohk lah Pahpah Lucng ac Jissus Kraist etuh ac luhngse kais sie sesr.

Mwe Sramsram
ke Ma Suhmuhslah
ac Moulkihnyac

Ke pruhe sulaclah mwe rit, kihsensiyuck ac kuhtuh pac kuhfa nuh ke lesin ke ma suhmuhslah ma ac wo in sun enenuh luhn mempucr ke kuhlahs. Sruhmuhn lah ma suhmuhslah suleyucklac orekmakihnyuck fuhkah nuhke mouk ke pacl nuhkwewa uh. Kwacfe mempucr ke kuhlahs in akacsruhi ke ohiyac ma kuhpahsr nuhke ma yohk ke ma suhmuhslah uh.

1. Jisus El Sruhmuhn Puhpuhlyuck se ke Sie Mwet Nuhnukuh Sesuwos ac Sie Katinmas.

Riti ac sramsramkihn Luk 18:1–8. Ahkuhtweyac lah Jisus el sruhmuhn puhpuhlyuck se inge nuh sin sie u luhn mwet Pharisee.

- In oacna ke Luk 18:1, efuh Jisus el oruh puhpuhlyuck se ke mwet nuhnukuh sesuwos se ac katinmas se inge? Puhpuhlyuck se inge luti fuhkah lah kuht “enenuh in kwac pruhe”? (Liye Luk 18:1–8.)

Elder James E. Talmage el luti, “Jisus el tiacna ahkkahlwemye ke mwet nuhnukuh sesuwos sac tulokihnyac in siyuck God pac; tuhsruhk el ahkkahlwemye lah fin pa nuh ke mwet nuhnukuh se inge, suc tiac sahngweng sin God ac suhnakihn mwet, fah sahflahiyac lohng ac sang siyuck luhn katinmas sac, wacngihn sie ac fah suhlalalfongi lah God, suc suwos ac pahkomuhta, fah lohng ac topuk” (*Jesus the Christ*, 3rd ed. [1916], 436).

- Meac kalmac in kwac pruhe? (Liye Luk 18:7; Alma 34:27.) Mwe inewowo fuhkah tuhkuh nuh sesr ke kuht kwac pruhe uh? (Liye Luk 18:7–8; 2 Nephi 32:9 D&C 90:24.)
- Sekalweni in pruhe sie mukwikwi nuhke luhlalfongi uh fuhkah? Meac kuht ac oruh ke kuht sikalweni na in pruhe ac kuht puhla lah tiac na topukyuck uh?

Elder Richard G. Scott el fahk:

“Ma tahfonglac se in motko muh pruhe lasr nuhkwewa uh ac toplac kihtin pacl na. Kuhtuh pruhe uh enenuh kahsruh nuh ke ip kunacsr...”

“Ke kuht ahkuhtweyac elyah se ac sie inkacnek in nahwuh [Nuh sin Pahpah Tuhmasr Inkuhsrao], kuhtuh pacl uh el topuk ahok kuhtuh pacl m-moh. El kwac sruokyac top, tiac ke srihpen tiac yohk srihpac, tuhsruhk mweyen el luhngse kuht ... na pwacye. El ke kuht in orekmakihn ma pwacye el use nuh sesr uh. Nuh sesr in kapkapwack, kuht enenuh in luhlalfongi ke kuhiyacsr in oraclah sulaclah pwacye. Kuht enenuh in oruh ma kuht puhla muh pwacye uh ke pacl, el fah topuk. El ac fah tiac kuh in tiac oraclah nuh sesr” (ke Conference Report, Oct. 1989, 38; kuh *Ensign*, Nov. 1989, 30–31).

- Meac kom lotwelah ke kom sikalweni in pruhe uh?

2. Sie mukul kun ahkkahlwemye luhlalfongi lal ac el ahkweyeyucklac sin Jisus.

Riti ac sramsramkihn Luk 18:35–43. Sruhwack petsac ke Jisus ke el ahkweyeyucklah mwet kun sac.

- Mwet kun se siskacn acn Jerico ah ahkkahlwemye luhpan luhlalhfongi lal ke Jisus fuhkah? (Liye Luk 18:38–42.) Kom ahkinsewowoyeyuck fuhkah ke kom moulkihn luhlalhfongi ke Jisus Kraist uh?
- Mukul sac ahkkahlwemye fuhkah srui lal ke el eis liyactwen ah? (Liye Luk 18:43; oacyacpac liye Mark 10:52.) Kuht ac ahkkahlwemye fuhkah srui lasr nuh sin Leum uh?

3. Jisus El Eisyuck nuh in lohm sel Zakius.

Riti ac sramsramkihn Luk 19:1–10.

- Suc Zakius? (Liye Luk 19:2. Ahkuhtweyac lah mwet sihm pa mwet Ju ma orekma acsacni tahkma nuh sin kafucrmacn Rome. Mwet Ju kwac sruhnga mwet sihm ac motkwaclos muh elos mwet suhlallacl ac koluk.)
- Zakius el ahkkahlwemye fuhkah kena yohk lal in liye Jisus? (Liye Luk 19:3–4) Meac Jisus el fahk nuh sel Zakius ke el liyacl ulun sahk soko ah? (Liye Luk 19:5.) Meac kuht kuh in oruh in eis engan luhn Mwet Lahngo nuh in lohm sesr?
- Meac mwet ah oruh ke Jisus el som in muhta yohrohl Zakius ah? (Liye Luk 19:7.) Top luhn Jisus nuh sel Zakius sie likina top luhn kuhtuh pac fuhkah? (Liye Luk 19:5.) Meac kuht kuh in lotwelah ke srihkasrak luhn Jisus ke sramsram se inge?
- Mwet pucspucs sruhngwacl Zakius ke srihpen orekma lal in sie mwet sihm (Luk 19:2, 7). Ke ohiyac fuhkah kuhtuh pacl uh kuht oruh kain in nuhnuhnuh kuh se inge nuh sin mwet uh.? Efuh yohk srihpac nuh sesr in tiac srelah kuhtuh mwet uh motko muh kuht wo luhkwelos? (Liye Alma 5:54–56; 38:13–14.) Kuht ac kuhtanglah fuhkah puhla koluk lasr in lain kuhtuh mwet uh?

Elder Joe J. Christensen el fahk: “Oasr selos suc nguhtwaclihk ke lututacng nuhkwewa sahngweng in som nuhke lutlut ac kuh finne mukwikwi ke Alu uh, mweyen eltahl sensenkihn lah ohiyac fuhkah ac orek nuh selos. Oasr kuh lom in ekuhllah moul lalos in wolac.... Leum el fuhlwelah nuh sum in pa mwet muhsah ac sang nuh selos taptap. Nimet nuhnuhkuh yohk keim sifacna a yohk ke kuh suc oasr yurum in kahsrub kuhtuh pac finne elos suc oasr in sucu lom sifacna” (ke Conference Report, Oct. 1996, 54; kuh *Ensign*, Nov.1996, 39).

4. Jisus el ahkmoulyaclwack Lazares liki misac.

Riti ac sramsramkihn fuhs sollac ke Jon 11:1–54. Ahkuhtweyac lah tukun na Jisus el som nuh in lohm sel Zakius ah, el eis sie mwe fahkwack sin kawuck lal Mary ac Martha lah tamuhlwel laltahl pa Lazares, suc oacyacpac kawuck na pwacye luhn Jisus, mas (Jon 11:1–5). Lwen luo tohkoh, Jisus el kohllah mwet tuhma lutlut in weluhl som nuh Bethany sie siti in acn Judea ma Mary, Martha, ac Lazares muhta we (Jon 11:6–7).

- Ke Jisus el fohlohk nuh Bethany, Lazares el nuh misac lwen ahkosr lac (Jon 11:17). Meac Martha el oruh ke el lohng lah Jisus el tuhkuh? (Liye Jon 11:20) Meac ahkwoye kom ke luhlalhfongi lal Martha ke orekma kuh luhn Mwet Lahngo? (Liye Jon 11:21–27.)
- Meac Jisus el oruh ke el liyacl Mary ac kuhtuhpac ke tuhng ah? (Liye Jon 11:33–35) Sramsram se inge ekuhllah puhla lom ke Jisus uh fuhkah?

- Finne yohk luhlalhfongi lal, luhlalhfongi lal Martha oacna in muhnahs ke Jisus el siyuck yot sac in ipi plac liki kuclyuck lal Lazares ah (Jon 11:39). Jisus el kahsrel fuhkah? (Liye 11:40.) Meac kuht kuh in lotwelah ke ma se inge ke ma Leum el kena sesr uh?
- Meac pruhe luhn Jisus met liki el ahkmoulyaclwack Lazares luti nuh sesr ke inmahsrlol ac Pahpah Tuhmwac? (Liye Jon 11:41–42.) Kuht kuh in ukwe srihkarak luhn Jisus fuhkah ke pruhe lasr sifacna ac sucu uh?

Sruhkwack petsac ke Jisus ke el ahkmoulyaclwack Lazares liki misac, ac ngihstre mempucr ke kuhlals in riti Jon 11:43–44.

- Jisus el ahkmoulyeack mwet luo tari liki misac (Mark 5:22–24, 35–43; Luk 7:11–17). Ahkmoulyaclwack Lazares liki misac sie likina ohiyac luo ma sikyak met ah fuhkah? (Tuhlihk muhtwacn se nahtuhl Jairus, ac tuhlihk mukul se misac tukun na mahnos ac nguhnalos fahsrelih. Elos tiacna likiyucki in-kuclyuck uh. Lazares el nuh misac lwen ahkosr, ac mahnol lihkiyucki tari in-kuclyuck uh.)
- Ma usrnguck ke ahkmoulyaclwack Lazares liki misac sie mwe loh nuh ke orekma kuh luhn Mwet Lahngo fuhkah? Ma usrnguck se inge meac oruh nuh sin mwet ma loh kac ah? (Liye Jon 11:45–46.) Ma usrnguck se inge ahkkweye luhlalhfongi lom ke Mwet Lahngo fuhkah?

Sahflah

Ahkuhtweyac lah ma yohk luti yuck ke sramsram kom sruhmuhn ah kuh in ahkkweye luhlalhfongi lasr ke Pahpah Lucng ac Jisus Kraist. Tukun kom sulpac kaweni in lutlut ke sramsram inge, riti fahk se sel Elder Thomas S. Monson inge:

“Fuhfahsryucsr luhn pacl uh tiac na ekuhllah luhpah luhn Mwet Molwelah in ekuhllah moul luhn mwet. Ke el fahk nuh sel Lazares suc misac, na el fahk nuh sum ac nga: ‘... fahsruh’ (Jon 11:43.) Fahsruh liki ma tulokihn mwe ahlohloh. Fahsruh liki mwe pahkomuhta luhn ma koluk. Fahsruh liki misac luhn suhlahlahlfongi. Fahsruh nuh ke sie moul sasuc. Fahsruh” (ke Conference Report, Apr. 1974, 72; kuh *Ensign*, May 1974, 50).

Kwacfe mempucr ke kuhlals in suk inkacnek ma elos kuh in ahkkweye luhlalhfongi lalos ke Pahpah Lucng ac Jisus Kraist.

Nuhnak in weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn nuhnak se inge in sie ip ke lesin an.

Puhpuhlyuck se ke mwet Pharisee se ac mwet sihm se.

Riti ac sramsramkihn puhpuhlyuck se ke mwet Pharisee se ac mwet sihm se (Luk 18:9–14).

- Kom ac ahkuhtweyac pruhe luhn mwet Pharisee se ke puhpuhlyuck se inge fuhkah? Kom ac ahkuhtweyac pruhe luhn mwet sihm se inge fuhkah?
- Meac kalmac tuh “mwet nuhkweya ma ahkenganyaclos sifacna fah ahkpuhsisaclyeyuck; ac el suc ahkpuhsisaclyacl sifacna fah ahkfuhlwactyeyuck?” (Liye Luk 18:14; Ether12:27.)

“We nuh Suwos,... Mwet Wosonkacs”

Lesin Ahk
20

Mattu 21–23; Jon 12:1–8

Srihpac In kahsrh mempucr ke kuhlahs in akiklen ac sensenkihn wosonkacs ac ohinge ahkkweye sulaclah lalos nuh sin Jisus Kraist.

- Ahkolah**
1. Rit, nuhnkuh, ac pruhe ke ma suhmuhslah inge:
 - a. Jon 12:1–8. Jisus el fuhfahsryucsr nuh Bethany, ke acn Mary el akmuhsraelah niac we. Judas el ahkkolukyacl Mary ke orekmakihnyacn mwe akmuhsra yohk molo soko ah.
 - b. Mattu 21:1–11. Jisus el fohlohk nuh Jerusalem nuhke kuhfwen ahluhkwehlah. El oraclah sie ilyak pwengpweng nuh in siti, kahsrhsr fin soko ass.
 - c. Mattu 21:23–46. Mwet tol fuhlwact ac elder tuhkuh nuh yurin Jisus nuh in tempuhl ac lain kuh lal. In tiac topuk kihsensiyuck lalos, Jisus el sruhmuhn nuh selos puhpuhlyuck ke tuhlihk mukul luu ac puhpuhlyuck ke sie mwet liacacng lohm.
 - d. Mattu 22:15–46. Mwet sihm ac mwet Pharisee srihke in srihfucsruhl Jisus elacn fahk sie ma ac oruh elos in kuh in ahkkolukyacl kac.
 - e. Mattu 23. Jisus el muhlat nuh sin mwet sihm ac mwet Pharisee ke wosonkacs lalos.
 2. Ma in weacng mwe rit: Mattu 26:6–13; Mark 11–12; 14:3–9; Luk 11:37–51; 19:29–48; 20; Jon 12:12–18.
 3. Kom fin orekmakihn mukwikwi ahkoeyucklac an, use sie kuhp ma nwacsnwacs luhkuh ac loac an ac sie pac ma oacna ma nwacsnwacs luhkuh an ac fohkfohk loac an.
 4. Fin petsac ke Ilyak Pwengpweng sac (62173; Gospel Art Picture Kit 223) oasr, orekmakihn ke lesin an.
 5. Mwe nguhsr nuh ke mwe luti: Ke kom ahko-o in luti kom enenuh in oruh yohk liki na in riti ma suhmuhslah fwack an. Lutlut ke kais sie ma suhmuhslah tiac srihk liki pacl tolu. Ke pacl se met an, riti in kapsra nuhke koanon ma suhmuhslah sacn na sifilpacna lohacng nuhkac in wo, loh nuh ke ma yohk, akwuck, ac ma yohk srihpac sikyak. Na sifilpacna riti motko lah mwe rit inge sun enenuh luhn mempucr ke kuhlahs inkacnek in sruhmuhn mwe rit ingacn.

Mwe Nguhsr Nuh Ke Ahkyohkyeyacn Lesin

**Mukwikwi
Ahkoeyucklac** Fin wo, orekmakihn mukwikwi inge kuh sie sin ma lom sifacna an in sramtweack lesin an.

Sruhwack kuhp luu ah (liye ip se ke “Ahkolah” an). Oruh mempucr in liye muhkwenah lihkihn kais sie kuhp an.

- Suc sin kuhp luo inge kom luhngse nihmnihm kac uh?

Sang mempucr ke kuhlals in liye lun kais sie kuhp an.

- Ingena suc sin kuhp inge kom luhngse nihmnihm kac uh, efuh?

Ahkuhtweyac lah Jisus el kapsra mwet Pharisee nuh ke kuhp se ma nwacsnwacs luhkuh ac fohkfohk loac an. (Mattu 23:25–26). Mwet Pharisee uh kwac oruh ma lihk uh ac mukwikwi uh in oruh muh elos suwohs, tuhsruhk elos tiacna nuhnkuh in nwacsnwacs insiaclos. Ke ohiyac se inge Jisus el luhmwaclos muh mwet wosonkacs. Lesin se inge ac fah sramsramkihn kasrkuhsrakwack luhn Mwet Lahngo ke wosonkacs—mwet suc oruh in nuh muh suwohswohs tuhsruhk tiacna moul suwohswohs uh.

Mwe Sramsram
ke Ma Suhmuhsalah
ac Moulkihnyac

Ke kom luti mwe rit ke ma suhmuhsalah inge, sramsramkihn ma elos luti ke sen-
senkihnyacn mwet wosonkacs. Kwacfe mempucr ke kuhlals in lohacng in akih-
len ac ahksuwohsyelah in moul lalos likina in suk ke kuhtwena mwet.

1. Mary el ahkmuhshraelah nien Jisus

Riti ac sramsramkihn Jon 12:1–8. Ahkuhtweyaclah lwen limekohsr met liki srih-
psrihpyak lal, Jisus el sislah ekuh se in wi kawuck lal Bethany. Fin acn we Mary,
tahmtahel lal Martha ac Lazares, ahkmuhshraelah nien Mwet Lahngo ke soko ono
kweng, yohk molo (Jon 12:1–3). Elder James E. Talmage el ahkuhtweyac lah efuh
el oruh ohiyac se inge:

“In ahkmuhshraelah insifacn sie mwet wal suc nguhsr ke mwe akmuhsra oacl pa
in ahkfuhlwactyacl; in ahkmuhshrai niac oacyacpac ahkkahlwemye sie ahkfuhl-
lwact yohk; tuhsruhk ahkmuhshrahi insifac kuh niac ke mwe akmuhsra, ac ke
luhpah yohk, sie mukwikwi ahkkahlwemye ahkfuhlwact yohk tiacna orekmakih-
nyuck nuh sin tohkohsrah. Mukwikwi lal Mary mukwikwi in ahkkahlwemye
luhngse; pa kweng luhn insiac wo ac kahklac ke epahsr in alu nuh sel ac luhng-
se” (*Jesus the Christ* 3rd ed. [1916], 512).

- Mary el ahkmuhshraelah nien Jisus in ahkkahlwemye luhngse lal nuh sel. Kuht
ac ahkkahlwemye fuhkah luhngse lasr nuh sin Leum uh?
- Mukwikwi lal Mary ahkkolukyeyuck sel Judas. Meac el fahk muh in orek nuh
ke mwe akmuhsra mahno sac? (Liye Jon 12:4–5.) Judas el sie mwet wosonkacs
fuhkah? (Liye Jon 12:6. Kom ac fin tiac orekmakihn mukwikwi ahkkoeyucklac
an, orekmakihn mwe fahkwack ke mukwikwi sacn in ahkuhtweyac lah meac
wosonkacs. Ahkkahlwemye lah tok ke lesin uh ac sruhmuhnyuck lah Mwet
Lahngo el puhla fuhkah ke mwet wosonkacs uh.

2. Jisus el oruh sie utyak pwengpweng nuh Jerusalem

Riti ac sramsramkihn Mattu 21:1–11. Sruhwack petsac ke utyak pwengpweng se
kacl Jisus ah. Ahkuhtweyac lah ke Jisus el fohlohk nuh Jerusalem nuh ke
Kuhfwen Ahluhkwelah, mwet pucspucs tuhkuh in liyacl mweyen elos lohng lah
el ahkmoulyelwack Lazares liki misac (Jon 12:17–18). Ke Jisus el utyak nuh in siti
ac, el ahkfuhlwactyacl sin un mwet pucspucs suc lahknelihk nuknuk in lwo-
eyuck lalos ke acn el fahsr we ac ahkfuhlwactyacl ke lwesahk, sie ahkfuhlwact
kwacna orek nuh sin tohkohsrah kuh mwet kuhtanglah uh. Ma se inge ahk-

pwacyeyelah pahluh lal Zekaraia (Zekaraia 9:9) ac sie mwe loh lah Jisus pa Misaiah se sruhmuhnyuck ah.

- Meac ahkenganye kom ke sramsram se ke mongfihsracsr in kahsrusrsr se luhn Jisus in kuhtanglah nuh Jerusalem ah? Meac kom nuhnkuh muh kom ac puh-la kom fin oasr we ke lwen sac?
- Mwet ma ahkfuhlwactye Jisus ke lwesahk ah akihlacnuhl muh sie mwet pahluh ac tohkohsrah (Mattu 21:9, 11; Luk 19:38), tuhsruhkuhtuh tiacna kahlwem ke tuhkuh lal ac laenuhl. Ke ohiyac fuhkah mwet uh tiac akihlacnuhl kuh lain Mwet Lahngo mihsenge uh? Kuht ac lwelah ac painuhl na pwacye nuhke moul lasr uh fuhkah?

3. Jisus el oruh puhpuhlyuck ke tuhlihk mukul luo ac puhpuhlyuck ke sie mwet liacng lohm.

Riti ac sramsramkihn fuhs sollac ke Mattu 21:23–46.

- Ke puhpuhlyuck se ke tuhlihk mukul luo ah, tuhlihk mukul se met ah oruh in kahlwem fuhkah lah el ahkostwen liki tuhlihk mukul se ahkluo ah? (Liye Mattu 21:28–30.) Jisus el orekmakin puhpuhlyuck se inge nuh sin mwet lohngohl ah fuhkah? (Liye Mattu 21:31–32.) Mwet sihm ac muhtwacn kosro sac oacna tuhlihk mukul se met ah fuhkah? (Elos sruhnga masap luhn God, tuhsruhkuhtuh Jon el luti nuh selos, elos eis Kraist ac auliyak ke ma koluk lalos.) Mwet tol fuhlwact ac elder ah oacna tuhlihk mukul se ahkluo ah fuhkah? (Elos muh el ac ukwe God, tuhsruhkuhtuh elos lain luti lal Jon ah ac lain Jisus finne tukun elos liyacl in mahno.) Tuhlihk mukul se ahkluo ah el sie mwet wosonkacs fuhkah?
- Olwelah fuhkah kuht oruh nuh sin Leum uh? (Kom ac ke sramsramkihn olwelah fin pa nuhke olwelah kuht oraclah ke pacptaislac, ke ipeis ke kuhfa luhn Leum, ac ke eis pristut.) Kuhtuh pacl uh kuht oacna tuhlihk mukul se ahkluo ah fuhkah? Kuht ac ahkkweye insacnweacng lasr nuh sin Leum uh fuhkah? Kuht ac akacsruhi sie sin sie in karihngihni olwelah kuht oraclah nuh sin Leum uh fuhkah?
- Ke puhpuhlyuck se ke mwet liyacacng lohm sac (Mattu 21:33–41) suc luhmweyuck mwet liyacacng lohm sac kuh Leum luhn imac sac nuh kac uh? (Pahpah Tuhmasr Inkuhsrao.) Ac mwet yok ah? (Mwet kol ke alu luhn mwet Ju ke pacl luhn Jisus ah.) Mwet kuhlwasncap? (Mwet pahluh.) Tuhlihk mukul se acnwucki sin mwet yok ah? (Jisus Kraist.)
- Mwet kol ke Alu luhn mwet Ju oacna mwet yok ah fuhkah? Meac mwet tol fuhlwact ac elder ah ahkkahlwemye muh ac sikyak nuh sin mwet yok ah ke Leum luhn imac sac ac tuhkuh uh? (Liye Mattu 21:41.)
- Suc “yot se ma mwet muhsah ah sruhnga ah”? (Liye Mattu 21:42; Orekma 4:10–12.) Suc mwet muhsah ah? Meac Jisus el fahk muh ac sikyak nuh sin mwet muhsah ma muh sruhnga yot in sproasrihk sac? (Liye Mattu 21:43–44.) Kahs luhn Jisus ke fuhs angaul an kuh in orekmakihnyuck nuh sesr fuhkah?
- Mwet tol fuhlwact ac mwet Pharisee top fuhkah ke elos akikhlen lah Jisus el sramsram kaclos ke puhpuhlyuck inge? (Liye Mattu 21:45–46.) Kuht kuh in kuhtanglah inefuhlwact kuh srahngwesr oa kuht ac puhla ke kuht pahngonyuck in auliyak uh fuhkah?

4. Mwet sihm ac Mwet pharisee srihke in srihfucsrilyac Jisus.

Riti ac sramsramkihn fuhs sollac ke Mattu 22:15–46. Ahkuhtweyac lah fuhs inge sihmlac pacl tolu ke mwet Pharisee ac mwet Saddusee srihke in srihfucsrilyac Jisus elacn fahk sie ma ma ac nuhnuhnkwacl kuh ahkkolukyacallah ah.

- Mwet Pharisee srihke met in srihfucsrilyac Jisus fuhkah? (Liye Mattu 22:15–17. Ahkkuhtweyac lah fin Jisus el fahk ahok nuhke kihsensiyuck sac, elos ac nuhnuhnkwacl muh el pahtok kafucrmacn luhn mwet Rom suc sruhngwacyuck. El fin fahk m-moh elos ac nuhnuhnkwacl ke lainyacn kafucrmacn.) Meac Jisus el eis ke kihsensiyuck nuh sel? (Liye Mattu 22:18. Ahkkahlwemye lah Leum el etuh insiacsr ac nuhnacl lasr. Kuht tiac kuh in okanlah oacna sie ma nuh sel.) Jisus el topuk fuhkah kihsensiyuck ah? (Liye Mattu 22:19–21.) Top se inge ac kol kuht fuhkah in sang nohfohn kuhpahsr lasr nuh sin God ac nuh ke kafucrmacn fin facluh uh? (Oacyacpac liye Ip Yohk ke Luhlahlfongi 1:12.)
- Mwet Sadducee srihke in srihfucsrilyac Jisus fuhkah? (Liye Mattu 22:23–28.) Mwet Sadducee ac atacn wosonkacs ke kihsensiyuck lalos ah fuhkah? (Liye Mattu 22:23. Elos oruh innuhmuh elos nuhnuhnkwacl ke macruht ke pacl in sifil moulyak, tuhsruhke elos tiac luhlahlfongi ke sifil moulyak.) Jisus el topuk fuhkah kihsensiyuck lalos? (Liye Mattu 22:29–30. Ahkuhtweyac lah Doctrine and Covenants 132:15–16, 19 ahkkahlwemye luti luhn Jisus. Elos suc tiac oraclah ac karihngihn olwelah ke macruht lun tempuhl ac fah lolacp inkuhsrao. Nuh selos suc oraclah ac karihngihn olwelah inge, macruht ac fah ma netok ma pahtpaht.)
- Meac srihke se ahktolu in srihfucsrilyac Jisus ah? (Liye Mattu 22:34–36.) Top luhn Jisus ahksuwohsyelah kihsensiyuck se inge fuhkah? (Liye Mattu 22:37–40.) Kom nuhnuhnkwacl muh efuh ma sap yohk luo inge arulacna yohk srihpac? Meac kuht kuh in oruh in moulikihn ma sap inge in pwacye?

Elder Howard W. Huhter el fahk: “El luhngse Leum ke insiaccl nohfohn suc ... ahkolah in sang, oruh, kuh kweokihn oacna sie ma in sang ahkinsewowoye ac ahkfuhlwactyacl. El luhngse God ke nguhnal nohfohn ... suc ahkolah in sang nohfohn mouli ke srihpac ac in sahruhklah kuh sislah ma luhngse luhn facluh in ahkfuhlwactyacl. El luhngse God ke kuhiyaccl nohfohn suc sang kuh nohfohn nuh in mahnol ac nguhnal in kuhlwaconsuhpuh God. El luhngse God ke nuhnuhnkwacl nohfohn suc sang muhkwenah nuh sel in etuh God ac kena lal, suc liye God ke ma nuhkwewa ac ahkkahlwemye nuh sel ke ohiyac nuhkwewa.” (ke Conference Report, Apr. 1965, 58; kuh *Improvement Era*, June 1965, 512).

5. Jisus el muhlat ke ma koluk luhn wosonkacs

Riti ac sramsramkihn fuhs sollac ke Mattu 23.

- Mwet sihm ac mwet Pharisee moli sie tahfuh singucul, sang nuh sin mwet suhkahsruhpa wi alu, ac kwac som nuh tempuhl. Meac oruh kasrkuhsrak luhn Leum kaclos uh? (Liye Mattu 23:5,14, 23–28. Elos oruh ma inge ke tiac luhlahlfongi tuhsruhke ke kena in liyeyuck elos muh elos suwohs.) Meac “ma yohk” ma Leum el fahk muh elos sislah uh? (Liye Mattu 23:23.) Kuht ac oruh fuhkah kuhtacn tiac sislah “ma yohk” inge in mouli lasr?
- Kuht mempucr ke alu uh kuhtuh pacl uh kuht mwet wosonkacs fuhkah? (Fin pa, ke kuht wi miting luhn alu uh kuht ac kena kuhtuh na mwet in liye kuht

liki na in alu nuh sin God. Kuht ac tohrkahskahs ke ma kunacsr ke Alu uh ma kuht tiac na sang insiacsr nuhke kuhlwacnsap lasr uh. Kuht ac ahkkweye mwet kol lasr uh ac kuht sulpacna ahkkolukye sulacalah lalos uh.)

- Meac kuht kuh in oruh in sensenkihn wosonkacs uh? Siyuck mempucr ke kuhlahs in srihke mihs lac motko kihsensiyuck inge: Kuh nga moli sie tahfuh singucul, sang nuh sin mwet suhkahsruh, wi miting, ac kuhlwacnsuhpuh kuhtuh pac nuhke wolacna luhk sifacna kuh wolacna luhn God? Yac nga suk ngan fototo nuh sin Pahpah Tuhmasr Inkuhsrao ac Jisus Kraist ke mukwikwi luhk nuhkweya uh?

Sahflah

Kwacfe mempucr ke kuhlahs in akihlen moullalos ke wosonkacs ac suk in oruh in wacngihnlac. Ahkkahlwemye lah kena pwacye in kuhlwacnsap ac ahkos Jisus Kraist uh, sikyak ke luhngse nuh kac ac luhlalhfongi in el, us kuht in fototo nuh yohrohl ac ahkyohkye luhngse ac luhlalhfongi lasr.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs liki nuhnak inge in sie ip ke lesin an.

1. Jisus el selngawiyac soko sahk tiac isus fahko, sie akucl ke wosonkacs

Riti ac sramsramkihn Mattu 21:17–22. Ahkuhtweyac lah sie pac akucl ke wosonkacs pa soko sahk ma oasr fahko Jisus el liye ke som lal nuh Jerusalem.

- Meac Jisus el oruh ke el konwacack lah sahk soko ah puhkantwen sra kac a wacngihn fahko? (Liye Mattu 21:19.) Fuhkah tuh sahk soko ah in oacna sie mwet wosonkacs?

Elder James Talmage el ahkuhtweyac: “[sahk soko ah] ma oreklac nuhke selngawi ac tuh pa fahk luhn Leum kac ah, mweyen, puhkantwen sra, a wacngihn fahko. Fin sahk soko ah motkweyuck muh oasr sukohsohk la, kuht ac pahngon muh el sie mwet wosonkacs. El ahkkahlwemye kohflohfohllah la ac nwacnwaclah ke ungunng luhn sra oraclah sie akucl luhn sie mwet wosonkacs” (*Jesus the Christ*, 3rd ed. [1916], 527).

2. Petsac in Liyeyuck

Ip se ahk luo “New Testament Customs,” sie ip sollac ke *New Testament Video Presentations* (53914), ahkuhtweyac ke Mwet Ju orekmakihn nuknuk se pahngpahng fuhlahkteri ac fringis. Kom fin tuh tiacna oruh in liyeyuck ip se inge ke lesin ahk yuc ah, kom kuh in oruh in liyeyuck ingena in kahsruh mempucr ke kuhlahs in kahlwen ke Mattu 23:5 (“elos oruh in yohk fuhlahkteris lalos, ac ahkyohkye karmacn lalos”). Sramsramkihn kac lah ma inge akucl luhn mwet sihm ac mwet Pharisee ma wosonkacs.

“Elos Luhngse Kaksak luhn Mwet” (Jon 12:43)

- Jon el suhmuhslah lah mwet pucspucs suc luhlalhfongi ke Jisus ac tiac ahkkahlwemye luhlalhfongi lalos mweyen “elos luhngse kaksak luhn mwet yohk likina kaksak luhn God” (Jon 12:42–43). Kuhtuh pacl uh kuht nuhkuh fuhkah yohkiyacn eis “kaksak luhn mwet uh”? Kuht ac kuhtanglah kena in suk kaksak ac akihlenyuck luhn mwet uh fuhkah? (liye D&C 82:19; 88:67.)

Srihpac

In kahsrub mempucr ke kuhlals in akihlen akucl ma ac sikyak met liki Tuhkuh Ahk Luo luhn Mwet Lahngo ac in kwacfe mempucr ke kuhlals in ahkweloslac sifacna nuhke ma yohk se inge.

Ahkolah

1. Riti, nuhnkuh, ac pruhe ke ma suhmuhslah inge:
 - a. Mattu 24:1–5, 9–13, 15–22. Jisus el nuh sruhmuhn ke muhsahllah luhn acn Jerusalem.
 - b. Mattu 24:6–8, 14, 23–51. Jisus el ahkuhtweyac ke akucl suc ac fah sikyak ke tuhkuh ahkluo lal ac luti nuh sin mwet lal lah ac kuh in ahkolah nuhke tuhkuh lal fuhkah.
2. Ma in weacng mwe rit: Mark 13; Luk 21:5–36; D&C 45:15–55.
3. Fin petsac ke Tuhkuh Ahk Luo (62562; Gospel Art Picture Kit) oasr, orekma-kihn nuhke pacl in lesin an.
4. Mwe nguhsr nuhke luti: Sie pahng nuhke luti tiac enenuh kom in etuh ma nuhkwewa ke wosasuc na oruh kom enenuh in tiac puhla mwekihn fin sie mempucr ke kuhlals siyuck sie kihsensiyuck kom tiac kuh in topuk. Likina kom in oraclah sie top ahkkahlwemye lah kom tiac etuh ac srihke siyuck kom in kuh in konwacack top an.

**Mwe Nguhsr Nuh
Ke Ahkyohkyeyacn
Lesin**

**Mukwikwi
Ahkoeyucklac**

Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Oruh mempucr ke kuhlals in ngwetlah ke winto an ac intein acn lucng. Fin wacngihn winto ke rum in kuhlals an, siyuck sin mempucr ke kuhlals lah puhlan pacl uh fuhkah ke elos tuhkuh sun acn in alu an. Na oraclah sie palye ah ke puhlan pacl uh. Fin pa, fin acn lucng kahlwem ac fol acn lihk ac palye muh ac sno kenna ao ekahsr tok uh. Fin ac mihsrihsr ac af acn lihkac na kahlwem tuh ac srackna af ke kihtin pacl, palye muh ac fol ac paho lihkac ke mihnit na limekohsr.

Siyuck sin mempucr ke kuhlals an lah meac eltahl nuhnkuh ke palye lom. Tukun elos sramsram siyuck kihsensiyuck inge:

- Meac palye lom ke puhlan pacl uh ke ao ekahsr fahsrub uh? Meac kahre kom in oraclah pahluh sacn?
- Akucl ke ohiyacn puhlan pacl ma ac fah tuhkuh uh ekullah ma kuht ac oruh uh fuhkah? (Top an kuh in pa kuht kwac na oraclah ahkolah lasr fal nuhke akucl inge. Fin pa kuht ac ahkoo sie mukwikwi in orek lihkac fin sikyak tuh

puhlan pacl uh arlac wo, kuh kuht kuh in oraclah sie ahkoo wowo in karihngihn eng upac.)

Ahkkahlwemye lah palyeyacn puhlan pacl uh sie ohiyac suc kuht kwacna luhlalhfongi ke akucl in kaksre kuht ahkolah nuh ke mukwikwi ac fah sikyak. Kuht fin liye akucl inge, kuht ahkfihsracsyelah pacl lasr in tiac sruhuh ke tiac ahkolah. In oacna, liye ke akucl ke Tuhkuh Ahk Luo luhn Jisus Kraist kuh in kaksre kuht ahkolah nuh ke ma yohk sac. Lesin se inge sramsramkihn kuhtuh akucl ma Jisus el palye muh ac sikyak ke Tuhkuh Ahk Luo lal. (Kom ac luhngse ahkkahlwemye lah sie palye ahkuhtweyac ma se ma *sahp* ac sikyak, ac pahluh ahkuhtweyac ke ma se ma ac *fah* sikyak. Sie pahluh ke puhlan pacl uh kuh in stuhuh, tuhsruh pahluh ke Tuhkuh Ahk Luo ac fah ahkpwacyeyeyuck.)

Mwe Sramsram
ke Ma Suhmuhsrah
ac Moulkihiyac

Ke kom luti mwe rit ke ma suhmuhslah inge, kaksruh mempucr ke kuhlals in kahlwem kac lah Leum el ahkkahlwemye mwe fahkwack in kaksre kuht ahkolah nuhke Tuhkuh Ahk Luo lal. Finne oasr lokalok ke lwen sahflah, kuht kuh in ngwet nuh met ke engan ke ma yohk se inge.

Ahkuhtweyac lah Mattu 24 nacwack palye luhn Mwet Lahngo ke kuhnanuclac luhn Jerusalem ac ke Tuhkuh Ahk Luo lal. Pacl puhs, fuhs ke sapta se inge ayaol ac sifil ahksuwohs, oruh kuhtuh pacl uh upac in kahlwem ke ohiyac se ma sie fuhs ahkuhtweyac kac. Wo ohiyac, ke ipin lweng wo ke pacpuhl Mwet Pahluh Joseph Smith el ahkuhtweyac ke pahluh luu ac fohlohkohwack pac mwe ahkkahlwemye pac. Lweng wo luhn mwet pahluh ke Mattu 24 konweyuckyak ke Joseph Smith—Matthew ke Wek Suc Yohk Molo. Lesin se inge ahkkahlwemye ke tahkihiyacn fuhs orekmakihiyacn ke Joseph Smith—Matthew ac oasr mwe fahkwack pac ituckyang ke lweng se ingacn.

Sruhkwack petsac ke Tuhkuh Ahk Luo ke lesin an.

1. Jisus el nuh fahk tari ke kuhnanuclac luhn acn Jerusalem.

Sramsramkihn Mattu 24:1–5, 9–13, 15–21. Ngihstre mempucr ke kuhlals in riti fuhs sollac an. (Akihlen lah in oacna nuh ke Mwet Pahluh Joseph Smith, fuhs 6–8 ac 14 ma nuhke Tuhkuh Ahk Luo luh Jisus Kraist. Ac fah sruhmuhnyuck ke ip se tok uh.)

- Lwen ekahsr met liki Jisus el srihpsrihpyak, kuhtuh sin mwet tuhma lutlut lal weluhl nuh finohl Olive. Meac kihsensiyuck luu mwet tuhma lutlut lal siyuck sin Jisus ah? (Liye Mattu 24:3.)
- Ahkuhtweyac lah kihsensiyuck se met lalos, “Ngac ma inge fah sikyak?” ma nuhke kuhnanuclac luhn tempuhl ac ke siti Jerusalem, suc Jisus el palye (liye Mattu 24:1–2; oacyacpac liye Luk 19:41–44; 21:5–6). Kihsensiyuck ahkluo lalos, “Meac mwe akucl ke tuhkuh lom, ac ke sahflah luhn facluh?” ma nuh ke Tuhkuh Ahk Luo luhn Mwet Lahngo. Ahkuhtweyac lah lweng lal Joseph Smith ahkkahlwemye lah “sahflahiycn facluh” kalmac pa kuhnanuclac luhn mwet muhnahs ke Tuhkuh Ahk Luo, tiac sahflahiycn oasr luhn facluh (Joseph Smith—Matthew 1:4).
- Meac akucl Mwet Lahngo el palye muh ac sikyak ke kuhnanuclac luhn acn Jerusalem? (Liye Mattu 24:4–5, 9–12.)

- Meac Jisus el fahk nuh sin mwet fahsr tohkohl in sensenkihn ke kuhnaostwen uh (Liye Mattu 24:13, 15–18.) Efuh yohk srihpac tuh elos in tiac fohlohk nuh lohmselos kena pacl se elos kahinglac liki an? (Liye Luk 9:62; D&C 133:14–15.)

Ahkuhtweyac lah finne mwet Ju pucspucs tiac luhlalhfongi lah siti luhlahp lalos ac tempuhl tiac kuh in kuhnanuclac, pahluh luhn Mwet Lahngo ahkpwyeyucklac ke A.D. 70. Luhlalhfongi lah Misaia el ac tuhkuh ac kahsrelos ke mweun, mwet Ju mweun lain mwet Rom ke A.D. 66. Yac ahkosr tohkoh mwet Rom elos kuhnaoslah siti sac nohfohn. Elos suc ukwe kahsruh luhn Mwet Lahngo ac kahinglac nuh finohl painmoullac. Elos suc tiac ukwe kahsruh se inge lahlwelihk ac kuhnausyucklac.

2. Jisus el ahkuhtweyac akucl ma ac fah sikyak ke Tuhkuh Ahk Luo Lal.

Riti ac sramsramkihn fuhs sollac ke Mattu 24:6–8, 14, 23–51. Ahkacsmakihnye mempucr ke kuhlahs lah kihsensiyuck ahk luo ma siyuckyuck sin mwet tuhmalutlut ac ma ke Tuhkuh Ahk Luo luhn Mwet Lahngo. Ahkkahlwemye lah lweng lal Joseph Smith ke Mattu 24 ahkkahlwemye lah akucl pucspucs ma ac sikyak ke Tuhkuh Ahk Luo ac fah oacna ma sikyak ke kuhnanuclac luhn acn Jerusalem ke A.D. 70. Jerusalem ac fah sifilpacna kuhnanuclac met liki Leum el fohlohk.

Ke kom sramsramkihn akucl ac koluk ma ac fah sikyak ke Tuhkuh Ahk Luo, suhmuhslah ke port an.

- Meac akucl ke Tuhkuh Ahk Luo ahkkahlwemyeyuck ke Mattu 24:6 an? Meac mwe ahkpwyeyuck kom liye muh pahluh inge ahkpwyeyeyucklac kac? Leum el luti lah kuht enenuh in “tiac lokalok” ke mweun ac sramsram stuhuh ke mweun. Kuht kuh in konwacack mihs fuhkah ke pacl in lokalok uh? (Liye Mattu 11:28–30; 1 Jon 4:16–18; D&C 6:34–36; 45:34–35; 59:23.)

Elder M. Russel Ballard el sruhwack kahs in kahsruh nuh ke finsrak ac kwacfe inge:

“Ne pahluh inge sruhmuhn nuh sesr ke ma inge lah ac sikyak, mwet pucspucs srackna ahkkahlwemye sensen yohk ke ma ac fah sikyak muh mwe ahsor se nuh fin facluh nohfohn.... Oasr srihpac puhs enenuh in nuhnkuh yohk kac mweyen kuht tiac liye top se nuhke elyah muh tiac toplac ma ma use nuh sin mwet fin facluh in liye kac uh. Tuhsruhke finne elyah ma tiac toplac ma ahkkolukye mwet fin facluh uh, suc ac upaclah liki, kuht enenuh in tiac lwelah kuht in fuhlweack finsrak!...

“... Leum el nuhnkuh. El etuh sahflahiyac ac ke muhtwacwacackiyac ah. El use nuh sesr mwe ahkuhtweyac fal la, fin ukohk, el fah liye kuht in wo ohiyac ke oacna sie mwe muhnahs. Srihpac lal ac fah ahkpwyeyeyuck, ac kuh-tuh pacl kuht ac fah kahlwem ke srihpac nuh tok ke ma inge nohfohn. Ke ma inge, kuht enenuh in tiac sahrtahk mihsenge, kuh kuht in tiac puhtatyang nuh ke ahkolah upac; tuh ma kuht in oruh uh pa in karihngihni ma sap luhn God ac tiac fuhlweack finsrak!

“Tuhsruhke kuht ac konwacack finsrak oyac in pacl fohs ac ma upac uh? In ahkfihsracsrye tilokihnyac nohfohn, finsrak se lasr nuhke karihngihnyacn nguhn ke pacl upac inge pa in furohklah nuhnkwacsr ac insiacsr nuh sin Jisus Kraist.... Ahklokalyeyuck ke mwe sang luhn luhlalhfongi, kuht enenuh in kuhtanglah mwe kuhtangyuck in lwen nuhkewewa ac ahkkweye mwe muh-

nahs yohk ac sahngweng, etuh lah kuht fin oruh kuhiyacsr karihngihn ma sap luhn God, finne meac ac sikyak, kuht ac fah wo na” (ke Conference Report, Oct. 1992, 41–43; kuh *Ensign*, Nov. 1992, 31–32).

- Meac akucl ke Tuhkuh Ahk Luo ma ahkuhtweyucki ke Mattu 24:7 an? Meac pwacye kom liye muh pahluh inge ahkpwacyeye uh? Meac pwacye kom liye muh pahluh inge ahkpwacyeyeyuck kac uh? Meac mwet pahluh ke lwen mihsenge uh kaksre kuht oruh in ahkolah nuh ke ma ac fah sikyak ke Tuhkuh Ahk Luo uh?
- Meac akucl ke Tuhkuh Ahk Luo ahkuhtweyucki ke Mattu 24:14 an? Pahluh se inge ahkpwacyeyuck mihsenge fuhkah? (Orekma luhn misineri yohkyoh-kwaclihk, ac wosasuc lutiyuck ac lwelah ke acn pucspucs fin facluh.) Meac kais sie sesr kuh in kaksruh in ahkpwacyei pahluh se inge?
- Meac akucl ke Tuhkuh Ahk Luo luhn Mwet Lahngo ahkuhtweyucki ke Mattu 24:24 an? Meac ma pwacye kom liye muh pahluh se inge ahkpwacyei uh? Kuht ac sensenkihn kuht in tiac kiacpweyucklac sin mwet pahluh kikiacp fuhkah? (Liye Mattu 7:15–20; D&C 45:57; 46:7–8.)
- Ke lweng lal Joseph Smith ke Mattu 24, Jisus el fahk lah kuht fin usruu kaks lal, kuht ac fah tiac kiacpweyucklac ke lwen sahflah (Joseph Smith—Matthew 1:37). Kuht ac usruu fuhkah kaks luhn Leum? Usruu kaks luhn Leum kaksre kom in sensenkihn in tiac kiacpweyucklac kom fuhkah?
- Leum el fahk nuh sin mwet fahsr tohkohl fin acn Jerusalem in “tu ke yen muhtahl” (Mattu 24:15), ac el use pacna kain in kaks in kaksruh sac ke lwen lasr mihsenge uh (D&C 87:8; 101:22). Meac kuhtuh acn muhtahl kuht enenuh in tu we? Acn inge ac kaksruh karihngihn kuht fuhkah ke lwen sahflah?

Prestuhn Ezra Taft Benson el fahk: “Mwet mukul muhtahl ac mwet muhtwacn muhtahl tu ke acn muhtahl, ac acn muhtahl inge kuh in pa tempuhl sesr, lohmu alu sesr, lohmu sesr, ac stek luhn Zion, suc ke Leum el fahk, ma nuhke langwelah, iwac nuhke eng upac, ac ke kasrkuhsrak suc ac fah kahkihnyucklac in tiac akuhlahihsyuck nuh fin facluh nohfohn’ (D&C 115:6)” (“Prepare Yourselves for the Great Day of the Lord,” *Brigham Young University 1981 Fireside and Devotional Speeches* [1981] 68; oacyacpac liye *The Teachings of Ezra Taft Benson* [1988]. 106).
- Meac Jisus el luti ke mwe rit inge in kaksre kuht ahkolah nuhke Tuhkuh Ahk Luo lal?
 - a. Puhpuhlyuck ke soko sahk fig (Mattu 24:32–36).
 - b. Kapsreyuck Tuhkuh Ahk Luo nuhke lwen lal Noah (fuhs 37–39).
 - c. Pahluh ke mwet luo orekma ke imac ac luo pac mwet orekma ke ilil fuhlao (fuhs 40–41).
 - d. Puhpuhlyuck ke sie mukul wo ac sie mwet pihsrapasr (fuhs 42–44).
 - e. Puhpuhlyuck ke leum se ac mwet kuhlwasnsap lal (fuhs 45–51).
- Efuh kuh yohk srihpac tuh kuht in kwac liye ac ahkolah nuh ke tuhkuh luhn Leum? Kuht ac liye ac ahkolah in ohsun nuh sin Leum fuhkah?
- Meac ac sikyak nuh sin mwet suwohswohs ke Leum el ac fah sifil tuhkuh uh? (liye Mattu 24:31, 45–47; 1 Mwet Tessonika 4:16–18; D&C 88:96–98.)

Sahflah

Ahkkahlwemye lah pahluh ke Tuhkuh Ahk Luo luhn Jisus Kraist nohfohn ac fah ahkpwacyeyeyuck. Sramsram kac lah ke lutiyaen mwe luti luhn Mwet Lahngo ac ukwe mwe kahsrub luhn mwet pahluh moul, kuht kuh in ahkoekuhtlac sifacna in ohsun nuh sin Kraist. Kuht fin ahkolah, Tuhkuh Ahk Luo ac fah sie lwen na wowo nuh sesr.

**Nuhnak in Weacng
mwe Luti**

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn nuhnak se inge in sie ip ke lesin an.

Akucl ke Tuhkuh Ahk Luo ahkkahlwemyeyuck ke pacl mihsenge uh

Ahkuhtweyac lah Mwet Pahluh Joseph Smith el eis fwackyuck ma kalweniyuck ac ahkkahlwemye pahluh ituckyang nuh sin mwet tuhma lutlut met luhn Jisus ah. Fwackyuck se inge konweyuckyak ke Doctrine and Covenants 45. Sap mepucr ke kuhlahs in kapsra Doctrine and Covenants 45:15–55 nuhke Mattu 24. (Kom ac ke ahkkahlwemye lah Doctrine and Covenants 45:60–61 nacack mwe sramsram luhn Leum nuh sel Joseph Smith sramtweack sie lweng wo nuh ke Wuhlweacng Sasuc.)

“Usrui Tohkohsrahi Ahkoeyucklac nuh Sum”

Lesin Ahk
22

Mattu 25

Srihpac In kahrüh mempucr ke kuhlahs in ahkoeloslac sifacna nuh ke Tuhkuh Ahk Luo ke moul suwohs, muhsahi talan lalos ac kuhlwacnsuhpuh kuhtuh pac mwet.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mattu 25:1–13. Ke puhpuhlyuck se ke muhtwacn virgin singucul ac, Jisus el luti lah kuht enenuh in ahkolah nuhke Tuhkuh Ahk Luo lal.
 - b. Mattu 25:14–30. Ke puhpuhlyuck se ke talan, Jisus el luti lah kuht enenuh in ahkyohkye mwe sang kuht eis sin God.
 - c. Mattu 25:31–46. Ke puhpuhlyuck se ke sip ac nacni, Jisus el luti lah kuht enenuh in kena kuhlwacnsuhpuh sie sin sie.
2. Kom fin ac orekmakihn mukwikwi ahkoeyucklac an, use sie kuhlahs srihsrihk an, ac sie mwe nenyuck ke oacl kuh kof tuhnweyucklac, ac fin oasr, petsac ke Tuhkuh Ahk Luo (62562; Gospel Art Picture Kit 238).
3. Eis sie ipin pwepuh an ac soko pen an kuh pinsucl nuh sin kais sie mempucr ke kuhlahs.
4. Mwe nguhsr nuh ke mwe luti: Kwac orekmakihn ma sruhmuhnyuck sin mwet pahluh ke lwen mihsenge uh, suc kuh in konweyuckyak ke puk se inge ac ke mackuhsin luhn Alu uh, in kahrüh kol ac ahkuhtweyac mwe sramsram luhn kuhlahs ac in sruhmuhn kac lah Leum el srackna ahkkahlwemye luhngse lal uh mihsenge. Orekmakihn fahk inge in kahrüh, tiac ahollah, mwe rit ke ma suhmuhslah ac mwe sramsram luhn kuhlahs.

Mwe Nguhsr Nuh Ke Ahkyohkyeyacn Lesin

**Mukwikwi
Ahkoeyucklac** Fin wo, orekmakihn mukwikwi inge kuh sie sin ma lom sifacna an in sramtweack lesin an.

Sruhwack sie suhfah srihsrihk an sie mwe nenyuck ke oacl kuh kof tuhnweyucklac ac sie petsac ke Tuhkuh Ahk Luo.

Ahkuhtweyac lah lesin se inge sruhmuhn yohk ke puhpuhlyuck tolu Leum el luti in topuk kihsensiyuck luhn Mwet Sap lal ke Tuhkuh Ahk Luo lal. Sruhmuhn nuh sin mempucr ke kuhlahs lah kom ac orekmakihn suhfah kuh oacl kuh kof tuhnweyucklac in ahol ahkolah lasr nuhke Tuhkuh Ahk Luo uh.

**Mwe Sramsram
ke Ma Suhmuhslah
ac Moulkihnyac** Ke kom luti mwe rit ke ma suhmuhslah inge, sramsramkihn lah ma inge ac orekmakihnnyuck fuhkah nuhke moul lasr ke lwen nuhkewewa uh. Kwacfe mempucr ke kuhlahs in akacsruhi ke ma elos pulakihn ma kuhpahsr nuhke ma yohk ke ma suhmuhlah.

1. Jisus el oruh puhpuhlyuck se ke muhtwacn virgin singucul ac.

Rit ac sramsramkihn Mattu 25:1–13. Ahkuhtweyac lah puhpuhlyuck se ke muhtwacn virgin singucul inge ma ke facsin in macruht luhn mwet Ju. Ke pacl lal Jisus ah mukul se ma ac macruht ah ac kawuck lal ac pwacnlah muhtwacn se ma ac pahyuck ah nuhke lohm sin mukul se ma el ac pahyuck se ah. Ke fahlac sac, ac ohsun lohm se sin mukul se ma ac pahyuck ah, elos nohfohn utyak nuhke alu in macruht sac. Alu in macruht inge wacna orek ke ekuh, in muh elos suc sawelos utuck lahm srihsrihk nwekyucklac ke oacl.

- Ke puhpuhlyuck se ke muhtwacn virgin singucul ac, suc mukul pahyuck sac ahol uh? (Mwet Lahngo.) Suc virgin ac ahol uh? (Mempucr ke Alu uh.) Meac macruht sac ahol uh? (Tuhkuh Ahk Luo luhn Mwet Lahngo.) Meac oacl lun lahm ah ahol uh? (Ahkollah nuh ke Tuhkuh Ahk Luo.)
- Meac limekosr sin muhtwacn inge oruh tuh in lahlfon uh? (liye Mattu 25:3.) Meac tuhkuh ke suhwac ahkollah lalos? (Liye Mattu 25:8–12.) Kuhtuh pacl uh kuht oraclah kain in tahfonglac se inge fuhkah in oacna virgin lahlfon ah?
- Meac muhtwacn virgin singucul ac, oruh tuh lahlmwetmwet ah? (Mattu 25:4.) Meac ac fah sikyak ke ahkollah lalos? (Liye Mattu 25:10.) Meac kuht kuh in lotwelah ke mukwikwi luhn muhtwacn virgin lahlmwetmwet limekohsr ah? (Liye D&C 45:56–57. Kuht enenuh in ahkoekuhtlac sifacna nuhke Tuhkuh Ahk Luo luhn Jisus Kraist.)
- Esam lah oacl ke puhpuhlyuck sac ahol ahkollah nuhke Tuhkuh Ahk Luo, meac kuhtuh ohiyac kuht kuh in sifil sang “oacl” nuhke “lahm” lasr uh? (Top uh kuh in pa moul suwohswohs, pa nuhke moulkihn luhlhlafongi, eis akwuck, karihngihn olwelah, kuh oruh kuhlhwacnsap.)

Kom fin orekmakihn suhfah soko ah ac oacl kuh kof tuhnweyucklac an (liye mukwikwi ahkoeyucklac an), ahkuhtweyac lah suhfah soko ah ma ahol lahm se ke puhpuhlyuck sac. Tuliyac sie tul in oacl kuh kof nuh lun suhfah kais sie pacl ma mempucr ke kuhlals ngihstre lah meac kuht kuh in oruh in ahkollah uh. Kom ac ke akacsruhi ke nuhnak se sel Prestuhn Spencer W. Kimball inge:

“Ke puhpuhlyuck sac oacl uh kuh in moullac ke acn in kuhka fukunsahk. Ke moul lasr oacl in ahkollah uh ahkyohkyeyuck ke tul nuhke tul ke moul suwohswohs uh. Wi miting luhn sackracmacn uh sang oacl nuhke lahm lasr uh, tul nuhke tul ke yac sacn. Lalo, pruhe luhn sucu, luti in sucu, karihngihn mongo nuh in ikoac, luti wosasuc, lutlut ke ma suhmuhslah—kais sie mukwikwi inge ac ahkostwen pa sie tul ituckyang nuh ke elohsack lasr uh. Orekma in kuhlwacng, moli mwe sang ac sie tahfuh singucul, tiac nuhnak ac mukwikwi in kosro, macruhtlac ke olwelah ne tok ma pahtpaht—ma inge, oacwac, yohk srihpac nuhke oacl ma kuht kuh in sang ke infulwen fong nwacklah lahm lasr uh fin pihsacalah.” (*Faith Precedes the Miracle* [1972], 256)

Siyuck mempucr ke kuhlals in mihsac ke inkacnek in mihsac motko kihsensiyuck inge:

- Meac kom oruh ke wik tari ac in sang oacl nuhke lahm lom an? Meac kuhtuh ma kom ac oruh ke wik fahsruh uh in sang oacl nuhke lahm lom an?

2. Jisus el sruhmuhn puhpuhlyuck se ke talan ah.

Rit ac sramsramkihn Mattu 25:14–30. Ahkuhtweyac lah ke pacl ke Wuhlweacng Sasuc, sie talan pa luhpan mani se.

- Ke puhpuhlyuck se ke talan ah, suc mukul se ma fuhfahsryucsr nuhke acn loe-loes ah ahol uh? (Leum.) Suc mwet kuhlwcansap ah ahol uh? (Kais sie sesr.) Meac talan ah luhmweyuk nuh kac uh? (Mwe sang sin God.)
- Meac mwet kuhlwcansap ma ituckyang talan limekohsr la ah ac talan luo ah oruh ke mani ac? (Liye Mattu 25:16–17.) Meac opi elos kwewana eis? (Liye Mattu 25:21, 23.) Meac puhpuhlyuck se inge luti kac ke opi netok Pahpah Tuhmasr Inkuhsrao el ac ahkinsewowoye kuht kac uh? (Top uh kuh in pa mwet ma oacna in srihklac mwe sang sin God uh fah eis mwe insewowo nuh-kwewa fin elos orekmakihn mwe sang lalos uh ke kuhiyaclos nohfohn.)

Elder James E. Faust el fahk kaclos suc eis talan suhpuhs uh:

“Fin talan lalos orekmakihnyuck in sang muhsahi tohkohrahi luhn God ac kuhlwcansuhpuh kuhtuh pac, elos ac engankihn yohk ke olwelah luhn Mwet Lahngo. Olwelah yohk luhn Mwet Lahngo pa elos ‘fah eis opi [lalos], pa nuh-ke mihs fin facluh se inge, ac moul ma pahtpaht ke facluh se tok uh’ (D&C 59:23.)” (ke Conference Report, Apr. 1994, 5; kuh *Ensign*, May 1994, 6).

- Meac mwet kuhlwcansap se ma ituckyang talan se la ah oruh nuh ke mani sac? (Liye Mattu 25:24–25.) Meac mwet kol sac fahk nuh sel ah? (Liye Mattu 25:26–30.) Efuh kuhtuh pacl uh kuht koflah muhsahi talan ac mwe sang God el use nuh sesr uh? Kuht ac kuhtanglah ma tulokihn in muhsaheack mwe sang inge fuhkah?
- Elder Marvin J. Ahston el luti lah “ac suwohs lasr ac ma kunacsr in eis mwe sang ac in akacsruhi kac.” (ke Conference Report, Oct. 1987, 23; kuh *Ensign*, Nov. 1987, 20). Kuht kuh in akihlen ac eis talan kuh mwe sang Leum el use nuh sesr uh fuhkah? Efuh kom motko muh ac yohk srihpac in akacsruhi ke talan ac mwe sang lasr uh? Kom ahkinsewowoyeyuck fuhkah ke srihpen kuhtuh pac akacsruhi ke talan kuh mwe sang laltahl uh? Mwe insewowo fuhkah tuhkuh nuh in moul lom ke srihpen kom muhsahi kuh akacsruhi ke talan kuh mwe sang lom uh?
- Kais sie mwet ituckyang nuh se tiac suhpuhs liki mwe sang se sin God (D&C 46:11–12), tuhsruhkuhtuh mwe sang uh fihsracsr in akihlenyuck liki kuhtuh. Meac kuhtuh mwe sang ma upac in akihlenyuck tuhsruhkuh in orekmakihnyuck in kuhlwcansuhpuh kuhtuhpac ac ahkfuhlwactye God uh?

Elder Marvin J. Ashton el fahk:

“Lwelah ngan sruhmuhn kuhtuh mwe sang ma tiac pwacye kuh akihlenyuck tuhsruhkuh yohk srihpac uh. Inmahsrilon ma inge sahp mwe sang nuh sum—mwe sang suc tiac kahlwem tuhsruhkuhtuh pwacye ac yohk srihpac.

“Lwelah kuht in sifilpac sramsramkihn mwe sang srihsrihk inge: mwe sang luhn siyuck; mwe sang luhn lohng; mwe sang luhn porongo ac orekmakihn puhsra fihsracsr, ac srihk; mwe sang luhn kuh in tuhng; mwe sang luhn sensenkihn fohs; mwe sang luhn insese; mwe sang luhn sensenkihn kahs pucspucs; mwe sang luhn sukyacn ma pwacye; mwe sang luhn tiac nuhnuhkuh kuhtwena; mwe sang luhn suk God nuh ke kolyuck; mwe sang luhn in sie mwet tuhma lutlut; mwe sang luhn nuhnuhkuh ke kuhtuhpac mwet; mwe sang luhn kuh in motko; mwe sang luhn kuh in pruhe; mwe sang luhn fahkwack sie luhlalfongi kuh; ac mwe sang luhn eisyacn Nguhn Muhtahl (ke Conferece Report, Oct 1987, 23; kuh *Ensign*, Nov. 1987, 20).

Sang nuh sin kais sie mempucr ke kuhlals sie pwepuh ac kais soko pinsucl. Siyuck selos in suhmuhslah sie kuh luu sin talan kuh mwe sang lalos wi sie ma elos ac oruh ke kuhtuh wik fahsruh uh in orekmakihn nuhke kuhlwasnsuhpweyacn kuhtuh pac mwet.

Kom fin orekmakihn suhfah soko ah ac oacl kuh kof tuhnweyucklac sacn sang kuhtuh pac tul an nuhke suhfah soko an. Ahkuhtweyac lah ke kuht muhsahi talan kuh ma God el use nuh sesr uh, kuht sang oacl nuh ke lahm lasr uh.

3. Jisus el sruhmuhn puhpuhlyuck se ke sip ac nacni.

Rit ac sramsramkihn Mattu 25:31–46.

- Jisus el luti lah ke Tuhkuh Ahk Luo lal el ac fah srikuhtwelihk oacna ke mwet liyacacng sip uh sraclihk sip uh liki nacni uh (Mattu 25:31–32). Ke puhpuhlyuck se ke sip ac nacni ac suc sip ac ahol uh? (Liye Mattu 25:33–34.) Suc nacni ac ahol uh? (Liye Mattu 25:33, 41.)
- Meac puhpuhlyuck se inge luti kac lah kuht enenuh in ahkolah nuhke Tuhkuh Ahk Luo ac ke lwen in nuhnunhkuh uh? (Liye Mattu 25:25–46.)

Elder Marion D. Hanks el fahk:

“Jisus el luti nuh sin mwet fahsr tohkohl ke puhpuhlyuck se ke sip ac nacni, in ahol nuhnunhkuh suc ac fah tuhkuh, suc el srihsrngiac kahlwem elos suc ac fah usruu moul ma pahtpaht ac elos suc ac fah som nuh ke kapihr ma pahtpaht (Mattu 25:46). Ma yohk se ma tiac oacna sie kac uh pa elos suc ac usruu tohkohsrahi weluhl uh muhsahi ohiyac in kahsruh, puhlakihn engan in sang ac woiyacn kuhlwasnsap. Elos topuk enenuh luhn mwet masrinsracl, maluh, wacngihn lohm se, kohflohfohl, mas, ac elos suc muhta in nien kacpous....

“Wacngihn ma kahlwem yohk liki ma yohk Mwet Lahngo el oruh in kuhlwasnsuhpuh kuhtuhpac mwet in sie mwe srihkasrak luhn mwet Kristin ac nuhke molwelah. Kahsruh, sang, ac kihackuhnlah uh ac kapkapwack ac moul” (ke Conference Report, Apr. 1992, 10; kuh *Ensign*, May 1992, 9).

Kom fin orekmakihn suhfah soko ah ac oacl kuh kof tuhnweyucklac sac, sang kuhtuh pac tul an nuhke suhfah soko an. Akuhtweyac lah ke kuht kuhlwasnsuhpuh mwet sahyac uh, kuht sang pac oacl nuhke lahm lasr uh. Kuht oacyacpac kahsruh kuhtuh mwet akacsruhi ke kuhtuh srihkasrak in kuhlwasnsap ma kom akihlen, ac ngihstre mempucr ke kuhlals in akacsruhi ke srihkasrak ma elos liye.

- Kuht kuh in ahkinsewowoye kuhtuh pac ke kuhlwasnsap lasr uh fuhkah? In kuhlwasnsuhpuh sie pacna mwet ahkinsewowoye kom fuhkah? Kom puhla fuhkah kaclos suc kom kuhlwasnsuhpuh? Kom puhla fuhkah kaclos suc kuhlwasnsuhpwe kom uh? Kuht kuh in loh fuhkah nuhke enenuh luhn mwet sahyac uh?
- Meac kom nuhnkuh muh pa kalmac sin Mwet Lahngo ke el fahk, “Mweyen kowos oruh ma inge nuh sin sie mwet srihk liki nuhkwewa sin ma lihk, kowos oruh nuh Sihk”? (Mattu 25:40; oacyacpac liye Mosiah 2:17).

Sahflah

Ahkkahlwemye lah kuht enenuh in ahkolah nuhke Tuhkuh Ahk Luo luhn Jisus Kraist. Kuht enenuh in muhsahi mwe sang God el acse nuh sesr ac ukwe srihkasrak luhn Mwet Lahngo in kihackuhnlah moul lasr nuhke kuhlwasnsuhpwe-

yacn kuhtuh pac. Sramsramkihn lah kuht kuh in oruh ma inge nuhkwewa finne oasr ma in kutong.

**Nuhnak in Weacng
Mwe Luti**

Kuhfa inge kuh in weacng ma nguhsr tahkiynyucklac ke lesin an. Kom ac ke orekmakihn sie nuhnak inge in sie ip ke lesin an.

1. “Sie Mukul Suhnuhkuhiyuck mwe Pahkomuhta”

In wi mempucr ke kuhlals, on kuh riti kahs ke on an “A Poor Wayfaring Man of Grief” (*Hymns*, nempuh 29). Na riti Mattu 25:40. Ngihstre mempucr ke kuhlals in akacsrui ke puhla lalos ke mwe sramram ke on soko an ac fuhs ke ma suh-muhslah.

2. Petsac in liyeyuck

Kom ac ke orekmakihn ip ahk limekohsr ke “New Testament Customs,” sie ip sollac ke *New Testament Video Presentations* (53914), in ahkuhtweyac kuhtuh facsin ke kuhfwen macruht ke pacl luhn Wuhlweacng Sasuc.

“Luhngse Sie Sin Sie, Oacna Nga Luhngse Kom”

Luk 22:1–38; Jon 13–15

Srihpac

In ngihstre mempucr ke kuhlals in ukwe srihkarak luhn Jisus in luhngse ac kuhlwacnsuhpuh mwet sahyac.

Ahkolah

1. Rit, nuhnkuh, ac pruhe ke ma suhmuhslah inge:
 - a. Luk 22:7–30. Jisus el ohsun nuh sin mwet sap singucul luo lal ke kuhfwen Ahluhkwelah. El oruh kuhfa lal ac luti Mwet Sap tuh elos in etuh in kuhlwacnsuhpuh mwet sahyac.
 - b. Jon 13. Jisus el ohllah nien Mwet Sap ac sapkihn nuh selos in luhngse sie sin sie.
 - c. Jon 14:1–15; 15. Jisus el luti, “Nga pa inkacnek, pwacye, ac moull.” El kap-sral sifacna nuhke soko sahk fain ac mwet Tuhma Lutlut lal nuhke lah in sahk soko ah. (Ma in Etweyuck: fuhs ke sapta 14 ac 15 ma ke mwet in ahkwo suc ac fah sramsram ke lesin ahk 24.)
2. Ma in weacng mwe rit: Mattu 26:1–5, 14–35; Mark 14:1–2, 10–31.
3. Fin kuhfa inge oasr orekmakihn ke lesin an:
 - a. Petsac ke Kuhfa Sahflah (62174; Gospel Art Picture Kit 225) ac Jisus El Ohllah Nien Mwet Sap (62550; Gospel Art Picture Kit 226).
 - b. Soko sahk srihsrihk in sang ahkuhtweyac ke sramsram lom an ke Jon 15:1–8.
4. Mwe nguhsr nuh ke mwe luti: On kuh sritackihn soko on kuh on luhn U luhn Tuhlihk Srihsrihk ma fototo nuhke sifac luhn lesin sacn pa sie ohiyac wo in ngihstre Nguhn ke pacl in lesin an. Leum el fahk lah nguhsnal engankihn on luhn insiac; on luhn suwohs oacna pruhe se nuh sihk, ac actuhfah mwe top se ke mwe insewowo nuh selos (liye D&C 25:12; oacyacpac liye Mwet Kolose 3:16). On ac on luhn U luhn Tuhlihk Srihsrihk oacyacpac kuh in kahsruh mempucr ke kuhlals in luti ke akwuck luhn wosasuc.

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Siyuck mempucr ke kuhlals in olanglah nuhke Jon 13:34–35, ac siyuck sie selos in riti in yohk. Ahkkahlwemye lah Jisus el sruhmuhn kahs inge ke Kuhfa Sahflah sac. Lesin se inge ac sruhmuhn ma sap se inge ac kuhtuhpac ma Jisus el fahk ac oruh ke miting se inge wi Mwet Sap lal.

Mwe Sramsram
ke Ma Suhmuhsalah
ac Moulkihnyac

Ke kom luti mwe rit ke ma suhmuhslah inge, sramsramkihn kahs ac mukwikwi luhn Mwet Lahngo ke Kuhfa Sahflah sac tuh ahkkahlwemye luhngse lal nuh sin mwet sap lal ac nuh sesr. Kahsruh mempucr ke kuhlahs in kahlwem kac lah Jisus el kena kuht in ukwe srihkasrak lal in luhngse ac kuhlwasnsuhpuh mwet sahyac.

1. Jisus el luti ke kuhfa luhn Leum.

Sramsramkihn Luk 22:7–30. Ngihstre mempucr ke kuhlahs in riti fuhs ma sollac in yohk. Ahkkahlwemye lah Kuhfwen Ahkluhkwelah sac tuh orek sin Jisus ac Mwet Sap lal, ke lwen se met liki Jisus el srihsrihpyak ah kwacna pahngpahng Mongo Sahflah sac. Sruhwack petsac ke Mongo Sahflah sac.

- Ke Jisus ac Mwet Sap lal ohsun in eis mwe mongo ke Kuhfwen Ahluhwelah, Jisus el ahkkahlwemye akwuck ke kuhfa lal. Meac el fahk nuh sin Mwet Sap ke srihpac luhn sackracmacn uh? (Liye Luk 22:19–20. Ma in kahsrelos esamuhl ac kihsackuhnlah lal.) Ipeis ke kuhfa luhn Leum kahsre kom esam Mwet Lahngo fuhkah?

Elder Jeffrey R. Holland el fahk: “Ke ma puhlakihnyuck ke sie infuckihl lucng ke na pacl fal met liki Gethsemane ac Golgotha, tuhlihk nuhtin olweacng oasr ke wuhlweacng in esam kihsackuhnlah luhn Kraist ke ohiyac sasuc, fuhlwact ac ohiyac luhn sie in muhtahl.... Fin esam el ma yohk se nuh sesr in etuh met kac, meac ac tuhkuh nuh ke esam lasr ke akucl yohk ke kuhfa luhn Leum ituck nuh sesr uh?” (ke Conference Report, Oct. 1995, 88, 90; kuh *Ensign*, Nov. 1995, 67, 68).

Sramsramkihn top nuhke kihsensiyuck lal Elder Holland, wi ma inge ma elder Holland el ngihstre, kuht enenuh in esam ke Mwet Lahngo.

- a. Luhngse ac kuh Lal ke U in Kahsruh Yohk se Inkuhsrao.
 - b. Lah el pa Mwet se ma Oraclah Inkuhsrao ac facluh.
 - c. Ma nuhwewa el oraclah ke moul lal met ekihn Jeova.
 - d. Ke fihsracsr ac fuhlwactiyacn isuslac lal.
 - e. Luti lal.
 - f. Mwenmwen ac ahkkweye lal.
 - g. Lah “ma nuhwewa ma wo tuhkuh sin Kraist” (liye Moroni 7:24).
 - h. Ohiyac suhfal, fohlohkihn, ac sesuwos el puhlakihn.
 - i. El puhtati nuh ye ma nuhwewa ten elan muh fuhlwactwack nuh faclos.
 - j. Tuh el oraclah kihsac lal ac puhlakihn pahkomuhta lal nuh sin kais sie sesr.
- Efuh yohk srihpac kuht in eis kuhfa luhn Leum ke kais sie wik? Kuht ac ahko-ekuhtlac in nguhn fuhkah met liki kuht eis kuhfa luhn Leum?
 - Ke mongo in ekuh sahflah sac mwet sap sifilpacna akuhkuhin ke “suc selos ac fah yohk emet uh” (Luk 22:24; oacyacpac liye Mattu 18:1; Luk 9:46). Ohiyac fuhkah kuhtuh pacl uh in motkoeyuck muh kuht yohk liki kuhtuh mwet uh? Kuht ac kuhtanglah fuhkah puhla inge?
 - Meac Leum el luti yohk ke pwacye uh? (liye Luk 22:25–27; oacyacpac liye Mattu 20:25–28.) El sifacna mwe srihkasrak se fuhkah nuh ke luti se inge? Kuht ac kuh in ukwe srihkasrak lal fuhkah?

2. Tukun owolac niactahl, Jisus el sapkihn nuh sin Mwet Sap lal in luhngse sie sin sie.

Rit ac sramsramkihn fuhs sollac ke Jon 13. Sruhwack petsac ke Jisus el ohllah niacn Mwet Sap ah. Ahkuhtweyac lah ke Jisus ac Mwet Sap lal mongo tari ke Kuhfa Sahflah sac, Jisus el ohllah niacn kais sie Mwet Sap (Jon 13:4–5). Ohiyac se inge kwacna orek sin sie mwet luti mwet sap lal ke puhsisacl ac kuhlwasnsap.

- Efuh kom nuhnkuh muh Saimon Piter el sruhnga ke Jisus el muhtwacwacack in oul niacn ah? (Liye Jon 13:6, 8. El puhla muh tiac pwacye nuh sin Leum in orekma sruhlukihh mwet kuhlwasnsap se.) Jisus el top fuhkah? (Liye Jon 13:8.)
- Meac Jisus el fahk nuh sin Mwet Sap lah efuh el oul niactahl? (Liye Jon 13:12–17. El fahk nuh selos lah elos enenuh in ukwe srihkarak lal ke kuhlwasnsap.) Kuhlwasnsap nuh sin mwet sahyac uh use engan nuh sum fuhkah?
- Kuht ac luti ke kahs ac mukwikwi luhn Jisus ke woiyacn mwet kol wo uh. Kuht ac ukwe srihkarak lal ke kuht oasr ke wal in kol uh fuhkah?
- Ke mongo in Ekuh Sahflah sac, Jisus el kalweni in fahk nuh sin mwet tuhmalutlut lal in luhngse sie sin sie. (Jon 13:34–35; 15:12, 17). Meac kuhtuh ma kuht kuh in oruh in ukwe srihkarak luhn Kraist ke luhngse uh?

3. Jisus el luti “Nga pa inkacnek, pwacye, ac mou” ac “Nga pa sahk fain pwacye.”

Sramsramkihn Jon 14:1–15; 15. Ngihstre mempucr ke kuhlals in riti fuhs sollac an in yohk.

- Efuh Thomas el nuhnkuh ke Jisus el fahk nuh sin Mwet Sap, “Acn nga som nuh we kom ac etuh, ac ke inkacnek kom etuh”? (Liye Jon 14:6.) Efuh kuh Jisus pa inkacnek sefanna ma kuht kuh in tuhkuh nuh yurin Pahpah Lucng kac uh?
- Jisus el luti mwet tuhmalutlut lal in ahkkahlwemye luhngse lalos nuh sin mwet sahyac ke kuhlwasnsap. Meac el fahk nuh selos in oruh in ahkkahlwemye luhngse lalos kac uh? (Liye Jon 14:15.) Ahkostwen lasr fahkwack fuhkah luhngse lasr nuh sin Leum uh?
- Ke el luti Mwet Sap lal, Jisus el orekmakihn akucl luhn sahk fain. (Jon 15:1–8). Suc oacwac in sahk fain uh? Suc luhmweyuck nuhke mwet liyacacng imac? Nuh ke lah? (Liye Jon 15:1, 5.)

Kom fin use soko sahk nuh ke kuhlals sruhwack ingena.

- Meac kahlwem ke sie sra kuh lah ma kihpatlah liki sahk soko an? Kuhpahsr lom nuh sin Mwet Lahngo uh oacna kuhpahsr luhn sie sra kuh lah ke sahk soko uh fuhkah?
- Ke kapsra luhn Mwet Lahngo, meac mwet liyacacng imac sac oruh nuhke lah ke sahk ma tiac isus fahko? (Liye Jon 15:2.) Meac el oruh nuhke lah ma isus fahko uh? Meac nuh sesr ma se inge?
- Jisus el luti, “El suc muhta in nga, ac nga in el, el inge isus fahko pucspucs; tuh fin tiac ke nga kowos koflah oruh kuhtwena ma” (Jon 15:5). Kom kowacack fuhkah ma se inge muh pwacye?

- In oacna ke Jon 15:13, meac sie ma yohk emet ahkkahlwemye ke luhngse uh? Meac ma se inge ahkkahlwemye nuh sesr ke luhngse luhn Mwet Lahngo nuh sesr uh?

Sahflah

Ahkkahlwemye Fahkwack luhlalhfongi lah Jisus Kraist el luhngse kuht ac kena kuht in luhngse ac kuhlwasnuhpup sie sin sie. Pahtok mempucr ke kuhlahs in esam Iwaclah luhn Kraist ac luhngse lal nuh sesr ke pacl in eis kuhfa lal ke kais sie wik.

Nuhnak in Weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie nuhnak inge in sie ip ke lesin an.

1. Eis nuh facsr inen Kraist

Ke pacl in sramsram lom ke kuhfa luhn Leum, kom ac sahp ke sramsramkihn kihnsenyuck inge ke eis nuh facsr inen Kraist. Kuhtuh sin top ngihseyuck inge itucklac ke sie sramsram orek sel Elder Dallin H. Oaks ke jacnuhruhl kanfracns ke April 1985 ah.

- Ngac kuht eis nuh facsr sifacna inen Kraist uh?
 - a. Ke kuht pacptaislac nuhke Alu lal uh (2 Nephi 31:13; Mosiah 25:23; Moroni 6:3; D&C 18:22–25 20:37).
 - b. Ke kuht ahksasucye olwelah ke pacptais lasr ke eisyacn kuhfa luhn Leum (Moroni 4:3; 5:2; D&C 20:77, 79).
 - c. Ke kuht fahkwack luhlalhfongi lasr kacl uh.
 - d. Ke kuht eis nuh facsr sifacna kuh in mukwikwi ke inel ac in orekmakihn kuh sac.
 - e. Ke kuht wi oruh akwuck muhtahl ke tempuhl.
- Meac kuht Olwelah ke kuht eis nuh facsr sifacna inen Kraist uh?
 - a. Kuht ahkkahlwemye kena lasr in oruh orekma ke tohkohsrahi lal ac sulac-lah lasr in kuhlwasnuhpwac nuh ke sahflah. (D&C 20:37; Moroni 6:3).
 - b. Kuht Olwelah in ukwac ke sulaclah pwacye, ahksol ac auliyak ke ma koluk lasr (2 Nephi 31:13; Mosiah 5:8).
- Meac Jisus el olwelah nuh sesr ke kuht eis inel nuh facsr uh? (Kuht eklac tuhlihk mukul ac tuhlihk muhtwacn nahtuhl, fahkwack inel. Elos suc pahngonyuck ke inel ke lwen sahflah ac fah eis moull ma pahtpaht yurin God; liye Mosiah 5:7–9; 15:12; Alma 5:14; 3 Nephi 27:5–6; D&C 76:55, 58, 62).

2. Petsac in liyeyuck

Ip ahk limekohsr ke “New Testament Customs,” sie ip sollac ke *New Testament Video Presentations* (53914), ma ke mwe fahkwack ke kuhfa ke puhlan pacl ke Wuhlweacng Sasuc. Ip se inge kuh in kahrhuh mempucr ke kuhlahs in akihlen ahkoeyacn Kuhfa Sahflah sac ac kahlwem ke muhtahl luhn mwet tuhma lutlut “fuyang nuh ke iniwacn Jisus” (Jon 13:23).

3. Sramsram luhn mempucr ke kuhlals.

Kapsreyacn fin pa nuh ke “Nga sahk fain pwacye” kuh in upac nuh sin kuhtuh mwet uh, mwet fuhsr na yohk, in kahlwem kac. Nuh ke ahkkahlwemyeyacn luhngse pwacye luhn Jisus nuh sesr, ngihstre sie kuh luo mempucr ke kuhlals in akacsruhi ke sie ma elos oruh ma elos puhla muh luhngse luhn mwet Lahngo sang nuh seltahl kuh, oacna ke soko sahk sang kuh nuhke sra kuh lah kac uh. Oruh nguhsr an in wik se met liki ac kwacfe mempucr ke kuhlals an in suk ko-lyuck luhn Nguhn Muhtahl in sulaclah sie ohiyac ma fal in akacsruhi kac.

“Pa Inge Moul Ma Pahtpaht”

Lesin Ahk
24

Jon 16–17

Srihpac In kwacfe mempucr ke kuhlals in akihlen ke mukwikwi luhn Nguhn Muhtahl ac in kuh in fototo nuh sel Pahpah Lucng ac Jisus Kraist.

- Ahkolah**
- Rit, nuhnkuh, ac pruhe ke ma suhmuhslah inge:
 - Jon 16:1–15. Jisus el ahkoelah Mwet Sap lal nuhke pacl upac ma ac fah tuh-kuh tukun srihpsrihyak lal. El lotwelos ke orekma luhn Nguhn Muhtahl ac olwelah muh elos ac fah eis mwe sang luhn Nguhn Muhtahl.
 - Jon 16:16–33. Jisus el sruhmuhnwack misac ac moulyak lal ac kihsen kah-sruh nuh sin Mwet Sap lal “in enganwack.”
 - Jon 17. Jisus el oruh sie pruhe na yohk kalmac ke Mwet Sap lal ac kuhtuh pac suc luhlalhfongi kacl.
 - Ma in weacng mwe rit: Jon 14:16–31; 15:18–27; 3 Nephi 19:19–36; D&C 132:21–24.
 - Kom fin orekmakihn mukwikwi kuh ahkoeyucklac an, use nuhke kuhlals luo pohk in mwe sang (kuh srolwacalah ke port an luo pohk in mwe sang an). Ahkolah lukwac ah in kaks in likiyucki ke pohk an ke pacl in lesin an: Sie in ahkkahlwemye *Mwe Sang luhn Nguhn Muhtahl* ac sie pac in ahkkahlwemye *Moul Ma Pahtpaht*.
 - Mwe nguhsr nuh ke mwe luti. In weacng pruhe kom in muh luti ke Nguhn pruhe tuh mempucr ke kuhlals in kuh in lutlut ke nguhn in eis mwe ahkpwacye lal ke ma pwacye ma lutiuyuck.
-

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtwe-
Ahkoeyucklac ack lesin an.

Sruhwack pohk in mwe sang luo ah (kuh srolwacalah ke port an pohk in mwe sang luo an). Ngihstre mempucr ke kuhlals in sramsram srihsrihk ke mwe sang elos luhngse in eis uh.

Ahkuhtweyac lah sie sin pohk in mwe sang kom sruhwack an ahol sie mwe sang yohk emet kuht kuh in eis ke moul se inge, pohk se ngwacn ahol ma Leum el pangon muh. Ma se ma yohk emet ke mwe sang nuh kwewa luhn God uh (li-ye D&C 14:7).

Ahkutweyac lah ke lesin se inge mempucr ke kuhlals ac konwacack lah meac mwe sang luo inge ac lutlut kac lah elos ac eis fuhkah.

Mwe Sramsram
ke Ma Suhmuhsalah
ac Moulkihiyac

Ke kom luti mwe rit ke ma suhmuhsalah inge, sramsramkihn kahs luhn Mwet Lahngo nuh sin Mwet Sap lal lah ma nuh sesr nohfohn. Kwacfe mempucr ke kuhlahs in akacsruhi ke puhla lalos ma kuhpahsr nuh ke lesin se inge.

1. Jisus el olwelah nuh sin Mwet Sap lal lah elos ac fah eis mwe sang luhn Nguhn Muhtahl.

Sramsramkihn Jon 16:1–15. Ngihstre mempucr ke kuhlahs in riti fuhs sollac an in yohk.

- Ke ao sahflah ke kuhlwacnsap in ikoac lal, Jisus el luti ac ahkkweye Mwet Sap lal. Efuh Mwet Sap lal enenuh in ahkkweyeyuck ke pacl se inge? (liye Jon 16:1–6; oacyacpac liye Jon 15:18–20.)
- Mwet Lahngo el fahk nuh sin Mwet Sap lal el ac fah suhpwacma Mwet in Ahkwo (Nguhn Muhtahl) nuh selos (Jon 16:7). Meac orekma luhn Nguhn Muhtahl uh? (Liye Jon 14:26; 15:26; 16:7–14. Likiyac top an ke port an oacna ke ahkkahlwemyeyuck ten inge.)

Nguhn Muhtahl:

- a. Ahkwo (Jon 14:26).
 - b. Luti (Jon 14:26).
 - c. Use ma pwacye nuh ke esamwack lasr (Jon 14:26).
 - d. Fahkwack ke Mwet Lahngo (Jon 15:26).
 - e. Kol kuht nuhke ma pwacye nuhkweya (Jon 16:13).
 - f. Ahkkahlwemye nuh sesr ma ac fah tuhkuh (Jon 16:13).
 - g. Ahkfuhlwactye Mwet Lahngo (Jon 16:14).
- Mwet Sap Singucul Luo elos puhlakihn orekma luhn Nguhn Muhtahl ke kuhlwacnsap in ikoac luhn Jisus, tuhsruhkuh tuh elos tiacna eis mwe sang luhn Nguhn Muhtahl ne kena tukun misac ac moulyak lal (Jon 20:22). Meac sielacna liki orekma luhn Nguhn Muhtahl ac mwe sang luhn nguhn muhtahl? (Liye fahk se ten inge.) Eis mwe sang luhn Nguhn Muhtahl kahstre kom fuhkah?

Elder Dallin H. Oaks el luti:

“Orekma luhn Nguhn Muhtahl utuckuh in kol mwet ma suk pwacye nuh ke ma pwacye luhn wosasuc nuh ke ma ac fah furohkohloslac nuh ke auliyak ac pacptais. Mwe sang luhn Nguhn Muhtahl el yohk.... [El] oacwac in mwe ahtolyuck se kuht in muh ‘kwac eis nguhn lal in wi kuht’ (D&C 20:77).

“Sie mempucr pacptaislac sasuc fahk nuh sihk ma el puhla ke mwe sang sacn. Muhtwacn Kristin na luhlalhfongi se suc tohllah moullal in kuhlwacnsuhpuh mwet sahyac. El etuh ac luhngse Leum, ac el puhlakihn orekma luhn Nguhn lal. Ke el eis kahlwem tuhkuh ke fohlohkyak luhn wosasuc, el pacptais lac ac elder uh fihliac paholos fin sifacl ac sang nuh sel mwe sang luhn Nguhn Muhtahl. El esamwack, ‘Nga puhla orekma luhn Nguhn Muhtahl tuhkuh nuh fuck yohk liki na ke Nga puhlakihn met ah. El oacna sie kawuck mah suc kolyuc pacl met ah tuh inge tuhkuh in muhta’ ” (ke Conference Report, Oct. 1996, 80; kuh *Ensign*, Nov. 1996, 60).

Kom fin ac orekmakihn mukwikwi ahkoeyucklac an likiyac fin sie pohk in mwe sang ah kahs ma fahk muh *Mwe Sang luhn Nguhn Muhtahal*.

- Tukun kuht eis mwe sang luhn Nguhn Muhtahl, kuht ac nwacsnwacs ke ahtolyuck luhn Nguhn Muhtahl pacl nuhkewewa fuhkah? (liye Oreckma 5:32; D&C 6:14; 20:77; 76:116; 121:45–46.) Kuht kuh in akihlen oreckma luhn Nguhn Muhtahl fuhkah? (liye Mwet Galetia 5:22–23, D&C 6:15, 23; 11:13.)

Prestuhn Boyd K. Packer el luti: “Nguhn Muhtahl sramsram ke sie puhsra ma kom ac *puhla* yohk liki na ke kom *lohng* uh. Ahkuhtweyucki muh ‘sie puhsra srihsrihk.’ Ac ke kuht sramsram ke ‘lohng’ ke mahmah luhn nguhn, inkaiyacn pacl uh sie kuh in ahkuhtweyac sie puhla in nguhn in fahk, ‘Oasr *puhla* se nga puhlakihn...’ ... Fwackyuck uh tuhkuh ke kaks kuht *puhla* uh liki na *lohng* uh” (ke conference Report, Oct 1994, 77; kuh *Ensign*, Nov. 1994, 60).

Ke sie mwemwe ituckyang nuh sel Prestuhn Brigham Young, Mwet Pahluh Joseph Smith el sruhmuhn nuh sel in luti Mwet Luhlahlfongi lah “Nguhn luhn Leum ... ac mahmah ke mihs ac engan nuh ke moul lalos ac oruh mukwikwi muhnahs, sruhnga, fohs ac ma koluk nuhkewewa ke insiaclos; ac kena lalos kwewa pa in fah oruh ma wo, use suwohswohs ac muhsaheack tohkohsrahi luhn God” (*Manuscript History of Brigham Young. 1846–1847*, comp. Elden J. Watson [1971], 529).

2. Jisus el sramsramkihn misac ac moulyak lal.

Rit ac sramsramkihn fuhs sollac ke Jon 16:16–33.

- Tukun Jisus el luti Mwet Sap ke Nguhn Muhtahl, el fahk nuh selos lah el ac apkuhran in misac ac sifil moulyak (Jon 16:16–20). Na el fahk, “Ma inge nga fahk nuh suwos, lah ke nga kowos fah eis mislac” (Jon 16:33). Kom motko muh meac kalmac in eis mislac in el? Meac kuht lotwelah ke luti luhn Jisus ke Jon 16 ma kuh in kaksre kuht in eis mihs in el uh? (Oacyacpac liye Mwet Filippai 4:7–9; D&C 59:23.)
- Jisus el fahk nuh sin Mwet Sap lal, “Fin facluh kowos fah ongaiyac; tuh kowos in enganack; Nga kuhtanglah facluh tari” (Jon 16:33). Kahlwem se ma Jisus el kuhtanglah facluh kac kaksre kuht in enganwack ke kuht oasr in ongaiyac uh fuhkah? Efuh kuh yohk srihpac in enganwack?

3. Jisus el oruh sie pruhe yohk kalmac.

Rit ac sramsramkihn Jon 17, suc nacnwack sie pruhe ma Jisus el oruh met liki na kweok lal ke Inimac Gethsemane ac ke sahseng soko. Pruhe se inge pahng-pahng sie pruhe yohk kalmac mweyen ke Jisus el pruhe el kwacfe, tuh el tu inmahslosr ac Pahpah Lucng, in kwacfe ke molwelah lasr. Suk kolyuck luhn Nguhn in sulaclah fuhs in ritiyuck ac sramsramkihnyuck.

- Ke Jisus el muhtwacwacack pruhe lal, el ahkuhtweyac fuhkah oreckma lal fin facluh ah? (Liye Jon 17:1–2; oacyacpac liye Moses 1:39.) El ahksahfyelah oreckma se inge fuhkah?
- Ke pruhe lal, mwet lahngo el fahk, “Pa inge moul ma pahtpaht tuh elos in etuh keim lah God pwacye se fanna, ac Jisus Kraist, suc kom suhpwacma” (Jon 17:3). In etuh Pahpah Lucng ac Jisus Kraist sie likina in etuh *kaclos* fuhkah? Kuht ac ke etuh kaclos fuhkah? (liye 1 Jon 4:7–8; Mosiah 5:10–13; Alma 22:18; D&C 18:33–36; 132:21–24.)

Kom fin oreckmakihn mukwikwi ahkoeyucklac uh, likiyac kaks se ma fahk muh *moul ma pahtpaht* ke pohk in mwe sang ahk luo an. Ac kom fin ahkos masap luhk

ac kampare nuhke sahflah kom fwah eis mouh ma pahpahaht, suc pa mwe sang yohk se emet luhn God (liye D&C 14:7).

- Ke ip se met ke pruhe lal, Jisus el ahkuhtweyac ke ma el oruh in ahkpwacyei orekma lal (Jon 17:4–8). Kuht ahkkahlwemye oruh lasr nuh sel Pahpah Lucng uh fuhkah? Ac ahkkahlwemye mukwikwi lasr fuhkah in kais sie fong kuht sang nuhke pruhe lasr uh sie mwe ahkkahlwemye ke mukwikwi lasr uh in kuhlwasnsuhpwacl ke lwen sacn?
- Finne Jisus el etuh lah el ac puhlakihn sie kweok na upac, suc el pruhe kac ah? (Liye Jon 17:6–9, 20.) Meac kuht kuh in lotwelah ke ma inge?
- Kuht kuh in, oacna Jisus ac Mwet Sap lal, mouh fin facluh ac in “tiac ma ke facluh fuhkah”? (Jon 17:14; oacyacpac liye fuhs 15–16).

Elder M. Russel Ballard el fahk:

“Ke Alu uh, kuht kwacna kalweni fahk, ‘In oasr fin facluh ac tiac ma ke facluh.’ Ke kuht liye petsac ke tacluhfesin ma oruh in liyeyuck ma koluk uh fohs, ac ahkkahlwemye ma tiac pwacye uh, kuht kwacna finsrak muh kuht in kaliyac facluh ke kuhtuh ohiyac ac srelah sucu lasr liki nohfohn....

“Sahp kuht kuh in ahkkahlwemye ma luo ma sruhmuhnyuck tari ac in sruhluhkihn mwe kahsruh luo. Ma se met, ‘*In ma ke facluh.*’ In kuh in wi, in wi oruh; in ahkkahlwemye. In kuh in kahlwem ac sensenkihn ac in srui facsin ac luhlalhfongi luhn kais kuhtuh mwet. Oruh kahsruh wowo nuh ke acn uh ke ohiyacn kuhlwasnsap ac wi. Ahk luo, ‘*Tiac ke ma luhn facluh.*’ Nimet ukwe in-kacnek suhtuhuh kuh ekuhllah luhlalhfongi lom in oraclah kuh lwelah ma tiac pwacye uh.

“Kuht enenuh in oruh in ekullah fohs ac elyah ke tacluhfesin ac fin acn uh, in karihngihn ma lainyuck ac sislah liki lohmsesr. Finne mwe muhnahs nuhkwewa fin facluh uh ac finne ma lain nuhkwewa nuh ke ma wo ma kuht konwacack lun paho, nuhkwewa uh, kuht enenuh in tiac eis kuht ac sifacna kuh tuhlihk nahtuhsr *liki* facluh. Jisus el fahk, ‘Tohkohsrahi inkuhsrao oacna mwe pulohl,’ kuh yeast uh (Mattu 13:33). Kuht ma in sruhwack facluh ac in kahsruh mwet nuhkwewa in kuhtanglah mwe muhnahs ma raunikuhtlac uh. Mwet Lahngo el pruhe nuh sin Pahpah:

“ ‘Nga tiac pruhe tuh kom fah esacloslac liki facluh ac tuh kom fah liyaclo-syang liki ma koluk’ (Jon 17:15)” (ke Conference Report, Apr. 1989, 101; kuh *Ensign*, May 1989, 80).

- Pahpah Lucng ac Jisus Kraist “ma se,” fuhkah oacna ke ahkkahlwemyeyuck ke Jon 17:21–22 an?
Sramsramkihn Pahpah Lucng, Jisus Kraist, ac Nguhn Muhtahl, Prestuhn Gordon B. Hinckley el fahk: “Elos kain in mwet, tuhsruhk elos ma sefanna ke srihpac ac kuh. Elos toeni nuh sie in use ma yohk, plwacn wo nuh ke molwelah ac engan luhn tuhlihk nuhtin God.... Ma ke toeni wo inmahsrlon Pahpah, Wen, ac Nguhn Muhtahl ma oracni ma tolu inge nuh sie in Sifen God” (ke Conference Report, Oct. 1986, 69; kuh *Ensign*, Nov. 1986, 51).
- Efuh yohk srihpac nuh sin Mwet Sap in ma sefanna? (Liye Jon 17:22–23.) Efuh kuht enenuh in tuhkweni wi Pahpah Lucng ac Jisus Kraist? wi kuhtuhpac me-

mpuer ke Alu uh? in sucu lasr uh? Kuht ac kahsrh ahkkyohkye toeni uh ke ohiyac inge fuhkah? (Liye Jon 17:26; Mosiah 18:21; D&C 35:2.)

Sahflah

Siyuck sin mpuer ke kuhlals in nuhnac kac lah elos ac puhla fuhkah ke elos etuh muh sie mwet pruhe kacitahl uh. Ngihsracos in nuhnkuh lah elos ac sahp puhla fuhkah fin elos wi Jisus ke el oruh pruhe yohk kalmac sac. Ahkkuhtweyac lah pruhe yohk kalmac sac kuh in kahsre kuht in srui ke mwe sang yohk ke mo-ul ma pahtpaht ma Mwet Lahngo el se nuh sesr. Ahkkahlwemye lah kuht ac fah ahkinsewowoyeyuck ke kuht srihke in ukwe srihsrihsr luhn Nguhn Muhtahl ac in ma sefanna wi Pahpah Lucng ac Jisus Kraist.

Nuhnac in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn nuhnac se inge ke pacl in lesin an.

Ngihstre Nguhn

In kahsrh mpuer ke kuhlals in puhla ac akihlen orekma luhn Nguhn Muhtahl, sramsramkihn kuhtuh wihn na met, ngihstre kais sie selos in sulacalah sie sin mwe sramsram inge in oruh in sruhlukihni ip ke lesin sacn:

- a. Riti sie fuhs na sacohk ke ma suhmuhlah.
- b. Fahkwack luhlalhfongi.
- c. Yuck soko on kuh on luhn U luhn Tuhlihk Srihsrihk ke Mwet Lahngo an.
- d. Ahkkahlwemye luhngse nuh sin Pahpah Lucng ac Jisus Kraist.
- e. Akacsruhi ke sie ma kom oruh ma oasr nguhn kac (fin ac kuh).

Tukun tari sramsram ma orek lun kuhlals an ngihstre mpuer ke kuhlals in ahkuhtweyac lah elos puhla fuhkah ke pacl in sramsram ah. Riti fahk se lal Prestuhn Boyd K. Packer ke sra pwepuh 99–100, ac kahsrh mpuer ke kuhlals in akihlen puhla ma tuhkuh ke Nguhn Muhtahl. Sramsramkihn lah kom puhla fuhkah ke kom eis kolyuck sin Nguhn Muhtahl uh.

“Tiac Ke Luhngse Luhk, Tuh Luhngse Lom, in Orek”

Mattu 26:36–46; Mark 14:32–42; Luk 22:39–46

Srihpac

In ahkkweye luhlalfongi luhn mempucr ke kuhlahs lah elos kuh in eis nuhnak muhnahs, mihs ac moul ma pahtpaht ke srihpen Iwaclah luhn Jisus Kraist.

Ahkolah

1. Rit, nuhnkuh ac pruhe ke ma suhmuhslah inge, suc sruhmuhn ke oruh luhn Mwet Lahngo ke inimac Gethsemene: Mattu 26:36–46, Mark 14:32–42; ac Luk 22:39–46.
2. Ma in Weacng Mwe Rit: 2 Nephi 2:5–8; Alma 7:11–14; 34:8–16; 42:1–31; Doctrine and Covenants 19:15–24.
3. Fin petsac ke Jisus el pruhe Gethsemene ac (62175; Gospel Art Picture Kit 227) oasr, orekmakihn ke pacl in lesin an.
4. Ngihstre mempucr ke kuhlahs in tuhkuh nuh ke kuhlahs ahkolah in ahkkahlwemye puhla lalos ke iwaclah luhn Jisus Kraist ke ritiyacn fuhs sacohk ke ma suhmuhslah ke Iwaclah kuh riti kuhtuh lain ke soko on sacohk nuh ke kuhfa luhn Leum.
5. Nguhsr nuh ke luti: Leum el fahk, “Suk in tiac ahkkahlwemye kahs luhk, tuh-sruhk suk met in eis kahs luhk” (liye D&C 11:21). In luti wo ke ma suhmuhslah kom enenuh in lutlut ac nuhnkuh kac ke lwen nuhkwewa. Ahkkweye fahkwack ke luhlalfongi lom ke kuh la ac pwacye la.

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Yac ekahsr met liki Elder Orson F. Whitney el ahkmuhssalah in sie Mwet Sap, el eis sie ararama ke Mwet Lahngo ke el oasr inimac Gethsemene. Riti fahk se inge, suc pa ahkuhtweyac lal Elder Whitney ke ararama lal:

“Oacna ngan oasr eke inimac Gethsemene, sie mwet loh ke kweok luhn Mwet Lahngo. Nga liycl wo oacna ke nga liye sie mwet uh. Tu fintukun soko sahk loes kuhtuh, nga liye Jisus, weluhl Peter, Jemes ac Jon, ke elos tuhkuh ke kihtin ... motonoac ke lacyacn lacyot sihk. In likiyac Mwet Sap tolu ac siskacn motonoac ah, tukun ahkkahlwemye nuh seltahl in sikuck muhtuhnte ac pruhe, Wen nuhtin God el som nuh ke lacyacn ngiac ke inimac sac, El oacyacpac sikuck muhtuhnte ac pruhe. El oruh pruhe se ma mwet rit nuhkwewa ke pwacpuhl etuh kac: ‘O Pahpah Tuhmuhk, fin oh luhngse lom, lwelah kuhp se inge in ahlikiyuc-lac, tiac ke luhngse luhk, tuh ke luhngse lom.’

“Ke el pruhe ah sronin muhtahl kahk nuh ten ke muhtahl, suc suwohs me nuh yuruk. Nga moklweyuckyak ke nga liye ah na nga wi pac tuhng, ke kweok na pwacye. Insiuck nohfohn som nuh sel; Nga luhngse el ke nguhnihk kwewa, ac kena in weluhl liki na in kena wi kuhtuh ma sahyac.

“Na El tuyak ac fahlac nuh yen ma mwet tuhma lutlut elos sikuck muhtuhntei we—sa in mutullac! El kakhahsrihk osrokuhltahlwack, okasuhlosyak, ac ke sie puhsra na muhlalah, suc tiac ahkkahlwemye toasr kuh semuhtwengyak, na el siyuck selos ke fihsracsr lah elos tiac kuh in weluhl ke sie ao. In pacl sac, ke toasr luhn ma koluk luhn facluh oan finpihsacl, ke kweok luhn mukul, muhtwacn ac tuhlihk nuhkwewa som nuh in nguhnal—na elos koflahna in weluhl ngwetnwet ke lusen ao se!

“Fohlohklac nuh ke acn sac, el oruh pacna pruhe sac oacna met ah; na el fohlohklac ac sifil konwacack lah eltahl srackna mutul. El sifil aksalosyak, ac kwacfe-los, ac sifilpac fohlohk ac pruhe. Pacl tolu ma se inge sikyak” (*Through Memory’s Halls* [1930], 82).

Sruhwack petsac kacl Jisus ke el pruhe inimac Gethsemene ac. Siyuck mempucr ke kuhlahs in motko ke luhngse lalos ke Mwet Lahngo ac lah elos puhla fuhkah fin elos liyacl pruhe ke inimac Gethsemene fong se met liki srihpsrihpyak lal. Ngihstre kuhtuh mempucr ke kuhlahs an in akacsruhi ke nuhnak lalos an.

Mwe Sramsram
ke Ma Suhmuhsrah
ac Moulkihnyac

Lesin se inge ac lesin ahk 26 ma ke Iwacalah—oruh luhn Jisus Kraist in eis nuh facl sifacna misac ac ma koluk ac mas luhn mwet nuhkwewa. Lesin se inge ahkuhtwey-
yac yohk na ke ma Mwet Lahngo el oruh ke inimac Gethsemene, suc lesin ahk 26 sramsramkihn srihsrihpyak lal. Yohk srihpac in esamyuck lah ke Iwacalah ma ke kweok luhn Mwet Lahngo kwewana ke inimac ah ac ke sahseng ah.

Prestuhn Ezra Taft. Benson el luti: “Ke inimac Gethsemene ac fin Calvary, El ahk-fahsryelah iwacalah nuh ke moul ma pahtpaht suc wacngihn sahflahiyac. Pa inge ohiyac yohk se emet ke luhngse sihmlac emet uh. Ohinge el tuhkuh in Mwet Lahngo lasr ... ac molikuhtlac nohfohn liki misac luhn ikoac, ac molikuhtlac liki misac luhn nguhn suc ac fah ahkos ac akwuck luhn wosasuc” (*The Teachings of Ezra Taft Benson* [1988], 14).

1. Mwet Lahngo el eis nuh facl sifacna ma koluk ac muhnahs lasr uh.

Sramsramkihn Mattu 26:36–46; Mark 14:32–42; Luk 22:39–46. Ngihstre mempucr ke kuhlahs in riti fuhs sollac an in yohk.

- Meac Jisus el siyuck sin Mwet Sap lal in oruh ke inimac Gethsemene (Liye Luk 22:39–40.) Efuh Jisus el siyuck sin Mwet Sap in pruhe? (Liye Luk 22:40.) Pruhe uh ahkkweye kuht fuhkah in lain mwe sruhf uh?
- Meac Jisus el siyuck sel Piter, Jemes, ac Jon in oruh ke inimac Gethsemene ac? (Liye Mattu 26:38, 41. Ahkkahlwemye lah orekmakihnyacn kaks se inge *liye* kalmac pa in ngwetngwet na.) Sapkihn in ngwetngwet, kuh in tiac mutul, orekmakihnyuck fuhkah nuh sesr ke kuht srihke in moulkihn wosasuc uh? (Liye 2 Nephi 4:28; Alma 7:22; 32:26–27.)
- Efuh Jisus el insese in esaclwacng nuh ke kweok yohk suc el etuh el ac puhlahkihn inimac Gethsemene ac? (Liye Mattu 26:39, 42, 44.) Meac kuht kuh in luti ke pruhe luhn Mwet Lahngo Gethsemene ac? Kom ahkinsewowoyeyuck fuhkah ke kom fuhlwelah ma nuhkwewa nuh ke kena lal Pahpah Lucng uh?
- Tukun Jisus el fahk muh el ac oruh kena lal Pahpah Lucng uh, “na sie lupufacn sikyang nuh sel inkuhsrao me ahkkweyacl” (Luk 22:43). Meac ma se inge luti nuh sesr ke Pahpah Tuhmasr Inkuhsrao uh? (Top an kuh in pa el ac ahkkweye kuht ke kuht mongfihsracsr in oruh kena lal uh.)

- Meac Mwet Lahngo el puhlahkihñ Gethsemane ac? (Liye D&C 19:16–19; Luk 22:44; Mosiah 3:7; Alma 7:11–13.)

Elder James E. Talmage el luti: “Kweok luhn Kraist ke inimac sac wacngihn sahflahiyac ke nuhnak kuh, kwewana oacna nuh ke kuhiyac ac srihpac.... El kweok ac waiok ke mwacta suc wacngihn kuhtwena mwet suc muhta fin fac-luh kuh in puhlahkihñ kweok upac in oruh kahklac luhn srah liki pat nuh-kwewa; tuhsruhk sie kweok luhn nguñn suc ma inge God muhkweñana kuh in etuh.... Ke ao in kweok sac Kraist el sun ac kuhtanglah mwe tikucukucl nuh-kwewa ma setuhn, ‘fihsrack luhn facl’ se inge kuh in oruh.... Ke kuhtuh ohi-yac, pwacye la ac pwacye upaciyac tuhsruhk nuh sin mwet ma koflahna in kahlwem uh, Mwet Lahngo el eis nuh facl sifacna mwe toasr luhn ma koluk luhn mwet uh wacl Adam nuh ke sahflahiyacn facluh” (*Jesus the Christ*, 3rd ed. [1916], 613).

Elder Neil A. Maxwell el fahk: “In sie ipin iwaclah na yohk lal, Jisus el etuh ‘oacna nuh ke ikoac’ nuhkweñana ke ma kuht ac fah fahlac kac (Alma 7:11–12). El us ma koluk, ahsor, suhpwacr, ac ... kweok luhn mukul, muhtwacn ac tuh-lihk nuhkweñana (liye 2 Nephi 9:21)” (ke Conference Report, Apr. 1987, 89; kuh *Ensign*, May 1987, 72).

2. Kuht enenuh Iwaclah luhn Jisus Kraist.

- Efuh kuht enenuh Iwaclah luhn Jisus Kraist uh? (Liye Alma 34:9.)
 - a. Ke srihpen puhtatlac lal Adam ac Eve, kuht ac eis misac luhn mahno, suc fahsrelihk luhn mahno ac nguñn (Moses 6:48).
 - b. Ke kuht koluk uh, kuht use misac ke nguñn nuh sesr sifacna mweyen kuht srikuhtlac liki God. Koluk lasr uh oruh kuht in fohkfohk ac tiac kuh in wi God muhta (1 Nephi 10:21).
 - c. Ke srihpen kuht tiac kuh in kuhtanglah misac luhn mahno ac nguñn nuh sesr sifacna uh, Pahpah Lucng el suhpwacma Wen Kuloh Se Fanna nahtuhl in oraclah Iwaclah se (Jon 3:16; 2 Nephi 2:5–9).
- Mwe insewowo fuhkah oasr sesr ke srihpen iwaclah ke kihñsac luhn Mwet Lahngo uh? Kuht ac eis mwe insewowo inge fuhkah?
 - a. Ke srihpen Mwet Lahngo el isaclacng nuh ke misac ac moulyak, kuht noh-fohnna ac fah moulyak, kuhtanglah misac luhn mahno (Mosiah 16:7–8).
 - b. Ke srihpen El eis nuh facl sifacna ma koluk lasr uh, kuht kuh in auliyak ke ma koluk lasr ac eis nuhnak muhnañs, oruh kuht in nwacsnwacs ac suwoh-swoshs in muhta wi God (Alma 7:13–14; Ip Yohk ke Luhlahlfongi 1:3).
 - c. Ke srihpen El eis nuh facl sifacna mas lasr uh, El etuh ma upac lasr uh ac etuh in kahren kuht (Alma 7:11–12). Kuht eis mislac in El ke kuht puhsisac in ukoacl uh (D&C 19:23).

Elder Marion G. Romney el ahkuhtweyac lah ke Iwaclah, mwet nuhkweñana moullac liki misac luhn mahno ac auliyak ac ahkostwen uh mohlwelah ma koluk:

“Enenuh iwaclah luhn Jisus Kraist in fohlohkweni mahno ac nguñnin mwet uh ke pacl in moulyak uh. Ac tuh facluh nohfohn, mwet luhlahlfongi ac mwet suhlahlahlfongi, sowemoul nuh sin Mwet Lahngo nuh ke sifil moulyak lasr, mweyen moulyak uh ac fah ma nuh sin nohfohn oacna puhtatlac uh, suc use misac nuh sin mwet nuhkweñana.

“Oasr ip se pac ke Iwaclah suc oruh nga luhngse Mwet Lahngo yohk, ac nwacklah nguhnihk ke srui suc wacngihn ma kuh in ahkuhtweyac kac. Pa, in kuh-pahsr nuh ke iwaclah ke ma koluk lal Adam, suc use moulyak, Mwet Lahngo ke kweok lal molwelah ma koluk luhk sifacna. El molwelah ma koluk lom ac moul luhn moul nuhkwewa ma oasr fin facluh uh kuh ma ac fah moul fin facluh uh. Tuhsruhk el oruh ma se inge in sikyak. Wo tuhkuh ke kweok se inge ma nuh ke koluk lasr kais sie ac tiac tuhkuh nuh sesr tiac plwacniyucklac tuh moulyak ac tuhkuh tiac ke ma kuht oruh uh. Kuht fin epeis ke mwe insewowo ke iwaclah finne oasr ma koluk lasr kais sie, kuht enenuh in ahkos ma sap.

“... Ke kuht oraclah ma koluk uh, kuht tulokihnkuhti nuh sin God ac oruh kuht in tiac fal nuh yohrohl. Wacngihn ma fohkfohk kuh in ilyak nuh yohrohl. Kuht sifacna tiac kuh, finne kuht srihke, ikuhtlac liki tuhn ma an kacsr pa kahlwem ke ma koluk lasr. Tuhn sacn enenuh in mouliyucklac ke srahn Mwet Lahngo, ac el akiyac inkacnek ma tuhn sac in illac uh. Inkacnek sacn pa wosasuc luhn Jisus Kraist. Wosasuc oruh kuht in luhlhlafongi ke Mwet Lahngo, ahokuhnlah Iwaclah lal, auliyak ke ma koluk lasr, pacptaislac ke tili otyak in elah ma koluk lasr, eis mwe sang luhn Nguhn Muhtahl, ac sifil pacna luhlhlafongi in akihlen, kuh oruh kuhiyacsr in akihlen, ma yohk ke wosasuc in lwen nuhkwewa in moul lasr” (ke Conference Report, Oct. 1953, 35–36).

Ngihstre mempucr kuneyucki ke kuhlahs an in akacsruhi ke sramsram elos ahkoo in oruh an (liye ip ke “Ahkolah”).

Sahflah

Fahkwack ke Jisus Kraist ac ahkkahlwemye srui lom ke Iwaclah lal. Fin wo, kom siyuck mempucr ke kuhlahs in oruh pac.

Nuhnak in weacng mwe luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ip ke lesin an.

1. Petsac in liyeyuck

Ip ahk limekohsr ke “New Testament Customs,” sie ip sollac ke *New Testament Video Presentations* (53914), ahkkahlwemye lah Gethsemane kalmac pa “lihksreni iseyucklac luhn sahk olif.” Kom fin ac oruh in liyeyuck ip se inge, sramsramkihn faliyen ine se inge Gethsemane uh nuhke imac se ma Mwet Lahngo el eslah ma koluk lasr we ah.

2. “Mwet se ma tu inmahsrlosr ac God uh”

Elder Boyd K. Packer el orekmakihn puhpuhlyuck se in luti ke Iwaclah luhn Jisus Kraist lah ahksukohsohkye kuhtlac liki ma koluk ke kuht auliyak ac ahkos ma sap uh. Kom ac ke akacsruhi ke puhpuhlyuck se inge in kahsrh mempucr ke kuhlahs in kahlwem ke enenuh luhn Iwaclah. Puhpuhlyuck se inge kuh in konweyuckyak ke ma inge:

Muhtwacweyacn Wosasuc [1997], pages 75–77.

Mattu 26:47–27:66; Mark 14:43–15:39; Luk 22:47–23:56; Jon 18–19

Srihpac

In kahsrh mempucr ke kuhlahs in puhla luhngse luhn Mwet Lahngo nuh selos ac in ahkyohkye luhngse lalos nuh sel ac srui lalos ke iwacalah lal.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mattu 26:47–75; Mark 14:43–72; Luk 22:47–71; Jon 18:1–27. Tiac paht tukun kweok lal Gethsemane, Jisus el tuhkahkyak sel Judas, suc sikyak wi mwet tol fuhlwact, mwet Pharisee, ac solse. Jisus el isaclacng nuh sin mwet sruh, suc usacllah liki imac nuhnuhnkwacl ke nuhnuhnkuh luhn mwet Ju. Kihsensiyuck met nuh sel Anas, sie mwet tol fuhlwact, ac tok sel Caiphas, suc aholuhl Annas ac tuhlihk mukul se pahyuck sin tuhlihk muhtwacn se nahtuhl. Mwet tol fuhlwact ac elder ma oasr ah acnwel Jisus, ahksruhksruhyacl, kaprilyac, ac ahkolukyacycl ke kahskohu, sie mwe nuhnuhnkweyuck ke ohiyacn acnwucki. Lihkihn acn Caiphas el muhta we, Piter el lahfuhkihn lah el etuh Jisus.
 - b. Mattu 27:1–26; Mark 15:1–15; Luk 23:1–25; Jon 18:28–19:16. Ke srihpac sifac luhn mwet tol fuhlwact ac elder wacngihn kuh la in orek otwelah kaccl Jisus, elos suhpwacclah in nuhnuhnkweyuck sel Pontius Paeluht, kafuhnah Rom se fin acn Judea. Ye muhtahl Paeluht Jisus el nuhnuhnkweyuck muh el sie mwet lokwalok nuh sel Caesar. In etuh kac lah Jisus el ma Galilee, Paeluht el suhpwacclah nuh yohrohl Herod, Kafuhnah fin acn Galilee. Herod el srahngesr nuhnuhnkwacl Jisus ac suhpwacclah in fohlohk nuh yohrohl Paeluht, suc fungyang nuh ke fahk luhn mwet ah tuh Jisus lan srihpsrihpyak.
 - c. Mattu 27:27–66; Mark 15:16–39; Luk 23:26–56; Jon 19:17–42. Jisus el acnwuck ac srihpsrihpyak. Fin sahseng el puhlakihn kweok upac ke el isac-lwacng sifacna in mwe kihzac se nuh sin mwet uh.
2. Ma in weacng mwe rit: Isaia 53; Mark 15:39–47; Jon 3:16; 15:13; 1 Nephi 11:32–33; 19:7–9; 2 Nephi 9:21–22.
3. Ahkolah pohloh kahs itkohsr ahkuhtweyucki ke sra puk 00 [110] (kuh ahkolah in suhmuhslah lain ingacn ke port an).
4. Fin kuhfa inge oasr orekmakihn ke pacl in lesin an:
 - a. Petsac ke The Betrayal of Jesus (62468; Gospel Art Picture Kit 228); Lahfuh lal Piter (62177; Gospel Art Picture Kit 229); ac The Crucifixion (62505; Gospel Art Picture Kit 230).
 - b. “To This End Was I Born,” sie ip mihnit singucul ohnkohsr ke *New Testament Video Presentations* (53914).
5. Mwe nguhsr nuh ke luti: Ke mwet luti ac mempucr ke kuhlahs okaki uh eltahl suli Nguhn in oasr. Mempucr ke kuhllahs enenuh in “sukohsohk in sruh-muhn, sukohsohk in sramsram, sukohsohk in wi oruh orekma in kuhlahs, tuhsruhktuh wacngihn mempucr ke kuhlahs oasr suwohs la in ahkkolukye sie pac tuhlihk lutlut in sinuckihn kuh oruh ma in sang ahkkolukyacycl” (David O.

McKay, *Gospel Ideals* [1954, 224). Oraclah srihkasrak in ahkfuhlwact nuh sin God ac suhnakihn kais sie mempucr ke kuhlals.

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Ahkuhtweyac lah lesin se inge sruhmuhnyuck yohk ke Srihpsrihpyak luhn Mwet Lahngo ac ma sikyak ke ao sac. Ma inge sikyak ke acn inge: (1) Inimac Gethsemene (2) in kalkal lal Kaiefas, (3) kalkal lihkihn tempuhl, (4) kalkal lal Paeluht mwet Leum, ac (5) finohl Golgotha yen sri in insucf se (Calvary).

Ke mempucr ke kuhlals konwacack Finohl Golgotha, ahkuhtweyac lah Jisus el srihpsrihpyak we. Sruhkwick petsac ke srihpsrihpyak sac. Siyuck mempucr ke kuhlals in srihke luhma sie tuhlihk srihsrihk in ngwetwacng nuh ke petsac sac ac siyuck, "Efuh Jisus el enenuh in misac?" Ngihstre mempucr ke kuhlals in eis pacl la tukun lesin uh in motko lah meac eltahl ac fahk nuh sin tuhlihk sacn. Fahk nuh seltahl lah kom ac fah sramsramkihn kihsensiyuck inge ke sahflah luhn lesin an.

Mwe Sramsram
ke Ma Suhmuhsrah
ac Moulkihiyac

Ke kom luti kais sie ip ke ma suhmuhslah inge kahsruh mempucr ke kuhlals in etuh ke luhngse Mwet Lahngo el ahkkahlwemye nuh seltahl ke el lwelah elan ahkkweokyeyuck ac in srihpsrihpyak.

1. Jisus el tuhkahyak, sruhuh, ac nuhnukweyuck ke kahs kohu; Piter el lahfuhkihn Jisus ke pacl tolu.

Sramsramkihn Mattu 26:47–75; Mark 14:43–72; Luk 22:47–71; ac Jon18:1–27. Ngihstre mempucr ke kuhlals in riti fuhs sollac an in yohk. Kom ac ke ahkfoto-toyelah sramsram se inge oacna ke tahkihiyucklac ke ip la ke ip se ke "Ahkolah." Sruhkack petsac ke Jisus ke el tuhkahyak Gethsemene ac.

- Piter el oruh fuhkah nuh sin mwet ma tuhkuh nuh inimac Gethsemene in usacllah Jisus ah? (Liye Jon 18:10.) Jisus el topuk mwet inge fuhkah? (Liye Luk 22:51–53; Jon 18:11–12.) Efuh Jisus el lwelah lan utucklac? (Liye Mattu 26:53–54; Jon 10:17–18. Ahkuhtweyac lah kena luhn Pahpah Lucng tuh Jisus lwacn likiyac moul lal kacsr.)
- Sifwen Mwet tol fuhlwact ac elder luhn mwet Ju nuhnukwaccl Jisus ke kahs kohu, sie ma koluk nuhnukweyuck ke misac (Mark 14:64). Meac kahs kohu? (Suhkwac muhtahl nuh sin God kuh fahk muh oacna God.) Meac Jisus el fahk sifwen mwet tol ac elder ah nuhnkuh muh kahs kohu uh? (Liye Mark 14:60–63.)
- Ke Jisus el utucklac liki inimac uh, inkaiyacn mwet tuhma lutlut lal "tilac weluhl ac kahingwelihk" (Mattu 26:56). Tuhsruhktuh, Piter ac Jon srackna ukwaccl (Mattu 26:58; Jon18:15; motkoeyuck muh mwet tuhma lutlut se ma ti-ac kahlwem ine uh ke Jon 18:15 pa Jon). Meac Piter el oruh ke mwet tu sis-kacn kalkal lal Caiaphas fahk lah el etuh ke Jisus ah? (Liye Mattu 26:69–74.) Meac Piter el oruh ke el akihlen muh el lahfuhkihn Jisus pacl tolu ac? (Liye Mattu 26:75; oacyacpac liye fuhs 33–35.)

Sruhkwack petsac ke Piter el lahfuhkihn Jisus ah.

- Kuhtuh sesr oacna Piter, kuhtuh pacl uh kuht lahfuhkihn luhlhlafongi lasr uh fuhkah? Meac kuht kuh in lotwelah ke moullal Piter tukun el lahfuhkihn Leum ah?

Prestuhn Gordon B. Hinckley el fahk:

“Nga pahkomuhtahl Piter. Arlac puhkantwen sesr oacna el. Kuht oraclah otwelah lasr; kuht ahkkweyelah sulaclah lasr in puhlaik; kuht otwelah, kuhtuh pacl uh inwalihl, finne ke kuhtwena ma ac fah sikyak kuht ac fah oruh ma pwacye, tuh kuht ac fah tahpuhk ma ac oruh in pwacye uh, tuh kuht ac fah suwohs nuh sesr sifacna ac nuh sin mwet sahyac.

“Na mwe kutong muhtwacwacack in sikyak kuhtuh pacl uh ma inge ma ke mukwikwi ma koflah in oreklac uh. Kuhtuh pacl uh ma na nuh sin sie sie. Kuhtuh pacl uh ma ke finsrak stuhuh. Oasr muhnahtlah luhn kena uh. Oasr fihsracsrlah luhn kaiyuck uh. Oasr fuhlweack. Ac oasr pahkomuhta, tuhkuh ke in sifacna nuhnuhkuh ac tuhng in auli....

“... Fin oasr selos ke Alu uh suc ke kaks kuh mukwikwi lahfuhkihn luhlhlafongi, nga pruhe tuh kom in kuh in ahkwoyelah sulaclah inkacnek nuh ke srihkarak lal Piter, suc, el ne forfor wi Jisus lwen nuhkwewa, ke pacl in ongaiyac kuh sahnghweng ke moullal sifacna sa in lahfuhkihn Leum ac oacyacpac luhlhlafongi suc el us insiacl sifacna. Tuhsruh tuh el sifil pac fohlohkoh kuh-tanglah ma se inge yohk ac eklac sie mwet in loango ac iwe na fokoko nuh ke ohiyac el puhtatyang nuh kac. Na, oacyacpac, oasr pac sie inkacnek nuh sin oacna sie mwet in eklac kac ac sang kuh lal ac luhlhlafongi nuh ke kuh ac luhlhlafongi luhn kuhtuh pac in muhsahi tohkohsrahi luhn God” (“And Peter Went Out and Wept Bitterly,” *Ensign*, Mar. 1995, 2–4, 6).

2. Wotlac tuh Jisus elan srihpsrihpyak

Rit ac sramsramkihn fuhs sollac ke Mattu 27:1–26; Mark 15:1–15; Luk 23:1–25; Jon 18:28–19:16. Kom ac ke ahkfotoyelah sramsram se inge oacna ke tahkihnuycklac ke ip ke “Ahkolah.”

- Ke Paeluht el etuh lah Jisus el ma Galilee, el suhpwacllah nuh yohrohl Herod, suc kafuhnah fin acn Galilee (Luk 23:6–7). Efuh kuh Herod el “Engan” in liye Jisus? (Liye Luk 23:8.) Mwet Lahngo el topuk fuhkah kihsensiyuck lal Herod? (Liye Luk 23:9; kapsra fuhs se inge nuhke palye se ke Isaia 53:7.)
- Tukun Herod ac mwet lal nuhnuhkuh ac ahksruhksruhki Jisus, elos fohlohkohnuhllah nuh yohrohl Paeluht (Luk 23:11). Meac nuhnuhkuh lal Paeluht nuh sin Jisus? (Liye Luk 23:13–17; oacyacpac liye Luk 23:4.) Efuh kuh Paeluht el isaclwacng Jisus lan srihpsrihpyak? (Liye Mattu 27:15–24; Mark 15:6–15; Luk 23:18–25; Jon19:1–16.) Kuht ac kuh in, oacna Paeluht, srihke kuhtuh pacl uh in sruhnga oruh ma kunacsr uh ke pacl in oruh sulaclah upac uh fuhkah?
- Nuh ke sie kihsensiyuck lal Paeluht lah Jisus el sie tohkohsrahi, Jisus el topuk, “Ke srihpac se inge nga nuh isuslac, ac ke srihpac se inge nga tuhkuh nuh fac-luh tuh nga fah orekma loh nuh ke ma pwacye” (Jon 18:37). Ke ohiyac fuhkah Jisus el sie Tohkohsrahi? (Liye Sam 24:10; Isaia 44:6; Fwackyuck 11:15; 15:3; 2 Nephi 10:14.) Meac kalmac “Tohkohsrahi lal tiac oasr fin facluh se inge?” (Jon 18:36).

3. Jisus el acnwuck ac srihpsrihpyak.

Rit ac sramsramkihn fuhs sollac ke Mattu 27:27–66; Mark 15:16–39; Luk 23:26–56; ac Jon 19:17–42. Sruhwack petsac ke Srihpsrihpyak.

- Meac mwet ah oruh nuh sin Jisus tukun wotlac muh elan srihpsrihpyak ah? (Liye Mattu 27:27–44; Luk 23:34–39.) Efuh Jisus el lwelah mwet ah in ahkkolukyacl? (Liye 1 Nephi 19:9.)

Sihmlac ke ma suhmuhslah ma itkohsr Jisus el oraclah ke el oan fin sahksing ah. Rit ac sramsramkihn fuhs tahkihnyucklac ten inge. Ke kom sramsramkihn uh, sruhwack kahs ke fahk inge kuh suhmuhslah fahk inge ke port an.

1. *Luk 23:34 “Pahpah, nuhnak muhnahs nuh selos; tuh elos tiac etuh ma elos oruh.”*

- Ke lweng lal Joseph Smith luti lah ke Jisus el fahk ma se inge ah, el pruhe ke solse Rom sruhpsruhlwack ah. Meac ma se inge ahkkahlwemye kacl? Meac ohiyac se facluh in topuk mwet ma ahkngalye kuh lain kuht uh? Kuht ac ahkinsewowoyeyuck fuhkah ke kuht uhkwe srihkasrak luhn Jisus uh?

2. *Luk 23:43. Nuh sin mwet pihsrapasr auliyak sac: “Pwacye na nga fahk nuh sum, Mihsenge kom fah muhta yuruk in paradise...”*

3. *Jon 19:26–27. Nuh sin ninac kiacl, Mary: “Muhtwacn, liyacacng Wen Nuhtum!” Nuhsel Jon: “Liyacacng Ninac kiom!”*

- Enenuh luhn suc Jisus el nuhnkuh kac ke pacl in kweok lal? (Liye Luk 23:43; Jon 19:26–27.) Meac kuht kuh in luti ke ma se inge? (Fin kihsensiyuck an si-kyak ke fahk luhn Jisus ke Luk 23:43, liye nuhnak in weacng mwe luti ahk tolu an.

4. *Mattu 27:46; Mark 15:34. “God luhk, efuh kom kuh fahsr likiyuc?”*

- Meac Jisus el pulakihn fin sahkseng uh ma oruh elan etuh ac kahsre kuht ke kuht puhla muhkwenah? Efuh yohk srihpac kuht in etuh lah Mwet Lahngo el kuh in tiac eslah ma koluk lasr muhkwenah ac el oacyacpac eslah muhkuh, ahsor, ac tuhng lasr?

Elder Jeffrey R. Holland el fahk: “Ke srihpen el enenuh na in longyac nien fut wain luhn tiac molwelah, yac el kuh in kampare ke pacl lohsr na pwacye kac uh, mwe lut luhn ma inge nohfohn? Ma se inge tiac tuhkuh ke ma fakfuck ac ke osra, tuhsruhke ke mwe sensen ke puhla luhn muhkwenah uh:... ‘God luhk, God luhk, efuh kuh kom fahsr likiyuc?’ (Mark 15:34). Kuh el kuh in us ma koluk lasr nuhkwenah ac sahngweng ac muhkwenah lasr uh pac? El oruh tari el oruh ac el ac fah oruh” (ke Conference Report, Oct. 1989, 32; kuh *Ensign*, Nov. 1989, 26).

5. *Jon 19:28. “Nga maluh.”*

- Sahyacn kweok nuhkwenah luhn Jisus pa inge ma se fanna el sruhmuhn ke puhla tiac wo lal in ikoac. Meac ituckyang nuh sel ke el fahk lah el maluh ah? (Liye Jon 19:29.)

6. *Jon 19:30. “Ma inge tari.”*

- In oacna ke lweng lal Joseph Smith, Jisus el fahk ma inge tari, luhngse luhn Pahpah tuhmwacl oreklac (liye Joseph Smith Translation, Mattu 27:54). Efuh Mwet Lahngo el enenuh in misac in ahksahfyelah kena lal Pahpah Lucng?

(Liye 2 Nephi 9:5; 3 Nephi 27:13–16. Kom fin ac orekmakihn mukwikwi kuh ahkoeyucklac an, ngihstre mempucr ke kuhlals in akacsruhi nuhnak lalos ke topukyacn kihsensiyuck luhn sie tuhlihk srihsrihk.)

Prestuhn Spencer W. Kimball el fahk: “El enenuh in misac, tuh elan muh kuh in ikucslah kuclyuck luhn mwet nuhkwewa oacna ke kuclyuck lal sifacna ikacklah. Fin tiac lohsr mahtoltol ke ao in srihpsrihpyak sac ac fah wacngihn puhluhn pacl sasuc tuhkuh liki kuclyuck uh” (ke Conference Report, Apr. 1975, 4; kuh *Ensign*, May 1975, 4).

7. Luk 23:46. “Pahpah, nga fuhlweoht nguhnihk nuh in poum.”

Kom fin orekmakihn petsac in liyeyuck “To This End Was I Born,” oruh in liyeyuck ingena.

Sahflah

Ahkuhtweyac lah kahs se oemet luhn Mwet Lango sruokyucki na met liki el fahk nuhsin Pahpah lah el kenna suhpweyuckme nuh facluh in oacna Mwet Lango (liye Abraham 3:27). Inmahsrton kahs ke moulin in ikoac sihmlac emet ah pa nga fah oruh orekma luhn Pahpah Tuhmuhk (liye Joseph Smith Translation, Mattu 27:54). Jisus el tiacna seakihlen kena luhn Pahpah Tuhmwacul kuh orekma lal sifacna. El kuh in pahng nuh sin un lupufacn in molwellah, tuhsruhk el tiacna (Mattu 26:53–54). Finne ke kweok, el tiacna puhtatlac ke puhsisacul lal in ahk-sahfyelah Iwaculah sac.

Fahkwack ke ma pwacye sruhmuhnyuck ke lesin an. Ac fin wo, ngihstre mempucr ke kuhlals in akacsruhi ke luhlalfongi lalos.

Nuhnak in weacng mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in sie ip ke lesin an.

1. Ukwe srihkasrak Luhn Mwet Lahngo ke pacl upac

Mukwikwi luhn Mwet Lahngo ke pacl sahflah ke moulin in ikoac lal ahkkahlwemye yohk ke ohiyac lal. Sifil sruhmuhn kuhtuh srihkasrak Jisus el muhtwacnglah ke len sac. Na siyuck kihsensiyuck inge:

- Meac kuhtuh ohiyac yohk kahlwem kacul Jisus ke pacl upac se inge? (Top uh kuh in pa el nuhnkuh yohk ke mwet sahyac liki na kacul sifacna, tuh el nuhnak muhnahs, tuh el isaculwacng nuh ke kena lal Pahpah Lucng, tuh el tiacna lain kuhtwena ke muhnahs lalos, ac el tiacna tohrkahskahs. Suhmuhsulah top luhn mempucr ke kuhlals an ke port an. Siyuck mempucr ke kuhlals in ahkkahlwemye kuhtuh ohiyac ma ahkkahlwemye ma yohk uh ma pwacye uh.)
- Meac ma yohk arulacna kahlwem in kuht uh ke pacl se upac na pwacye nuh sesr uh? Kuht kuh in ukwe srihkasrak luhn Mwet Lahngo ke pacl upac nuh sesr uh fuhkah?

2. “Nga tuhkahkuhnwack srah suc wacngihn mwacta” (Mattu 27:4)

- Meac Judas el oruh in srihke in auliyak ke tuhkahkuhnwack Mwet Lahngo ah? (Liye Mattu 27:3–5.) Meac kuht kuh in luti ke oruh lal ke “molo” facluh use nuh sesr in sang ahol ma koluk lasr uh?

3. “Mihsenge kom fah muhta Yuruk in Paradise” (Luk 23:43)

Liye mwe ahkkahlwemye inge kom fin enenuh in ahkuhtweyac kahs luhn Mwet Lahngo ke Luk 23:43.

Mwet Pahluh Joseph Smith el fahk lah Jisus el fahk nuh sin mwet pihsrapasr sac, “Mihsenge kom fah wiyuc nuh ke facl luhn nguhn” (*Teachings of the Prophet Joseph Smith*, sel Joseph Fielding Smith [1976], 309).

Ke Doctrine and Covenants 138:36–37 kuht luti lah Jisus el som nuh ke facl luhn nguhn inmahsrton pacl in misac ac Sifil Moulyak lal ac ma se inge we el ahkolah nguhn ma luhlahlfongi in luti wosasuc lal nuh sin nguhn suc tiac wi eis fin facluh ah.

Srihpac

In kahsrh mempucr ke kuhlals in puhla srui ke Sifil Moulyak luhn Mwet Lahngo ac ke mwe insewowo ma utuckuh nuh sesr uh.

Ahkolah

1. Rit, Nuhnkuh, ac pruhe ke ma suhmuhslah inge:
 - a. Mattu 28:1–15; Luk 24:1–12; Jon 20:1–10. Mary Magdalene ac kuhtuh pac muhtwacn tuhkuh nuh ke kuclyuck luhn Jisus ac konwacack lah pihsac. Lupufacn elos fahk lah Jisus el moulyak. Piter ac Jon tuhkuh nuh ke kuclyuck pihsac sac. Leum suc moulyak sikyng nuh sin kuhtuh muhtwacn.
 - b. Luk 24:13–35. Jisus el fahsr ac sramsram nuh sin mwet tuhma lutlut luo ke inkacnek nuh Emeus. Elos tiac akihlacnuhl nuh ke el kuhnsaclihik pret nuh selos.
 - c. Mattu 28:16–20; Luk 24:33–53; Jon 20:19–31. Jisus el sikyng nuh sin Mwet Sap lal, ahkkahlwemye nuh selos lah el moulyak, ac sapkihn nuh selos in luti wosacuc nuh sin muhtuhn facl nuhkewewa. Thomas el puhla kihnet ke poun Jisus, niacl ac siskacl.
 - d. Jon 21. Jisus el sifil sikyng nuh sin kuhtuh sin Mwet Sap ke Meoa Tiberias (Meoa Galilee). El sap nuh sel Piter, “Kihtacacng sip nuhtihk.”
 2. Ma in weacng mwe rit: Mark 16.
 3. Siyuck sie sin mempucr ke kuhlals in esamyac ma sikyng kac Jisus ac mwet tuhma lutlut luo ke inkacnek som nuh Emmaus (Luk 24:13–32).
 4. Fin petsac inge oasr, orekmakihn ke pacl in lesin an: Burial of Jesus (62180; Gospel Art Picture Kit 231); Jesus’ Tomb (62111; Gospel Art Picture Kit 232) kuh The Empty Tomb (Gospel Art Picture Kit 245); Mary and the Resurrected Lord 62186; Gospel Art Picture Kit 233); Jesus Shows His Wounds (62503; Gospel Art Picture Kit 234); ac The Resurrected Jesus Christ (621871; Gospel Art Picture Kit 239).
 5. Mwe nguhsr nuh ke luti: Leum el sapkihn nuh sel Piter, “Kihtacacng sip nuhtihk” (Jon 21:16–17) ma nuh sin mwet luti nuhkewewa. Kwac pruhe suk inkacnek in oruh nguhn in mongokihnyuck ke ma suhmuhslah ngihseyuck nuh sin mempucr ke kuhlals eltahl in muh kena epeis kac.
-

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtwack lesin an.

Kapsra sramsram se sruhmuhnyuck sel Elder James M. Paramore inge:

“Yac pucspucs somlah ... sie mwet sihm ke nuspwepuh tuh siyuck sie kihseniyuck na yohk, ‘Meac nus se ma ac yohk srihpac emet ma facluh kuh in eis uh?’ ”

- Kom ac topuk fuhkah kihnsensiyuck se inge?

Elder Paramore el tahfwelah: “[Mwet sihm] nuhnkuh ac nuhnkuh ke kihnsensiyuck sac, el sramsram nuh sin mwet pucspucs, ac rit ke kuhiyacl elan muh kuh in sokwack top kac sel sifacna. Sahflah na, el ikeyac top lal, ‘In etuh lah Jisus Kraist el moul mihsenge pa nus se ma yohk srihpac emet facluh kuh in eis. Ohinge, El fin moul mihsenge, na kuht pac kuht ac fah moul ma pahtpaht oacna ke El fahk’ “ (ke Conference Report, Oct. 1990, 80; kuh *Ensign* Nov. 1990, 64).

Sruhwack petsac sihmlac ke ip se ke “Ahkolah.” Ahkuhtweyac lah ahsor luhn mwet tuhma lutlut ke misac luhn Kraist tuh aholyucklac ke engan ke Sifil Moulyak lal. Kuht kuh pac in engan ke etuh lasr lah Kraist el moulyak.

Fihliyac petsac in liyeyuck an, sang nuh seltahl ke pacl fal ke lesin an.

Mwe Sramsram ke Ma Suhmuhsalah ac Moulkihiyac.

Ke kom luti ip ke ma suhmuhsalah inge, sramsramkihn nuh sin mempucr ke kuhlahs lah fuhkah etuh laltahl ke moulyak oruh nuh ke moul laltahl lwen nuhkwe-wa. Sahyacn srihke in sulaclah tahklac luhn ma sikyak raunweack Sifil Moulyak uh (kais sie mwet suhmuhsalah ma ke Wosasuc uh use kain in atac) som yohk na nuh ke fahkwack luhlalhfongi ke Sifil Moulyak ituck ke kais sie ma sikyak ke Wosasuc.

1. Mary Magdalene ac kuhtuhpac muhtwacn mwet lohoh ke sifil moulyak luhn Leum.

Sramsramkihn Mattu 28:1–15; Luk 24:1–12; Jon 20:1–10. Ngihstre mempucr ke kuhlahs in riti fuhs ma sollac in yohk. Ahkuhtweyac lah Jisus el srihpsrihpyak, mahnol nuklac ke nuknuk fasrfasr nwacsnwacs se ac fihliyucki in sie kuclyuck ma lal Joseph luhn acn Arimathea, sie sin mwet tuhma lutlut luhn Jisus (Mattu 27:57–60; Luk23:50–53; Jon19:38–42). Ma se inge orek suhlahklahk ke srihpen lwen sahpuht apkuhran in muhtwacwacack. Ke lututacng se tukun lwen sahpuht, Mary Magdalene ac kuhtuh muhtwacn fohlohk nuh inkuclyuck uh us ono kweng ac mwe akmuhsra in tuh sang ahkmuhraelah munin Jisus.

- Meac Mary Magdalene ac kuhtuh muhtwacn ah konwacack ke pacl se eltahl tuhkuh nuh ke kuclyuck luhn Jisus ah? (Liye Mattu 28:1–4; Luk 24:1–4. Ahkuhtweyac ke lweng lal Joseph Smith ke Mattu 28 fahk, oacna Luk, lah oasr lupufacn luo.) Meac lupufacn ah fahk nuh sin muhtwacn ah? (Liye Mattu 28:5–7; Luk 24:5–8.)
- Meac kalmacn fahk luhn lupufacn ah ke eltahl fahk lah, “El moulyak”? (Jisus el moulyak.) Meac kalmacn sifil moulyak? (Liye Alma 11:42–45.) Meac mwe ahkinsewowo kuht ac eis ke srihpen Sifil Moulyak luhn Jisus? (Liye 1 Mwet Korint 15:22, 50–58; Alma 11:42–45. Kuht nuhkwe-wa ac sifil moulyak ac utuckuh mahno luhn nguhn nuh sesr.)
- Prestuhn Howard W. Hunter el fahk lah kabs inge “El tiac oasr inge, tuh el moulyak” (liye Luk 24:6) “nacnwack kwewa finsrak uh, in sef, ac luhlalhfongi ac fal in ahkkweye kuht nuh ke pahng nuh sesr ac kuhtuh pacl uh ahsor luhn moul lasr uh” (ke Conference Report, Apr. 1086; kuh *Ensign*, May 1086, 15–16). Fuhkah luhlalhfongi lom ke Iwacnah ac Sifil Moulyak kabsre kom ke pacl upac?
- Meac muhtwacn ah oruh tukun tari sramsram luhn lupufacn ah? (Liye Mattu 28:8; Luk 24:8–9.) Meac kuht kuh in luti ke srihkasrak laltahl uh?

- Mary ac kuhtuh pac muhtwacn pa emet sin mwet pucspucs pa liacack Jisus Kraist tukun el moulyak ah (oacyacpac liye nuhnak in weacng mwe luti ahk luo ac tolu). Efuh kom nuhnkuh tuh yohk srihpac lah Leum el moulyak si-kyang nuh sin mwet lohoh facluh? (Liye 2 Mwet Korint 13:1.)

2. Mwet tuhma lutlut luo ke inkacnek nuh Emeus pa mwet lohoh ke moulyak luhn Leum.

Sramsramkihn Luk 24:13–35. Sap mempucr se ke kuhlahs ma srisrngiyucki ac in fahk ma yohk ke mwe rit se ke ma suhmuhslah an.

- Efuh kuh Cleopas ac mwet kawuck se lal ah suhpwacr ke eltahl fahsr nuh inkacnek Emeus ah? (Liye Luk 24:13–24.) Meac Leum suc moulyak el lotweltahl kac ke eltahl fahsr? (Liye Luk 24:25–27.)
- Mwet tuhma lutlut luo ah puhla fuhkah ke Jisus el lotweltahl ah? (Liye Luk 24:32.) Meac sang puhla laltahl uh? (Ke kuh luhn Nguhn Muhtahl.) Ngihstre mempucr ke kuhlahs in sruhmuhn ma el etwacalah ke eltahl eis mwe lohoh sin nguhn ke pacl eltahl lutlut ke wosasuc kuh lohng sie mwet luti uh.

3. Mwet Sap pa mwet lohoh ke sifil moulyak luhn Leum.

Rit ac sramsram ke fuhs sollac ke Mattu 28:16–20; Luk 24:33–53; ac Jon 20:19–31.

- Meac Mwet Sap ah nuhnkuh muh eltahl liye ke pacl se Mwet Lahngo el si-kyang nuh seltahl ke ekuh se ma el moulyak ah? (Liye Luk 24:36–37.) Jisus el fahk fuhkah nuh seltahl lah el sifil moulyak in mwet, tiac in nguhn? (Liye Luk 24:38–43.)
- Thomas el topuk fuhkah nuh sin Mwet Sap sahyac ah ke fahkwack laltahl lah Leum el sifil moulyak? (Liye Jon 20:24–25.) El muhtwacwacack in luhlalhfongi fuhkah lah el moulyak? (Liye Jon 20:26–29.) Kuht ahkkahlwemye ke kuh-tuh pacl uh fuhkah kain in mwe muhnahs se inge oacna Thomas?

Elder Gordon B. Hinckley el fahk:

“Kuh kom tiacna lohng kuhtuh fahk oacna Thomas el fahk? ‘Use nuh sesr,’ eltahl fahk, ‘ma in sang’ ahkpwacyeye. Ahkpwacyeye ye muhtahsr, ac insiacsr, ac pahosr, sahyac kuht ac fah tiac luhlalhfongi. Pa inge kahs ke pacl lasr ke kuht moul uh. Thomas suc luhlalhfongi el mwe srihkasrak luhn mwet ke matwac nuhkewewa suc sruhnga insese likina in ahkpwacye ac ahkuhtweyucki—oacna eltahl fin ahkpwacye luhngse, kuh luhlalhfongi, kuh finne ma in liye-yuck oacna sahrom....

“Nuh selos nuhkewewa suc lohng puhsrek suc ma ac ahlohloh, nga kalweni kahs ituckyang nuh sel Thomas ke el puhla kihnet ke poun Leum: ‘Nimet suhlalhfongi, tuhsruhkuh luhlalhfongi’ ” (ke Conference Report, Apr. 1978, 90; kuh *Ensign*, May 1978, 59).

- Kuht ac oruh fuhkah in ukwe kahsruh luhn Leum “in tiac suhlalhfongi, tuhsruhkuh luhlalhfongi”? (Jon 20:27.)

4. Kuhtuh sin Mwet Sap sifwil liye Jisus siskacn Meoa Tiberias (Meoa Galilee).

Rit ac sramsramkihn fuhs sollac ke Jon 21.

- Leum suc sifil moulyak el sifilpac ahkkahlwemye nuh sin Mwet Sap itkohsr lal ke eltahl pahtuhr, eltahl akihlacnwack fuhkah lah Jisus pa finmes ah? (Liye Jon 21:4–7.) Tukun eltahl mongo tari, meac Jisus el siyuck Piter ac Mwet Sap sahyac ah in oruh ah? (Liye Jon 21:15–17.) Kuht ac kihte fuhkah Leum?
- Meac srihpac lal Jon in suhmuhslah kuhtuh ma Leum suc sifil moulyak el fahk ac oruh? (Liye Jon 20:30–31.) Kom sohkihn lutiyaen mwe sramsram ke moulyak luhn Leum ke ma suhmuhslah fuhkah?

Sahflah

Ahkkahlwemye lah Jisus Kraist el sifil moulyak ac tuh ke srihpac kuht nuhkwe-wa ac moulyak. Ahkkahlwemye luhlalfongi ke kuh ac ahkwo ma etuh lom ke Sifil Moulyak usot nuh sum uh.

Nuhnak in Weacng Mwe Luti.

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie nuhnak inge in sie ip ke lesin an.

1. “El moulyak” (Mattu 28:6)

Ahkolah sie u srihsrihk in onkihn “He is Risen” (*Hymns*, nembuh 199) kuh “Christ The Lord is Risen Today” (*Hymns*, nembuh 200) ke sahflahiyaen lesin an. Kuh oruh sie u in tuhlihk srihsrihk an in onkihn “Did Jesus Really Live Again?” (*Children Song Book*, 64).

2. “Muhtwacn, efuh kom kuh tuhng?” (Jon 20:15)

Ahkkahlwemye lah Wosasuc lal Jon pa Wosasuc se fanna ma nacack sramsram ke sikyang luhn Leum nuh sel Mary Magdalene tukun na Sifil Moulyak lal ah. Oruh sie mempucr ke kuhlals in riti in yohk sramsram se inge ke Jon 20:11–18. Ngihstre mempucr ke kuhlals in akacruhi ke nuhnak ac puhla lalos ke ohiyac se inge.

3. Kuhtuhpac mwet lohoh ke Leum suc moulyak

- In weacng mwet lohoh pucspucs ahkkahlwemyeyuck ke wosasuc, suc pac liye Leum suc sifil moulyak? (Kuhtuh sin top uh pa tahklac ten inge.)

Stephen (Orekma 7:55)

Puhs liki mwet luhmfoko (1 Mwet Korint 15:6)

Mwet Sap Jemes (1 Mwet Korint (15:7)

Mwet Sap Paul (1 Mwet Korint (15:8)

Mwet luhlalfongi 2500 fin acn Macrke met (3 Nephi 11:8–15; 17:25)

Mwet Pahluh Joseph Smith (Joseph Smith—History 1:17; D&C 76:22–24)

Sidney Rigdon (D&C 16:22–24)

4. Ma Suhmuhslah ke Sifil Moulyak

Kais kuhtuh mwe rit ke ma suhmuhslah ke Puk luhn Mormon ac Doctrine and Covenants ahkyohkye kahlwem lasr ke Sifil Moulyak. Sramsramkihn in puhs ke nuhnak inge fin pacl uh lwelah:

- a. Jisus pa emet sifil moulyak uh (2 Nephi 2:8) ac ke srihpen Sifil Moulyak lal, mwet nuhkwe-wa ac fah moulyak (2 Nephi 9:22; Alma 11:42, 44).

- b. Tukun Jisus Kraist, elos suc usrui wolacna luhn Celestial ac fah sifil moulyak met, tohkohyang elos suc usrui wolacna luhn Terrestrial, elos suc usrui wolacna luhn Telestial ac sahflah wen nuhtin misac muhkwenā (D&C 88:96–102).
- c. Ke kuht moulyak uh, nguhnāsr sifil toeni wi mahnosr wolacna fah tiac sifil fahsrelihk (Alma 11:43–45).
- d. Etuh ac lahlmwetmwet kuht eis fin facluh uh ac “fah sifil wi kuht ke sifil moulyak uh” (liye D&C 130:18–19).
- e. Nguhnluhn mwet misac pa nuh ke fahsrelihk liki mahno in kapihr; moulyak oruh kuht in puhla engan in yohk (D&C 138:12–17, 50).

Orekma 1–5

Srihpac In ahkacsmakihnye mempucr ke kuhlals ke ma kunaclos in mwet lohoh ke Jisus Kraist ac in kahsrelos liye lah mwe sang luhn Nguhn Muhtahl mwe kahsrelos in kuh in oruh.

- Ahkolah**
- Rit, nuhnkuh, ac pruhe ke ma suhmuhslah inge:
 - Orekma 1. Tukun el muhta inmahsrlon mwet tuhma lutlut lal ke lwen 40, Leum suc moulyak el sowack nuh inkuhsrao. Mathias el sollac in nwacklah acn se suc alallah lal Judas ke u luhn Mwet Sap Singucul Luo ah.
 - Orekma 2. Ke lwen in Pentecost, Mwet Sap elos sesseslah ke Nguhn Muhtahl ac sramsram ke kain in kahs pucspucs. Puhs selos suc lohnguhlos eklac.
 - Orekma 3–4. Piter ac Jon ahkkweyelah sie mukul ul ac fahkwack lah mukul sac kwelac ke kuh luhn Jisus Kraist. Mwet Sap elos pruhe kac ac sie kuh na fokoko ke Nguhn Muhtahl.
 - Orekma 5:12–42. Mwet Sap sifilpacna luti ac ahkkweye ke kuh na fokoko. Elos sruhuh ac kaclpous tuhsruhkh fihlfihllac liki nien kaclpous sin sie lupufacn. Elos fahk nuh sin sifwen mwet tol fuhlwact lah elos ahkos God likina mwet uh. Gamaliel el sramsram in kahsruh mwet Pharisee in tiac uniyac Mwet Sap.
 - Ma in weacng mwe rit: Mark 16:19–20; Luk 24:49–53; Joseph Smith—History 1:21–25.
 - Fin petsac The Ascension of Jesus (62497; Gospel Art Picture Kit 236) oasr, orekmakihn ke pacl in lesin an.
 - Kom fin orekmakihn mukwikwi ahkoeyucklac an, oruh in oasr mwet luo tuhkuh nuh ke kuhlals an met liki kuhlals an muhtwacwacack, ke mempucr ke kuhlals an ahkolah. (fin kuh enenuh in mwet ma suhkwac wi kuhlals lom an.) Oruh elos in utyak nuh lun rum an oruh sie ma ah kena kihtin pacl. (fin pa, sramsram nuh sum kuh use sie ma ah nuh lun rum an) na som. Elos enenuh in tiac sramsram nuh sin mempucr ke kuhlals kuh loh nuh seltahl sifacna.
 - Mwe nguhsr nuh ke luti: Mwet luti enenuh in fahkwack lah ma elos luti uh ma pwacye. Fahkwack ke Jisus Kraist ac wosasuc lal ke pacl ma Nguhn kahsre kom, tiac ke pacl na sahflah lesin an. Fahkwack luhlahlfongi use kuh nuh ke luti lom an.
-

**Mwe Nguhsr Nuh
Ke Ahkyohkyeyacn
Lesin**

Mukwikwi Ahkoeyucklac Fin wo, orekmakihn mukwikwi inge kuh sie sin ma lom sifacna an in sramtwack lesin an.

Siyuck sin mempucr ke kuhlans an lah elos akihlen mwet luo utyak nuh lun rum an na tifoki met liki kuhlans muhtwacwacack ah (liye ip se ke “Ahkolah”). Fin ac oasr mempucr ke kuhlans akihlen, oruh elos in sruhmuhn lah meac elos liye ke mwet luo ah, fin pa lah suc eltahl uh, meac eltahl nukum, ac meac elos oruh. Ahkkahlwemye lah mempucr ke kuhlans ma liye mwet muhtwacta luo inge an mwet lohoh (fin wacngihn mwet akihlen mwet muhtwacta ah, sruhmuhn lah meac elos oruh ac ahkuhtweyac lah kom sie mwet lohoh). Sie mwet suc liye ac puhlakihn ohiyac se ac sruhmuhn nuh sin kuhtuh pac kac uh el sie mwet lohoh.

Siyuck sin oacna sie mempucr ke kuhlans ma tiac liye mwet muhtwacta ah:

- Kom luhlalhfongi ke ma mwet lohoh inge sruhmuhn nuh sum uh? Efuh kuh efuh tiac?

Ahkuhtweyac lah lesin se nuh mihsenge uh ma ke Mwet Sap met ah, suc mwet lohoh ke Jisus Kraist suc sifil moulyak, ke elos fahkwack kacl, mwet pucspucs luhlalhfongwelos ac pacptaislac nuh ke Alu uh.

Mwe Sramsram
ke Ma Suhmuhsalah
ac Moulkihnyac

Ke kom luti fuhs ke ma suhmuhslah inge, ahkkahlwemye ke luhlalhfongi ac kuh suc Mwet Sap ahkkahlwemye ke Leum suc sifil moulyak. Sramsramkihn nuh sin mempucr ke kuhlans lah elos oacyacpac kuh in mwet lohoh ke Jisus Kraist fuhkah?

Ahkuhtweyac lah puk luhn Orekma pa sramsram lal Luk ke ma yohk sikyak ke Alu uh ke yac tolngoul kuh kena moul in ikoac luhn Jisus Kraist, Luk el sruhmuhn ke orekma lwen 40 luhn Leum suc sifil moulyak ac sowack lal na el ahkuhtweyac ke nguhn yohk suc kahklac ke lwen in Pentecost, kol lal Piter ke Alu uh, kampare luhn misineri met in ekihn Mwet Sap, ac ohiyacn eklac lal Paul. Ke tahfuhn ip ahkluo ke puk se som yohk na nuh ke orekma in misineri lal Paul in-mahsrln mwet Gentile.

1. Leum el sowack nuh inkuhsrao. Mathias el pahng in sie Mwet Sap.

Sramsramkihn Orekma 1. Ngihstre mempucr ke kuhlans in riti fuhs sollac in yohk. Sruhwack petsac ke sowack sac.

- Tukun Jisus el sifil moulyak ah, el muhta yurin mwet tuhma lutlut lal ke lwen 40, “sramsram ke ma ke tohkohsrahi luhn God” (Orekma 1:3). Met likina el fohlohk nuh yurin Pahpah Tuhmasr Inkuhsrao, meac el olwelah nuh sin mwet tuhma lutlut lal muh elos ac fah eis ac? (Liye Orekma 1:4–5; oacyacpac liye Luk 24:49. Ahkkahlwemye lah finne Mwet Sap uh puhlakihn *orekma* luhn Nguhn Muhtahl, elos soena eis *mwe sang* luhn Nguhn Muhtahl.)
- Meac Jisus el fahk nuh sin Mwet Sap elos in oruh tukun elos eis mwe sang luhn Nguhn Muhtahl? (Liye Orekma 1:8.) Mwe luti se inge kapsreyuck nuh ke kunohkohn ituckyang nuh sin Mwet Sap mihsenge uh fuhkah? (Liye D&C 107:23, 35.) Mwet Sap ah ahkfahsryelah kunohkohn se inge kena pacl se tukun Jisus el Sifil Moulyak ah fuhkah? (Mwe ahkkahlwemye, fin pa nuh ke sie srihkasrak, kuhtuh fahkwack fokoko sihmlac ke Orekma 2–5.) Mwet Sap ahkfalye kunohkohn se inge mihsenge fuhkah?
- Mwe sang luhn Nguhn Muhtahl kahsruh Mwet Sap ke kunohkohn lalos in mwet lohoh ke Jisus Kraist fuhkah? (Liye Jon 15:26–27; 1 Mwet Korint 12:3.)

Meac Orekma luhn Nguhn Muhtahl ke oruh lasr in luti wosasuc uh? (Liye 2 Nephi 33:1; D&C 42:14.)

- Ke Mwet Sap liyacl Jisus el sowack nuh inkuhsrao, mwet luo nuknuk fasrfasr tu siskactahl. Meac mwet luo inge fahk nuh sin Mwet Sap ah? (Liye Orekma 1:10–11.) Fahk lah tuhkuh ahkluo luhn Kraist ac fah sie ma na pwacye. Kraist el ac fohlohk nuh facluh in kol ke Mihliniuhm ac in kol facluh nohfohn.
- Tukun sowack luhn Leum, sie Mwet Sap sasuc sollac in nwacklah acn alallah se ke U uh sel Judas. Mathias el sollac in sie Mwet Sap sasuc fuhkah? (Liye Orekma 1:21–26.) Mwet Sap ac kuhtuh pac mwet kol luhn Alu uh sollac mihsenge fuhkah? (Liye Ip Yohk ke Luhlahlfongi 1:5.)

2. Ke Iwen in Pentecost, Mwet Sap elos sesseslah ke Nguhn Muhtahl.

Rit ac sramsramkihn fuhs sollac ke Orekma 2. Ahkuhtweyac lah kuhfa luhn Pentecost ahkfuhlwacteyacn Iwen 50 tukun kuhfwen ahluhkwelah. Mwet Ju ke muhtuhnacl pucspucs tuhkuh nuh Jerusalem nuh ke kuhfa se inge.

- Meac ohiyac yohk sikyak ke Iwen in Pentecost wik se tukun sowack luhn Mwet Lahngo? (Liye Orekma 2:1–4. Ahkkahlwemye lah ma se inge ahkwacwacye olwelah luhn Leum ke Jon 14:26, 15:26, ac 16:7–14 ac ke Orekma 1:5.)
- Meac Mwet Sap ah oruh ke elos eis Nguhn Muhtahl ah? (Liye Orekma 2:4.) Fuhkah atacn mwet ah ke elos lohng Mwet Sap elos sramsram ke kain in kaks ah? (Liye Orekma 2:5–13.) Luti ke wosasuc mihsenge uh oacna luti ke Iwen in Pentecost ah fuhkah? (Liye D&C 90:11; 100:5–8.)
- Piter el top fuhkah nuh selos suc ahksruhksruhkye Mwet Sap ke sramsram ke lohoh ah fuhkah? (Liye Orekma 2:14–24, 36.) Meac ahkwoye kom ke top lal Piter ah? Efuh yohk srihpac in oasr luhlahlfongi ke Jisus Kraist ac orekma muhtahl lal? Efuh yohk srihpac nuh sesr in akacsruhi ke luhlahlfongi lasr nuh sin mwet sahyac uh? Nguhn Muhtahl kuh in kaksre kuht in akacsruhi ke luhlahlfongi lasr uh fuhkah?
- Fahkwack luhlahlfongi lal Piter ah mokleack fuhkah mwet ma lohng kac ah? (Liye Orekma 2:37.) Meac Piter el luti nuh sin mwet ma luhlahlfongi ke fahkwack luhlahlfongi lal? (Liye Orekma 2:38.) Oruh mempucr ke kuhlahs in kapsra Orekma 2:38 nuh ke ip yohk ke luhlahlfongi ahk 4 ac 3 Nephi 27:19–20. Ahkkahlwemye lah muhtwacweyacn ma yohk ac akwuck ke wosasuc uh oacna sie ke we nuhkewewa.
- Sahp oasr ke 3,000 mwet luhlahlfongi kaks lal Piter ac pacptaislac. Mwet inge ahkkahlwemye fuhkah lah elos eklac nuh ke wosasuc luhn Jisus Kraist? (liye Orekma 2:41–47. Tahkuhnlah top luhn mempucr ke kuhlahs an ke port an.) Meac kuht kuh in luti ke srihkasrak lalos?

3. Piter ac Jon ahkkweyelah sie mukul ul ke kuh luhn Jisus Kraist.

Rit ac sramsramkihn fuhs sollac ke Orekma 3–4. Kom ac ke sie mempucr ke kuhlahs in riti Orekma 3:1–11 in yohk.

- Finne wacngihn mani lal Piter ac Jon in sang luhn mukul ul se ke motonoac in tempuhl ah, meac eltahl kuh in sang? Kuh fuhkah se kuh in oraclah mukul sac in fohnlah uh? (Liye Orekma 3:6, 12–13, 16, 4:10.) Kom puhla fuhkah kuh in ahkkweyelah luhn Jisus Kraist in moul lom?

- Piter el oruh mwenmwen se inge in sang fahkwack ke Jisus Kraist (Orekma 3:12–26; 4:5–12). Meac kuht ac oruh in sang fahkwack Kraist uh? Kom ahkin-sewowoyeyuck fuhkah kom fin mwet lohoh se (kuh lohng kuhtuhpac in mwet lohoh) ke Jisus Kraist?
- Mwet tol ac mwet Sadducee top fuhkah nuh ke luti lal Piter? (Liye Orekma 4:1–3. Eltahl sap sruhuh Piter ac Jon.) Un mwet sac oruh fuhkah nuh ke luti sac? (Liye Orekma 4:4.) Meac top lasr nuh ke kahs luhn mwet kol ke Alu uh ahkkahlwemyelah ke ma kuht nuhnkuh insiacsr uh?
- Ke mukul ul sac tu siskac, mwet tol ac mwet Sadducee tiac kuh in ukun lah mwenmwen se sikyak (Orekma 4:13–14, 16). Ke wacngihn srihpac in kapriyac Piter ac Jon, meac eltahl oruh sahyac? (Liye Orekma 4:15–18. Ahkkahlwemye lah mwet kol ke alu luhn mwet Ju finsrak tuh in muhlikhnyucklac Jisus ac luti lal tukun srihpsrihpyak lal. Ke Mwet Sap elos tahfwelah na luti ke wosasuc luhn Jisus Kraist, mwet kol luhn mwet Ju srihke in tulohkohnohtahl uh.)
- Piter ac Jon top fuhkah nuh sin mwet tol ac mwet Sadducee suc sapkihn el-tahl in tui ke lutiacn wosasuc? (Liye Orekma 4:19–20.) Meac kuhtuh ohiyac in moul lom ma enenuh puhlaik ohinge in sie mwet lohoh ke Jisus Kraist?
- Tukun Piter ac Jon taltallah, eltahl fohlohklac nuh yurin mempucr ke Alu uh ac pruhe yohrohltahl (Orekma 4:23–30). Meac elos siyuck ke pruhe ah? (Liye Orekma 4:29–30.) Meac kahlwem sikyak ke pruhe se inge ac mukwikwi tahklac luhn Mwet Sap? (Liye Orekma 4:31–35; 5:12–16.)

4. Mwet Sap sifilpacna luti ac ahkkweye ke kuh luhlahp.

Rit ac sramsramkihn fuhs sollac ke Orekma 5:12–42.

- Ke Mwet Sap elos sifilpacna luti ac orek mwenmwen, mwet tol ac mwet Sadducee sisuhltahlwacng nuh nien kaclpous (Orekma 5:17–18). Elos taltallah fuhkah liki nien kaclpous? (Liye Orekma 5:19–20.) Meac elos oruh tukun elos taltallah? (Liye Orekma 5:21, 25.) Efuh kuh Mwet Sap elos kalweni in luti wosasuc finne tukun elos kaclpous? (Liye Orekma 5:29–32.)
- Meac kahs in kahsrub Gamaliel el sang nuh sin mwet Ju suc kena uniyac Mwet Sap? (Liye Orekma 5:33–39.) Ohiyac fuhkah ahkkahlwemye nuh sum ke kahs pwacye lal Gamaliel?
- Meac eklac mwe sang luhn Nguhn Muhtahl use nuh sin Mwet Sap? (Kapsra Mattu 26:47–56, 69–75 nuh ke Orekma 4:5–21; 5:17–18, 26–42.) Srihkasrak luhn Mwet Sap ahkwoye kuht fuhkah in mwet lohoh ke ma pwacye uh?

Sahflah

Ahkuhtweyac lah tukun Mwet Sap elos eis mwe sang luhn Nguhn Muhtahl, elos mwet loh fokoko ke Jisus Kraist. Ke Mwet Sap oasr sie pahng sacohk in mwet lohoh luhn Kraist, kais sie mempucr ke Alu uh oacyacpac oasr ma kunac in fahkwack lohoh kac. Fahkwack puhla in luhlahlfongi lah Nguhn Muhtahl kuh in kahsre kuht etuh pacl ac fuhkah in fahkwack ke Kraist. Ke kuht ukwe srihsrihs luhn Nguhn, luhlahlfongi lasr uh yohkwaclih, puhla lasr ke nguhn ac kapkapwack, ac kuht ac mwet lohoh na wowo luhn Leum Jisus Kraist.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in ip ke lesin an.

1. Orekma luhn Nguhn Muhtahl ke kihsacalah luhn Tempuhl Kirtland

Ahkuhtweyac lah oasr sie kahklac luhn Nguhn oacna ke ma se ke Orekma 2:1–4 sikyak ke kihsacalah luhn Tempuhl Kirtland ke March 27, 1836. Sap sie mempucr ke kuhlals in riti yohk ke Doctrine and Covenants 109:36–37, ip se ke pruhe yohk ma Mwet Pahluh Joseph Smith el siyuck nuh ke kahklac luhn Nguhn Muhtahl ah. Na sap pac sie mempucr ke kuhlals in riti fahk se inge, suc ahkuhtweyac ke ituckyang luhn mwe siyuck se inge:

“Mwet Pahluh Joseph Smith el fahk lah miting in ekuh ke lwen se Tempuhl Kirtland ah, tamuhlwel George S. Smith el mayak ac muhtwacwacack in palye, ke sie puhsra lohngyuck oacna puhsra muhi luhn eng upac uh, suc nwacklah Tempuhl ac nohfohnna mwet in lohm sac mayak mokleyuck ke sie kuh tiac kuh in liyeyuck; puhs selos muhtwacwacack in sramsram ke loh ac palye; kuhtuh pac liye ararama na wo; ac nga liye tempuhl nwacnwaclah ke lupufacn, suc nga fahk na pwacye nuh sin mwet ah. Mwet ke inkucl atuhlani tuhkweni kahsruhsr tuhkuh (lohng sie puhsra usrnguck, ac liye sie kahlwem na kahlwem oacna sie koan e sreyac nuh ke tempuhl) ac elos welac ke ma sikyak ah” (*History of the Church*, 2:428).

2. “Pacl in ahksuwohsyeyuck ma nuhkwewa” (Orekma 3:21).

Sap sie mempucr ke kuhlals in riti Orekma 3:20–21.

- Meac Piter el nuh liye ke el palye ke “Ahksuwohsyeyacn ma nuhkwewa?” (El nuh liye met fohlohkihnyuckyak luhn wosasuc luhn Jisus Kraist ke lwen mih-senge uh sel Mwet Pahluh Joseph Smith.)

3. “Ac ma nuhkwewa ma lalos nuhkwewa” (Orekma 4:32)

Sramsramkihn Orekma 4:32–5:11. Ahkuhtweyac lah mempucr ke Alu met ah “Ma nuhkwewa ma lalos” (Orekma 2:44; oacyacpac liye Orekma 4:32, 34–37). Elos kihsackuhnlah ma nuhkwewa lalos in muh enenuh luhn mwet nuhkwewa oreklac. (Kom ac ke kapsra ma se inge nuh ke siti lal Enoch [Moses 7:18], Sruf lal Lehi [4 Nephi 1:1–3], ac mempucr met ke Alu uh ke we se inge [D&C 42:30–34].)

- Barnabas el top fuhkah nuh ke ohiyacn kihsackihn ma lasr uh? (Liye Orekma 4:30–37.) Ananias ac Sapphira kuhnahoslah ohiyac se inge fuhkah? (Liye Orekma 5:1–2.) Meac Piter el fahk nuh sel Ananias ac Sapphira ke mukwikwi laltahl? (Liye Orekma 5:3–4, 8–9.) Kuht ac oruh kuht in suwohs nuh sin God fuhkah?
- Kuht ne tiac moulkihn ohiyac se met ke kihsackuhnlah luhn ma lasr, meac siyuckyuck sesr in sang nuh sin God kuh akacsruhi nuh sin kuhtuh pac mwet uh? (Liye Omni 1:26; Mosiah 4:16, D&C 4:2; 119:4 nuh ke kuhtuh srihkasrak.) Kuhtuh pacl uh kuht “sruokyac kuhtuh” fuhkah?

Elder Neal A. Maxwell el fahk:

“Ananias ac Saphira ... sruokyac sie ip likina in kihsakuhnlah nohfohn (liye Oreckma 5:1–11). Kuhtuh tiac kuh in kuhkwackuhnlah Jisus nuh ke selfuh 30 ma ituckyang nuh sel Judas ke el tuhkahkuhnuhlwack Jisus, tuh elos tiac kuh in sang nuh sel nohfohn!

“... Kuht kwac nuhnkuh muh kihsackuhnlah muhkwenah uh pa ma lasr ac mani. Tuhsruhk oasr ohiyac pucspucs kuht sruokyac ip kac. Sie kuh in pa sang luhn mani ac pacl ac sruokyac sie ip luhlahp kac sifacna. Sie kuh in akacsruhi ke talan nuh yurin mwet ac ke pacl el sifacna uh el insefuhlwact. Sie kuh in tiac sikuckmuhtuhnte ye muhtuhn tron luhn God, a ahkfuhlwactye kuhtwena u. Sie kuh in ahokuhnlah sie pahng ke alu uh tuhsruhk insiac srackna nuhnkuh ke kuhtuh ma luhn facluh” (ke Conference Report, Oct. 1992, 90; kuh *Ensign*, Nov. 1992, 66).

- Kuht ac kuhtanglah luhman “sruokyac kuhtuh ip” an fuhkah? Mwe in sewowo fuhkah tuhkuh ke kuht sang nohfohn nuh sin God uh?

4. Mukwikwi luhn Mwet Fuhsr

Mwet luti luhn mwet fuhsr ac ke orekmakihn ohiyac in “ngihstre ahkpah” ke ip ke lesin an. Fin pa nuh ke sie srihkasrak kom kuh in sap mempucr ke kuhlahs in srihke motko ke sifac ke lesin an in siyuck kihsensiyuck ma kom kuh in topuk “ahok” kuh “m-moh.”

“Pihsen Mwet Tuhma Lutlut Puhсени”

Lesin Ahk
29

Orekma 6–9

Srihpac In kahsrh mempucr ke kuhlahs in akikhen lah orekma luhn Alu uh fosrngah-kihnyuck sin mwet pucspucs, nohfohnna suc sang talan ac luhlalhfongi lalos in ahkkweye Alu uh.

Ahkolah

- Rit, nuhnkuh, ac pruhe ke ma suhmuhslah inge:
 - Orekma 6:1–7. Mwet Sap Singucul Luo ah ahkmuhshraelah mukul itkohsr fosrngahkihn orekma fin facluh luhn Alu uh.
 - Orekma 6:8–7:60. Stephen, sie sin mwet itkohsr ah, fahkwack ye muhtuhn mwet Sanhedrin. Kahs lal ahkkasrkuhsrakye mwet ma lohng ah, ac elos usacllah liki siti uh ac tanglal nuh ke misac.
 - Orekma 8:4–40. Philip, sie pac sin mukul itkohsr ah, luti ac oruh mwen-mwen fin acn Samaria. El luti ac pacptaiselah mwet Eunuch Ethopia se.
 - Orekma 8:1–3; 9:1–31. Saul el kalyei alu uh ne ke el eis sie ararama ke Jisus Kraist. Saul el eklac ac pacptaislac ac muhtwacwacack in luti ke wosasuc.
- Ma in Weacng mwe rit: Orekma 22:1–16; 1–5, 9–18.
- Mwe nguhsr nuh ke luti: Esam lah kom luti kais sie ke kuhlahs. Elos ac tiac oacna sie ke ma elos puhlakihn ke moul, lusacn pacl elos mempucr ke Alu uh, kahlwem ke ma yohk ke wosasuc ac akwuck, talan ac kuh, ac finsrak nuh ke lutlut. Suk in etuh tiac oacna sie luhn mempucr ke sacnri skul lah ac kahsrh kais sie mwet in kahlwem ke ma pwacye lutiyuck an.

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

Siyuck sin mempucr ke kuhlahs:

- Piac ip se ke monum kom nuhnkuh muh yohk srihpac emet uh?

Tukun kuhtuh sin mempucr ke kuhlahs top an, na siyuck:

- Suc mempucr ke Alu uh kom nuhnkuh muh yohk srihpac emet uh? Efuh?

Sifilpacna lwelah mempucr ke kuhlahs an in top. Na sap sie mempucr ke kuhlahs an in riti 1 Mwet Korint 12:14–21, na sap pac sie in riti 1 Mwet Korint 12:12–13. Ahkuhtweyac lah ke fuhs inge Mwet Sap Paul el kapsra mempucr ke Alu uh nuh ke ip ke mahno se. In oacna niac, paho, insroac, ac muhta yohk srihpac ke kain in orekma lalos, na nohfohnna mempucr ke Alu uh yohk srihpac ke kain in etuh kuh talan lalos.

Mwe Sramsram
ke Ma Suhmuhsalah
ac Moulkiynyac.

Ke kom sramsramkihn mwe rit ke ma suhmuhsalah inge, sramsramkihn lah elos ac orekma kihn fuhkah nuh ke moul lalos lwen nuhkwewa. Kwacfe mempucr ke kuhlahs in akacsruhi ke ma elos oruh ma fototo nuh ke ma yohk ke ma suhmuhsalah.

1. Mukul itkohsr ahkmuhsralah in fosrngahkihn orekma fin facluh ke Alu uh.

Riti ac sramsramkihn Orekma 6:1–7. Ahkuhtweyac lah ke kohkoh luhn Mwet Sap Alu uh sa kapwack, oraclah mwet in forlah ke muhtuhnacl pucspucs. Ma se inge oruh engan yohk, tuhsruh oraclah pac in oasr kampare. Ke Alu uh kapkapwack uh, Mwet Sap elos enenuh pac kuhtuh mempucr in kahsrh kol Alu uh ac in muhsaheack tohkohsrahi luhn God.

- Ke Alu uh kapkapwack uh, u kac uh kuhtuh pacl uh tiac insese nuh sin sie sin sie. Efuh kuhtuh mempucr fin acn Greese ac tohrkahskahs lain mempucr Hibru ac? (Liye Orekma 6:1.) Mempucr ke Alu uh kuhtanglah fuhkah tiac insese ac kihtakatwelihk inmahsrlosr uh, lah ma ke kain in mwet, u, kasrpacsr, facsin, kuh kuhtuhpacna ma tiac oacna sie kac uh fuhkah? Efuh yohk srihpac kuht in kuhtanglah srisri inge? (Liye 2 Nephi 26:33; D&C 38:26–27.)

Prestuhn Howard W. Hunter el fahk: “Ma kahlwem ac ahokihnyucklac se [lah] Pahpah nuhkwewa nuhtin God uh enenuh in srui ma God el kena selos uh ac kuhpahsr lalos nuh sin sie sin sie uh. Ma se inge mwe ahkkahlwemye se ke moul ac luhngse ma lain facsin sikyak ke tuhn, kahs, kasrpacsr, luhpan lutlut, kuh ohiyacn moul lasr ke acn sesr, tuh kuht nohfohn tuhkuh ke nguhn se na. Oasr tahk na muhtahl se kuht oasr kac, mwet nuhkwewa tuhlihkuh nguhn nuhtin God” (ke Conference Report, Oct. 1991, 22; kuh *Ensign*, Nov. 1991, 18).

- Kain in mempucr inmahsrlosr uh ahkkapye ac ahkkweye Alu uh fuhkah? Kuht kuh in siena liki sie ac srakna toeni fuhkah?
- Mwet Sap elos puhla muh elos enenuh in tiac eis pacl ke lutiyaen wosasuc in ahksrihkye akuhkuhin a in oruh ke kuhtwena mukwikwi sahyac (Orekma 6:2). Elos ahksuwohsyelah elyah se inge fuhkah? (Liye Orekma 6:3–6.) Efuh kuh yohk srihpac orekma luhn Alu uh in kuh in akacsruhi in mahsrlnon mwet puhkantwen? Kom ahkinsewowoyeyuck fuhkah ke oasr pacl in kuhlwacnsap ke Alu uh?
- Fuhkah ikihlyuck nuh ke u ma Leum el ahkkahlwemye mwet kol luhn Alu uh ke pacl mihsenge uh in oruh ke Alu uh kapkapwack uh? (Top uh kuh in pa weacng luhn U luhn Itngucul kuh u ke Alu uh nuh ke acn kolyuck sin Prestuhnsi luhn Eria.) Eklac inge kahsrh oraclah enenuh luhn mempucr ke Alu uh fin facluh nohfohn fuhkah?

2. Stephen el fahkwack ye muhtuhn mwet Sanhedrin na tatngal el ne ke misac.

Sramsramkihn Orekma 6:8–7:60. Ngihstre mempucr ke kuhlahs in riti fuhs sollac an in yohk.

- Stephen, sie sin mukul itkohsr ma pahng in kahsrh Mwet Sap Singucul Luo ah, sruhuh ke kahs kohu ac utucklac nuh ye muhtuhn mwet Sanhedrin, kaunsucl luhn Mwet Ju (Orekma 6:11–15; fin kuh, ahkuhtweyac lah kahs kohu uh tiac muhtahl nuh sin God kuh ma muhtahl) Meac Stephen el oruh ke el liye

mwet Sanhedrin ac? (Liye Orekma 7:1–53. El sruhmuhn ipin mouh luhn tuhlihk nuhtin Israel.)

- Eful kom nuhnkuh muh Stephen el sifil sramsram ke oruh luhn Leum ke sramsram mahtuh luhn tuhlihk nuhtin Israel ah? Kuht kuh in oruh fuhkah lah kuht ac tiac muhkuhnlah orekma Leum el oruh nuh ke mouh lasr uh? Esamyacn mwe insewowo somlah ah sin Leum kaksre kuht in kwacfwecng in luhlalfongi ne ke pacl se inge.
- Eful kom nuhnkuh muh Stephen el sifilpac sramsramkihn muhkuhnlah ac seahkos luhn tuhlihk nuhtin Israel nuh sin God ah? Meac kuhpahsr Stephen el oruh inmahsrton mwet lohngohl ac tuhlihk nuhtin Israel seahkos met ah? (Liye Orekma 7:51–53.) Meac mwet ah oruh ke sramsram in kuhpahsr se inge? (Liye Orekma 7:54.)
- Meac ararama Stephen el eis tukun el sramsram tari? (Liye Orekma 7:55–56.) Meac kaks sahflah lal Stephen ma ahkahlwemye ke kuhlwacsap lal in sie mwet tuhma lutlut? (Liye Orekma 7:59–60.)

3. Phillip el luti ac oruh mwenmwen fin acn Samaria.

Rit ac sramsramkihn fuhs sollac ke Orekma 8:4–40.

Phillip, sie pac sin mukul itkohsr sollac in kaksruh Mwet Sap, luti ac oruh mwenmwen fin acn Samaria. Mwet Samaria sac top fuhkah nuh ke mwe fahkwack lal Phillip ah? (Liye Orekma 8:6–8, 12.) Mwet inge eis mwe sang luhn Nguhn Muhtahl fuhkah? (Liye Orekma 8:14–17.)

- Sie mwet Samaria ma eklac ah pa sie mwet inutnut inel pa Simon. Suc Simon el sang molo nuh ke mukwikwi el oruh ke inutnut ac? (Liye Orekma 4:9–11.) Suc Mwet Sap sang molo nuh ke mwenmwen elos oruh? (Liye Orekma 4:7–10.) Eful oacna sie se inge yohk srihpac? (Ahkahlwemye lah mwet pucspuc suc kampare nuh sesr uh ac ahkfuhlwact in oruh uh oruh in ahkfuhlwactyactahl sifacna. Nuh ke lwacyacn ngi ac, mwet kuhlwacsap luhn God sang nuh sel ahkfuhlwact. In akihlen tiac oacna sie se inge kuh in kaksre kuht lihkihyac eklac pucspuc ke mouh lasr.)
- Meac Simon el oruh ke el liye Mwet Sap elos sang mwe sang luhn Nguhn Muhtahl ah? (Liye Orekma 8:18–19.) Piter el topuk nguhsr lal Simon ah fuhkah? (Liye Orekma 8:20–23.) Sie mwet kuh in eis kuh luhn pristut fuhkah? (Liye Mwet Hibu 5:4 D&C 121:36.)

Prestuhn James E. Faust el fahk: “Pa inge kuh se ma kuh emet uh, kuh luhn pristut, tiac oacna kuh ma orekmakihnyuck facluh uh. Tiac kuh in moliyuck kuh kuhkwackihnyuck Kuh luhn facluh uh kwac moliyuck ke koluk. Tuhsruh, kuh luhn pristut kuh in tuhkuh muhkwenah ke ma yohk ke suwohswohs suc pristut el tuhkuh kac” (ke Conference Report, Apr 1997, 59–60; kuh *Ensign*, May, 1997, 43).

- Phillip el ohsun fuhkah nuh sin mwet eunuch Ethiopia sac? (Liye Orekma 8:25–29.) Meac mwe insewowo tuhkuh nuh yohrohl Phillip ac mwet Ethiopia sac ke srihpen Phillip el ukwe nguhn. (Liye Orekma 8:30–38.) Meac mwe insewowo tuhkuh nuh sum (kuh nuh sin sie mwet kom etuh) ke srihpen kom ukwe Nguhn uh?

- Mwet Ethiopia sac ahkkahlwemye fuhkah ohiyacn puhsisac uh? (Liye Orekma 8:30–39.) Puhsisac uh kaksre kuht fuhkah in kahlwem ac eis kaks luhn God uh?

4. Saul el eklac ac pacptaislac ac muhtwacwacack in luti wosasuc.

Riti ac sramsramkihn fuhs sollac ke Orekma 8:1–3 ac 9:1–31. Ahkuhtweyac lah Saul el Mwet Pharisee se suc koase mwet luhlalfongi met ah. El oasr ke tatngal Stephen ac (Orekma 7:58) ac el pa oruh kaclpous ac misac luhn mempucr pucspucs ke Alu uh (Orekma 8:3, 22:4). Tuhsruhktuh, el puhlakihn sie eklac na usrnguck ac eklac misineri na wowo se.

- Meac oruh Paul el eklac liki sie mwet kalyei Mwet Luhlalfongi nuh ke sie mwet kuhlwacnsap luhn Leum? (Liye Orekma 9:1–9, 17.) Ahkkahlwemye lah Saul el eklac ke el lohng puhsren Leum ah. Kuht lohng puhsren Leum fuhkah? (Liye D&C 1:38; 6:23; 8:2; 18:34–36.) Lohng puhsracl kaksre kuht fuhkah in eklac?

Ahkacsmakihnye mempucr ke kuhlahs lah eklac uh el kakhaksrihk na, tiac sa, oacna ohiyac usrnguck se kac Saul el puhlakihn ac. Elder Robert D. Hales el fahk, “mwet se kuh in [puhlakihn oacna Saul ah], tuhsruhk ip yohk se kac uh pa, eklac uh sikyak ke puhlan pacl se ke lutlut, pruhe, puhlakihn, ac luhlalfongi kaksre kuht in kapkapwack ke puhla ac eklac lasr uh” (ke Conference Report, Apr. 1997, 111, kuh *Ensign*, May 1993, 80).

- Elder Ezra Taft Benson el fahk lah kihsensiyuck lal Paul “Leum, mac kom ke nga in oruh?” pa kihsensiyuck yohk srihpac se emet kuht kuh in siyuck ke moul se ingena uh (ke Conference Report, Oct. 1972, 53; kuh *Ensign*, Jan. 1973, 57). Efuh kuh yohk srihpac kuht in siyuck kihsensiyuck se inge? Kom ahkinsewowoyeyuck fuhkah ke kom sang kena luhn God nuh sum uh?
- Efuh Ananias el wetok in som sonol Saul? (Liye Orekma 9:10–14.) Efuh Ananias el som finne oasr pacl fal se lacn som? (Liye Orekma 9:15–16.) Meac kuht kuh in lotwelah ke mukwikwi lal Ananias? (Top uh kuh in pa God el kuh in use nuh sesr puhlaik in oruh ma na el siyuck sesr uh ac kuht in tiac fuhlweack nuh sin sie mwet, finne el enenuh kaksruh luhn nguhn.)
- Meac Ananias el oruh nuh sel Saul? (Liye Orekma 9:17–18.) Meac Saul el oruh tukun el pacptaislac? (Liye Orekma 9:19–22, 26–29.) Meac kunacsr ke pacl se kuht eklac nuh ke wosasuc luhn Jisus Kraist uh? (Liye 22:32; Jon 8:31; Mosiah 18:8–10; D&C 88:81.)

Sahflah

Ahkkahlwemye lah kuht, oacna Stephen, Philip, ac Saul, oasr ke sie pacl ma Alu uh kapkapwack muhi uh. Ahkkahlwemye lah Leum el kena kais sie sesr in kuhlwacnsap ke tohkohsrahi lal ke kapwack uh. Kwacfe mempucr ke kuhlahs in akikhlen ac srui tiac sie luhn kuh, talan, ac puhla ma kais sie ward kuh mempucr ke pracns oruh nuh ke kuhlwacnsuhpweyacn Leum.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ip ke lesin an.

1. “Upac nuh sum in futung lain ma kohsroh uh” (Orekma 9:5)

- Sap sie mempucr ke kuhlals an in riti Orekma 9:5. Meac kalmac in “futung lain ma kohsroh uh? (In tiac lohng mwe fahk kuh kolyuck. Sakh kohsroh soko kuhtuh pacl uh orekmakihnyuck in sang lihs kosro uh in oruh in fahsr sa kuh nuh ke acn in lihlihl nuh we uh fin soko kosro futungyac sahk soko inge ke lihlihl uh, ac ahkngalye kosro soko an yohk.) Mukwikwi lal Paul nuh ke ararama sac ahkkolukyacl fuhkah? Kuht ahkngalye kuht sifacna fuhkah ke kuht lain ma pwacye uh?

2. Mukwikwi luhn Mwet Fuhsr

Suhmuhsrah kaks inge ke ah in kaks kuh ke port an. *Ananaias, kuh koluk, ahtron muhta, Nguhn Muhtahl, kahlwem, luti, mwe srihkarak, koflah in sramsram, rarrar, ak, puhsra.*

Sap mempucr ke kuhlals in lutlut ke Orekma 9:1–22 ac sulacrah ke yohk srihpac ac tahkiyacn kaks inge ke sramsram ke eklac lal Saul. Na sap elos in sruhmuhn sramsram an, orekmakihn kaks an kwewa.

Srihpac

In kahsrh mempucr ke kuhlals in akihlen lah wosasuc ma nuh sin mwet nuh-kwewa ac tuh Alu uh kolyuck ke fwackyuck ma srack oasr.

Ahkolah

1. Rit, nuhnkuh, ac pruhe ke ma suhmuhslah inge:
 - a. Orekma 10:1–11:18. Sie lupufacn sikyng nuh sel Cornelius ke sie ararama ac fahk nuh sel in suhpweyuck mwe Piter. Piter el lotwelah ke sie ararama lah wosasuc enenuh in lutyuck nuh sin mwet Gentile (Mwet suc tiac mwet Ju). El som nuh Caesarea in lotwel Cornelius ac sucu lal ac kawuck pac. Nguhn Muhtahl puhtatyng nuh facl Cornelius ac kuhtuh pac, ac elos pac-ptaislac. Kuhtuh mempucr ke Alu uh ahkkolukyacl Piter lah el luti Mwet Gentile, tuhsruhke ke el sruhmuhn ke ararama se lal ah, elos ahokkihnuh muh fwackyuck se nuh ke Alu uh.
 - b. Orekma 12. Tohkohsrah Herod el unilyac Jemes ac kalilyac Piter lun nien kacpous se. Mwet Luhlahlfongi pruhe ke taltallah lal Piter, na sie lupufacn luhn Leum ahksukohsohkyacclah. Herod el acnwuck sin sie lupufacn luhn Leum na el misac.
 - c. Orekma 13–14. Saul (inge etweyuck el pa Paul) ac Barnabas oruh orekma in misineri se met laltahl, muhsahi Alu inmahsrlon Mwet Luhlahlfongi Ju luti mwet Gentile suc weacng Alu uh lah enenuh in karihngihn ma sap lal Moses, kohsrlah luhn mukul wi pac. Mwet Sap elos sramsramkihnuh lah ma se inge tiac enenuh sin Leum.
 - d. Orekma 15:1–35. Kuhtuh sin Mwet Luhlahlfongi Ju luti lah mwet Gentile ma welah Alu uh enenuh in ukwe masap lal Moses, wi kohsrkohsrlah luhn mukul. Mwet Sap uh fahk lah ma se inge tiac enenuh sin Leum.
 2. Fin macp se ke fuhfahsryucsr in misineri se met lal Paul oasr, kom ac ke orek-makihnuh ke paccl in lesin an.
 3. Mwe nguhsr nuh ke luti: Elder Gordon B. Hinckley el fahk: “Tuhsruhke lutlut lom an tarilacna ke etuh lom an. Elos tarilacna ac masrinsraccl ke woiyom. Elos kenna in oasr kuhpahsr na wowo. Pa inge ma yohk se ke sie mwet luti wo” (ke Conference Report, Oct. 1965, 52; kuh *Improvement Era* Dec. 1965, 1124). Nuhnkuh in pruhe sum sifacna lah kom ac muhsahi ac ahkkahlwemye fuhkah luhngse nuh sin kais sie mempucr ke kuhlals.
-

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihnuh mukwikwi inge kuh sie sin ma lom sifacna an in sramtwe-ack lesin an.

Sang mwe ahkuhtweyac inge, kais sie ke pacl se, ac siyuck mempucr ke kuhlahs in sulacлах lah meac ma sikyak yohk se ke moul luhn Alu uh elos ac fahk nuh kac uh:

1. Fwackyuck
2. 8 June 1978
3. Prestuhn Spencer W. Kimball
4. Pristut
5. Pacl utiyucklac ahk 2 uh

Pacl Utiyucklac Ahk 2 (oasr ke sahflahiyacn Doctrine and Covenants). Sihmlac in fahk ma oruh pristut oasr nuh sin mukul suwohs nuhkwewa ke Alu uh.

Fin oasr mempucr ke kuhlahs esam lwen se ma fwackyuck sac ahkkahlwemyeyuck ah, ngihstre elos in ahkuhtweyac lah elos puhla fuhkah ke elos etuh kac uh.

- Suc oruh pristut oasr nuh sin mukul mempucr suwohs nuhkwewa ke Alu uh? (Leum) Leum el oruh in kahlwem kena lal nuh ke Alu uh fuhkah? (El ahkkahlwemye nuh sin mwet pahluh, suc ahkkahlwemye nuh sin mempucr ke Alu uh.) Fwackyuck se inge mac oruh nuh ke Alu uh?

Ahkuhtweyac lah fwackyuck se inge sie srihkasrak ma Leum el srack oruh in kol Alu lal ke fwackyuck. Lesin se inge sruhmuhn kain in fwackyuck se pacna inge ma ituckyang nuh sin mempucr ke Alu uh tiac paht tukun SifilpacMoulyak luhn Jisus Kraist.

Mwe Sramsram
Ke Ma Suhmuhsлах
Ac Moulkihnyac

Ke kom luti mwe rit ke ma suhmuhsлах inge, ahkkahlwemye yohk srihpaciyacn fwackyuck sin Leum nuh ke Alu lal. Kwacfe mempucr ke kuhlahs in akacsruhi ke luhlalhfongi lalos ke srackna oasr luhn fwackyuck.

1. Piter el lotwelah ke sie ararama lah wosasuc enenuh in lutiyuck nuh sin Mwet Gentile.

Sramsramkihn Orekma 10:1–11:18. Ngihstre mempucr ke kuhlahs in riti fuhs sol-lac an.

- Mukul fuhkah se Cornelius uh? (Liye 10:1–2, 30–31. El mwet suwohswohs se suc luhlalhfongi ke God, tuhsruhк tuh el mwet Gentile se, kuh tiac, mwet Ju.) Meac lupufacn sac fahk nuh sel Cornelius? (Liye Orekma 10:7–8, 33.) Efuh kuh yohk srihpac in sa in oruh ma fwackyuck kuh in sa nuh ke ma sin God uh?
- Ke pacl se mwet lal Cornelius ah fahsr som nuh Joppa, Piter el eis sie ararama (Orekma 10:9–16). Meac Piter el liye ke ararama sac? (Liye Orekma 10:11–12.) Meac sapkihnyuck Piter elan oruh? (Liye 10:13.) Efuh kuh Piter el wetok? (Liye Orekma 10:14. El tiac luhngse kang ma oal ac tiac nwacsnwacs ke ma sap lal Moses.) Leum el topuk fuhkah nuh ke elyah lal Piter inge? (Liye Orekma 10:15–16.)
- Ac ke el ohsun nuh sel Cornelius, Piter el kahlwem ke ararama se lal ah. Meac kalmac? (Liye Orekma 10:28, 34–35. Wosasuc ma nuh sin mwet nuhkwewa, tiac mwet Ju muhkwena. Ahkuhtweyac lah “God el tiac sulohsohl mwet” kalmac pa God el ac ahkolah mwet nuhkwewa wi ma fal in eis ke mwe ahkinsewowo ma oasr tuhkuh ke plwacn in molwelah.) Efuh kuh mwet Gentile aho-

lyucklac muh elos pa kosro tiac nwacsnwacs ke ararama sac? (Mwet Ju nuhn-kuh muh mwet Gentile tiacna suwohs ac tiac nwacsnwacs, oacna kosro ke masap lal Moses ma tiac lwelah mwet Ju in kang. Ke fahk ke kosro ke ararama sac ingena “nwacsnwacslah,” Leum el fahk nuh sel Piter lah wosasuc enenuh in lutyuck nuh sin mwet nuhkwewa.)

- Tukun Piter el ahkuhtweyac ke ararama se lal ah, el muhtwacwacack in lotwel Cornelius ac mwet kawuck lal. Meac el luti ke lutlut se emet lal nuh seltahl ah? (Liye Orekma 10:36–43.) Meac sikyak kena pacl se Piter el luti ac? (Liye Orekma 10:44, 46.) Efuh kuh ma se inge sang luhlalhfongi kuh lal Piter lah Cornelius ac kawuck lal enenuh in pacptaislac? (Liye Orekma 10:47–48; oac-yacpac liye Orekma 11:15–17.)
- Mempucr ke Alu uh mukwikwi fuhkah ke eltahl lohng lah Piter el luti wosa-suc nuh sin mwet Gentile ah? (Liye Orekma 11:1–3.) Efuh kuh mempucr inge fohsack? (Eltahl tiacna motko muh mwet Gentile in oasr ke mwet sollac luhn God.)
- Nuhnak luhn mempucr ke Alu uh eklac fuhkah tukun Piter el fahk nuh sel-tahl ke ararama se lal ah ac ma el puhlakihn kacl Cornelius uh? (Liye Orekma 11:4–18.) Meac kuht enenuh in oruh ke kuht eis akwuck sasuc sin mwet kol ke alu uh, finne muhtwacwacack ah kuht sruhnga akwuck inge kuh konwac-ack lah upac in kahlwem kac? (Liye Jon 7:17; 2 Nephi 28:30; D&C 6:11, 14–15.)
- Efuh kuh tuh Piter pa eis fwackyuck sac in luti wosasuc nuh sin mwet Gentile? (El pa mwet kol se ke Alu uh in pacl sac.) Suc eis fwackyuck mihse-nge luhn Alu uh nohfohn uh? Efuh kuh yohk srihpac in mwet sefanna pa in eis fwackyuck luhn Alu uh nohfohn? (Liye D&C 43:2–6.)

2. Piter el taltallah ke luhman mwenmwen in sukohsohklah liki nien kaclpous.

Rit ac sramsramkihn fuhs sollac ke Orekma 12.

- Tohkohsrah Herod el unilyac Mwet Sap Jemes, ac sisuhlwacng Piter nuh in ni-en kaclpous ac fihlilyac in poun mwet topang (Orekma 12:1–4). Mempucr ke Alu uh top fuhkah nuh ke kaclpous lal Piter? (Liye Orekma 12:5.) Pruhe lasr uh ac kahsruh mwet pahluh ac mwet kol ke Alu mihsenge uh fuhkah? (Liye D&C43:12; 93:51; 107:22.)
- Prestuhn Joseph F. Smith el fahk “Ac fah wacngihn sie lwen ac ahluhkwelah tuh mwet nuhkwewa ke Alu uh fah sruhkwick puhsraclos ke pruhe nuh sin Leum in ahkkweye mwet kuhlwacnsap lal” (*Gospel Doctrine*, 5th ed. [1939], 223).
- Piter el kahinglac fuhkah liki nien kaclpous? (Liye Orekma 12:6–10.) Ke pacl yac pac ke usrnguck Leum el liacacng moul luhn sie mwet ne kena mwet sacn ahksahfyelah kuhlwacnsap lal fin facluh uh? (Mwe srihkasrak ke ma suhmuhs-lah uh kuh in pa nuh kacl Daniel, Shadrach, Meshach, ac Abednego; Abinadi; Alma ac Amulek; ac Joseph Smith.)
- Meac sikyak nuh sel Tohkohsrah Herod tukun Piter el kahinglac ah? (Liye Orekma 12:21–23.) Kapsra ma sikyak nuh sel Herod nuh ke ma sikyak nuh ke Alu uh oacna ke ahkuhtweyucki ke fuhs se tok uh (Orekma 12:24). Kom liye fahsr luhn Alu uh fuhkah finne oasr oruh luhn kuhtuh mwet uh in kuhnaoslah?

3. Saul (inge etweyuck muh Paul) ac Barnabas luti wosasuc nuh sin Mwet Gentile.

Riti ac sramsramkihn fuhs sollac ke Orekma 13–14. Kom fin orekmakihn macp, srihsrugi acn Paul ac Barnabas muhtwacta nuh we ke kom sramsramkihn uh.

- Meac pahng nuh sel Saul ac Barnabas ahkkahlwemye kac lah mempucr ke Alu uh pahng fuhkah in kuhlwacnsuhpuh God? (Liye Orekma 13:1–3. Sramsramkihn enenweyacn pruhe ac lalo, fwackyuck, ac kuh luhn pristut in pahngon mempucr in kuhlwacnsap ke Alu uh.) Meac ohiyac kom oruh ma kahsre kom in etuh lah pahng ke Alu uh kohkoh ke Nguhn?
- Mwet kol ke iwen Alu fin acn Antioch ngihsrac Paul lacn sramsram ke Alu in Sacnri (Orekma 13:14–15). Meac Paul el sramsram kac ah? (Liye Orekma 13:23–31, 38–41.) Mwet Gentile fin acn Antioch top nuh sin misineri ac fuhkah ac sramsram lalos ah fuhkah? (Liye Orekma 13:42–44, 48.) Efuh kuhtuh sin mwet Ju ac ahkkolukyael Paul ac Barnabas? (Liye Orekma 13:45–47.)
- Mwet fin acn Lystra mukwikwi fuhkah ke Paul el ahkkweyelah mwet ul sac ah? (Liye Orekma 14:8–13. Ahkuhtweyac lah Jupiter ac Mercurius god suhtuh-uh suc mwet ah alu nuh kac.) Paul ac Barnabas top fuhkah nuh ke kaksak ac mwe loang se inge? (Liye Orekma 14:14–18.) Ahkkahlwemye lah mwet luti pwacye ke kaks luhn God uh kwac suk in sang nuh sin God wolacna ac eslah loh nuh selos sifacna. Kom liye ohiyac se inge orek sin mwet kol ke Alu uh mihsenge fuhkah?
- Ke kais sie siti Paul ac Barnabas muhtwacta nuh we, elos konwacack mwet engan in eis wosasuc, tuhsruhk elos konwacack pac mwet sruhngactahl ac oruh pac kuhtuh in sruhnga Alu uh (Orekma 13:43–45, 50; 14:6, 19). Efuh Paul ac Barnabas fohlohk nuh ke kais sie siti ac finne sruhngwacyuck elos? (Liye Orekma 14:21–23. Elos muhsahelah pracns in Alu ke siti ac, ac elos fohlohk in ahkweye ac luti mempucr sasuc ke pracns inge.)

Prestuhn Gordon B.Hinckley el fahk: “Ke puhseni pihsen mempucr eklac uh, kuht enenuh in ahkyohkye in oruh ma wo in kahsreltahl ke eltahl konwacack inkacnek laltahl. Kuht enenuh ma tolu: sie kunohkohn, ac kahrhuh ke kaks wo luhn God (Moroni 6:4). Ma kunacsr ac pacl wo in oruh ma inge” (ke Conference Report, Apr. 1997, 66; kuh *Ensign*, May 1997, 47).

4. Mwet Sap elos sramsramkihn lah Mwet Gentiles elos tiac enenuh in karihngihn ma sap lal Moses.

Rit ac sramsramkihn fuhs sollac ke Orekma 15:1–35.

- Mac akuhkuhin Paul ac Barnabas som nuh Jerusalem in tuh ahkfwelye ah?(Liye Orekma 15:1–2. Ahkuhtweyac lah kohsrlah sie akucl ke ma sap lal Moses. Sie mukul kohsrlah pa sie suc karihngihn ma sap. Ne Jisus Kraist el ahkpwacyeye ma sap lal Moses, kuhtuh mwet Kristin Ju srackna oruh ac kena mwet Gentile ma eklac elos in wi pac oruh.) Akuhkuhin sac ahkfwelyeyucklac fuhkah? (Tukun sramsram yohk, mwet sap elos otwelah ke kolyuck muh tiac enenuh kohsrlah.)
 - Ohiyac se ahkuhtweyucki ke Orekma 15:6–31 ahkkahlwemye luhmah nuh ke otwelah ke ma sap luhn Alu uh ac ohiyacn mukwikwi oreklac fuhkah?
- a. Mwet kol ke Alu uh ohsun in nuhnac kac (fuhs 6).

- b. Elos sramsramkihn (fuhs 7–21).
- c. Elos oraclah otwelah in wi kena luhn Leum (fuhs 19–21).
- d. Nguhn muhtahl ahkkweyelah lah otwelah sacn pwacye (fuhs 28).
- e. Sulaclah sacn ahkkahlwemyeyuck nuh sin mwet Luhlahlfongi nuh ke ahkkweye (fuhs 22–31).

Sahflah

Ahkkahlwemye lah Alu uh kwac kolyuck ke fwackyuck muhtahl ac fwackyuck sac srack oasr ne mihsenge. Kwacfe mempucr ke kuhlals in ukwe kaks in kah-sruh luhn Mwet Pahluh mouh ac kuhtuh pac mwet kol ke Alu uh.

**Nuhnak In Weacng
Mwe Luti**

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie nuhnak inge in sie ip ke lesin an.

Alu Se Ma Raunweack Facluh

In ahkkahlwemye nuh sin mempucr ke kuhlals lah fuhkah kapwack luhn Alu uh, sruhwack sie macp ke facluh an. Srihsrngiyac acn ma mempucr ke Alu uh muhta we ke pac lal Cornelius ah (Mihsenge pa Israel, Turkey, Greece ac acn raunweack). Na sap mempucr ke kuhlals in srihsrngiyac acn ma mempucr ke Alu uh muhta we mihsenge uh. Ahkuhtweyac lah ke muhtwacweyacn 1998, puhs liki miliacn singucul ke mempucr ke Alu uh muhta ke facl ac acn 162. Puhs liki misineri 57,000 orekma ke muhtuhnfacl 116, sramsram ke kain in kaks 45 ac oacyacpac kain in kaks pac sahyac. (Kom kuh in konwacack ripohrt sasuc ke mackuhsin luhn Alu uh ke pihsac inge.)

“Ac Na Alu uh Muhsahiyuckyak ke Luhlahlfongi”

Lesin Ahk
31

Orekma 15:36–18:22; 1 ac 2 Mwet Tesselonika

Srihpac In kahsruh mempucr ke kuhlals in lutlut ke luti lal Paul ke ohiyacn akacsruhi ke wosasuc ac in moul in oacna Mwet Luhlahlfongi.

- Ahkolah**
1. Rit, nuhnkuh, ac pruhe ke ma suhmuhslah inge:
 - a. Orekma 15:36–41; 16; 17:1–15; 18:1–22. Tukun akuhkuhin ke Mwet Gentile ma eklac ac ma sap lal Moses ahksuwohsyeyuck, Paul ac Barnabas ahkoo fuhfahsryucr in misineri ahk luo laltahl. Elos tiac insese in orekma mwet luo ke orekma luhn misineri ac sulaclah in fahsrelihk. Paul el usacl Silas ac Timothy ac muhtwacwacack oruh orekma luhn misineri fin acn Macedonia ac Greece. Elos kwac sruhngacyuck tuhsruhk elos ekuhlah mwet pucspucs.
 - b. Orekama 17:16–34. Paul el muhtwacta nuh Athens ac liye siti sac nohfohn alu nuh ke ma sruhlwacalah. El sramsram nuh sin mwet na etuh fin acn Athen ac luti ke Mar’s Hill ke ma oreklac sin God, toeni luhn mwet oacna tuhlihk nuhtin God, ac ke moulyak.
 - c. 1 ac 2 Mwet Tesselonika . Paul el suhmuhslah lwacta luo nuh sin Mwet Luhlahlfongi fin acn Tesselonika, sie siti in acn Macedonia. El sramsram in kahsrelos ke akacsruhi ke wosasuc, ahkolah nuh ke tuhkuh Ahk Luo, ac in moul in oacna mwet luhlahlfongi.
 2. Ma in weacng mwe rit: 1 Mwet Korint 2:4–5, 10–13.
 3. Fin kuhfa inge oasr, kom ac luhngse orekmakihn ke lesin an:
 - a. Sie macp ke fuhfahsryucsr ahk luo lal Paul.
 - b. “The Second Coming,” minit tolu se ke ip ke *New Testament Video Presentations* (53914).
 4. Mwe nguhsr nuh ke luti: Oasr ma se kunacn mempucr ke kuhlals in tuhkuh nuh ke kuhlals ahkolah in kihsensiyuck, sruhkak nuhnak, akacsruhi ke oruh lalos, ac fahkwack luhlahlfongi. Kwacfe mempucr ke kuhlals in ahkolah nuh ke kuhlals luti ma suhmuslah ac Pruhe lwen nuhkwewa. Ahkkahlwemye luhngse lom nuh kac ac srui ke oru luhn mempucr ke kuhlals nuh sin kuhlals sacn.
-

Mwe Nguhsr Nuh Ke Ahkyohkyeyacn Lesin

Mukwikwi Fin wo, orekmakihn mukwikwi inge kuh sie sin ma lom sifacna an in sramtwe-
Ahkoeyucklac ack lesin an.

Sruhmuhn sramsram inge:

Ke muhta lasr wi sucu lal Heywood fin acn Salt Lake City ke tacfuhn pacl tok ke 1800, John Morgon el mwemwe sie fohng ah lah el fahsr ke soko inkacnek fin

acn Georgia. El akihlen inkacnek soko ah mweyen el orekmakihn inkaiyacn pacl uh ke el solse se ke United States Civil War ah. El sun suhngwacliik se inkacnek ah ac liyacl Brigham Young el tu we. Ne pwacye inkacnek soko ma ac som nuh in tahun ac, prestuhn Young el fahk nuh sel in fahsr ke inkacnek soko nuh lacsac ah.

Morgan, suc el tiac mempucr in pacl sac, sruhmuhn nuh sel Tahmtahel Heywood ke mwemwe se lal ac siyuck lah meac el nuhnkuh kac. El fahk nuh sel lah el luhlalhfongi muh el ac muh welah Alu uh ac oruh misin lal kuhtuhlacpiyacn acn Macrke, na lah sie lwen el ac muh oasr ke inkacnek soko el liye ke mwemwe lal ah. Pacl se sikyak an, el enenuh in esam fahk lal Brigham Young ah ac som nuh ke inkacnek soko nuh lacsac an.

Yac pucspucs tohkoh, tukun John Morgan el pacptaislac ac pang in sie misineri ke states kuhtuhlacpiyacn acn Macrke, el tuhkuh nuh ke suhngwacliik ke inkacnek soko ma el tuh liye ke mwemwe lal. El esam kahs in kahsr in fahsr ke innek soko nuh lwacsac, suc el oruh. Ao se tohkoh, el akihlen lah el oasr sisken infahlfahl Heywood—sie acn na kahto oacna ine se ke sucu se ma el muhta yohroh ke el tuh mwemwe ke yac ekahsr met ah.

Ke el fuhfahsryucr ke infahlfahl sac luti ac, el konwacack lah mwet ah arulacna ahkolah in lohng ke wosasuc. Tukun lohgohl ke luti lal, kais kuhtuh sucu ahkahlwemye lah oasr sie mwet sac tuhkuh nuh infalfahl in pohla sac lwen singucul met ah, siyuck lwelah lacn mahkiyac pwacpuhl nahtuhlos ah. Mwet sac fahk nuh selos lah sie pac mwet us pweng ac fah tuhkuh ac ahkuhtweyac fuhs mahkiyucki ac nuh selos. John Morgon el ahkuhtweyac fuhs mahkiyucki inge ke el luti wosasuc ah. Tukun wik ekahsr tohkoh, Elder Morgon el luti ac pacptaiselah nohfohn tuhsruhk tolu sin sucu longoul tolu ke infahlfahl sac. (Bryant S. Hinckley, *The Faith of Our Pioneer Fathers* [1956], 242–44.)

- Meac pwacnwacng wo oraclah lal John Morgan in sie misineri ac? (Top uh kuh in pa el luhngse orekma upac, el lohng Nguhn, ac insiacn mwet ahkolah in eis wosasuc.)

Ahkuhtweyac lah lesin se inge ma kac Paul, suc, oacna John Morgan, lohng Nguhn ac arlac oraclah wo ke pacl in misineri lal. Ke fuhfahsryucr in misineri ahk luo lal, Paul el kweokkih mwe lokalok pucspucs tuhsruhk oacyacpac konwacack mwet pucspucs suc ahkolah in eis wosasuc luhn Jisus Kraist.

Mwe Sramsram
ke Ma Suhmuhsalah
ac Moulkihnyac

Ke kom luti ke fuhfahsryucrs in misineri ahk luo lal Paul, sramsramkih lah meac kuht kuh in lotwelah sel Paul ke lutiyacn wosasuc, ahkoekuhtlac sifacna in lutlut ke wosasuc, ac ahkkweye luhlalhfongi lasr uh.

1. Paul, Silas, ac Timothy elos luti fin acn Masedonia ac Greece.

Sramsramkih Orekma 15:36–41;16; 17:1–15; 18:1–22. Ngihstre mempucr ke kuhlahs in riti fuhs sollac an. Kom ac sahp ke ahkacsmakihnye mempucr ke kuhlahs lah puk luhn Orekma sihmlac sel Luk. Kahlwem muh el fuhfahsryucrs wehuhl Paul ke kuhtuh orekma in misineri lal, ke srihpen el kwac orekmakihn kahs se inge *kuht* ke el sramsramkih mukwikwi lal Paul ac mwet weluhl ke orekma luhn misineri (Orekma 16:10).

- Ke fuhfahsryucsr in misineri ahk luo lal, Paul el luti ke siti pucspucs Macedonia ac Greece wi pac siti Filippai, Tessonika, Bera, Korint, ac Athens. (Ahkkahlwemye siti inge ke macp an.) Nguhn kohlohl Paul ac mwet weluhl orekma ke fuhfahsryucsr fuhkah? (Liye Orekma 16:6–10; 18:9–11.) Nguhn kol kuhiom in kuhlwcansuhpuh Leum fuhkah?
- Ma suhmuhslah ahkkahlwemye lah Lydia el lohng ac luhlhlfongi kahs lal Paul mweyen Leum el ikacslah insiac (Orekma 16:14–15). Efuh kuh sie “insiac ikack” enenuh nuh ke sramsram ke wosasuc? (Liye Mosiah 2:9; D&C 64:34.) Ngihstre mepucr ke kuhlals in sruhmuhn ke ma elos puhlakihn ke Leum el ikacslah insiaclos (kuh insiacn sie suc elos etuh) nuh ke wosasuc uh.
- Efuh kuh Paul ac mwet weluhl kacpous fin acn Thyatira? (Liye Orekma 16:16–24.) Elos taltallah fuhkah? (Liye Orekma 16:25–26.) Elos orekmakihn ohiyac se inge in sie pacl wowo nuh ke orekma luhn misineri fuhkah? (Liye Orekma 16:27–34.) Meac pac kuhtuh ohiyac kuh srihkasrak ke moul luhn Alu kuh ke moul lom sifacna, ma wo uh tuhkuh ke koase uh?
- Meac Paul el luti nuh sin mwet Tessonika ke el wehulos sacnri tolu ke iwen alu lalos? (Liye Orekma 17:1–3.) Meac sikyak ke luti lal Paul fin acn Tessonika? (Liye Orekma 17:4–10.)
- Mwet ke iwen alu fin acn Bera eis fuhkah luti lal Paul? (Liye Orekma 17:10–12.) Kuht kuh in ahkyohkye sie “ahkolah luhn nuhnak” nuh ke lutlut ke wosasuc fuhkah?

2. Paul el luti ke Mar’s Hill nuh sin mwet Atens na etuh.

Riti ac sramsramkihn fuhs sollac ke Orekma 17:16–34. Ahkuhtweyac lah tukun Paul el som liki Acn Bera, el tuhkuh nuh Atens, suc pa acn in toeni luhn facluh. Mwet na etuh we ahkihlen God muh God el tiac pwacye kuh, likina lacn Pahpah tuhmuhn nguhnasr. Eltahl alu nuh ke ma God el oraclah liki na in God. Elos ahollah fwackyuck ke srihpac ac sramsram in suk pwacyeyiac, yohkkihn lahlmwetmwet luhn mwet yohk liki na ma pwacye luhn God.

- Mwet na etuh fin acn Atens tiac sis pacl lalos ke kuhtwena ma sahyac, ac in fahk, kuh lohng ke kuhtuh ma sasuc” (Orekma 17:21). Oruh se inge kahlwem fuhkah mihsenge? Meac elyah kuh in oasr ke sukyacn “kuhtuh pac ma sasuc uh”?
- Meac Paul el luti nuh sin mwet Atens ke God? (Liye Orekma 17:22–31.) Efuh yohk srihpac in etuh lah “kuht tuhlihk nuhtin [God]”? (Orekma 17:28). In kahlwem ke ma God el oraclah uh ac oruh lal in Pahpah tuhmasr kahsre kuht fuhkah in luhngse ac alu nuh sel?
- Paul el akihlen srihpac ac suhmaht luhn mwet etuh in mwet loh ke God, Pahpah tuhmasr. In luti wosasuc, efuh fahkwack ke luhlhlfongi se ac woliki na suhmaht ac srihpac uh? (Liye 1 Mwet Korint 2:4–5, 10–13.)
- Efuh kuh mwet etuh elos lohngohl Paul? (Liye Orekma 17:18–21.) Kom nuhnkuh muh ma se inge moklactahl fuhkah nuh ke mwe fahkwack lal Paul? (Liye Orekma 17:32–33.) Kuht kuh in Ahkwekuhtlac in lohng ac kahlwem ke kahs luhn mwet kol ke Alu uh fuhkah?

3. Paul el sihmihw lwacta in kahsrh Mwet Luhlahlfongi fin acn Tesselonika.

Rit ac sramsramkihn fuhs sollac ke 1 ac 2 Tesselonika.

- Paul el nuhnkuh ke Mwet Luhlahlfongi fin acn Tesselonika tuhsruh koflah in fohlohk muhtwacta yohrohlos, na oruh el suhpwacllah Timothy (1 Tesselonika 2:17–18; 3:1–2, 5–7). Tukun Timothy el fohlohk, Paul el suhmuhslah lwacta luo sang kahs in kahsrh ac kwacfe nuh sin Mwet Luhlahlfongi fin acn Tesselonika. Meac kuht kuh in luti ke oruh lal Paul in ah-ol mempucr sasuc ke Alu uh?
- Meac Paul el luti ke 1 Tesselonika 1:5 ac 2:2–12 ke ohiyacn lutiyacn wosasuc nuh sin kuhtuh pac? (Suhmuhslah top luhn mempucr ke port an.) Ukweyacn ma yohk inge kahsre kom luti wosasuc fuhkah?
- Meac elyah luhn Mwet Luhlahlfongi fin acn Tesselonika ma sikyak ke ahkuhtweyac lal Paul ke tuhkuh Ahk Luo? (Liye 1 Tesselonika 4:13–18; 5:1–3.) Meac Paul el fahk nuh sin mwet Tesselonika muh ac sikyak met liki Tuhkuh Ahk Luo? (Liye 2 Tesselonika 2:1–4.) Pahluh se inge ahkwacyeyeyuck fuhkah? (Liye D&C 1:15–16; 112:23; Joseph Smith—History 1:19.)
- Meac Paul el fahk nuh sin Mwet Luhlahlfongi Tesselonika elos in oruh in ah-kolah nuh ke Tuhkuh Ahk Luo? (Liye 1 Tesselonika 5:4–8.) Meac kuht enenuh in oruh nuh ke Tuhkuh Ahk Luo?

Kom ac fin orekmakihn petsac in liyeyuck “Tuhkuh Ahk Luo,” oruh in liyeyuck inge na. Sruhmuhn kuhtuh srihsrihk ke sramsram in kahsrh lal Elder Packer ac Elder Maxwell ke ahkoeyacn Tuhkuh Ahk Luo tuhsruhki tiac nuhnak in elyah lah ac sikyak ngac.

- Meac kahs in kahsrh Paul el sang nuh sin Mwet Tesselonika ke moulin mwet luhlahlfongi? (Liye 1 Tesselonika 4:9–12; 5:11–22.) Suhmuhslah top luhn mempucr ke kuhlahs ke port an. Ke kolyuck luhn Nguhn, sramsramkihn kuhtuh kihsen kahsrh kom suhmuhslah an. Sramsram an kuh in ma ke fuhkah kuht kuh in ukwe kahs in kahsrh ac fuhkah kuht ac fah ahkinsewowoyeyuck ke kuht oruh uh.

Sahflah

Fahkwack luhlahlfongi ke ma pwacye Paul el luti ke enenuh yohk ma sie misi-neri ac Mwet Luhlahlfongi pahkotwen se ke Lwen-mihsenge uh enenuh in oasr yohroh uh. Kwacfe mempucr ke kuhlahs in suk in ahkyohkye enenuh inge in muh kuh in kahsrelos ahkoeloslac sifacna ac mwet sahyac nuh ke Tuhkuh Ahk Luo luhn Leum.

**Nuhnak in Weacng
Mwe Luti**

Kuhfa inge kuh in weacng ma ngihsreyuck tahkihnyucklac ke lesin an. Kom ac ke orekmakihn nuhnak se inge in ipin lesin sacn.

Luti Wosasuc ke Elah Pwacye

Sap mempucr ke kuhlahs in riti 1 Tesselonika 2:2–3. Ahkkahlwemye lah Paul el fahk lah wosasuc enenuh in lutiyeuck ke puhlaik ac tiac ke inek in suhlallacl. Elder James E. Talmage el ahkyohkye in fahk lah kuht enenuh in puhlaik in luti ma pwacye ac in tiac ahkkolukye kuh lain luhlahlfongi luhn kuhtuh pac mwet. Akacsruhi ke sramsram se inge in ahkkahlwemye ma se inge.

Ke el sie tuhlihk lutlut ac, Elder Talmage el osun nuh sin sie mukul suc sikyang nuh sel in kuhkwackuhnlah nuh sel sie lahm in oil na wowo. Oasr lahm se tari lal suc el puhla muh fal, tuhsruhktuh el lwelah mwet kuhka lahm sac in som nuh ke rum lal ah in srihke oruh lacn liye.

“Kuht utyak nuh lun rum luhk ah, na nga ahkosack lahm luhk ah. Mwet muh-twacta sac kaksakihn. Sie lahm na wowo, el fahk, el sonna liye sie lahm kuflac ar-la wo. El urok wik ke lahm sac nuh lucng ac ten, ac fahk lah wo na wik soko ah.

“ ‘Inge,’ el fahk, ‘ke lwelah lom nga ac fah ahkosack lahm luhk uh,’ el eislah liki mwe nenyuck lal... Kahlwem kac ah tohlwack ne ke pihsinkacn rum luhk ah. Kahlwemiyac oruh kahlwem ke lahm luhk ah aten lohsr. Ke pacl sac ke ma orek ah ekuhllah ngacn nuhnkuh ke lohsriyacn mouh luhk ac kuhlwacnsap, lutlut ac ma nga srihkeyuc nuh kac suc nga tiac etuh kac.”

Elder Talmage el molwelah lahm sasuc sac, ac tok el ngihstre tuh kuht in lutlut ke mwet kuhkah lahm sac ke kuht luti ke wosasuc uh: “Mukul se ma ac kuhka-kuhnlah sie lahm tiac oacna ma luhk. El likiyac kahlwem yohk ke lahm lal ah-fuhnlah kahlwem ke lahm luhk, ac nga suhlahklahk in eis.

“Misineri kuhlwacnsap ke Alu luhn Jisus Kraist mihsenge elos suhpweyuckelilk, in tiac lain kuh ahkolukye luhlalfongi luhn mwet, tuh in uselihk nuh facluh sie kahlwem na wo, suc lohsr luhn ma mwet uh oraclah uh tohlwack kahlwem. Orekma luhn Alu uh muhsahi, tiac fohs” (sel Albert L. Zobell Jr., *Story Gems* [1953] 45–48; oacyacpac liye *The Parables of James E. Talmage*, comp. Albert L. Zobell Jr. [1973], 1–6).

Orekma 18:23–20:38; Mwet Galetia

Srihpac

In kwacfe mempucr ke kuhlahs in suk srihsrsrihsr luhn Nguhn Muhtahl ac in sensenkihn elah ac ohiyac ma ac karuhnganalos in eis srihsrsrihsr inge.

Ahkolah

1. Rit, nuhnkuh, ac pruhe ke ma suhmuhslah inge:
 - a. Orekma 18:23–19:41. Paul el muhtwacwacack fuhfahsryucsr in misineri ahk tolu lal. Aquila ac Priscilla elos luti wosasuc nuh sel Apollos. Paul el luti, pacptaisi, sang mwe sang luhn Nguhn Muhtahl nuh sin mwet luhlalhfongi fin acn Efesus. Demetrius, ac kuhtuh pac mwet orekma ke osra ahngonwack mwet Efesus in laenuhl Paul.
 - b. Orekma 20. Paul el som liki acn Efesus ac luti fin acn Macedonia ac Greece. Ke fohlohk lal nuh Jerusalem ah, el sramsram wihlkacs nuh sin mwet kol fin acn Efesus, kihsen sensenkuhnuhlos in tiac kuhflah liki ma pwacye.
 - c. Galatia. Paul el sihmihns sie lwacta in ahkfihsracsrye mwet Galatia ke fohlohk lalos nuh ke ma sap lal Moses. El ahkacsmakihnyaclos ke eneneyacn luhlalhfongi ke Jisus Kraist ac kwacfelos in suk fahko luhn Nguhn.
 2. Fin macp se ke fuhfahsryucsr in misineri ahk tolu lal Paul oasr, kom ac ke orekmakihn ke lesin an.
 3. Mwe nguhsr nuh ke luti: kuhtuh sramsram wowo ac srihkarak pa ma tuhkuh ke moul lom sifacna uh. Wi kolyuck luhn nguhn in kahsre kom in etuh lah ohiyac fuhkah se ac fal ac wo in akacsruhi kac nuh sin mempucr ke kuhlahs.
-

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Siyuck mempucr ke kuhlahs in nuhnak ke sie talan kuh ohiyac suhmaht (fin pa nuh ke sritaclkihn sie sritacl, tuhta, sihm, kuh oruh sie sritacl) elos oruh tuh-sruhk tiac oruh ke lusen pacl na loeloes se. Siyuck:

- Kom ac puhla wo in orekmakihn talan kuh ohiyac suhmaht se inge mihse-nge? Ac fuhkah suhmahtiom? Meac kom kuh in oruh in orekmakihn talan kuh suhmaht sacn in wo oacna met ah? (Fin wacngihn mempucr ke kuhlahs kuh in nuhnkweack sie talan kuh ohiyac suhmaht ah, sramsramkihn sie ma ke moul lom sifacna).

Ahkkahlwemye lah in akihlen srihsrsrihsr luhn Nguhn Muhtahl kuh in motkweyuck muh sie talan in nguhn kuh kuh. Kuht fin orekmakihn talan se inge in yohk, na kuht ac puhla yohkwaclihk la uh.

- Kuht ac ahkyohkye fuhkah in akihlen srihsrsrihsr luhn Nguhn Muhtahl uh? (Top uh kuh in pa moul suwohswohs, suk kolyuck ke nguhn muhtahl, ac ke ahkosyen srihsrsrihsr ke kuht eis uh.) Meac ac sikyak ke kuht ahkyohkye kuh se inge na suhnuhkuhlac kac uh?

Ahkuhtweyac lah sramsram mihsenge ke fuhfahsryucsr ahk tolu lal Paul ac lwac-ta lal nuh sin mwet Galatia ac fah sramsramkihn pac ohiyac ma kuht enenuh in ukwe nuh ke srihsrsrihsr luhn Nguhn Muhtahl ac lah kuht kuh in ahkinsewowo-yeyuck fuhkah fin kuht oruh.

Mwe Sramsram
ke Ma suhmuhslah
ac Moulkihiyac

Pruhe kac in sulaclah mwe rit ac kihsensiyuck ke ma suhmuhslah ma ac sun enenuh luhn mempucr ke kuhlahs an. Sramsramkihn ke orekmakihnyacn ma suhmuhslah inge nuh ke moul in pacl nuhkewewa uh. Kwacfe mempucr ke kuhlahs in akacsruhi ke puhla lalos ma fototo nuh ke ma yohk ke ma suhmuhslah.

1. Paul el luti, pacptaisi, ac sang Nguhn Muhtahl nuh sin mwet luhlahlfongi fin acn Efesus.

Sramsramkihn Orekma 18:23–19:41. Ngihstre mempucr ke kuhlahs in riti fuhs sollac an. Ahkuhtweyac lah tukun Paul el fohlohk liki fuhfahsryucsr ahk luo lal, el sislah kuhtuh pacl fin acn Antioch ac na sifilpacna som nuh ke fuhfahsryucsr ahk tolu (Orekma 18:22–23). Ke fuhfahsryucsr ahk tolu se inge el sislah inkai-yacn pacl lal–apkuhran in yac tolu—luti fin acn Efesus. (Kom fin orekmakihn macp an, srihsrngiyac acn ma Paul el oasr we ke kais sie pacl ke kom sramsramkihn fuhfahsryucsr ahk tolu lal.)

- Apollos el sie mwet Ju suc etuh ke pacptais lutyuck sel John Pacptais tuhsruhk el tiac etuh ke mwe sang luhn Nguhn Muhtahl. Ke Aquila ac Priscilla, mempucr luo ke Alu uh suc oasr fin acn Efesus, lohngohl Apollos el luti, elos lo-twel “ke ohiyac luhn God arulacna wo” (Orekma 18:26). Meac oruh Apollos el kuh in luti? (Liye Orekma 18:24–28.) Ma kahlwem kac inge oacyacpac oruh el mwet luti wowo se fuhkah? Kuht kuh in ahkyohkye ma kahlwem inge fuhkah?
- Meac sikyak ke orekma luhn nguhn ke kuhtuh sin mwet Efesus inge tuh eis mwe sang luhn Nguhn Muhtahl ah? (Liye Orekma 19:6.) Meac pac kuhtuh pacl kain in ma se inge sikyak uh? (Liye Orekma 2:1–4; 10:44–46. Mwet Sap elos sramsram ke lohoh ke elos eis mwe sang luhn Nguhn Muhtahl ke lwen in Pentecost. Kuhtuh mwet Gentiles fin acn Caesarea oacyacpac sramsram ke lohoh tukun Piter el eis sie ararama muh wasasuc ac fah lutyuck nuh sin mwet Gentile.) Meac orekma luhn Nguhn Muhtahl kwacna puhlakihnyuck mihsenge uh? (Liye D&C 6:15, 23; 8:2 nuh ke kuhtuh srihkasrak an; oacyacpac liye 1 Togusra 19:12.)
- Efuh Paul el som liki iwen alu fin acn Efesus ac muhtwacwacack luti ke lutlut Tyrannus? (LiyeOrekma 19:8–9. Etuh lah *amaci* ke fuhs inge kalmac pa luti kuh sukok srihpac.) Kuht in topuk mwet ma ahkkolukye kuh sruhnga wasasuc uh fuhkah? (Liye 3 Nephi 11:29–30.)

Elder Marvin J. Ashton el luti: “Ke kuhtuh pac mwet uh tiac insese nuh ke luhlahlfongi lasr uh kuht enenuh in tiac akuhkuhin, sramsram in fohlohk-sahk, kuh fohs nuh selos.... Ma kunwacsr pa in ahkuhtweyac acn ma kuht oasr we uh ke srihpac, sramsram in akawucki, ac ke ma pwacye. Ma kunwacsr

in fokoko ac tiac fuhlweack nuh ke ma nuh ke lwen sacn ac ma yohk ke moul ma pahtpaht, tuhsruhk tiac fohs nuh sin sie mwet kuh u. Fohs uh oraclah fahsrelihk inmahsrton mwet. Luhngse el oruh sramsram uh kuh in fahlac wo.... Fohs uh tuh tiac na ac fah tiac pacna inek nuh ke kapkapwack” (ke Conference Report, Apr. 1978, 10; kuh *Ensign*, May 1978, 7–8).

- Eful Demetrius ac mwet orekma ke osra kasrkuhsrakwack ke luti lal Paul? (Liye Orekma 19:23–28. Elos oraclah ac kuhkwackuhnlah mwe orek tempuhl lal Diana, sie god muhtwacn kikiacp, ac elos elyahkihn in wacngihnlac mwet moul yohrohlos ke Paul el kahsrub mwet in forlah nuh ke wosasuc luhn Jisus Kraist.) Nuhnkuh ke mwe kahsrub kuh ahkfuhlwactye God? Nuhnkuh ke ka in inge oruh fuhkah kuhiacsr in tiac lohng srihsrsrihsr luhn Nguhn?
- Kapsra elah lal Demetrius ac mwet orekma ke osra nuh ke elah luhn mwet Efesus ma kuhnaoslah puk in inutnut lalos ke elos muhtwacwacack in ukwe Jisus Kraist (Orekma 19:18–19). Kuht kuh in karuhnganwacng ngwetngwet wowo nuh ke ma lasr fin facluh uh fuhkah?

2. Paul el oruh sramsram in wilkacs nuh sin mwet kol fin acn Efesus.

Riti ac sramsramkinh fuhs sollac ke Orekma 20 an. Ahkutweyac lah Paul el som liki acn Efesus ac fuhfahsryucsr fin acn Masedonia ac Greece, luti wosasuc. El plwacni in fohlohk nuh Jerusalem, nuh ke Kuhfwen Pentecost. Ke fohlohk lal nuh Jerusalem, el suhpwaclah sie mwet in siyuck mwet kol ke Alu fin acn Efesus in sonol fin acn Miletus. El oruh sramsram in wilkacs na sifil pac oruh fuhfahsryucsr lal.

- Luhlahlfongi muh pa inge pacl sahflah el ac sramsram nuh sin elder Efesus, meac Paul el Ahkahlwemye ke sramsram in wilkacs lal? (Liye Orekma 20:28–35.) Suc “wohf suhlallacl” Paul el sensenkihn nuh kac uh? (Liye Orekma 20:29. Mwet lokalok luhn Alu uh.) Suc pac Paul el sensenkihn nuh kac uh? (Liye Orekma 20:30. Mempucr ke Alu uh ma kuhflah liki ma pwacye ac srihke in kol kuhtuh pac mempucr uh in som liki uh.) Kuht ac karihngihn lainyacn som liki ma pwacye uh ke moul lasr uh fuhkah?
- Meac Paul el fahk nuh sin mwet mahtuh fin acn Efesus elos in oruh in kahsrelos karihngihn mempucr ke Alu uh nuh selos suc srihke in kohlohloslac liki alu uh? (Liye Orekma 20:28; oacyapac liye Jon 21:15–17.) Kuht kuh in karuhnganwacng tuhlihkuhtin God liki “wohf suhlallacl uh fuhkah”?
- Paul el ahksahfye sramsram in wilkacs nuh sin mwet mukul Efesus in ahkacmakihnyaclos ke luti luhn Leum lah “e wo in sang liki in eis” (Orekma 20:35). Kom konwacack muh ma se inge pwacye ke moul lom fuhkah?

3. Paul el ahkfihsracsrye ac kihsen kahsrub nuh sin Mwet Luhlahlfongi fin acn Galetia.

Riti ac sramsramkinh fuhs sollac ke lwacta lal Paul nuh sin mwet Galetia. Ahkuhtweyac lah ke Paul el oruh elacn som ke fuhfahsryucsr in misineri ahk tolu lal ah, el suhmuhslah sie lwacta nuh sin Mwet Luhlahlfongi fin acn Galetia, pucs selos suc fohlohk in karihngihn ma sap lal Moses. El ahkfihsracsryelos suc luhlahlfongi lah molwelah tuhkuh ke orekma enenweyuck ke ma sap lal Moses liki na in luhlahlfongi ke Leum Jisus Kraist.

- Meac srihpac luhn ma sap lal Moses? (Liye Galetia 3:23–26; Jacob 4:4–5; Mosiah 13:29–30. Leum el sang nuh sin tuhlihk nuhtin Israel ma sap se inge in kahsrelos in esamuhl ac in ahkoeloslac in eis molwelah ke Kih sackuhnlah lal. Ma sap lal Moses ahkpwacyeyeyuck fuhkah? (Liye 3 Nephi 15:2–5; Alma 34:10; 3 Nephi 9:19. Jisus el ahkpwacyeyelah ma sap lal Moses ke Kih sackuhnlah lal suc akihlenyuck ke akwuck ke ma sap pucspucs.)
- Paul el lut lah Mwet Luhlahlfongi Galetia fohlohk nuh ke ma sap lal Moses sana ke elos lutlut ke wosasuc luhn Jisus Kraist (Galetia 1:6; 4:9). Efuh kuh fohlohk se nuh ke ma sap lal Moses inge ahkkahlwemye srihklac luhn luhlahlfongi ke Leum? (Liye Galetia 2:16; 3:1–5; 5:1–6.)
- Ke lwen lal Paul, kuhtuh mwet ah suk in losraclah kuh ikihl wosasuc luhn Jisus Kraist (Galetia 1:7–8). Meac kuhtuh mwe ahkpwacye mihsenge ke ma se inge uh? Kuht ac enenuh in kutong mukwikwi in losre ke wosasuc se inge fuhkah?
- Meac kuht kuh in luti ke mwet Galetia 1:11–12 ke ohiyacn eisyacn sie luhlahlfongi ke wosasuc? Efuh yohk srihpac tuh luhlahlfongi lasr uh ma ke fwac kyuck ke Jisus Kraist? (Kom ac ke sramsramkihn lah fuhkah luhlahlfongi muhsahyak ke kuhtuh pac pweluhng, fin pa nuh ke toeni kuh srisrielihk luhn lahlmwetmwet, kwac tiac fokoko ke mwe srihkasrak nuh ke luhlahlfongi.)
- Paul el sensenkihn mwet Galetia in lain “orekma luhn ikoac” (Mwet Galetia 5:19). Meac orekma luhn ikoac? (Liye Mwet Galetia 5:19–21.) Meac ac tuhkuh ke oreyacn orekma inge? (Liye Mwet Galetia 5:21.) Finne orekma luhn ikoac fin facluh mihsenge uh yohk, meac kom kuh in oruh ke wik se inge in ahkwoye nguhn ma oasr ke acn kom oasr we an?
- Paul el kwacfe mwet Galetia in suk fahko, kuh sikyak ke moulikihnyacn Nguhn (Mwet Galetia 5:16, 25). Meac kuhtuh fahko inge? (Liye Mwet Galetia 5:22–23.) Fahko inge orekma fuhkah in moul lom? Meac kuht kuh in oruh kuht fin puhla wacngihn fahko inge ke moul lasr uh?
- Meac Paul el luti mwet luhlahlfongi Galetia ke ohiyacn kahsreyacn mwet tuhlan lalos? (Liye Mwet Galetia 5:14; 6:2; oacyacpac liye Mosiah 18:8–10.) Kuht kuh in “loangwelah mwe toasr luhn sie fuhkah? In oruh ma se inge us kuht in fototo nuh yurin Jisus Kraist fuhkah?
- Meac kalmac sel Paul ke el fahk lah “God el tiac mwe ahksruhksruhkyeyuck”? (Liye Mwet Galetia 6:7; oacyacpac liye D&C 63:58. Sie kalmac an pa elos suc seahkos God ac tiac auliyak elos ahksruhksruhkyacl ac fah kaclpous.) Mwet uh ahksruhksruhkye God fuhkah mihsenge?
- Meac kalmac “ma na mwet se tahknelihk, na el fah oacyacpac kosracni”? (Liye Mwet Galetia 6:7–9.) Ma yohk se inge orekmakihnyuck fuhkah nuh ke kuhiyacn lohng lasr ac ukweyacn srihsrsrihsr luhn Nguhn Muhtahl? Ac orekma fuhkah nuh ke kuhpwacsr lasr nuh sin kuhtuh pac mwet? Ac orekma fuhkah nuh ke kuhtuh pac ohiyac in moul lasr uh?

Sahflah

Ahkkahlwemye lah elah kuh ohiyac koluk uh, fin pa akuhkuhin, ma luhn facluh, ac fahsr liki ma pwacye, ac kosre kuhtlac in tiac eis srihsrsrihsr luhn Nguhn Muhtahl. Tuhsruhkuht fin kampare in moul suwohswohs ac ukwe srihsrsrihsr

kuht eis uh, kuh in akihlen ac ukwe srihsrsrihsr uh ac yohkwelihk. Kwacfe mempucr ke kuhlals in suk ac ukwe kolyuck sin Nguhn Muhtahl.

Nuhnak in Weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn nuhnak se inge in sie ip ke lesin an.

Luti wosasuc oacna Paul el oruh ah.

- Meac kuht kuh in luti sel Paul ke lutiyaen wosasuc? (Liye Orekma 19:8–10, 21; 20:7–12, 18–24, 27, 31, 35–36. Oacyacpac liye mwe sramsramkihnyuck ke 1 Tessalonika 1:5 ac 2:2–12 ke lesin 31.)

Likiyac top luhn mempucr ke kuhlals an ke port an, ac sramsramkihnh lah kuht ac ukwe srihkasrak lal Paul ke luti lasr uh fuhkah?

1 Mwet Korint 1–6

Srihpac In ahkkweye mempucr ke kuhlals in suk mwe insewowo ma ac tuhkuh ke tuhkweni ke Kraist uh, ukwe nguhn, ac in moulnwacsnwacs uh.

Ahkolah

- Rit, nuhnkuh, ac pruhe ke ma suhmuhslah inge:
 - 1 Mwet Korint 1:10–13; 3:1–11. Paul el kwacfe Mwehluhlalfongi in senkihn akuhkuhin ac ma se na in nuhnac ke nuhnkuh.
 - Mwet Korint 1:17–31; 2:1–16. Paul el kihsen kahsrh Mwehluhlalfongi in luhlalfongi ke Nguhn liki na lahmwetmwet ac suhmaht luhn facluh uh.
 - 1 Mwet Korint 3:16–17; 5; 6:9–20. Paul el kwacfe Mwehluhlalfongi in moulnwacsnwacs.
- Ma in weacng mwe rit: 1 Mwet Korint 7–10.
- Mwe nguhsr nuh ke mwe Luti: Elder Boyd K. Packer el kihsen kahsrh: “Enenuh nuh sin sie mwet luti in kahlwem kac lah mwet uh wo. Enenuh in etuh kac lah kuhiyaclos pa in oruh ma suwohs. Sie nuhnac in engan ahkyohkye luhlalfongi. Ac tiac oacna ke kuht tu ye muhtuhn tuhlih nahtuhsr kuh tu ye muhtuhn sie kuhlals mwet fuhsr in lotwelos” (*Teach Ye Diligently* [1975], 73).

Mwe Nguhsr Nuh Ke Ahkyohkyeyacn Lesin

**Mukwikwi
Ahkoeyucklac** Fin wo, orekmakihn mukwikwi inge kuh sie sin ma lom sifacna an in sramtweack lesin an.

Sruhlwacnah soko inkacnek ke port an, ac sruhlwacnah soko stosah kuh soko pacna mwe kahsrh an ke inek an. Na akacsruhi ke ohiyac se sruhmuhnyuck sel Elder Joseph B. Wirthlin inge:

“Ke kahsrh ke inek finohl ah sie ekuh ah ke sie af upac wi fihlin puhlahl ac sahmwelihk luhn sahm, Tahmtahel Wirthlin ac Nga upac in liye inek ah wo, nuh met ah, kuh siskac siskac. Nga ngwetwacng liye lain fasrfasr soko infulwacn inkacnek ah in wo in pacl se inge liki na met ah. Kahsrh ke lain soko ah oruh kuht in tiac som liki inek ah nuh ke fuhluh siskac siskac ah oruh kuht in tiac sun stosah ke laclacn ngi ac. In som liki kwewana lain inge ac arulacna sensen. Na nga nuhnkuh, kuh sie mwet suhmaht in nuhnkuh kuh in som nuh lwacsac kuh nuh ke acn in kahsrh nuh lwacyot fin el etuh lah ac oasr ma sikyak? Fin el yohkkih moulnwacsnwacs in ikoac lah, el ac muhta infulwacn line inge.

“Kahsrh se ke finohl soko inge oacna moulnwacsnwacs uh. Fin kuht muhta na ke lain ma God el makiyac uh, el ac karihngihn kuht, ac kuht kuh in ai panmoullac nuh ke acn kuht ac som nuh we uh” (ke Conference Report, Oct. 1990, 80; kuh *Ensign*, Nov. 1990, 64).

Ahkuhtweyac lah ke pacl se Paul el sihmihs lwacta se met lal nuh sin Mwet Luhlahlfongi fin acn Korint, kuhtuh selos muhtwacwacack in som liki lain luhn wosasuc. Lesin se inge ac sramsramkihn kihsen kwacfe lal Paul nuh sin Mwet Luhlahlfongi in auliyak ke tolu sin ohiyak elos muhtwacwacack in maelihk kac. Sruhlwacalah tolkwe lain an ke port an ma ac ahkkahlwemye mwe kahsrühr ac som liki inek an. Ke sahflahiyacn lain soko met an, suhmuhslah *Akuhkuhin ac ti-ac toeni*. Ke sahflahiyacn lain ahk lukoac an suhmuhslah *Luhlahlfongi ke lahl-mwetmwet luhn facluh*. Ke lain ahk tolkwe an suhmuhslah *Moul in nguhn*.

Mwe Sramsram
ke Ma Suhmuhsalah
ac Moulkihiyac

Ke kom luti mwe rit ke ma suhmuhslah inge, sramsramkihn lah kihsen kahsrüh lal Paul orekmakihnyuck nuh ke lwen lasr uh fuhkah ac kuht ac orekmakihnyuck fuhkah luti lal nuh ke moul lasr sifacna uh.

1. Sensenkihn Akuhkuhin ac in tuhkweni.

Rit ac sramsramkihn 1 Mwet Korint 1:10–13; 3:1–11.

- Meac elyah Paul el ahkkahlwemye ke 1 Mwet Korint 1:10–13? Meac kalmac kuhtuh sin Mwet Luhlahlfongi ac in “ma lal Paul,” kuhtuh “ma lal Apollos,” kuhtuh “lal Cephas [Peter],” ac kuhtuh “lal Kraist”? (Likina in toeni mwet fahsr tukun Jisus Kraist, kuhtuh sin Mwet Luhlahlfongi kihtacloselihk sifacna nuh ke u kuh ip ke Alu uh.) Kuht kuhtuh pacl uh oruh kainin tahfonglac se inge fuhkah? Meac kuhtuh ma ac sikyak ke kainin kihtakatwelihk se inge? Kihtakatwelihk ac akuhkuhin uh kutong sie sin sie in mwet lutlut luhn Kraist fuhkah? (Liye Mosiah 18:21–22; 3 Nephi 11:29–30; D&C 38:27.)
- Meac Paul el fahk in kahsrüh Mwet Luhlahlfongi in oruh in kuh in tuhkweni ma se na? (Liye 1 Mwet Korint 1:10. Ke sie mempucr ke kuhlahs riti fuhs se inge, suhmuhslah kais sie ip ke fahk in kahsrüh lal Paul ke port an oacna ke ahkkahlwemyeyuck ten inge. Kuht kuh in orekmakihnyuck kihsen kahsrüh se inge loh m ah ac ke Alu uh fuhkah?
 - a. “Sramsram ke ma se na.”
 - b. In “wacngihn kihtakatwelihk inmahsrlohws.”
 - c. “In oraclah toeni wowo in nuhnak se na ac ke nuhnkuh se.”
- Efuh Mwet Luhlahlfongi Korint eis muhkwen a “mil” luhn wosasuc? (Liye 1 Mwet Korint 3:1–4.) Efuh kuh akuhkuhin uh kosrekuhtlac in tiac eis “ikoac” luhn wosasuc? Kuht ac ahkoekuhtlac sifacna in kihtweyucki ke “ikoac” luhn wosasuc fuhkah?
- Paul el luti lah puhkantwen pahstuh (mwet kuhlwacnsap) ke wosasuc tuh Jisus Kraist muhkwen a pa pwelucng pwacye (1 Mwet Korint 3:5–11). Efuh yohk srihpac tuh kuht in eis Mwet Lahngo elacn pwelucng luhn luhlahlfongi lasr uh? (Liye Helaman 5:12.)

2. Luhlahlfongi ke nguhn likina lahlmwetmwet luhn facluh uh.

Sramsramkihn 1 Mwet Korint 1:17–31; 2:1–16. Ngihstre mempucr ke kuhlahs in riti fuhs sollac an.

- Paul el luti lah lahlmwetmwet luhn God ac “ahklahlfonye” lahlmwetmwet luhn facluh (1 Mwet Korint 1:18–21). Lahlmwetmwet luhn God sienna liki lahlmwetmwet luhn facluh uh fuhkah? (Liye Isaiah 55:8–9; D&C 38:1–2.)

Meac kuhtuh srihkasrak ke lahlmwetmwet luhn God uh ma oruh lahlmwetmwet luhn facluh uh in mwe lahlfon uh?

- Meac ohiyac ma tiac etuh ke ma luhn alu uh kuh in mwe ahkinsewowo nuh sesr uh? (Fin enenuh, akuhtweyac lah tiac etuh ke ma luhn alu kalmac pa tiac etahwi.) Meac ohiyac ma ac kuh in mwe kosraclah nuh sesr uh? Kuht kuh in oraclah in oacna sie fuhkah lutlut ke ma luhn facluh uh ac ma luhn nguhn uh? (Liye 2 Nephi 9:28–29.)

Prestuhn Spencer W. Kimball el luti: “Oasr pacl in eis kwewana (lutlut ke ma luhn facluh uh ac nguhn pacl se fanna.... Kuht fin sislah pacl lasr ke moulin ikoac in etuh ke ma luhn facluh uh liki ma luhn nguhn ohinge kuht tiac kapkapwack kuh kihluckyak, tuh painge pacl se mwet uh enenuh in ahkolah in sun God uh; painge pacl se nuh ke luhlalhfongi in muhsahiyuckyak, nuh ke pacptais in woi, nuh ke nguhn muhtahl in ituck, nuh ke akwuck muhtahl in orek. In weacng prokracm se inge kuh in sikyak etuh luhn facluh uh, finne nuh ke facl luhn nguhn tukun misac nguhnasr kuh in srack lutlut” (*The Teachings of Spencer W. Kimball*, ed. Edward L. Kimball [1982], 390).

- Meac kalmac sel Paul ke el fahk lah God el sulaclah “ma pihlacsr luhn facluh uh in kuhnaoslah lahlmwetmwet” ac “mwe muhnahs luhn facluh uh in kuhnaoslah ...ma kuh”? (1 Mwet Korint 1:27). Efuh God el kwac sulaclah “mwe muhnahs luhn facluh uh” in ahkpwacyeye srihpac lal?
- Meac mwe muhnahs Paul el sun ke el luti wosasuc ah? (Liye 1 Mwet Korint 2:1–3.) Mwe muhnahs lal eklac nuh ke kuh fuhkah? (Liye 1 Mwet Korint 2:2, 4–5.) Leum el kahre kom fuhkah ke kom puhlakihn suhfallac kuh sahngweng in oruh orekma lal uh?
- In oacna fahk lal Paul, kuht kuh in etuh fuhkah ke “ma luhn God”? (Liye 1 Mwet Korint 2:10–13.) Efuh kuhtuh pacl uh kuht luhlalhfongi na yohk ke etuh lasr ac lahlmwetmwet lasr likina fwackyuck ke Nguhn uh? Meac sielacna kom kuh in akihlen inmahsrton lutlut tuhkuh ke Nguhn uh ac lutlut ma tuhkuh ke lahlmwetmwet muhkwenah uh?

Elder Bruce R. McConkie el luti: “Alu pwacye uh pa ma ke nguhn ac tiac ma ke lahlmwetmwet sifacna, ac pwacyeyiac ac som nuh ke insiacn mwet lohng ke kuh luhn nguhn, fin tiac ohinge, nguhnin mwet uh tiac eklac ...ac el suc suk ke molwelah tiac moulin Kraist” (*Doctrinal New Testament Commentary*, 3 vols. [1966–73], 2:318).

- Paul el luti lah ac tiac kuh nuh sin “mwet moulkihn ma luhn facluh” se in eis ma luhn God (1 Mwet Korint 2:14). Efuh ma se inge in ohinge? Meac kuht kuh in oruh in kuhtanglah mwet se ma moulkihn ma luhn facluh uh? (Liye Mosiah 3:19.)

3. Moul Nwacsnwacs

Riti ac sramsramkihn fuhs sollac ke 1 Mwet Korint 3:16–17; 5; 6:9–20.

- Meac Paul el kapsra mahnosr nuh kac uh? (Liye 1 Mwet Korint 3:16–17; 6:19–20.) Efuh kom nuhkuh muh kuhpahsr wowo se? Meac ma kuh in ahkolukyelah mahnosr uh? Meac kuht kuh in oruh in karihngihn mahnosr in ekihn tempuhl uh?

- Ke sensenkihnyacn ma koluk pucspucs ke pacl lah, Paul el ahkkahlwemye ekahsr ma koluk ke kosro uh (1 Mwet Korint 6:9). Meac ma sap luhn God ke kosro uh? (Liye D&C 42:23; 59:9.)

Elder Richard G. Scott el fahk: “Oacna sie kosro sahyacn macruht uh—kalme-yac sihk oacna sie puhsral nuh ke ma oal, ip ke sie pacna mahno, nuknuk kuh tiac nuknuk—ma koluk se ac God el tiac lwelah. Oacyacpac sie ma koluk in oraclah ohiyac inge in sikyak ke monum sifacna.” (ke Conference Report, Oct. 1994, 51; kuh *Ensign*, Nov. 1994, 38).

- Efuh ma koluk ke kosro uh koluk na pwacye? (Liye fahk inge.) Meac mwe in-sewowo ke nwacsnwacs?

Elder Joseph B. Wirthlin el luti: “Sie ma koluk yohk fahsrelihk ke yac inge pa nuhnak se ma in ahkahko uh ma wowo se ac lwelah ac wacngihn ma koluk tuhkuh kac. Ma pwacye uh, in ahkahko uh el oruh ma in sikyak in oasr kwe-ok ac kuhtuh pac elyah pucspucs ma sikyak mihsenge, pa nuh ke, mas suhlal-lacl, pihluctuc sislac tuhlihk nahtuh, fahsrelihk luhn sucu, sucu ma wacngihn Pahpah, ac Ninac ma srackna tuhlihk uh” (ke Conference Report, Oct. 1994, kuh *Ensign*, Nov. 1994, 76).

Elder Boyd K. Packer el luti: “[Setuhn] el etuh lah kuh in oraclah se inge tiac ma srihk se ma ke plwacn, tuhsruhktuh ki nuh kac. El etuh lah el fin kol kom in mahngosr in orekmakihn kuh se inge, in orekmakihn ke kihtin pacl na, kuh in pihlesruh nuh ke oacna sie inkacnek, ac wacngihnlac pacl lom nuh ke kapkapwack nuh ke moul ma pahtpaht.”(ke Conference Report, Apr. 1972, 137; kuh *Ensign*, July 1972, 112).

- Paul el kihsen kahsrnuh nuh sin Mwet Luhlahlfongi “tiac [wi] mwet liyeyuck ma koluk uh” (Mwet Korint 5:9). Kihsen kahsrnuh se inge orekmakihnyuck nuh sesr fuhkah? (Sramsramkihn lah kawuck ac kainin mwe ahkpwacr kuht sulacalah uh kuh in ahkkolukyelah fuhkah kena lasr uh ac kuh in nwacsnwacs uh.) Kuht kuh in sensenkihn oruh luhn ma koluk uh fuhkah?
- Meac ohiyac Setuhn el orekmakihn in sang srihfe kuht suc wacngihn ke ma sap luhn God nuh ke nwacsnwacs uh? (Liye fahk se ten inge.) Kuht kuh in tu kuh ke mwe sruhf inge fuhkah? Meac mwe ahkpwacye 1 Mwet Korint 10:13 use nuh sesr ke kuht srihke in sensenkihn mwe sruhf in oraclah ma koluk ke kosro uh? Kom ac ahkihnsewowoyeyuck fuhkah ke kom suk kahsrnuh luhn Leum in sensenkihn mwe sruhf uh?

Elder Richard G. Scott el fahk: Setuhn el srihfe kais sie in luhlahlfongi lah oasr luhpah luhn kais sie kahl inmahsrlon kais sie suc suk kuh mukwikwi elos oraclah uh, ac fin karihngihnyuck, wacngihn ma ac ahkkolukye ac sikyak. In sie mwet loh luhn Jisus Kraist, Nga kuh in fahk lah stuhuh na pwacye.... Sulacalah lah kom ac meac ac fah tiac oruh. Ke mwe sruhf tuhkuh uh, nimet ekuhllah ohiyac pwacye lom an” (ke Conference Report, Oct. 1994, 51; kuh *Ensign*, Nov. 1994, 38).

- Meac olwelah Kihsackuhnlah luhn Jisus Kraist oruh nuh selos suc auliyak ke ma koluk luhn kosro uh? (Liye 1 Mwet Korint 6:11; Isaia 1:18; D&C 58:42.)

akiyac nuh sesr uh. Kom ac ke sramsramkihn in fototo sie sramsram ke kan-fracns ma mwet pahluh kuh sie sin mwet sap sramsram ke sifac ma Paul el sruh-muhn ke lwacta lal nuh sin mwet Korint, in sensenkihn akuhkuhin, muhtana ke Nguhn, kuh muhtana nwacsnwacs. Fin fal, in akacsruhi lah kom ac ahkinsewo-woyeyuck fuhkah ke kom orekmakihn kihsen kahsruh sel Paul kuh sie sin mwet sap ke pacl mihsenge uh kuh mwet pahluh.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ipin lesin an.

1. “Ma suc God el ahkolah nuh selos ma luhngse el uh” (1 Mwet Korint 2:9)

- Meac wowo se kuh kahto emet se kom nuh liye kuh puhlakihn uh?

Sap sie mempucr ke kuhlals in riti 1 Mwet Korint 2:9. Ahkkahlwemye lah mwe ahkinsewowo ma God el ahkolah nuh sesr kuht fin luhngse el ac karihngihn ma sap lal pa ma wowo liki ma nuhkwea ma kuht kuh in akihlen uh.

2. “Mwet lili elos som nuh ye muhtuhn mwet nuhnunhkuh ke ma sap in lain mwet lili” (1 Mwet Korint 6:6)

Riti ac sramsramkihn 1 Mwet Korint 6:1–8.

- Pucs sin mwet luhlalhfongi fin acn Korint ahksuwohsyelah inmahsrloltahl fuhkah? (Liye 1 Mwet Korint 6:1–8.) Ma se inge oruh fuhkah in oraclah muhsahlwelihk? Elyah se inge kahlwem fuhkah mihsenge? Meac kuht kuh in luti ke kihsen kahsruh lal Paul?

“Karihngihn Akwuck, Oacna Ke Nga Usot Uh”

1 Mwet Korint 11–16

Srihpac

In kahsrh mempucr ke kuhlahs in akihlen yohk srihpaciyaen mouh uh fal nuh ke mwe luti ke wosasuc uh ac eisyacn akwuck ke pristut.

Ahkolah


1. Rit, nuhnkuh, ac pruhe ke ma suhmuhslah inge:
 - a. 1 Mwet Korint 11:1–3, 11–12. Paul el luti ke kuhpahsr luhn mukul tuhma acmuhtwacn kiac nuh sin sie sin sie ac nuh sin Leum uh.
 - b. 1 Mwet Korint 11:17–29. Paul el luti lah Kuhfa luhn Leum mwe akucl ke kihsackuhnlah luhn Mwet Lahngo ac enenuh in ahkfalyeyuck in esam kacl.
 - c. 1 Mwet Korint 12–14. Paul el luti lah oasr mwe sang in nguhn pucspucs ac ma inge kwewa yohk nuh ke Alu uh. El luti lah luhngse pwacye na pwacye yohk liki kuhtwena mwe sang kuh ma yohk. El luti lah mwe sang luhn nguhn enenuh in orekmakihnyuck nuh ke srihpac wo luhn nohfohn.
 - d. 1 Mwet Korint 15. Paul el luti lah ke srihpen Jisus Kraist, kuht ac fah moulyak. El oacyacpac sramsram ke pacptais ke mwet misac ac ke wolacna tolu ac.
 2. Ma in weacng mwe rit: 3 Nephi 18:1–14; Moroni 7:44–48; 10:8–18; Doctrine and Covenants 46:1–26; 76:50–119; 88:27–32, 95–102.
 3. Fin petsac tahklac inge oasr, orekmakihn kuhtuh ke pacl in lesin an in ahkuhtweyac ke luhngse pwacye uh: *Waiting Our Turn* (62316); *Sharing the Tricycle* (62317); *Family Fun* (62384); *Administering to the Sick* (62342); *Gospel Art Picture Kit 613*; *Home Teaching (Gospel Art Picture Kit 615)*; *Serving One Another (Gospel Art Picture Kit 615)*.
 4. Mwe nguhsr nuh ke mwe luti: In luti wosasuc in wo, mwet luti enenuh mwe sang nuh ke sie insiac kahlwem. In kahlwem pwacye ke enenuh luhn mempucr ke kuhlahs, mwet luti enenuh in oasr luhngse na pwacye se ac in kolyuck ke Nguhn Muhtahl. Mwet luti enenuh ke pruhe in motko enenuh luhn kais sie mempucr ke kuhlahs ac fuhkah in kahsrh oraclah enenuh ingacn.
-

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Siyuck mempucr ke kuhlahs fin elos etuh lah mac acn in fahsrelihke ke soko acn in kasruhsr luhn tuhrein. Sruhlwacnah soko ke port an (oacna ke ahkkahlwemyeyuck ke sra pwepuh se tok an), ac ahkuhtweyac lah sie acn in fahsrelihke pa acn se ke acn in kahsrhsr luhn tuhrein uh ma kuh in oruh soko trein in kasruhsr ke soko pacna acn in kahsrhsr.



Akacsruhi ke ma se inge sel Elder Gordon B. Hinckley:

“Yac pucspucs somlah nga orekma ke ohfuhs luhlaph ke acn orekma ke trein. Sie lwen ah nga eis sie pahng ke tacluhfon sin sie mwet wiyuck orekma fin acn Newark, New Jersey, suc fahk lah soko trein in wiwac ah tuhkuh a wacngihn ma soko ma ap ah an kac ah. Mwet ah foloyak.

“Kuht konwacack lah rein soko ah oraclah wo na fin acn Oakland, California, ac utucklac nuh St. Louis, nuh ke kais sie acn in tui nekena sun acn Macrke lac lacn nuh yeir in an we. Tuhruhk fin acn St. Louis, sie mwet suhkwas nuhnak orekma ke acn in fahsrelihk luhn trein ac moklelah soko osra in kahsruhsr luhn trein ac ke insis tolu. Ipin osra sac sie acn in fahsrelihk, ac ma soko na enenuh in sun acn Newark, New Jersey ac, oasr fin acn New Orleans, Louisiana, mael 1,300 liki” (ke Conference Report, Oct. 1972, 106–7; kuh *Ensign*, Jan. 1973, 91).

Ke kom ahksahfyelah sramsram se inge, fohlohklac nuh ke port an ke acn in fahsrelihk luhn trein an na siyuck ke kihsensiyuck inge:

- Fuhkah ne sie ikihlyuck na srihsrsrihk oruh ma na yohk nuh ke acn trein soko ah ac oasr we ah? Me ac kuhtuh acn in fahsrelihk ke moul lasr uh? (Top uh kuh in pa ma sikyak, sulacлах, etwacack sasuc, kuh oacna sie ma ma ac ekuhl-lah inkacnek nuh ke moul lasr. Acn in fahsrelihk uh kuh in tiac pwacye fin ma inge ac kol kuhtlac liki ma pwacye kuh wo fin ma inge fohlohkihn kuht-lac nuh ke inkacnek pwacye.)

Sapta sahflah se ke lwacta se met lal Paul nuh sin mwet Korint ahkkahlwemye ma yohk ahkosr ke acn in fahsrelihk ma mwet Korint som liki ma pwacye uh kac. Ahkuhtweyac lah ke kuht lutlut ke mwe luti lal Paul ke sapta inge, kuht kuh in ahkweye olwelah lasr in ukwe inkacnek suwohs ma ac kol kuht nuh yurin Pahpah tuhmasr Inkuhsrao uh.

Mwe sramsram ke ma suhmuhslah ac moukkihnyac

Ke kom luti sramsram ke ma suhmuhslah inge, sramsramkihn lah ma inge ac orekmakihnyuck fuhkah nuh ke moul in lwen nuhkweya uh. Kwacfe mempucr ke kuhlahs in akacsruhi ke ma elos puhlakihn ma fototo nuh ke ma yohk ke ma suhmuhslah.

1. Kuhpahsr luhn mukul tuhma ac muhtwacn kiac nuh sin sie sin sie ac nuh sin Leum uh

Rit ac sramsramkihn 1 Mwet Korint 11:1–3, 11–12.

- Meac mwe kuhpahsr tolu Paul el sramsramkihn ke 1 Mwet Korint 11:3 an? Efuh kom nuhnkuh muh Paul el likiyac nohfohn mwe kuhpahsr inge nuh sie? Meac yohk tuhkuh ke mwe kuhpahsr inmahsr lon Jisus Kraist ac Pahpah tuh-mwac! (Liye Jon 5:20; 8:29; 17:21–22). Kuht kuh muhsahi ma yohk inge nuh ke kuhpahsr lasr nuh sin Jisus Kraist fuhkah? Mukul ac muhtwacn pahyuck muhsahi ma yohk inge nuh ke kuhpahsr laltahl fuhkah?
- Meac kalmac tuh “tuhsruhktuh wacngihn muhtwacn fin wacngihn mukul, ac wacngihn mu fin wacngihn muhtwacn, in Leum”? (1 Mwet Korint 11:11). Efuh kuhpahsr luhn mukul tuhma ac muhtwacn kiac arulacna yohk srihpac ke tohkohsrahi luhn God? Meac ma se inge luti kuht kac lah mukul ac muhtwacn pahyuck uh enenuh in ahkfuhlwactye sie sin sie fuhkah?

Prestuhn Marion G. Romney el luti: “[Sie mukul ac muhtwacn pahyuck] enenuh in ma se na ke wo, ahkfuhlwact, ac wo inmahsrlo. Kwewana enenuh in plwacni kuh ukwe soko inek in mukwikwi. Elos enenuh in akacsruhi, pruhe, ac tuhkweni otwelah.... Esam lah kwewana muhtwacn kuh mukul pahyuck sie mwet kohs nuh sin sie. Mukul ac muhtwacn pahyuck oacna sie” (“In the Image of God,” *Ensign*, Mar. 1978, 2, 4).

Kom fin orekmakihn mukwikwi ahkoeyucklac an, sramsramkihn lah kuhpahsr inge kuh in orekmuh acn in fahsrelihk pwacye kuh stuhuh ke moul lasr uh.

2. Srihpen Kuhfa luhn Leum

Rit ac sramsramkihn 1 Mwet Korint 11:17–29. Ahkuhtweyac lah mwet luhlalfongi pucspucs fin Korint tiac akihlen srihpen kuhlwasnsuhpweyacn kuhfa luhn Leum. Liki na elos in loh nuh ke akwuck ke Kuhfa luhn Leum, elos akuhkuhkin sie sin sie ac kwac mongo ac nihmnihm (1 Korint 18:22).

- Meac srihpac na pwacye ke miting ke kuhfa luhn Leum? (Liye lweng ke Joseph Smith Translation ke 1 Mwet Korint 11:20, suc fahk muh pa in mongo ke mongo in ekuh luhn Leum.)

Elder Jeffrey R. Holland el luti: “Ke yohkkihyac in tiac wi kuh in asr, [Kuhfa luhn Leum] enenuh in liksreni akihlenyuck in oacna kuhtuh pacl uh. Enenuh in arulacna kuh, muhtahl, pacl na yohk se in nwetlah esam kac. Enenuh in use puhla ac akihlenyacn oasr luhn nguhn. Ohinge enenuh in tiac salkweyuck. Tiac ma ‘in salkweyuck se in tari,’ in muh ahkkahlwemye lah miting ke Kuhfa luhn Leum ahksahfyeyucklac. Pa inge srihpac na pwacye luhn miting sacn uh.” (ke Conference Report, Oct. 1995, 89; kuh *Ensign*, Nov. 1995, 68).

- In oacna Paul, mac srihpac luhn kuhfa luhn Leum? (Liye 1 Mwet Korint 11:23–26; oacyacpac liye Luk 22:19–20). Kuht ac kuh in karihngihn wo nuhnak lasr ac insiacs in loh nuh sin Jisus ke kuht eis kuhfa luhn Leum uh fuhkah?
- Meac Paul el luti ke yohk srihpaciyaen nwacsnwacs ke eisyacn kuhfah luhn Leum uh? (Liye 1 Mwet Korint 11:27–29.) Efuh in akihlen nwacsnwacs lasr sie ip yohk ke uhfah luhn Leum uh?
- Eisyacn kuhfah luhn Leum ahkinsewowoye kom fuhkah? Kuht ac oruh akwuck se inge in yohkwaclihk kalmac nuh ke moul lasr uh fuhkah?

Kom fin ac orekmakihn mukwikwi ahkoeyucklac an, sramsramkihn lah fuhkah ohiyacs nuh ke uhfah luhn Leum kuh in sie acn suhngwaclihk ke moul lasr uh?

3. Yohk srihpac luhn mwe sang nuhkewewa luhn nguhn

Sramsramkihn 1 Mwet Korint 12–14. Ngihstre mempucr ke kuhlals in riti fuhs sollac an in yohk. Ahkuhtweyac lah lwacta lal Paul ngihstre tuh Mwet Luhlahlfongi fin acn Korint elos likiac yohk tari ke yohksrihpaciyaen mwe sang luhn lohoh (1 Mwet Korint 14:2–14, 27–28). Ke sapta 12–14, Paul el akuhtweyac lah mwe sang luhn Nguhn nuhkewewa yohk srihpac, tuhsruhktuh Mwet Luhlahlfongi enenuh in suk mwe sang ma ac wo nuh sin nuhkewewa.

- Meac mwe sang luhn nguhn? (Mwe insowowo luhn nguhn kuh kuh ma itucyng ke Nguhn Muhtahl. Liye 1 Mwet Korint 12:7–11; D&C 46:11.) Efuh God el sang mwe sang luhn nguhn? (Liye D&C 46:26.)
- Meac mwe sang luhn Nguhn kom pulakihn kuh akihlen uh? (Kom ac ke suhmuhslah ac sramsramkihn kuhtuh mwe sang luhn nguhn ma ahkkahlwemyeyuck ke 1 Mwet Korint 12:8–10, Moroni 10:8–17, ac D&C 46:13–25.) Mwe sang inge ahkinsewowoye kom ac Mwet sahyac fuhkah?
- Efuh kom nuhnkuh muh Paul el kuhpahsri mempucr ke Alu nuh ke kainin ip ke mahno se? (1 Mwet Korint 12:12–25. In ahkkahlwemye lah kais sie mempucr yohk srihpac nuh sin mempucr pac sahyac ah ac nuh sin Alu uh in ma se na.) Kuht kuh in orekmakihn kuhpahsr se inge nuh ke kain in mwe sang luhn Nguhn fuhkah?
- Ma suhmuhslah kahre kuht in suk mwe sang luhn nguhn (1 Mwet Korint 12:31; D&C 46:8). Meac ac srihpac lasr in suk mwe sang luhn Nguhn? (Liye 1 Mwet Korint 14:12, D&C 46:9. Fin kuh, ahkuhtweyac lah in kapkapwack pa in muhsaheack, lotweacng, ac in sang kahlwem nuh se.)
- Meac Paul el luti muh yohk emet ke mwe sang nuhkewewa? (Liye 1 Mwet Korint 13. Konwacack kais sie ma luhmweyuck nuh ke luhngse na pwacye sruhmuhnyuck ke fuhs 4–7, ac sramsramkihn lah kuht ac orekmakihn ma inge fuhkah nuh ke moul lasr uh. Kom ac ke suhmuhslah ma luhmweyuck inge ke port an.) Efuh kuh luhngse na pwacye uh yohk srihpac liki oacna sie mwe sang luhn nguhn uh? (Liye 1 Mwet Korint 13:1–3, 8–13.)
- Kom ahkinsewowoyeyuck fuhkah sin siena mwet suc ahkkahlwemye luhngse pwacye nuh sum uh? Kuht kuh in muhsaheack luhngse na pwacye uh fuhkah? (Liye Moroni 7:44–48).

Kom fin ac orekmakihn mukwikwi ahkoeyucklac an, sramsramkihn lah luhngse na pwacye uh kuh in orekmakihnyuck sruhluhkihn sie acn in fahsrelihke ke moul lasr uh.

4. Moulyak ac Kain in Wolacna

Rit ac sramsramkihn fuhs sollac ke 1 Mwet Korint 15. Ahkkahlwemye lah mwet Korint pucspucs muhtwacwacack in akuhkuhin ke pwacyeyiacn moulyak (1 Mwet Korint 15:12).

- Meac mwe loh luhn moulyak Paul el sruhmuhn kac? (Liye 1 Mwet Korint 15:5–8.) Efuh kom nuhnkuh muh Paul el sramsramkihn mwet loh puhs ke moulyak yohk srihpac nuh sum se? (Liye Korint 13:1.) Efuh mwe loh ke sifilpac moulyak uh yohksrihpac nuh sum?

- Meac Paul el luti ke inmahsrln kuhpahsr nuh ke puhtatlac lal Adam ac moulyak? (Liye 1 Mwet Korint 15:20–23.)
- Paul el orekmakihn mwe luti ke pacptais nuh ke mwet misac in luti ke moulyak uh fuhkah? (Liye 1 Mwet Korint 15:29. Akwuck ke pacptais nuh ke mwet misac ac wacngihn kalmac fin wacngihn moulyak.)
- Meac Paul el luti ke tohkohsrahi luhn wolacna? (Liye 1 Mwet Korint 15:35–44. Kuhtmoulyak nuh ke kain in tohkohsrahi luhn wolacna—Celestial, Terrestrial, Telestial, kuh oayacpac liye D&C 8:27–32.) Kahlwem lom ke moulyak ac tohkohsrahi luhn wolacna ekuhllah fuhkah ohiyac nuh ke moul lom?

Sahflah

Ahkkahlwemye ke yohk srihpacyacn akwuck inge suc ac kol kuht in fohlohk nuh yurin PahpahTuhmasr Inkuhsrao. Kom ac fin orekmakihn mukwikwi ahkoe-yuklac, ngihsre mempucr ke kuhlals in akihlen moul lalos sifacna nuh ke acn in fahsrelih—elah ac mukwikwi ma fin ukohk kuh in ekuhllah fahsriyacn moul lalos. Kwacfelos in sulaclah acn ma ac tiac ekuhllah moul lalos nuh ke ma pwacye.

Nuhnak in weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ipin lesin an.

1. “God el tiac God Fohs Se” (Liye 1 Mwet Korint 14:33)

Ngihstre mempucr ke kuhlals in riti 1 Mwet Korint 14:33. Na siyuck kihsensiyuck inge:

- Meac kuhtuh ohiyac kuh ma ma oasr fohs yohk kac ac ma koluk fin facluh? Efuh kom nuhnkuh muh oasr fohs yohk fin facluh? God el “God in ... mihs-lac” fuhkah?

2. Mukwikwi luhn Mwet Fuhsr

Met liki kuhlals, nuhnkuh ke kuhtuh ohiyac ke moul lwen nuhkwewa luhn mwet fuhsr suc ma oasr pacl laltahl in ahkkahlwemye luhngse (fin pa, liye sie mwet enenuh kahsrub ke lutlut ac, tiac insese nuh sin tamuhlwel kuh tahmtah-el, kuh oasr kawuck se la suc ma puhla muhkahim-tahlkuh tiac ohi).

Ahkkahlwemye ohiyac se inge nuh sin mwet fuhsr, ac siyuck lah eltahl ac orekmakihn fuhkah ohiyacn luhngse, oacna ke Paul el luti ke 1 Mwet Korint 13, in ahkyohkye ohiyac se inge.

“Kom In Ahkfwelyaclah nuh sin God”

Lesin Ahk
35

2 Mwet Korint

Srihpac

In kwacfe mempucr ke kuhlals in mwet tuhma lutlut pwacye luhn Jisus Kraist ke orekmakihnyacn kihsen kahsrub lal Paul ke 2 Mwet Korint.

Ahkolah

- Rit, nuhnkuh, ac pruhe ke ma suhmuhslah inge:
 - 2 Mwet Korint 1:3–11; 4; 6:1–10; 11:21–33; 12:1–10. Paul el luti ke kuh-tangyacn kweok.
 - 2 Mwet Korint 2:5–11. Paul el kwacfe Mwet Luhlahlfongi in nuhnak muhnahs nuh sin sie sin sie.
 - 2 Mwet Korint 7:8–10. Paul el luti ke ahsor fal nuh sin God ke ma koluk.
 - 2 Mwet Korint 5:17–21. Paul el kwacfe Mwet Luhlahlfongi in fungyang nuh sin God.
 - Fin Petsac in Orek ke Wulweacng Sasuc (53914) oasr, oruh in liyeyuck “Ahsor fal nuh sin God” ip se minit singucul sie, ke lesin an.
 - Kom fin orekmakihn mukwikwi ahkoeyucklac, use kuhtuh srihsrihk luhpan puhkpuhk an nuh ke kuhlals.
 - Mwe nguhsr nuh ke mwe luti: Srelah pacl ke sahflahiyacn kuhlals in ahkfoto-toyelah ma kom luti an. Sie ahkfoto plwacniyucklac wo kuh in kahsrub mempucr ke kuhlals in oracni ac etuh ke ma elos luti ac motko lah ac fuhkah in orekmakihnyuck nuh ke moul laltahl.
-

Mwe Nguhsr Nuh Ke Ahkyohkyeyacn Lesin

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Ahkkahlwemye nuh sin mempucr ke kuhlals puhkpuhk kom use nuh ke kuhlals an?

- Fin sie mwet kom luhlahlfongi sot nuh sum puhkpuhk olwelah muh oasr kol kac, meac kom ac oruh?

Lwelah mempucr ke kuhlals in top nuh ke kihsensiyuck an. Na riti fahk inge sel Elder Henry B. Eyring ke esyacn kihsen kahsrub sin Mwet Pahluh:

“Nimet sislah kihsen kahsrub, tuhsruhktuh karihngihn muh sie ma soh. Fin sie mwet kom luhlahlfongi usot nuh sum sie ma olwelah muh oasr kol kac, kom ac kuh in sruokyac ke poum ke kihtin pacl, usruk kuhtuh srihsrihk. Pacl nuhlwewa nga oruh ma se inge ke kihsen kahsrub luhn sie mwet pahluh, tukun puhlan pacl se na ipin kol ah muhtwacwacack in sikyak ac nga srui” (ke Conference Report, Apr. 1997, 35; kuh *Ensign*, May 1997, 26).

- Meac kalmacn fahk se lal Elder Eyring inge?

Ahkuhtweyac lah puk luhn 2 Mwet Korint nanwack kihsen kahsrh ke pahluh ma orekmakihnyuck ke pacl lasr mihsenge uh. Luti lal Paul ke lwacta se inge oacna luti kuht kwacna lohng ke kanfracns luhlahp uh. Elder Eyring el akihlen, “ke kahs luhn mwet pahluh kwac kalweniyuck, ma oruh kuht in loh nuh kac” (ke Conference Report, Apr. 1997, 32; kuh *Ensign*, May 1997, 25). Kwacfe mempucr ke kuhlals in eis kahsrh ke lesin se inge ac “sruokyac in kuh.”

Mwe sramsram
ke Ma Suhmuhsalah
ac Moulkihnyac

Lesin se inge kihtakatwelihk nuh ke ip ahkosr ma tuhngal sifac yohk ke 2 Mwet Korint. Pruhsulaclah lah piac sin sifac inge ac sramsramkihnyuck nuh sin mempucr ke kuhlals uh.

1. Kuhtangyacn Kweok

Rit ac sramsramkihn 2 Mwet Korint 1:3–11; 4; 6:1–10; 11:21–33; 12:1–10. Ngihstre mempucr ke kuhlals in riti fuhs sollac inge in yohk.

- Lwacta lal Paul nuh sin mwet Korint sihmlac tukun pacl in ahkkoluk yohk ke Paul ac Timothy “fuhlweack finsrak ke moul” (2 Mwet Korint 1:8). Efuh Paul ac Timothy kuh in sensenkihn muhnahsalah in luhlahlfongi lalos ke moul finne elos puhla ma upac, sensen, ahkkolukyeyuck, ac lihllihllac? (Liye 2 Mwet Korint 1:3–5; 4:5–15.) Efuh kuh Pahpah Lucng ac Jisus Kraist pa inkacnek wo lasr nuh ke ahkwo uh?

Elder Neal A. Maxwell el ahkacsmakihnye kuht lah Jisus Kraist el ac kahstre kuht ke kweok lasr uh:

“Ke kuht eis srenenuh luhn Jisus’ nuh facsr uh, ahkkahlwemye nuh sesr nuh ke ma Paul el pahnon ‘akacsruhi ke kweok luhn [Kraist]’ (Mwet Filippai 3:10). Lah mas kuh muhkwen, sesuwos kuh fohlohkohlah,... kuhpahsr srihsrihk lasr nuh ke kweok, kuht fin mongfihsracs, tili nuh ke nguhn in ikoacs. Na kuht srui yohk tiac ke kweok luhn Jisus nuh sesr muhkwen, ac oacyacpac Kacl sifacna, suc oruh ma wolacna nuh sesr ac oruh kuht in ukwe.”

“Alma el ahkkahlwemye lah Jisus el etuh in kahstre kuht ke infulwacn ahsor ac mas lasr ma na ke srihpen Jisus el nuh ahksasucyelah ahsor ac mas lasr tari (liye Alma 7:11–12). El etuh ke ma inge tari; etuh lal ke kweok lasr tuhkuh ke ma el kweok kac. Ahok, kuht tiac na akihlen na pwacye liki na in kahlwem lah el mihsalah ma koluk nuhkwen, tuhsruhkwac lah lal srackna mwe molwelah ac mwe ahkkweye ma pwacye” (ke Conference Report, Apr. 1997, 13; kuh *Ensign*, May 1997, 12).

- Pahpah Lucng ac Jisus Kraist kahstre kom fuhkah ke pacl oasr mwe sruhf uh?
- Paul el ahkkahlwemye kena se in kahsrh mwet sahyac in eis mwe ahkwo se pacna el eis sin God ah (2 Mwet Korint 1:4). Kuht kuh in kahsrh kuhtuh pac in eis ahkwo sin God fuhkah?
- Paul el sang kuloh nuh sin mwet luhlahlfongi suc pruhe kacl ac Timothy ke kweok laltahl (2 Mwet Korint 1:11). Efuh kuh yohk srihpac nuh sesr in pruhe ke kais sie sesr? Pruhe ke kuh twepacna uh ahkinsewowoye kom kuh sie pac mwet kom etuh uh fuhkah? Kuht ahkinsewowoyeyuck fuhkah ke kuht pruhe ke kuhtuh pac uh?
- Mwe lutlut ke 2 Mwet Korint 4:17–18 kahstre kuht fuhkah ke pacl in kweok uh? (Oacyacpac liye D&C 121:7–8.) Efuh ac kahsrh in akihlen mwe srihka-

srak liki moul ma pahtpaht? Kuht kuh in luti fuhkah in akihlen mwe srihkasrak liki moul ma pahtpaht uh?

- Paul el fahk nuh sin mwet Korint ke mwe srihkasrak ma el ac mwet luhlalhfongi pucspucs kampare kac ke srihpen luhlalhfongi lalos ke Jisus Kraist (2 Mwet Korint 6:4–5; 11:23–33). Meac ohiyac Paul el luti ma kuht enenuh in muhsahi in kabsre kuht in muhtweng mwe srihka srak uh? (Liye 2 Mwet Korint 6:4, 6–7.) Sie kuh puhs sin ohiyac inge kabsre kom fuhkah ke pacl in srihkasrak uh?
- Paul el fahk lah Leum el sang nuh sel sie tohtohlah-sie “tohtohlah in mahno” (2 Mwet Korint 12:7). Efuh kuh Leum el sang tohtohlah se inge nuh sel Paul? (Liye 2 Mwet Korint 12:7). Meac Paul el lotwelah ke Leum el tiacna eislah “tohtoh in ikoac” lal ke el siyuck ah? (Liye 2 Mwet Korint 12:8–10.) Muhnahs lasr kabsre kuht fuhkah in eis kuh sin Jisus Kraist? (Liye Ether12:27.) Kom liye fuhkah pwacyeyacn fahk lal Paul lah “ke nga muhnahs, na nga kuh”?

2. Nuhnak Muhnahs nuh sin Mwet Sahyac

Rit ac sramsramkihn 2 Mwet Korint 2:5–11.

- Paul el kabsruh mwet luhlalhfongi in nuhnak muhnahs nuh sin sie sin sie. (2 Mwet Korint 2:5–8). Efuh yohk srihpac tuh kuht in nuhnak muhnahs nuh sin kuhtuhpac? (Liye Mattu 6:14–15; 2 Mwet Korint 2:7–8; D&C 64:9–10. Sramsramkihn lah kuht—ac kuhtuhpac—ac puhlakihn fuhkahke kuht nuhnak muhnahs ac ke kuht tiac nuhnak muhnahs uh.)

Prestuhn Gordon B. Hinckley el fahk:

“Kuht liye enenuh luhn [nuhnak muhnahs] in lohmi sin mwet, suc ma srihsrihk uh sang oraclah ma yohk uh. Kuht liye ohiyac se inge inmahsrlon mwet tuhlan, ma sielacna srihsrihk uh kohllah nuh ke ma upac. Kuht liye ohiyac se inge ke mwet wi kuht orekma suc muhlat ac sruhnga insese ac nuhnak muhnahs ke, inkaiyacn ma uh, fine oasr kena in tuhkweni pihtucki muhta ac mihs lac sramsram nuh sin sie sin sie, na ma sacn kuh in ahkpwacyei-yucklac in ahkinsewowoye nohfohn. Fin tiac ohinge, elos ac sislah pacl lalos in ahkkweye in tiac insese ac in plwacniac ma suhfal....

“Fin ac oasr sie suc kihte insiaclos puhla ma ac oraclah ma upac nuh sin sie pac mwet, nga fuhlahk nuh sum in siyuck sin Leum ke kuh in nuhnak muhnahs. Luhman kena se inge ac fah sie ma nuh ke auliyak lom. Ac kuh in tiac fihsracsr, ac kuh in tiac sa. Tuhsruhktuh kom fin ac suk kac ke insacnweacng ac ahkkapye, ac fah tuhkuh....

“... Wacngihn mihs in fohlohklac esamwack ke kweok luhn ma somlah. Oasr mihs lac muhkweni ke auliyak ac nuhnak muhnahs. Pa inge mislac wowo ke Kraist, suc fahk, ‘insewowo elos suc ahkiuwe tuh elos fah pahngpahng tuhlihkuhtin God.’ (Matt.5:9)” (“Of You It Is Required to Forgive,” *Ensign*, June 1991, 2, 5).

- Meac kuht kuh in oruh in kuh in nuhnak muhnahs in yohk uh?

3. Puhlakihn ahsor fal nuh sin God ke ma koluk lasr

Rit ac sramsramkihn 2 Mwet Korint 7:8–10.

- Tukun lohngkihn lah sie sin lwacta lal ah “oruh [Mwet Korint] taltal koluk,” Paul el engan (2 Mwet Korint 7:8–9). Efuh kuh Paul el top ohinge nuh sin

mwet taltal koluk fin acn Korint? (Liye 2 Mwet Korint 7:9–10.) Meac kalmac in oasr “ahsor fal nuh sin God” ke ma koluk lasr?

Kom fin orekmakihn petsac in liyeyuck ke “ahsor fal nuh sin God,” oruh in liyeyuck ingena.

- Meac sielacna liki ahsor fal nuh sin God ac “ahsor luhn facluh?” Eful kuh ahsor fal nuh sin God sie ip yohk srihpac ke auliyak uh?

Prestuhn Spencer W. Kimball el ahkkahlwemye: “Fin mwet se taltal koluk muhkweni ke srihpen siepacna mwet konwacack ke ma koluklal, auliyak lal tiacna sahflah. Ahsor fal nuh sin God oruh sie mwet in ke auliyak, finne el tiac loh sin kuhtwepacna ac oruh lwacn sulaclah in oruh ma wo finne ac oasr ma sikyak. Kain in pahkomuhta se inge use suwohswohs ac orekma nuh ke nuhnak muhnahs” (*Repentance Brings Forgiveness* [phamphlet, 1984], 8).

4. In iuwelah nuh sin God

Rit ac sramsramkihn 2 Mwet Korint 5:15–21.

- Paul ac Timothy kihsen kahsrub nuh sin mwet Korint in “iuwelah nuh sin God” (2 Mwet Korint 5:20). Meac kalmac in iuwelah nuh sin God?

Elder Bruce R. McConkie el fahk: “Iuwelah pa ohiyac se ma in uslah sie mwet liki pacl in orekma koluk lal ac nguhn fohkfohk ac in fohlohkohnuhlma nuh ke sie pacl in engan ac tuhkweni wi God ... mwet, suc ma luhn ikoac ac koluk suc moulkihn ma luhn facluh, eklac sie mwet sasuc ke nguhn muhtahl; el si-filpac isuslac; ac, finne in sie tuhlihik srihsrihk, el moul in Kraist.” (*Doctrinal New Testament Commentary*, 3 vols. [1965–73], 2:422–23).

- Kuht ac iuwekuhtlac fuhkah nuh sin God? (Liye 2 Mwet Korint 5:17–19, 21; 2 Nephi 25:23; Jacob 4:10–11.)

Sahflah

Ahkkahlwemye ke pwacyeyiacn ma kom sramsramkihn an. Kwacfe mempuccr ke kuhlahs in esam ac ukwe kihsen kahsrub lal Paul ke 2 Mwet Korint an.

Nuhnak in weacng mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ipin lesin sacn.

1. Sie “mwet luhngse ma luhn facluh” ac sie “mwet luhngse suk ma luhn God” (2 Mwet Korint 4:16)

- Paul el sramsramkihn ke sie “mwet luhngse ma luhn facluh” ac sie “mwet suk ma luhn God” (2 Mwet Korint 4:16). Meac kalmacn pohloh kahs luo inge? Sie “mwet suc suk God [kuh]in ahksasuc ke lwen nuh ke lwen” fuhkah? (2 Mwet Korint 4:16).

2. “Mwet tuhtahf luhn Kraist” (2 Mwet Korint 5:20)

- Paul el fahk lah el ac Timothy “mwet tuhtahf luhn Kraist” (2 Mwet Korint 5:20). Meac mwet tuhtahf po? (Sie mwet tuhtahfpo pa mwet in ahol se ma ahkkweyeyucklac suc sramsram in ahol ke kol luhn sie muhtuhnacl kuh u. Sie mwet tuhtahfpo el orekma in muhsahi kuhpahsr wo inmahsr lon mwet lal ac kuhtuh pac mwet sahyac.) Paul ac Timothy mwet tuhtahf luhn Jisus Kraist fuhkah? Kais sie sesr ac mwet tuhtahf luhn Jisus Kraist fuhkah?

“Mwet Kuloh Luhn God, Pahngonyuck Tuh In Mwet Luhlalfongi”

Lesin Ahk
36

Mwet Rom

Srihpac

In ahkacsmakihnye mempucr ke kuhlals lah elos tuhlihk nuhtin God ac in kwacfelos in moul suwohswohs ke ma muhtahl elos usru.

Ahkolah

1. Rit, nuhnkuh, ac pruhe ke ma suhmuhslah inge:
 - a. Rom 2–5. Paul el luti lah mwet nuhkwea ahksuwohsyeyuck ke luhlalfongi ke JisusKraist, suc enenuh in ahkkahlwemyeyuck ke orekma suwohs.
 - b. Rom 6; 8. Paul el luti lah tuhlihk nuhtin God kuh in sifil isuslac ac eklac mwet usru yurin Kraist.
 - c. Rom 12–13; 15:1–7. Paul el kihsen kahsrub nuh sin mwet Rom in moul ac in oacna Mwet Luhlalfongi.
 2. Ma in weacng mwe rit: Bible Dictionary, “Grace,” 697; “Lwacta lal Paul: 1 ac 2 Mwet Korint, Galatia, Rom” 745.
 3. Kom fin luhngse ngihstre sie mwet ah in muhkwenan on kuh sie u srihsrihk in onkihnh kuh sritaclkihnh “Nga Tuhlihk Nuhtin God” (*On ac On luhn Tuhlihk Srihsrihk*, nempuh 58, kuh *Children’s Songbook*, 2–3) kuh “I Feel My Savior’s Love” (*Children’s Songbook*, 74–75). Fin tiac kuh in orek, kom ac ke ahkolah in onkihnh soko kuh kwewana on inge yurin mempucr ke kuhlals.
 4. Mwe nguhsr nuh ke mwe luti: Ke lwacta lal nuh sin mwet Rom, Paul el ahkacsmakihnye mwet luti ke yohk srihpaciyacn moukkihnyacn ma yohk el luti (Rom 2:21–22). Srihkasrak lom kuh in luti mempucr ke kuhlals yohk likina ke kahs lom. Ahkkahlwemye nuh sin mempucr ke kuhlals lah luhlalfongi lom ke ma yohk ke wosasuc tuhkuh ke moukkihnyacn ma ingacn ke kais sie lwen (Jon 7:17).
-

Mwe Nguhsr Nuh Ke Ahkyohkyeyacn Lesin

Mukwikwi

Ahkoeyucklac

Fin wo, orekmakihnh mukwikwi inge kuh sie sin ma lom sifacna an in sramtweack lesin an.

Sap sie mempucr ke kuhlals in riti Rom 3:10. Ahkkahlwemye lah ke fuhs se inge, Paul el tiac ngihstre tuh in wacngihnh mwet oruh ma suwohwohs; ac, el ahkkahlwemye lah wacngihnh mwet fin facluh suwohs na pwacye. Kraist pa mwet se fanna suc moul la wacngihnh ma koluk kac. Mwet nuhkwea sahyac oraclah kuhtuh ma koluk (oacyacpac liye Rom 3:23).

Ke kuht oraclah ma koluk uh, meac kuht kuh in oruh in sifil pac nwacsnwacslah uh? (moukkihnh luhlalfongi in Kraist ac auliyak ke ma koluk lasr kuht in kuh in eis kuh in ahknwacsnwacs ke iwaclah lal).

Ahkkahlwemye lah ke pacl sena kuht oraclah ma koluk uh, kuht tiac kuh in sifil nwacsnwacs lah nohfohn in kuht sifacna. Lesin se inge ac sramsramkihn lah kuht kuh in eklac nwacsnwacs fuhkah ke Iwaclah luhn Jisus Kraist, sie ohiyac ma Paul el pahngon ahksuwosyeyuck.

Mwe sramsram
ke ma suhmuhslah
ac moulkihnyac

Pruhe in kom in sulaclah mwe rit ke ma suhmuhslah ac kihsensiyuck ma ac wo nuh ke enenuh luhn mempucr ke kuhlals. Kwacfe mempucr ke kuhlals in akac-sruhi luhlalhfongi lalos ke olweacng ac ma yohk sruhmuhnyuck ke lesin an.

1. Kuht ahksuwosyeyuck ke luhlalhfongi ke Jisus Kraist.

Rit ac sramsramkihn Rom 2–5. Ngihstre mempucr ke kuhlals in riti fuhs sollac in yohk. Ahkkahlwemye lah Paul el sihm nuh sin mempucr ke Alu uh ke kais kuhtuh acn suc fohlohklac in moulkihn ma sap lal Moses, luhlalhfongi lah lihksreni lohacng nuh ke ma sap se inge enenuh nuh ke molwelah. Ohinge Mwet Luhlalhfongi Rom elos fokoko ke wosacuc (Rom 1:8). Paul el suhmuhslah lwacta se inge in sifil sramsram ke ahksuwosyeyuck ac molwelah lah tuhkuh ke luhlalhfongi ke Jisus Kraist, tiac ke orekma ke ma sap lal Moses.

- Ke lwacta lal, Paul el srihke in kahruh mwet luhlalhfongi Rom in kahlwem ke olweacng luhn ahksuwosyeyuck. Meac kalmac in suk suwohs? (In iuwelah nuh sin God, taltal ke mwactan ma koluk, ac otwelah suwohs ac sesuwohs.)
- Efu kuht enenuh in ahksuwosyeyuck? (Liye Rom 3:10–12, 23; oacyacpac liye Alma 7:21. Kuht nohfohn lain God ac eklac fohkfohk ke ma koluk. Ke wacngihn ma fohkfohk kuh in muhta wi God uh, kuht enenuh in ahksuwosyeyuck in kuh in fohlohk nuh yohrohl.)
- Mac Paul el luti kac muh kuht in ahksuwosyeyuck fuhkah? (Liye Rom 3:24, 28; 5:1–2; oacyacpac liye 2 Nephi 2:6. Kuht ahksuwosyeyuck ke kuhlacng luhn Jisus Kraist ac luhlalhfongi lasr kacl.) Meac kuhlacng? (Kahsruh kuh kuh fokoko; liye Bible Dictionary, “Grace,” 697.) Kahsruh kuh se inge oreklac oasr yohrohsr fuhkah? (Liye Rom 5:8–11; 2 Nephi 2:7–8. Kuhlacng luhn Jisus Kraist oreklac nuh sesr ke Iwaclah lal.) Efu enenuh nuh sesr in oasr luhlalhfongi in kuh in eis luhn kuhlacng luhn Mwet Lahngo?
- Paul el ahkkahlwemye lah ahksuwosyeyuck tuhkuh ke kuhlacng luhn Jisus Kraist, tiac ke “oruh luhn ma sap” (Rom 3:20, 24, 28). Efu kuht tiac kuh in eis ahksuwosyeyuck ac molwelah tiac ke orekma lasr? (Liye Mosiah 2:20–21; Alma 22:14.)
- Mwet pucspucs luhngaslah sihm lal Paul in kalmac pa kuht kuh in ahksuwosyeyuck ke luhlalhfongi muhkwenac ac tiac orekma. Meac kuhpahsr luhn mukwikwi lasr (kuh orekma) ac ahksuwosyeyuck ke luhng kuhlacng luhn Kraist? (Liye Rom 3:31; James 2:14–18; 24; 2 Nephi 25:23; D&C 88:38–39.)

Mwet Pahluh Joseph Smith el fahk: “In ahksuwosyeyuck ye muhtuhn God kuht enenuh in luhngse sie sin sie: kuht enenuh in kuhtwanglah ma koluk; kuht enenuh in muhtwacta nuh yurin mwet suc wacngihn Pahpah tuhmac ac muhtwacn katin mas nuh ke kweok lalos, ac kuht kuht enenuh in karihngihn kuht sifacna in tiac fohkfohklah ke ma luhn facluh tuh ohinge wo inge tuhkuh ke unohn luhn alu pwacye, ahkkweye luhlalhfongi lasr in sang kwewana ma wo ma ac ahkkahtoye tuhlihke ke Jisus. Kuht kuhin pruhe ke puhlan pacl in pruhe; kuht kuh in luhngse mwet tuhlan lasr oacna kuht sifacna; ac in luh-

lahlfongi ke pacl in srihfweyuck; etuh lah mwe sang kac uh yohk ke tohkoh-srahi inkuhsrao. Ma na ahkwo se ac luhman ahsor. Mwe engan se!" (*Teachings of the Prophet Joseph Smith*, sel. Joseph Fielding Smith [1976], 76).

2. Kuht kuh in sifil isuslac ac eklac mwet usru yurin Kraist.

Rit ac sramsramkihn fuhs sollac ke Rom 6 ac 8 an.

- Paul el kapsra pacptais nuh ke misac, puckpucki, ac moulyak. Pacptais el ahol misac, puckpucki, ac moulyak (isuslac sasuc) fuhkah? (Liye Rom 6:3–4; D&C 76:50–52.) Pacptais uh sie isuslac sasuc fuhkah nuh sum?

Ahkkahlwemye lah pacptais ke tili otyak pa sie akucl ke sifil isuslac in nguhn lasr uh. Ke kuht som nuh ye kof uh, el akucl se lah kuht pihkihnyac ma mah lasr nuh lun kuclyuck uh. Ke kuht tuhkuh liki kof uh, kuht ahknwacsnwac-syeyucklac. Kuht eklac sie mwet sasuc suc olwelah in ukwe Kraist.

- Kuht kuh in karuhnganwacng nwacsnwacs ac "sasuciyacn mou" (Rom 6:4) ma kuht puhlakihn ke pacptais fuhkah? (Top uh kuh in pa ahksasucye olwelah ke pacptais lasr ke kuht ipeis ke kuhfa luhn Leum ke kais sie wik, in auliyak ac suk nuhnak muhnahs sin Leum, ac in muhtwacwacack ke kais sie lwen in ahksasucye sulaclah lasr in kuhlwanhsuhpuh God.)
- Meac kalmac in "nuhnkuh ke ma luhn ikoac"? (Liye Rom 8:5–6.) Mac ac si-kyak ke nuhnkuh ke ma luhn ikoac uh? (Liye Rom 8:6–8, 13.) Kuht kuh in eislah ma luhn ikoac uh liki nuhnak lasr uh ac insiacsr fuhkah? Kom ahkinse-wowoyeyuck fuhkah ke kom sulaclah in nuhnak in nguhn uh?
- Paul el fahkwack "lah kuht pa tuhlihk nuhtin God uh" (Rom 8:16). Kom kahlwem kac lah kom tuhlihk se nuhtin God fuhkah? Meac ma se inge ahkkahlwemye ke kuhiom ac ma kom kuh in oruh uh?

Elder Dallin H. Oaks el fahk: "Motko kuh in nuhnak lutyuck ke on na wowo soko lasr 'Nga Tuhlihk Nuhtin God' (*On ac On luhn Tuhlihk Srihsrihk*, nempuh 58).... Painge top nuh ke sie kihsensiyuck yohk ke mouh uh, 'Suc Nga Uh?' Nga sie tuhlihk nuhtin God ke nguhn suc kuhpahsr nuh ke pahpah ninac ki-yuck lucng. Pahpah Ninac ingoh ahkuhtweyack nuh sesr ke kuhiyacn mouh ma pahpaht lasr uh. Nuhnak kuh sacn sie mwe lokalok na kuh. Kuh in ahkkweye kais sie sesr in oraclah sulaclah wowo ac in suk ke ma se ma wo emet ma oasr yohrohsr uh. Muhtwacwacack ke nuhnak luhn sie mwet fuhsr nuhnak kuh se lah el sie tuhlihk nuhtin God, ac kom sang nuh sin mwet fuhsr sacn sifacna ahkfuhlwactye ac ahkkweye lain elyah luhn mouh" (ke Conference Report, Oct. 1995, 31; kuh *Ensign*, Nov. 1995, 25).

- Kom fin ahkolah in oasr "Nga Tuhlihk Nuhtin God" in onkihnyuck kuh sri-taclkihnyuck in pa on soko sollac onkihnyuck muh spesuhl soko an, sap mwet se ma ac muhkwenan on an kuh u srihsrihk se in oruh ingena. Kuh onkihni wi mempucr ke kuhlans an (liye ip se ke "Ahkolah" an).
- Meac mwe olwelah yohk Paul el fahk muh tuhlihk nuhtin God ac eis uh? (Liye Rom 8:17.) Meac kalmac in mwet usru yurin Kraist? (Liye D&C 76:50, 54–70.) Meac kuht kuh in oruh in eismwe usru yohk se inge? (Liye D&C 76:51–53.)
- In etuh lah kuht tuhlihk nuhtin God ac mwet oasr kuh in usru yurin Kraist kaksre kuht kwacfeacng ke srihkasrak luhn facl se inge fuhkah? (Liye Mwet

Rom 8:18, 28, 31; oacyacpac liye Mwet Rom 5:3–5.) Kom liye fuhkah “ma nuhkwewa in tuhkweni orekma nuh selos suc luhngse God”? (Mwet Rom 8:28).

- Meac Paul el luti ke Rom 8:35–39 ke luhngse luhn Jisus Kraist? Kom puhla fuhkah ke luhngse luhn mwet lahngo ke moul lom? Meac eklac ma luhngse lal oruh nuh ke moul lom?

Kom fin ahkolah in onkackihnyuck kuh sritackihnyuck “Nga Puhla Luhngse luhn Mwet Lahngo” in onkackihnyuck sruhluhkihn on sollac soko in onkackihnyuck sap mwet se ma ac muhkwenana on kuh u srihsrihk in onkihn ingena. Kuh onkihn wi mempucr ke kuhlahs an (liye ip se ke “ahkoelah” an).

3. Kuht enenuh in moul ac eklac Mwet Luhlahlfongi.

Rit ac sramsramkihn fuhs sollac ke Rom 12–13; 15:1–7.

- Paul al ahkkweye Mwet Luhlahlfongi Rom in esactahlwacng sifacna in “mwe kihsac moul se, muhtahl, ohi nuh sin God” (Rom 12:1). Kuht ac eis kuhtyang sifacna in mwe kihsac moul se nuh sin God fuhkah? (Liye 3 Nephi 9:20; D&C 59:8.)

Elder Bruce R. McConkie el ahkkahlwemye: “In eiskuhtyang [kais sie] in sie mwe kihsac moul pa in ahkkahlwemye luhngse na pwacye se ke ahkostwen” (*Doctrinal New Testament Commentary*, 3 vols, [1966–73] 2:292).

- Paul el kihsen kahsruh Mwet Luhlahlfongi Rom in “tiac loh nuh ke ma luhn facluh” (Rom 12:2). Meac kuhtuh inkacnek ma kuht loh nuh ke ma luhn facluh mihsenge uh? Kuht kuh in kuhtanglah mwe elyah se inge fuhkah? (Liye Rom 12:2.)
- Rom 12 ac 13 tahkuhnlah ohiyac ke Mwet Luhlahlfongi pwacye. Sap mempucr ke kuhlahs in konwacack ohiyac inge, ac suhmuhslah ke port an. (Kom ac ke kihtwacliik kuhlahs nuh ke u srihsrihk ac sang kais sie u in suk ke kais sie ip ke sapta an.) Na sramsramkihn kihsen siyuck inge ke kuhtuh sin ohiyac inge. Efuh ohiyac inge yohk srihpac in muhsahiyuck? Mac kuht kuh in oruh ke wik se inge in kalweni in pahtok ohiyac inge?
- Paul el luti nuh sesr in oruh nuh sin mwet lokalok lasr uh fuhkah? (Liye Rom 12:19–21.) Meac mwe in sewowo kuh in tuhkuh nuh ke moul lasr uh kuht fin oruh nuh sin mwet lokalok lasr uh ke inkacnek se inge? Meac mwe srihkasrak kom liye ke sie mwet ma orekmakihn kuhlwacng in kuhtanglah ma koluk kuh luhng sakihrihk uh?
- Meac ma sap Paul el fahk ma oracni nohfohn na kuhtwena ma sap pac sahyac? (Liye Rom 13:8–9.) Ma sap se inge oracni nohfohn ma sap nuhkwewa sahyac ah fuhkah? (Liye Rom 13:10.)
- Meac Peter el luti ke mempucr suc ma fokoko in luhlahlfongi enenuh in oruh nuh sin mempucr suc muhnahs in luhlahlfongi? (Liye Rom 15:1–7.) Sie mwet suc kuh in luhlahlfongi ac kahsruh fuhkah sie mwet suc muhnahs in luhlahlfongi?

Sahflah

Ahkkahlwemye lah ke luhlahlfongi in Jisus Kraist ac moul suwohswohs tuh kuht kuh in ahksuwoshyeyuck—ahkkahlwemye suwohswohs ac iwaclah nuh sin God

Ahkkahlwemye lah kuht tuhlihk nuhtin God ac oasr kuh in mwet usru yurin Kraist kuht fin luhlhlfongi in el ac moule oacna el sapkihn nuh sesr uh.

Nuhnak in weacng mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ipin lesin an.

1. “Nga tiac mwekihn ke wosasuc luhn Kraist” (Rom 1:16)

Sap sie mempucr ke kuhlals in riti Rom 1:16.

- Kuht kuh in ahkkahlwemye fuhkah lah kuht tiac mwekihn ke wosasuc luhn Jisus Kraist (Liye 1 Peter 3:15 nuh ke sie kihsen nguhsr. Tahkuhnlah top luhn mempucr ke kuhlals an ke port an ac kwacfe kais sie mempucr ke kuhlals in oruh siena sin ma inge ke wik fahsruh uh.)

2. Mukwikwi luhn Mwet Fuhsr

Sang nuh sin kais sie mempucr ke kuhlals sie ipin pwepuh ac pinsucl kuh pacn. Sap mempucr ke kuhlals in suhmuhslah ke pwepuh laltahl an kihsen siyuck inge ke Rom 8:31 an:

“Fin God el ma nuh sesr, suc kuh in lain kuht?” (Kom ac kena orekmakihn kahs ke Joseph Smith Translation, suc sang ip sahflah ke soko lain in kahs muh “suc kuh in lain kuht?”)

Sramsramkihn lah lain in kahs soko inge kuh in ahkkweye mempucr ke kuhlals ke moule lalos ke lwen nuhkweua uh. Kwacfe mempucr ke kuhlals in likiyac kaht sacn ke acn ma elos kuh in liye pacl nuhkweua uh.

Jisus Kraist: “Mwet Kol ac Mwet Ahksuwohsye Luhlahlfongi Lasr” (Mwet Hibru)

Mwet Hibru

Srihpac

In ahkacsmakihnye mempucr ke kuhlahs lah molwelah tuhkuh ke luhlahlfongi ke Jisus Kraist ac ahkostwen nuh ke ma sap lal.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mwet Hibru 1–4. Paul el ahkkahlwemye lah Jisus Kraist, Wen Kuloh Sefanna Nuhtin Pahpah Lucng, pa mwet Lahngo lasr.
 - b. Mwet Hibru 5; 6:20; 7. Paul el ahkkahlwemye lah Melchizedek Pristut pa sie ip ke fohnlah luhn wasasuc.
 - c. Mwet Hibru 8:1–10:18. Paul el luti lah ma sap lal Moses pa olwelah mah in-mahsrlon God ac tuhlihk nahtuhl, ac tuh wasasuc luhn Jisus Kraist pa olwelah sasuc. Olwelah mah sie luhmah kuh atac ke olwelah sasuc, tuh-sruhktuh olwelah sasuc muhkwen aasr kuh in molwelah kac.
 - d. Mwet Hibru 10:19–11:40. Paul el kwacfe mwet luhlahlfongi in orekmakihn luhlahlfongi ke Jisus Kraist elos in muh usruie sie acn ke tohkohsrahi luhn God.
2. Ma in weacng mwe rit: Mwet Hibru 6; 12–13; Bible Dictionary, “Pauline Epistles: Epistle to the Hebrews,” 746–47.
3. Mwe nguhsr nuh ke luti: Sensenkihn kom in tiac ma uh mwet in sramsram se. Kuhtuh pacl uh kom ac enenuh in sramsram in fototo in ahkkahlwemye ma uh, tuhsruhktuh sramsram uh kuh in sang mwe ahkkahlwemye kuh ahkuhtweyac ke sie ma yohk, oruh kom in sang pacl nuh sin mempucr ke kuhlahs in top ac sang kahsrh.

Mwe Nguhsr Nuh Ke Ahkyohkyeyacn Lesin

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Ahkuhtweyac ke ohiyac inge, ac siyuck mempucr ke kuhlahs in konwacack sie ma suhmuhslah ma ac kuh in orekmakihnyuck nuh ke sie ohiyac inge. (Kuhtuh na sin ma suhmuhslah inge pa ngihstreyc ke acn pacracntisis inge.)

1. Sie tuhlihk srihsrihk kom etuh suc lotwelah ke U luhn Tuhlihk Srihsrihk lah Jisus Kraist el oraclah facluh ac kena etuh lah oyac ahkkahlwemyeyuck ke ma suhmuhslah uh. (Mwet Hibru 1:2; Jon 1:1–3, 10; Mwet Efesus 3:9; Mosiah 3:8.)
2. Sie mwet kawuck puhlakihn elyah lal sifacna ac nuhnkuh kac lah Mwet Lahngo el kuh in kahsrel ac kahlwem ke ma el oasr kac fuhkah? (Mwet Hibru 2:6–8, 2 Nephi 1:15; Alma 7:11–12.)

3. Sie mwet kawuck tiac mempucr nuhnkuh lah enenuh sie mwet oasr pristut la in oruh pacptais kuh kuhtwena akwuck (Mwet Hibu 5:1,4; Exodus 28:41; Jon 15:16).

Ngihstre sie kuh luo mempucr ke kuhlahs in riti ma suhmuhslah elos sulaclah nuh ke kais sie ohiyac. Ahkkahlwemye lah lwacta lal Paul nuh sin Mwet Hibu nacack ma suhmuhslah ma kuh in orekmakihnyuck nuh ke kais sie sin ohiyac tolu inge. Ngihstre kais sie mempucr in lohng ma suhmuhslah inge ke kain sram-sram ke puk luhn Mwet Hibu an.

Mwe Sramsram
ke Ma Suhmuhsalah
ac Moulkihnyac

Ke kom luti mwe rit ke ma suhmuhslah inge, sramsramkihn lah ma inge orekmakihnyuck nuh ke moul ke lwen nuhkewewa uh fuhkah. Kwacfe mempucr ke kuhlahs in akacsruhi ke ma elos puhlakihn ma fototo nuh ke ma yohk ke ma suhmuhslah.

Ahkkahlwemye lah ke forfor in misineri lal Paul, el luti in furok mempucr ke alu uh tuh elos in tiac sifil orekmakihn ma sap lal Moses. Suc Mwet Kristin Ju elos lutiyuck kac lah molwelah tuhkuh ke luhlahlfongi ke Jisus Kraist, puhs selos srackna luhlahlfongi lah ahkostwen nuh ke ma sap lal Moses srackna enenuh se nuh ke molwelah lalos. Paul el sihmih lwacta se nuh sin Mwet Hibu in sifil ahkkahlwemye lah ma sap lal Moses ahkwacyeyucklacke Kraist.

1. Jisus Kraist, Wen Kuloh Sefanna nuhtin Pahpah Lucng, pa Mwet Lahngo lasr.

Sramsramkihn Mwet Hibu 1–4. Ngihstre mempucr ke kuhlahs in riti fuhs inge.

- Mac kuht luti ke Jisus Kraist ke Mwet Hibu 1? (Suhmuhsalah top luhn mempucr ke kuhlahs ke port an. Top an kuh in kuhtuh sin ma sihmlac ten inge.)
 - a. El oraclah facluh (fuhs 2,10).
 - b. El luhman God Pahpah (fuhs 3).
 - c. El iwacclah ma koluk lasr (fuhs 3).
 - d. El pa Wen se isuslac emet nuhtin God Pahpah (fuhs 5–6).
 - e. Wolacna lal ac kuh lal ma... ne tok ma pahtpaht ac tiac ekyek (fuhs 8,12).
- Paul el fahk lah Wen nuhtin God, suc “oreklac wo likina lupufacn” (Mwet Hibu 1:4), oacyacpac “oreklac puhsisac likina lupufacn” (Mwet Hibu 2:9). Ohiyac fuhkah Jisus el “oreklac puhsisac liki lupufacn uh”? (Liye Mosiah 13:34–35. El tuhkuh nuh facluh in ikoac ac puhlakihnkweok ac misac.) Efuh ma se inge enenuh na? (Liye Mwet Hibu 2:9–10, 16–18; 4:15–16; oacyacpac liye Mattu 23:10–11.)
- Paul el kwacfe mwet luhlahlfongi in moul suwohswohs elos in muh kuh in ilyak in monglac yurin God (Liye Mwet Hibu 3:7–19; 4:1–11.) Mac kalmac in ilyak nuh ke monglac luhn God? (Liye D&C 84:23–24; 3 Nephi 27:19.) Meac Paul el ahkuhtweyac kac lah efuh kuhtuh sin tuhlih nuhtin Israel ke pacl lal Moses ac tiac kuh in ilyak nuh ke monglac luhn God? (Liye Mwet Hibu 3:7–11, 16–19; 4:1–2.) Kuht ac kahsruh sie sin sie fuhkah in suwohswohs in ilyak nuh ke monglac luhn God? (Liye Mwet Hibu 3:13–14; 4:11; Alma 13:12–13, 16.)

2. Melchizedek Pristut pa sie ip ke Fohnlah luhn Wosasuc uh.

Rit ac sramsramkihn fuhs sollac ke Mwet Hibu 5; 6:20; 7.

- Meac Paul el luti kac lah sie mwet kuh in eis ac orekmakihn kuh luhn pristut fuhkah? (Liye Mwet Hibru 5:1–4.) Efuh sie mwet suc sruok pristut enenuh in “pahng sin God” likina “[eis] mwe ahkfuhlwact se inge nuh sel sifacna”?
- Meac kuh luhn pristut se ma wi ma sap lal Moses ac? (Pristut lal Aaron, oacyacpac pahngpahng Levitical, srihk, kuh pristut on ahkolah. Liye D&C84:25–27.) Meac kuh luhn pristut se oasr yohrohl Jisus Kraist uh? (Liye Mwet Hibru 5:5–6; 6:20.) Ahkkahlwemye lah ke Jisus el tuhkuh ac ahkpwacyeyelah ma sap lal Moses, el oacyacpac fohlohkohnwack Pristut lal Melchizedek. Efuh ma se inge enenuh se? (Liye Mwet Hibru 7:11. Pristut lal Aaron wacngihn kuh in oruh akwuck nuhkwea enenuh nuh ke molwelah.)

“Kwewana ma sap lal Moses kuh pristut lal Aaron suc orekmakihnyuck tiac kuh in use tuhlihk nuhtin God nuh ke wo. Pristut lal Aaron srihk kuh kac, ac orekmakihnyuck nuh ke ahkoeyacn wosasuc muhkwenana. Pristut lal Melchizedek, ke lwacyacn ngiac, pristut fuhlwact se, ma in oruh akwuck fuhlwact ke wosasuc nuh ke fohnlah lalosac kuh in ahknwacsnwacsye moullasr kuht in muh kuh in sifilpac ilyak nuh ke acn Leum el oasr we” (*The Life and Teachings of Jesus and His Apostles* [Church Educational System manual, 1979], 385–86; oacyacpac liye D&C 107:18–20).

- Efuh kuht pahngon Pristut fuhlwact se inge Melchizedek Pristut? (Liye D&C 107:2–4.) Mempucr ke Alu uh mihsenge ahkinsewowoyeyuck fuhkah ke oasr luhn Melchizedek Pristut ac oacyacpac Aaronic Pristut yohrohlos uh? Pristut ahkinsewowoye moul fuhkah?

3. Wosasuc luhn Jisus Kraist pa Olwelah Sasuc se Inmahsrion God ac Tuhlihk Nahtuhl.

Rit ac sramsramkihn fuhs sollac ke Mwet Hibru 8:1–10:18. Ahkkahlwemye lah Paul el ahkacs-makihnye mempucr ke Alu uh lah alu ke ma sap lal Moses ma nuh sin Leum Jisus Kraist.

- In oacna Mwet Hibru 8:5, mac Leum el fahk nuh sel Moses elwacn oruh ke el muhsahi lohm nuknuk in orekmakihnyuck sin tuhkihk Israel nuh ke Alu? (Ahkkahlwemye lah ahkfuhlwact lun lohm nuknuk luhmweyuck nuh ke “ma inkuhsrao,” oacna tahklac ten inge.)

Akwuck lun Lohm Nuknuk:	Meac akihlenyac:
a. Mwet tol sang kosro in mwe kihsac nuh sin God (Mwet Hibru 10:1–4, 11).	Jisus el isaclwacng sifacna in sie mwe kihsac nuh ke ma koluk lasr (Mwet Hibru 9:26–28; 10:4–12).
b. Mwet tol likiyac srah ke kosro kihsacлах fin mwe loang in mwe akucl nuh ke owo ac nwacsnwacs luhn mwet uh (Mwet Hibru 9:6–7, 19–23).	Srahn Jisus, kahklac ke Iwacлах sac, ohllah ac ahknwacsnwacsye kuhtlac liki ma koluk (Mwet Hibru 9:11–15).
c. Mwet tol fuhlwact elos som nuhke yen lihsrlihsryak nuh ke acn muhtahl liki muhtahlacna (Mwet Hibru 9:1–7).	Jisus, sie mwet tol fuhlwact, som liki lihsrlihsr nuh inkuhsrao kac sifacna (Mwet Hibru 9:24).

- Paul el ahkkahlwemye lah ma sap lal Moses olwelah mah inmahsrton God ac mwet lal (Mwet Hibru 8:9; liye oacyacpac Mwet Galetia 3:24–25). Meac olwelah sasuc se utuckuh sin Jisus Kraist uh? (Liye Mwet Hibru 8:8, 10–13. Fohnlah luhn wosasuc). Ahkkahlwemye lah olwelah ahkuhtweyucki ke Wuhlweacng Mahtuh ke pwacpuhl, suc Olwelah Sasuc ahkuhtweyucki ke Wuhlweacng Sasuc.
- Efuh kuh Olwelah Mahtuh tiac kuh in oracrah sie mwet in suwohs? (Liye Mwet Hibru 10:1–4.) Efuh kuh Olwelah Sasuc use nuh sesr finsrak yohk nuh ke wo? (Liye Mwet Hibru 10:9–18.)

4. Elos suc orekmakihn luhlalhfongi ke Jisus Kraist ac fah usrui sie acn ke tohkohsrahi luhn God.

Rit ac sramsramkihn fuhs sollac ke Mwet Hibru 10:19–11:40. Ahkkahlwemye lah tukun Paul el ahkuhtweyac inkacnek lah fohnlah luhn wosasuc el fuhlwact, ma sap fohnlah ma ahollah ma sap lal Moses, el ahkkweye Mwet Luhlahlfongi in ukwe ma se inge “sasuc ac ohiyacn mouh” in likiyac luhlalhfongi lalos ke Jisus Kraist (Mwet Hibru 10:19–22).

- Meac ma yohk se emet ke wosasuc? (Liye Ip ke Luhlahlfongi 1:4.) Meac luhlalhfongi? (Liye Mwet Hibru 11:1; Alma 32:21; Ether 12:6.) Luhlahlfongi el yohk kuhtuh liki in luhlalhfongi fuhkah? Efuh luhlalhfongi ke Jisus Kraist enenuh nuh ke molwelah lasr?
- Paul el sang srihkarak pucspucs ke mwet suc oracrah ma yohk ke luhlalhfongi ke Jisus Kraist. Suc el sruhmuhn kac uh? (Liye Mwet Hibru 11:4–12, 17–34.) Tahkuhnlah ke port an inen mwet el sruhmuhn an, ac sramsramkihn lah kais sie mukwikwi luhn mwet inge enenuh luhlalhfongi.
- Kom ac ke oraclihk mempucr ke kuhlals nuh ke u srihsrihk nuh ke mwe sramsram se inge. Pakiyac kais sie u in nuhnkuh ke kuhtuh mwet sruhmuhnyuck ke Hibru 11 an. Sang nuh sin kais sie u ekahsr mihnit an in sramsramkihn lah mukwikwi luhn mwet inge enenuh luhlalhfongi, na oruh kais sie u in ahkfototoyelah sruhmuhn sahflahiyac an nuh sin kuhlals.
- Paul el oacyacpac luti lah luhlalhfongi kuh in kahrre kuht ke pacl in sruhf kuh mwe lain uh (Mwet Hibru 11:32–38). Luhlahlfongi kahrre kom fuhkah nuh ke mwe sruhf uh? Meac kuhtuhpac mwe in sewowo kom (kuh siepacna mwet kom etuh) eis ke orekmakihnyacn luhlalhfongi ke Jisus Kraist uh?

Sahflah

Ahkkahlwemye lah kuht ahkinsewowoyeyuck in muhta ke sie pacl ma fohnlah luhn wosasuc oasr. Fahkwack lah molwelah tuhkuh ke luhlalhfongi ke Jisus Kraist ac ahkostwen nuh ke ma sap lal. Kwacfe mempucr ke kuhlals in karuhnganwacng olwelah ac ma sap ke wosasuc suc fohlohkihnyuckyak

Nuhnak in weacng mwe luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh kwewana nuhnak inge in ipin lesin an.

1. God el ac fah karihngihn olwelah lal

- Meac Mwet Hibru 6:10–19 luti ke olwelah luhn God nuh sin tuhlihk nahtuhl? Meac fuhs 15 luti ke kuhpahsr inmahsr lon kampare ke mwe srihkasrak ac eis olwelah sin God? (Liye oacyacpac D&C 82:10.) Meac kuhtuh ohiyac kom puh-lakihn ma God el ahkpwacye olwelah lal nuh sum uh?

2. “El suc Leum el luhngse el kaclos” (Mwet Hibru 12:6)

Sap mempucr ke kuhlals in riti Mwet Hibru 12:5–11.

- Leum el kai kuht fuhkah? Kaiyuck sin Leum nuh ke “ma yolyak lasr uh” fuhkah? (Liye Mwet Hibru 12:10; D&C 61:8; 95:1; 101:5.) Kuht orekmakihn kaiyuck in sie pacl in lutlut ac kapkapwack fuhkah? Ngihstre mempucr ke kuhlals in sruhmuhn ke pacl ma Leum el kaelos ac ma elos luti kac an.

Orekma 21–28

Srihpac

In kwacfe mepucr ke kuhlals in ukwe srihkasrak lal Paul ac in mwet loh luhl-lahlfongi ke Jisus Kraist finne ke infulwacn mwe srihkasrak ac kweok.

Ahkolah

1. Rit, nuhnkuh, ac pruhe ke ma suhmuhslah inge:
 - a. Orekma 21:1–22:21. Ne tiac lwelah luhn mwet se ma weluhl, suc sensen ke moul lal, Paul el fuhfahsryucsr nuh Jerusalem. El ripohrti ke fuhfahsryucsr in misineri lal nuh yurin mwet lili wiyacl we. El som nuh tempuhl ac el sruhuh sin un mwet koluk. Sifen kacptin el srुकilyac tuhsruhк lwelah nuh sel in sramsram nuh sin mwet ah. Paul el sruhmuhn nuh sin mwet ah ke eklac lal nuh ke wosasuc luhn Jisus Kraist.
 - b. Orekma 22:22–23:35. Un mwet koluk laenuhl Paul ac suk ke moul lal. Sifen kacptin el isacllah Paul liki mwet koluk ac likilyac lun sie kahsuhl. Lwen tohkoh ah sifen kacptin el isacl Paul nuh ye muhtuhn Sanhedrin. Siepacna nuhnak yohk sikyak, na sifilpacna sifen kacptin el usacllah Paul ac utucklac el nuh ke kahsuhl. Fong sac Leum el sikyak nuh sel Paul ac fahk nuh sel lah el ac mwet loh nuh sin mwet Rom ac oacyacpac nuh Jerusalem. Puhs liki mwet Ju 40 srihke in unilyac Paul, ac el utucklac nuh yohrohl Felix, suc kahfnah nuh ke karihngihnyuck.
 - c. Orekma 26. Tukun yac puhs ke koaseyuck ac kaclpous Paul el utuckuh in fahk ye muhtahl tohkohsrah Agrippa. Agrippa el lain fahkwack lal Paul ac suhpwacllah nuh Rom in liyacl Caesar.
 - d. Orekma 27–28. Oak okacl Paul muhsahllah ke som lal nuh Rom tukun kacptin ke oak soko ah sruhnga lohng kihsen kahsruh lal. Na ke el sun acn Rom ah, el kaclpousiyucki, tuhsruhк el luti nuh selos nuhkwea suc ma ac lohng ah.
2. Fin kuhfa inge oasr orekmakihn ke lesin an:
 - a. “Paul—A Chosen Vessel,” ip se ke *New Testament Video Peresentations* mihnit singucul sie (53914). Liye ip se inge met, fin kuh, kom in kuh in etuh pacl in tilokihnyucki petsac an nuh ke sramsram an.
 - b. Sie macp ke fuhfahsryucsr lal Paul nuh Rom (macp 22 ke LDS edition of the King James Bible).
3. Mwe nguhsr nuh ke mwe luti: “Enenuh se nuh selos suc kom luti in kihteyuck, elos in muh kuh in luti ke ma. Kais sie pacl elos tuhkuh an enenuh in oasr nuhnak se, ac in oasr kalmac se nuh selos ke tuhkuh nuh in kuhlals an. Ac kuh in sie nuhnak srihsrihk,—sie ma na yohk, tuh yohk ma kom oraclah” (Boyd K. Packer, *Teach Ye Diligently* [1975] 154).

Mwe Nguhsr Nuh Ke Ahkyohkyeyacn Lesin

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtwe-ack lesin an.

- Oasr mwet se ke ma suhmuhslah suc kom puhla muh kom kuh in srihsrngiyac, ke srihpen ma ke nuhnak se na, puhla, kuh ohiyac? Efuh kuh kom puhla fototo nuh sin mwet se ingacn.

Lwelah kuhtuh mempucr ke kuhlacs in oruh kihsen fahk lalos. Na ahkkahlwemye lah in fohlohklac liye ke ma el puhlakihn tukun ararama se met, mwet Pahluh Joseph Smith el puhla ma el puhlakihn oacna ma mwet sap Paul el puhlakihn. Sap mempucr ke kuhlacs in riti Joseph Smith—History 1:23–25 in konwacack lah efuh.

Ahkkahlwemye lah sikyak lal mwet sap Paul ye muhtahl Tohkohsrah Agrippa pa sie ma sikyak ma ac fah sramsramkihnyuck ke lesin se inge. Ke ohiyac se inge ac ke fuhfahsryusr in misineri lal, ne sruhngwacyuck ac kaseyuck, Paul el tu na kuh ke luhlalhfongi ac puhlaiklacna ke luhlalhfongi ke Jisus Kraist.

Sramsramk
ke ma Suhmuhslah
ac Moulkihnyac

Ke kom luti fuhs ke ma suhmuhslah inge, sramsramkihn lah kuht kuh in muhsahi puhlaik ac luhlalhfongi in fokoko oacna puhlaik ac luhlalhfongi lal Paul. Kwacfe mempucr ke kuhlacs in sruhmuhn ke pacl ma elos puhlaik in fahkwack luhlalhfongi ke kacs kuh orekma laltahl.

1. Paul el ripohrti fuhfahsryucsr lal ac sun un mwet kuluk fin acn Jerusalem.

Kom fin orekmakihn petsac in liyeyuck “Paul—A Chosen Vessel,” oruh in liyeyuck ip se met an ingena. Tilokihnyac petsac an tukun mwet se ma sramsram an fahk, “He fulfilled the Lord’s words that he would bear His name before kings and rulers” (ke kacs inge, Paul el pwenyucklac ke inmahsrlon acn in fahsr ke lohm sin kuhtuh solse uh.)

Sramsramkihn Orekma 21:1–22:21. Ngihstre mempucr ke kuhlacs in riti fuhs sol-lac an. Ahkkahlwemye lah tukun fuhfahsryucsr in misineri tolu ma oruh elwacn som nuh fin acn Rome nohfohn, Paul el fohlohk nuh Jerusalem, ohinge el etuh lah sensen elwacn som.

- Efuh kuh kawuck lal Paul ah srihke in tulokihnyac elwacn tiac fohlohk nuh Jerusalem? (Liye Orekma 21:10–12.) Paul el top fuhkah nuh ke kihsen kawuck lal? (Liye Orekma 21:13.) Ma se inge ahkkahlwemye fuhkah khsackuhnlah lal Paul nuh sin Kraist uh?
- Meac Paul el oruh ke lwen se tukun el sun acn Jerusalem ah? (Liye Orekma 21:17–19.) Ma se inge oacna fuhkah nuh ke ma misineri mihsenge oruh tuhkuh fohlohk ke misin lalos uh? (Elos ripohrti ma elos puhlakihn ke misin lalos nuh sin Prestuhn luhn Stek ac kaunsucl fuhlwact ac kwacna ripohrti nuh sin wart kuh mempucr ke pracns ke toeni ke kuhfa luhn Leum.) Kom eis wo fuhkah ke lohngyacn ma kuhtwena misineri inge puhlakihn uh?
- Mwet Kristin Ju pucspucs sruhngwacl Paul ke luti lal muh molwelah tuhkuh ke Jisus Kraist, tiac ke ma sap lal Moses (Orekma 15:1–35). In ahkwoye mwet

inge, mwet lili fin acn Jerusalem siyuck sel Paul in som nuh ke tempuhl ac in oruh ahknwacsnwacs in sie akucl lah el srackna akihlen ma sap (Orekma 21:20–25). Mac sikyak ke Paul el oasr in tempuhl ah? (Liye Orekma 21:26–30. El sruhuh sin sie un mwet kuluk suc laenuhl ke luti in lain ma sap lal Moses ac ahkfohkfohkye tempuhl in use mwet tiac mwet Ju nuh loac.) Paul el moli-yucklac fuhkah liki mwet kuluk inge? (Liye Orekma 21:31–36.) Mac Paul el oruh ke sifen kacptin el lwelah elan sramsram nuh sin mwet ah? (Liye Orekma 21:37–22:21.) Efuh ma se inge enenuh puhlaik?

Kom ac ke muhtwacwacack suhmuhslah soko tahk an ke port an ke pacl nuhkweya ke Orekma 21–28 ma Paul el ahkkahlwemye kuhiyacn puhlaik in sie mwet loh ke Jisus Kraist. Tahfwelah ma tahklac an fin ac kuh ke pacl in lesin an.

- Ngac kom oruh fahkwack in luhlalhfongi lom ke ohiyac se inge ma enenuh puhlaik uh? Kom eis fuhkah puhlaik in oruh ma se inge? In luti ke mukwikwi lal Paul kaksre kuht in puhlaik in akacsruhi ke puhla in luhlalhfongi lasr nuh sin kuhtuh pac fuhkah?

2. Paul el utucklac nuh ye muhtuhn Sanhedrin.

Rit ac sramsramkihn fuhs sollac ke Orekma 22:22–23:35.

- Un mwet lihkihn tempuhl ah topuck fuhkah nuh ke sramsram lal ke eklac lal ah? (Liye Orekma 22:22.) Meac srihpac luhn sifen kacptin in isacllah Paul liki mwet kuluk? (Liye Orekma 22:24.) Paul el sensenkihn srihngsrihng fuhkah? (Liye Orekma 22:25–26. El ahkkahlwemye lah el sie mwet Rom. Ma se inge sang suwohs ac lwelah nuh sel nuh fin acn Rom kwewa, suc Jerusalem el sie ip kac.)
- Meac se Paul el fahk emet ke el utuckuh nuh ye muhtuhn Sanhedrin (u in mwet kaksruh luhn mwet Ju)? (Liye Orekma 23:1; oacyacpac liye Orekma 24:16. Liye D&C 135:4 nuh ke kain in fahk se pacna inge oreklac sel mwet Pahluh Joseph Smith.) Kom nuhnkuh fuhkah “etuh wo ke God” lal Paul kah-srel ke pacl se inge? Ngihstre mempucr ke kuhlahs in nuhnkuh lah meac eklac elos enenuh in oruh ke mouh lalos in kuh in oasr sie “etuh wo ke God.”
- Meac Leum el fahk ke el sikyang nuh sel Paul tukun sirapeiyuck el sin mwet Sandhedrin? (Liye Orekma 23:11.) Leum el kaksre kom fuhkah in “engan wo” ke pacl upac?
- Lwen se tukun Leum el sikyang nuh sel Paul ah, puhs liki mwet 40 mwet Ju srihke in unilyacPaul, otwelah in tiac mongo kuh nihm ne ke na elos oraclac (Orekma 23:12–15). Paul el karihngihnyuckyang fuhkah ke plwacn se lalos inge? (Liye Orekma 23:16–35. Kom ac luhngse ahkkahlwemye lah pa inge pacl ahktolu kena lusen lwen puh ma Paul el lihsrihngyuckyak liki misac.)

3. Paul el fahkwack nuh sel Agrippa, tuhsruhk fahkwack in luhlalhfongi lal tiac lwelah.

Rit ac sramsramkihn fuhs sollac ke Orekma 26. Kom ac ke ahkfototoyelah mwe ahkkahlwemye inge ke Orekma 24–25: Paul el suhpweyucklac nuh yohrohl Felix, suc kafuhnah, ac fahkwack ye muhtahl ke puhlaik. Paul el srackna sie mwet kaclpous ke yac luo suc Felix el finsrak lwacn eis mani in mani in tuhlalhl-lah. Ke Felix el aholyucklac liki kafuhnah sel Festus, mwet Jew elos siyuck Festus elan suhpwaccllah Paul nuh Jerusalem in nuhnkuhnyuckyuck.. Paul el sruhnga

som, el etuh lah el ac tiac eis nuhnuhnkuh wo we. Na, Paul el sikyng nuh sel Caesar in oacna suwohs lal in ekihn sie mwet Rom. Festus el insese in suhpwac- lah Paul nuh Rom, tuhsruh Paul el enenuh elacn som nuh ye muhtahl Agrippa met, mwet nuhnuhnkuh srihsrihsri Rom se nuh fin acn Jukea.

Kom fin orekmakihn petsa in liyeyuck, oruh ip ahk luo in liyeyuck inge. Tulokihnyac petsac an tukun fahk lal Paul, "Ngac sang nuh sin God tuh tiac kom muhkwen, ac oacyacpac elos nuh-kwewa suc lohngyuc mihsenge, elos suc oacna nga, tuh tiac kapihr inge:" (met likina Paul el pwenyucklac liki acn in nuhnuhnkuh lal tohkohsrah Agrippa).

- Meac ahkwoye kom ke kahs lal Paul nuh sel tohkohsrah Agrippa? (Liye Orekma 26:2–27.) Agrippa el top fuhkah nuh ke kahs lal Paul? (Liye Orekma 26:28.) Meac sruokilyac Agrippa lwacn eklac sie mwet Kristin? Meac ohiyac kuh kuhtuh pac elyac sruokyac mwet mihsenge uh in eis wosasuc luhn Jisus Kraist uh?
- Oruh lal Festus ac Agrippa nuh ke siena lal Paul uh fuhkah? Elos oacna sie fuhkah? (Liye Orek ma 26:24, 28. Ahkkahlwemye lah wacngihn ma yohk liki insacnweacng in alu pa wo nuh sin Leum uh. Ohinge Agrippa el konwacack fahk lal Paul in luhlhl-fongi ac Festus el lain, kwewana tiac oraclah ke luhlhl-fongi ma Paul el sang nuh selos.

4. Muhsahllah ak Paul el wi nuh Rom.

Rit ac sramsramkihn fuhs sollac ke Orekma 27–28. Ahkuhtweyac lah Agrippa el luhngse tuhlahl-lah Paul el ngihstre sel Ceasar na oruh suhpweyucklac el nuh Rom. Ke kem sramsramkihn fuhfah-sryucsr lal Paul nuh Rom, sruhwack macp an ac ahkkahlwemye acn, fin pa sie acn pahngpahng Molsron Wowo, ma Paul el kihsrn kahsrh mwet mukul in sano ke pacl mihsrisr, ac Malta (Mel-ita), pa mwet ma muhsahllah ke ak soko ah kofyak nuh weacn we ah.

- Meac sikyak ke sifac ke oak soko ah fohlohkohlah kihsen sensen lal Paul lah arulacna sensen in kalkal liki molsron wowo? (Liye Orekma 27:7–20.) Mac oruh sifac se luhn un mwet siofok suhnuhnkuhi kihsen kahsrh lal Paul? (Liye Orekma 27:11–12.) Efuh kuh kuhtuh sesr kwac suhnuhnkuhi kihsen kahsrh luhn mwet kol ke Alu lasr uh? Kom lotwelah yohk srihpacyacn ahk- kweyeyacn kihsen kahsrh luhn mwet kol ke Alu uh fuhkah?
- Paul el etuh fuhkah lah nohfohn na mwet wi oak soko ah ac sun acn ah pan moullac, ohinge oak soko ah kuhnanuclac ke pahkah sac? (Liye Orekma 27:21–26.) Pahluh se inge ahkpwacyeyuck fuhkah? (Liye Orekma 27:27–44.)
- Paul el orekmakihn kuh luhn pristut fuhkah ke oasr lalos fin tuhka Melita? (Liye Orekma 28:7–9.) Meac sikyak luhn ma se inge ac ahkkahlwemye nuh ke srihpac ke kuh luhn pristut? Ahkfuhlwactye pristut kahstre kuht kuhlwacnsap in sie mwet loh ke Kraist fuhkah?
- Tukun mahlwem ekahsr, Paul el fah sun acn Rom, suc el sifil pacna kacpousi- yucki. El oraclah ma se inge mwe wo nuh sel se fuhkah? (Liye Orekma 28:16–31. Ituckyang nuh sel sukohsohk, oruh el sislah pacl lal luti wosasuc ac fahkwack ke Kraist.) Mac kuht kuh in luti sel Paul in sie mwet loh in luhlhl- fongi ke Jisus Kraist? (Kom fin oraclah sie fahk ke port an ke pacl ma Paul el ahkkahlwemye puhlaik in sie mwet loh luhlhl-fongi, liye kac.)

Kom fin orekmakihn petsac in liyeyuck, oruh in liyeyuck acn luhlah an.

Sahflah

Ahkkahlwemye lah mwet lutlut ke ma somlah motko muh Paul el misac ke sie misac pwengpweng fin acn Rom ke sahp A.D. 65. In moul lal nohfohn, wl ahkwacyei kunohkohn lal in sie Mwet Sap in “ke ma inge, kowos som, ac luti muhtuhnfacl nuhkewewa” (Mattu 28:19). El oacyacpac ahkwacyei pahluh luhn Leum lah el ac luti wosasuc “yurin mwet Gentile, ac tohkohsrah ac tuhlihk nuhtin Israel” (Orekma 9:15). El sie mwet loh luhlahlfongi ke Kraist finne kaks ac acnwuck, kaclpous sesuwos, ac ongaiyac na ma ac sikyak.

Ahkkahlwemye lah ke kuht ukwe srihkasrak lal Paul uh in sie mwet loh luhlahlfongi ke Jisus Kraist uh ke ohiyac nuhkewewa uh, El ac use nuh sesr kuh in kuh-tanflah mwe sruhf nuh sesr uh.

Nuhnak in weacng mwe Luti

Kuhfa inge kuh in weacng ma nguhsr tahkingyucklac ke lesin an. Kom ac ke orekmakihn nuhnakse inge in ipin lesin an.

Sifilpac kalweni sramsram ke moul lal Paul.

In kaksruh mempucr ke kuhlahs in srui ke Paul el ahkwacyei orekma in moul lal in fahkwack keKraist, sap elos in ikacslah nuh ke acn se ma “Paul” ke Bible Dictionary (sra pwepuh 742–43). Sap kais sie mempucr ke kuhlahs an in sulaclah sie ma sikyak ke moul lal Paul ke el fahkwack keKraist. (Ma sikyak ma wacngihn ke Bible Dictionary an kuh in oacyacpac orekmakihnyuck.) Ngihstre kais sie mempucr ke kuhlahs an in akacsruhi ke ma el sulaclah an nuh sin kuhlahs, na suhmuhslah nohfohn ma sikyak an port an. Na siyuck mempucrke kuhlahs in ikacslah nuh ke macp ke fuhfahsryucsr lal Paul (maps 19–22 ke LDS edition ke King James Bible) ac konwacack acn kaissie ma sikyak ingacn sikyak we. Kaksruh mempucr ke kuhlahs in sifil kalweni ma suhmuhslah ma oasr an fin ac kuh in konwacack acn ma sikyak we an.

Srihpac

In kahsrh mempucr ke kuhlals in kahlwem kac lah ohiyac se nuh ke “ahksuwohsye ... mwet luhlahlfongi” (Mwet Efesus 4:12) enenuh nuh sesr in ahkkapyeack luhlahlfongi lasr ke Kraist, ukwe luti luhn mwet sap ac mwet pahluh ac karihngihn kuht sifacna ke mwe muhnahs luhn facluh.

Ahkolah

- Rit, nuhnkuh, ac pruhe ke ma suhmuhslah inge:
 - Mwet Efesus 1:9–10. Paul el luti lah srihpac luhn fohnlah luhn pacl ke we se inge pa in “oracni ma nuhkwewa nuh sie ke Kraist.”
 - Mwet Efesus 2:12–22:4:1–16. Paul el luti lah Jisus Kraist pa muhtuhn yot in sproasrihk uh. El luti lah Leum el use nuh sesr mwet sap ac mwet pahluh in kahsre kuht in kuh in wolac ac tuhkuh nuh ke luhlahlfongi sefanna.
 - Mwet Efesus 5:22–29; 6:1–4. Paul el luti ke enenuh nuh ke toeni inmahsr-lon mukul tuhma ac muhtwacn kiac ac inmahsr-lon Pahpah Ninac ac tuhlihk.
 - Mwet Efesus 4:21–32; 6:10–18. Paul el luti lah kuht enenuh in “nokomwacng mwet sasuc” ac “nokomwacng nohfohn mwe loang luhn God” in loangwekuhtlac liki mwe muhnahs luhn facluh.
- Ma in weacng mwe rit: Jon 17:11; Mosiah 18:21–22; Doctrine and Covenants 27:15–18; 38:25–27; Bible Dictionary, “Dispensations,” 657–58.
- Kom fin orekmakihn mukwikwi ahkoeyucklac an, use nuh ke kuhlals soko tuhret an (sahp fit 1–3 lusac) ac soko pohloh sucl ma ac lusac sacn pacna.
- Mwe nguhsr nuh ke mwe luti: mahki ma suhmuhslah kahsrh mwet luti ac mempucr ke kuhlals in akihlen kahs yohk srihpac, nuhnak, mwet ac ma si-kyak. Kom kuh in kwacfe mempucr ke ku lahs in mahki ma suhmuhslah nah-tuhlos in akihlenyac ma yohk srihpac, sang mwe kahsrh mwe luti, kuh fahk lah meac kom suhmuhslah ke acn wacngihn sihm kac ke ma suhmuhslah an.

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Ahkkahlwemye nuh sin mempucr ke kuhlals tuhret ac sucl an (liye ip se ke “Ahkolah” an).

- Meac tuhret ac sucl oacna sie kac uh? (kwewana oreklac ke koan ne.) Eltahl tiac oacna sie fuhkah? (Tuhret uh el koa soko na, suc sucl el oreklac ke koan ne kokallah nuh sie.) Suc sin ma inge kuh uh?

Ahkkahlwemye lah, oacna ipin tuhret soko ah, kuht muhnahs ke kuht fosrngahkihn kuht sifacna uh. Tuhsruhktuh, in oacna sucl soko, kuht kuh in fokoko ke

kuht toeni uh wi kuhtuh pacna uh ke luhlalhfongi ac suwohswohs. Ke lwacta lal nuh sin mwet Efesus, Paul el sruhmuhn ke yohk srihpaciyacn “ahkwoye—mwet luhlalhfongi” ac sang sie “toeni in luhlalhfongi” (Mwet Efesus 4:12–13. Lesin se inge sramsramkihn lah in sie sucu ac sie alu fuhkah ke kuht orekma nuh ke ahkwoye tuhkwani in luhlalhfongi ke Mwet Lahngo, ukwe Mwet Sap ac Mwet Pahluh; muhsahi sucu fokoko, ac nohkomwacng nuknuk in mweun luhn God.

Mwe Sramsram
ke Ma Suhmuhsalah
ac Moulkihiyac

Pruhe in kom sifacna sulaclah mwe rit ac kihsen siyuck ke ma suhmuhslah ma ac wo nuh ke enenuh luhn mempucr. Kwacfe mempucr ke kuhlahs in akacsruhi ke ma elos puhlakihn ma fototo nuh ke ma yohk ke ma suhmuhslah.

1. We se ke fohnlah luhn pacl uh

Rit ac sramsramkihn Mwet Efesus 1:9–10.

- Ke sapta se met ke Mwet Efesus, Paul el sruhmuhn ke “we se ke fohnlah luhn pacl” (Mwet Efesus 1:10). Meac we se ke wosasuc uh? (sie puhluhn pacl ma oasr mwet kuhlwacnsap se luhn Leum fin facluh suc sruok ki nuhkwewa luhn Pristut ac oasr kuh in ahkfahsrye wosasuc. Liye Bible Dictionary, “Dispensations,” 657–58.)
- Meac we se ke fohnlah luhn pacl uh? (we se ma muhtwacwacack ke fohlohkyak luhn wosasuc ac muhsahiyuckyak luhn Alu uh sel Joseph Smith.) Efuh we se lasr inge luhmweyuck muh fohnlah luhn pacl uh?

Prestuhn Gordon B. Hinckley el luti: “Kom ac nga puhlakihn mwe ahkinsewoyoye na wo ke we se ke fohnlah luhn pacl uh inge. Ke lwen ac pacl inge ma yohk nuhkwewa kuh, mwe in sewowo, ac ki nuhkwewa ke we somlah ah fohlohkihiyuckyak nuh fin facluh” (ke Conference Report, Apr.1992, 98; kuh *Ensign*, May 1992, 70).

- Meac Paul el fahk muh Pahpah Tuhmasr Inkuhsrao el ac oruh ke we se inge? (Liye Mwet Efesus 1:9–10.) Meac kom nuhkuh muh kalmac in “acsacni nuh sie ma nuhkwewa in Kraist”? Meac kuhtuh ma orekwani nuh sie in pacl lasr mihsenge uh? (Top uh kuh in pa ma suhmuhslah, mempucr ke Alu uh, ma suhmuhslah ke mwet misac, ac sucu ma siliyucki lun tempuhl.) Kuht ac kahsruh ohiyacn esacni se inge fuhkah?

2. Jisus Kraist pa yot in sproasrihk lasr uh

Rit ac sramsramkihn fuhs sollac ke Mwet Efesus 2:12–22 ac 4:1–16.

- Kapsra Mwet Efesus 2:12 ac 2:19. Paul el ahkuhtweyac fuhkah eklac ma sikyak yohrohlos suc lwelah ac ukwe Mwet Lahngo uh? Kom liye ekyek kain se inge in kom sifacna kuh kuhtuhpac fuhkah? Fototo nuh sin kuhtuhpac mempucr ke Alu uh in ekihn “mwet aengani” ke wosasuc ahkinsewoyoye moul lom uh fuhkah?
- Meac kalmac sel Paul in luti lah Jisus Kraist pa “sifen yot in sproasrihk” luhn Alu uh? (Mwet Efesus 2:20). (Fin ac enenuh, ahkuhtweyac lah sie yot in sproasrihk pa sie yot pwelucng likiyucki in sproasrihk ma etat luo ohsun. Yot in sproasrihk el enenuh nuh ke kuh ac toeni luhn muhsah se.) Jisus Kraist el yot in sproasrihk ke luhlalhfongi lom an fuhkah?
- Meac Paul el luti ke Mwet Efesus 2:20 ac 4:11–14 ke yohk srihpaciyacn mwet sap ac mwet pahluh? Efuh mwet sap ac mwet pahluh moul enenuh nuh ke

Alu pwacye? Meac kuhtuh mwe luti sin Mwet Sap ac mwet pahluh ke pacl mihsenge uh ma kaksre kuht kapkapwack nuh ke wo ac tuhkweni uh? (Kom ac ke suhmuhslah top luhn mempucr ke kuhlals an ke port an.)

Prestuhn Boyd K.Packer el luti: “Orekma luhn mwet pahluh ac mwet sap koh-lohloslac ac kwacna nuh ke lohm ac sucu.... Srihpac yohk ke luti lasr uh pa in oracni pahpah ninac ac tuhlihk in luhlalfongi ke Leum Jisus Kraist, tuh elos in engan lohm ah, sili ke macruht ne tok ma pahtpaht, kuhpahsr nuh ke fihl lalos, ac in etuh ke engan wi Pahpah Tuhmasr Inkuhsrao” (ke Conference Report, Apr.1995, 8; kuh *Ensign* May 1995, 8).

- Meac kalmeyac sel Paul in luti lah oasr na “Leum se, luhlalfongi se, pacptais se”? (Mwet Efesus 4:5). Efuh yohk srihpac tuh kuht in toeni ke kahlwem lasr ac luti ke mwe luti luhn alu uh?

3. Tuhkweni inmahsrlon mukul ac muhtwacn pahyuck ac inmahsrlon pahpah ninac ac tuhlihk

Rit ac sramsramkihn Mwet Efesus 5:22–29; 6:1–4.

- Meac mwe kuhpahsr Paul el orekmakihn ke el ahkuhtweyac kuhpahsr inmahsrlon mukul ac muhtwacn pahyuck? (Liye Mwet Efesus 5:22–29.) Meac mukul ac muhtwacn pahyuck kuh in luti ke mwe kuhpahsr se inge in kaksrelos muhsahi luhngse yohk ac tuhkweni ke macruht laltahl uh? (Sramsramkihn kuhtuh inkacnek Jisus el ahkkahlwemye ke luhngse lal nh ke Alu uh ac lah kais sie inkacnek kuh in orekmakihnyuck fuhkah nuh ke macruht. Kom ac ke suhmuhslah top luhn mempucr ke kuhlals an ke port an.)

Spencer W. Kimball el luti: “Kuh kom kuh in konwacack ke ma suhmuhslah muhtahl nohfohn acn Leum Jisus Kraist el tiacna oraclah ke Alu lal?... Yac el luhlalfongi? Yac el Pwacye? Oacna oasr kuhtwena ma wo ac suwohswohs el tiacna sang? Na pa kuht siyuck uh—meac el siyuck sin sie mukul pahyuck....

“... Kom kuh in nuhnkuh lah el luhngse Alu uh fuhkah? Momong nuhkweya yohk srihpac nuh sel. Kwac kapkapwack nuhkweya, kwac kais sie nuhkweya, yohk nuh sel. El sang moul lal—meac luhlah sie kuh in sang?” (*Men of Example* [acn muhta we ituckyang nuh sin mwet luti ke alu, 12 Sept. 1975], 4–5).

- Meac kihsen kaksruh lal Paul nuh sin tuhlihk ke Mwet Efesus 6:1–3? Efuh kihsen kaksruh se inge yohk srihpac mihsenge? Kom ahkinsewowoyeyuck fuhkah ke ahkfuhlwactyeyacn pahpah ac ninac kiom?
- Meac kalmac sel Paul ke el kihsen kaksruh pahpah ac ninac in karihngihn sie tuhlihk ke “ac in akakwelo in kai ac kaiyuck luhn Leum”? (Mwet Efesus 6:4). Pahpah ninac uh akaki tuhlihk nahtuhlos in nguhn fuhkah? Pahpah ac ninac uh ukwe srihkasrak luhn Leum in kai tuhlihk nahtuhlos fuhkah?
- Kihsen kaksruh lal Paul nuh sin pahpah ninac ac tuhlihk kaksruh ahkkweye inmahsrlon sucu ac karihngihn tuhkweni in lohm ah fuhkah? Meac kihsen kaksruh ma mwet sap ac mwet pahluh mihsenge uh use nuh sesr ke sucu uh? Ngihstre mempucr ke kuhlals in sramsramkihn kihsen kaksruh ingena orek ke Jacnuhruhl Kanfracns, ke kuhtuhpac miting kuh faersaits ac ke ma sihmlac ke mackuhsin nuhtin Alu uh.

Ke “Sucu: Sie mwe Fahkwack nuh fin Facluh,” Prestuhnsi Se Met ac U luhn Mwet Sap Singucul Luo luti lah “engan ke moul in sucu uh kwacna ituck ac

konweyuckyak ke mwe luti ke Leum Jisus Kraist. Macruht ac sucu ma wo oreklac ac karihngihn ma yohk ke luhlalhfongi, pruhe, auliyak, nuhnak muhnahts, ahkfuhlwact, luhngse, pahkomuhta, orekma, ac mukwikwi puhkantwen” (*Ensign*, Nov. 1995, 102).

4. Nokomwacng “mwet sasuc” ac “nohfohn mwe loang luhn God”

Rit ac sramsramkihn Mwet Efesus 4:21–32 ac 6:10–18.

- Meac kalmac sel Paul ke el kwacfe mwet Efesus in “nokomwacng mwet sasuc”? (Mwet Efesus 4:24). Meac kuhtuh ma ahkkahlwemye ke mwet ma eklac “sasuc” ke iwacalah luhn Jisus Kraist? (Liye Mwet Efesus 4:21–32.)
- Ke kwacfeyacn mwet luhlalhfongi in nokomwacng nuknuk in mweun luhn God, Paul el sensenkuhnuhlos in lain kuhtwena ma ac oruh ma koluk (Mwet Efesus 6:10–12). Meac kuhtuh ma koluk ke moul se inge?
- Meac kuhtuh kain in ip ma Paul el pahngon mwe mweun luhn God? Meac kais sie ip inge ahol uh? (Liye Mwet Efesus 6:13–18; D&C 27:15–28. Kom ac ke suhmuhslah top an ke port an ye sifac *Mwe loang* ac *Aholyucklac*.) Kais sie ip ke mwe loang luhn God kosrekuhtlac liki kolyuck lal Setuhn fuhkah? Meac kuhtuh in oruh in nokomwacng mwe loang se inge ke kais sie lwen?

Sahflah

Fahkwack lah Leum el muhsahelah Alu lal, ke mwet sap ac mwet pahluh, in kahsre kuht in oacna el ac fohlohk in weluhl muhta. Kwacfe mempucr ke kuhlahs in srihke in tuhkweni nuh ke “ahkwoye mwet luhlalhfongi” in ukwe luti lal Paul nuh sin Mwet Efesus.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in ipin lesin an.

1. “Nokomwacng nohfohn mwe loang luhn God” (Mwet Efesus 6:11)

Oruh in liyeyuck “The Whole Armor of God,” ip se ke petsac mihnit singucul tolu ke *New Testament Video Presentations* (53914). Na siyuck kihsen siyuck inge:

- Meac elyah solse ke petsac se inge puhlakihn? Mac elyah mwet fuhsr sac puhlakihn? Mempucr ke kais sie U ahkinsewowoyeyuck fuhkah ke nukumyacn nuknuk in mweun lalos?

2. Pruhe ke Mwet Kol luhn Alu uh

- Riti Mwet Efesus 6:18–20. Efuh kom nuhnkuh muh Paul el siyuck sin mwet Efesus in pruhe kac? Ngac kom nuh ahkkweyeyuck ke pruhe luhn kuhtuh pac? Efuh yohk srihpac tuh kuhtwacn pruhe ke sie sin sie ac mwet kol ke Alu uh?

3. “Ke kuhlwacng kom fah moullac ke luhlalhfongi” (Mwet Efesus 2:8)

- Meac Paul el luti ke Mwet Efesus 2:8–9 kac lah sie mwet eis molwelah fuhkah? Efuh upac nuh sesr in molikuhtlac sifacna ke orekma lasr? (Liye Rom 3:23; Mosiah 3:17; Alma 2:14. Kom ac ke ahkkahlwemye lah Paul el kwacna ahkacsmakihnye Mwet Luhlalhfongi Ju lah orekma ke ma sap lal Moses tiac kuh in molweloslac. Nuh ke sie sramsram wowo ke kuhlwacng ac orekma, liye lesin ahk 36.)

Srihpac

In kwacfe mempucr ke kuhlals in muhsahi akucl luhn mwet fuhfahsryucsr pwacye luhn Jisus Kraist.

Ahkolah

1. Rit, nuhnkuh, ac pruhe ke ma suhmuhslah inge:
 - a. Mwet Filippai. Paul el sang kuloh nuh sin mwet luhlalfongi fin acn Filippai ke mwe kahsrh elos suhpwacalah nuh sel ac kwacfelos in ma sefan-na, mwet fuhfahsryucsr luhlalfongi luhn Kraist.
 - b. Mwet Kolosse 1. Paul el ahkacsmakihnye mwet luhlalfongi fin acn Kolosse lah molwelah tuhkuh muhkwen a ke Jisus Kraist.
 - c. Mwet Kolosse 2:1–8, 16–23; 3; 4. Paul el luti mwet luhlalfongi kolosse ke ma elos enenuh in oruh ac ma sapkihnyuck elos enenuh in muhsahelah in mwet sollac sin God.
 - d. Failimon. Paul el kwacfel Failimon elan nuhnak muhnahs nuh sel Onesimus, sie mwet kohs kahinglac.
 2. Ma in Weacng mwe rit: Bible Dictionary, “Pauline Epistles to the Philippians,” 745–46; “Pauline Epistles: Epistle to the Colossians,” 746; and “Pauline Epistles: Epistle to Philemon,” 746.
 3. Mwe nguhsr nuh ke mwe luti: Sie mwe nahweyuck ke mwe luti ke lesin an kuh tahk in ma suhmuhslah kuh in nwacack kuhfa puhs suc yohk pacl lom in orekmakihn in kuhlals. Ke kom ahkoo sie lesin, sulaclah ke pruhe lah olwelah ac ma yohk srihpac fuhkah ac orekmakihnyuck nuh ke kuhlals lom an. Plwacni in luti ma inge met, wi kuhtuhpac ip ke lesin an fin pacl an lwelah. Ke kom luti, ohinge, oruh kom in akihlen nguhsr ac muhlahlah in ekuhllah plwacn lom fin puhla muh enenuh in orek.
-

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Suhmuhslah ke port an kuhtuh kaks yohk ke ip yohk ke luhlalfongi fin pa *pwacye, suwohs, wo, ac kaksakihnyuck.*

- Ip yohk ke luhlalfongi yac kaks inge oasr kac? (Fin mempucr ke kuhlals tiac etuh, sap elos in suk ke Ip Yohk ke Luhlalfongi suc oasr eke sahflahiyacn Mwe Sang Sacohklacna [Pearl of Great Price].)

Ke mempucr ke kuhlals topuk pwacye uh, siyuck sie sin mempucr ke kuhlals in sifil kalweni kuh riti ip yohk ke luhlalfongi singucul tolu. Na sap mempucr ke kuhlals in sifil pac kalweni tahfuhn ip met ke ip yohk ke luhlalfongi, ke “kahsrh lal Paul.”

- Meac “kahsruh lal Paul”? Konweyuckyak oyac?

Sap mempucr ke kuhlals in ikacslah nuh ke Mwet Filippai 4:8 ac kapsra nuh ke ip yohk ke luh lahlfongi singucul tolu. Ahkuhtweyac lah ke Joseph Smith el sramsram ke kahsruh lal Paul ke ip yohk ke luhlhlafongi singucul tolu, el motko nuh ke Mwet Filippai 4:8, suc ip se ke sie lwacta ma Paul el sihmih nuh sin Mwet Luhlhlafongi fin acn Filippai. Lesin nuh mihsenge uh ac fah ma ke lwacta lal Paul nuh sin mwet Kolosse ac nuh sel Failimon, suc sihmihsyucklac nohfohn ke Paul el muhta in kaclpous fin acn Rome. Lwacta inge sramsramkihn kahsruh ma kuht enenuh in suk in muhsahi in oacna mwet fuhfahsryucsr luhlhlafongi ke Jisus Kraist.

Mwe Sramsram
ke Ma Suhmuhsalah
ac Moulkihihnyac

Ke kom luti mwe rit ke ma suhmuhsalah inge, sramsramkihn lah ma suhmuhsalah inge orekmakihnyuck fuhkah nuh sesr mihsenge oacna ke orekmakihnyuck ke pacl lal Paul ah. Kwacfe mempucr ke kuhlals in akacsruhi ke ma elos puhlakihhn ma fototo nuh ke ma yohk ke ma suhmuhsalah.

1. Paul el kwacfe mwet luhlhlafongi Filippai in ukwe Jisus Kraist.

Sramsramkihn lwacta lal Paul nuh sin mwet Filippai. Ngihstre mempucr ke kuhlals in riti fuhs sollac inge in yohk

Paul el muhta in kaclpous fin acn Rom ke el sihm nuh sin mwet Filippai. Kuhtuh mempucr ke alu uh puhla fuhkah ke muhta in kaclpous lal Paul? (Liye Mwet Filippai 1:12–18.) Kom kahsreyuck fuhkah in liye kuh lohng sin kuhtuh-pac suc puhlack in kuhlwasnsuhpuh Leum?

- Ke Mwet Filippai 2:2–3, mac Paul el kwacfe mempucr ke alu uh in oruh? Ohiyac fuhkah mempucr ke alu uh enenuh in “nuhnak sena kac uh”? (Liye Mwet Filippai 1:27; 2:14–15.) Efuh kuhtuh pacl uh kuht oruh ma uh “mwe kohnkihn lusrohngtwen”? Efuh kom nuhnkuh muh Paul el kihsen kahsruh in lain ma se inge? Efuh yohk srihpac tuh kuht in tiac nuhnkuh muh kuht wo li-ki kuhtuh mwet uh? (Liye D&C 38:24–26.)
- Meac Paul el luti ke Jisus ke Mwet Filippai 2:5–8 an? Jisus el oakiyac srihkasrak wo in mongfihsracsr ac fuhlweacng nuh ke kena luhn Pahpah tuhmwacel fuhkah? (Liye Jon 8:29.) Kuht ac mongfihsracsr ac fihlikuhtyang nuh ke luhngse luhn Pahpah Lucng fuhkah?
- Meac kom nuhnkuh muh kalmac sel Paul ke el fahk nuh sin mwet Filippai, “Orekma nuh ke molwelah lom sifacna ke sahngweng ac rarrar”? (Mwet Filippai 2:12).

Prestuhn David O. McKay el ahkuhtweyac: “ ‘Orekma nuh ke molwelah lom’ sifacna sie mwe kwacfe in orek ke mukwikwi, ke nuhnak, ahkostwen pa pwac-yiyacn luhlhlafongi. Tuhsruhk ma se inge enenuh in orek ke nuhnak in etuh kac sifacna ma kuh in oraclah in sefuhlweacng ac muhnahs ma ac use kuluk kac. Ke sahngweng ac rarrar kuht kuh in suk kuh ac kuhlweacng luhn God nuh ke kolyuck in eis kuhtanglah” (ke Conference Report, Apr. 1957, 7).

Paul el sifilpacna kihsen kahsruh nuh sin mwet Filippai in “enganwack ke Leum” (Mwet Filippai 3:1; 4:4). Kuht kuh in enganwack in Leum fuhkah?

- Paul el fahk suh sin mwet Filippai lah el kihsackuhnlah ma nuhkwewa nuh sin Kraist (Mwet Filippai 3:7–8). Meac Paul el kihsackuhnlah? Efuh yohk srihpac kuhtwacn orek kihsac nuh sin Kraist? (Liye Mwet Filippai 3:9–12.)

Mwet Pahluh Joseph Smith el luti: “Alu se ma tiac enenuh kihsac ke ma nuhkwea wacngihn kuh ac fal in sang muhsaheack luhlalhfongi nuh ke moul ac molwelah; tuh, ke muhtwacwacyacn mwet uh, luhlalhfongi enenuh nuh ke engankihn moul ac molwelah tiac kuh in eisyuck fin te ke kihsac luhn ma nuhkwea fin facluh” (*Lectures on Faith* [1985], 69).

- Kuht kuh in eis “mihsalah luhn God” sruhmuhnyuck ke Mwet Filippai 4:7 fuhkah? (Liye Mwet Filippai 4:6–7.) Ngac kom puhlakihn mihs luhn God?
- Kuht kuh in orekmakihn kihsen kahsruh lal Paul ke mwet Filippai 4:8 fuhkah? (Oacyacpac liye Ip ke Luhlalhfongi 1:13.) Kuht ac ahkinsewowoyeyuck fuhkah ke kuht ukwe kahsruh se inge?
- Paul el fahkwack, “Nga kuh in oruh ma nuhkwea ke Kraist suc ahkkweyeyuc” (Mwet Filippai 4:13). Kom nuhnkuh muh Paul el eis fuhkah luhlalhfongi se ke Kraist inge? Kom kuh in liye lah kom kuh in “oruh ma nuhkwea ke Kraist” fuhkah?

2. Paul el ahkacsmakihnye mwet Kolosse lah molwelah tuhkuh muhkwen ke Kraist.

Sramsramkihn Mwet Kolosse 1. Ngihstre mempucr ke kuhlals in riti fuhs sollac an in yohk. Ahkkahlwemye wemye lah mwet luhlalhfongi fin acn Kolosse; sie siti yeiriyacn Efesus, ayaollac ke luti ma ahkyohkye yohk srihpacyacn Mwet Lahngo ac tuhngal yohk na nuh ke in eis wo in akihlen akwuck ac in Alu oacna lupufacn. Ke lwacta lal nuh sin mwet Kolosse, Paul el sensenkihn in lain luti inge, kwacfe mwet luhlalhfongi in sifilpacna “tulokihnyac ac muhtana kac” (Mwet Kolosse 1:23; liye oacyacpac Mwet Kolosse 2:5–7) in etuh lah molwelah tuhkuh muhkwen ke Kraist.

- Meac ma pwacye Paul el luti ke Jisus Kraist nuh sin mwet Kolosse? (Liye Mwet Kolosse 1:12–22. Suhmuhsa top luhn mempucr ke kuhlals ke port an.) Efuh yohk srihpac nuh sin mwet Kolosse in etuh ke ma pwacye inge? Etuh lom ac luhlalhfongi lom ke Jisus Kraist oruh fuhkah nuh ke muhtwacngom?
- Meac “usru luhn mwet luhlalhfongi” ma kuht ac kuh in eis sin Pahpah Tuhmasr Inkuhsrao? (Liye Mwet Kolosse 1:12; 2 Nephi 9:18; D&C 50:5.) Suc oraclah usru se inge kuh uh? (Liye Mwet Kolosse 1:12–14.) Meac kuht kuh in oruh in eis usru se inge? (Liye Mwet Kolosse 1:10–12; 2 Nephi 9:18; Alma 5:51; D&C 50:5.)
- Meac kalmac sel Paul ke el kwacfe mwet Kolosse int “ulokihnyac ac muhtana” ke wosasuc? (Liye Mwet Kolosse 1:23.) Meac oruh kuhtuh mwet uh in “som liki finsrak luhn wosasuc”? (Mwet Kolosse 1:23). Meac kuht kuh in oruh in ahkkweyepuhla in luhlalhfongi lasr uh?

3. Paul el luti mwet Kolosse ke ma elos enenuh in oruh in mwet sollac sin God.

Sramsramkihn Mwet Kolosse 2:1–8, 16–23; 3; 4. Ngihstre mempucr ke kuhlals in riti fuhs sollac an in yohk.

- Paul el kena mwet luhlalhfongi in oraclah insiaclos “twacni nuh sie ke luhngse” ac ke etuh luhn God Pahpah ac Jisus Kraist (Mwet Kolosse 2:2–3). Kuht kuh in oraclah ma se inge sifacna ke wort kuh pracns lasr uh fuhkah?

- Meac kalmac in “Okahelihk ac sruhnwack” in Kraist? (Liye Mwet Kolosse 2:7.) Kuht kuh in okahelihk in Kraist fuhkah? “Okahelihk ac sruhnwack” in Kraist kaksre kuht ke pacl in mwe sruhf uh fuhkah? (Kom ac ke kapsra soko sahk ma fototo okah nuh ke soko sahk loes, ac okah ah loes. Sramsramkihn lah sahk fuhkah soko moullac liki mwe sruhf fin pa nuh ke pahkah kuh paholah luhn acn uh.)
- Meac oruh luhn “mwet sollac luhn God” ma sihmihsyucklac ke Mwet Kolosse 3:12–15 an? Suhmuhsrah top luhn mempucr ke kuhlahs ke port an.) Jisus Kraist el oraclah sie srihkarak nuh ke oruh inge fuhkah? (Siyuck mempucr ke kuhlahs in nuhnkuh ke sie ma sikyak ma Jisus el ahkkahlwemye ke kais sie oruh inge.) Kuht kuh in muhsahi oruh inge fuhkah?
- Kuht kuh in lwelah kaks luhn Kraist in oasr in kuht fuhkah, oacna ke Paul el ngihstre? (Liye Mwet Kolosse 3:16–17; oacyacpac liye D&C 1:37; 18:34–36.) On uh ahkkkweye etuh lasr ac luhlalhfongi ke kaks luhn Kraist uh fuhkah? Kuht kuh in orekmakihn on ac kuhtuh pac on muhtahllacna uh fuhkah?
Elder Dallin H. Oaks el fahk: “Kuht enenuh in orekmakihn on lasr uh in ahk-fototoye kuht nuh ke nguhn luhn Leum, eiskuhtweni nuh sie, ac in kaksre kuht luti ac lutlut ke olweacng lasr. Kuht kuh in orekmakihn on lasr ke pacl in luti ke orekma luhn misineri, ke kuhlahs luhn wosasuc, ke miting luhn u, ke ekuh luhn sucu, ac ke pacl in forfor luti. On uh el ohiyac na wowo se in ahk-fuhlwactye Pahpah Inkuhsrao ac Wen nahtuhl, Jisus Kraist. Kuht enenuh in orekmakihn on uh ke kuht enenuh kuh ac kolyuck luhn nguhn” (ke Conference Report, Oct. 1994; kuh *Ensign*, Nov. 1994, 12).
- Paul el kalweni in ahkkahlwemye ke yohk srihpaciyan kuloh (Mwet Kolosse 2:7; 3:15, 17). Efuh yohk srihpac tuh kuht in sang kuloh? Kuht ac ahkkahlwemye fuhkah srui lasr nuh sel Pahpah Lucng ac Jisus Kraist ke ohiyac inge kwewa?

4. Paul el kwacfel Failimon elan nuhnak muhnahs nuh sel Onesimus.

Sramsramkihn lwacta lal Paul nuh sel Failimon. Ngihstre mempucr ke kuhlahs in riti fuhs sollac an in yohk. Ahkkahlwemye lah Paul el suhmuhsrah sie lwacta lal sifacna nuh sel Failimon, sie mempucr ke alu uh fin acn Kolosse, ke sie mwet kuhmahkihnyuck sel Failimon, pa Onesimus. Onesimus el pihsrapasr yohrohl Failimon ac kahinglac nuh Rom, suc el ohsun nuh sel Paul ac eklac nuh ke alu uh. Paul el siyuck Failimon lwacn nuhnak muhnahs nuh sel Onesimus ac acsac tuh lan oacna sie tamuhlwel lal ke wosasuc.

- Meac kuht kuh in luti kac Paul ke lwacta lal nuh sel Failimon?
- Paul el ahkkahlwemye ahkfulwact nuh ke sulacalah lal Failimon fuhkah? (Liye Failimon 1:14.) Paul el ahkkahlwemye oruh lal nuh ke karihngihnyacl Onesimus fuhkah?
- Meac kuht kuh in lotwelah ke lwacta se inge ke kuh luhn wosasuc in kuh in oraclah inmahsrion mwet? (Liye Failimon 1:16.) Wosasuc oruh fuhkah inmahsrion nuh sin mwet raunikomlac uh?

Sahflah

Ahkkahlwemye ke yohk srihpac in muhsahi ohiyac ma ac kaksre kuht in oacna Jisus Kraist, oacna ma sruhmuhnyuck ke lwacta lal Paul nuh sin mwet Filipai,

mwet Kolosse, ac Failimon. Ngihstre mepucr ke kuhlals in riti Filippai 4:8 ac Mwet Kolosse 3:12–15 na sulaclah sie ohiyac ke fuhs ingacn in orekma kac ke wik se inge.

**Nuhnak in Weacng
Mwe Luti**

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in ip ke lesin an.

1. Inmahsrlon pahpah ninac ac tuhlihk

Sap mepucr ke kuhlals in riti Mwet Kolosse 3:20–21.

- In oacna ke Paul el fahk, mac kunacn sie tuhlihk nuh sin pahpah ac ninac ki-acl? Meac kuhnacn pahpah ninac nuh sin sie tuhlihk? Kom kuh in ahkkweye inmahsrlon pahpah ninac ac tuhlihk in sucu lom sifacna uh fuhkah?

2. “Kom in kuhlwacnsuhpuh Leum Kraist” (Mwet Kolosse 3:24)

Sap mepucr ke kuhlals in riti Mwet Kolosse 3:23–24.

- Kuht kuh in ukwe kaks in ahkuhtweyac lal Paul ke fuhs inge fuhkah? (Oacyacpa liye Mattu 25:34–40.) Meac ohiyac se inge ac tuh oruh nuh ke kuhlwacnsap kuht oruh uh?

“Nga Ahksahfyelah Kahsruhsr Luhk”

Lesin Ahk
41

1 ac 2 Timote; Taitus

Srihpac In kwacfe in lutlut ac luti olweacng pwacye ac in srihkasrak suwohswohs nuh sin kuhtuhpac.

Ahkolah

- Rit, nuhnkuh, ac pruhe ke ma suhmuhslah inge:
 - 1 Timote 4; 2 Timote 1–4; Taitus 1. Paul el ahkuhtweyac ke akucl luhn forlah liki ma pwacye. El luti lah lutlut ac luti olweacng pwacye uh kahsruh karihngihn in lain forlah liki ma pwacye.
 - 1 Timote 4:12. Paul el luti lah kuht enenuh in “sie me srihkasrak ke mwet luhlalhfongi.”
 - 1 Timote 6; Taitus 2–3. Paul el luti lah kuht enenuh in “fahsr tukun ma suwohswohs” ac lahfuhkihn ma koluk.
- Ma in weacng mwe rit: Bible Dictionary, “Pauline Epistles: 1 Timothy,” 747; “Pauline Epistles: 2 Timothy,” 748; “Pauline Epistles: Epistle to Titus,” 747; “Timothy,” 785; “Titus,” 785–86.
- Kom fin orekmakihn mukwikwi ahkoeyucklac an, ahkolah tahk in kahs ke fahk inge, kuh ahkolah in suhmuhslah ke port an.
*In ahksafye kahsruhsr luhk, Nga enenuh in:
Lutlut ac luti olweacng pwacye
In sie srihkasrak luhn mwet luhlalhfongi
Fahsrtukun ma suwohswohs ac lahfuhkihn ma koluk*
- Mwe nguhsr nuh ke mwe luti: Oruh in kuhfwen mwe luti ac ohiyac puhs kom orekmakihn nuh ke luti. Fin pa, kom kuh in orekmakihn petsac kuh kuhfwen mwe inte, ac sie pacna ohiyacn luti, kuh sie pacna acn sasuc in muhta we. Kainin ma kuh in kahsruh mempucr ke kuhlals in pwacr ke lesin an.

Mwe Nguhsr Nuh Ke Ahkyohkyeyacn Lesin

**Mukwikwi
Ahkoeyucklac** Fin wo, orekmakihn mukwikwi inge kuh sie sin ma lom sifacna an in sramtweack lesin an.

- Meac kahsruhsr sahflah se kom wi kuh liye uh? Meac siena inmahsrlon *itto* ac *ahksafelah* sie kahsruhsr in siai uh? Mwet ekahsr itto ke sie kahsruhsr? Meac kom enenuh in oruh in itto?
- Kahsruhsr ke moul lasr oacna akuhtuhn se fuhkah? Ac tiac oacna akuhtuhn se fuhkah? (Mwet nuhkwea kuh in itto “ke akuhtuhn” luhn moul.) Meac kuht enenuh in oruh in ahksahfyelah akuhtuhn nuh ke moul uh?

Siyuck sie mempucr ke kuhlals an in riti 2 Timote 4:7. (Kom ac ke ahkkahlwemye lah sie “akuhtuhn” kuh in pangpang sie “kahsruhsr.”) Ahkkahlwemye lah

Mwet Sap Paul el muhta ke sie ohiyac ma el kuh in oraclah otwelah se inge nuh ke sahflahiyacn mou lal. Lesin se inge sramsram ke kuhtuh luti lal Paul ma ac kahrse kuht ke kuht srihke nuh ke sahflahiyacn kahsrührs lasr.

Sruhkwack tahk in kahs *In ahksafye kahsrührs luhk, nga enenuh in:*

Mwe Sramsram
ke Ma Suhmuhsalah
ac Moulkihiyac

Ke kom luti mwe rit ke ma suhmuhsalah, sramsramkihn lah ma inge orekmakihi-nyuck fuhkah nuh ke mou lal lasr pacl nuhkewewa. Kwacfe mempucr ke kuhlahs in akacsruhi ke ma elos puhlakihn sifacna ma kuhpahsr nuh ke ma yohk ke ma suhmuhsalah.

Ahkkahlwemye lah Timote ac Taitus mwet Paul el luhlahlfongi suc kahsrel in luti wosasuc. Tukun kacpous se met lal Paul Rom, el sifil pac fuhfahsryucsr ke orekma in misineri lal. Fin acn Efesus, el likilyac Timote in fosrngahkihn Alu uh, ac fin acn Crete el likilyac Taitus ke pacna kainin kunohkohn sac. Ke Paul el sifil oruh fuhfahsryucsr lal, el suhmuhsalah lwacta in ahkkweye mwet wiacl ac kihsen kahsrüh nuh selos ke ma kunwaclos in pastuh kuh mwet liyacacng sip nuh sin mwet luhlahlfongi. Na lwacta inge kwac pangpang lwacta in pastuh.

1. Lutlut ac luti olweacng pwacye.

Sramsramkihn 1 Timote 4; 2 Timote 1–4; ac Taitus 1. Ngihsrse mempucr ke kuhlahs in riti fuhs sollac an in yohk.

- Meac akucl ke forlah liki ma pwacye Paul el akuhtweyac ke lwacta lal nuh sel Timote ac Taitus? (Liye 1 Timote 4:1–3; 2 Timote 3:1–7, 13; 4:3–4; Taitus 1:10–11.) Akucl ke fahsr liki ma pwacye kahlwem ke lwen mihsenge uh fuhkah? (Liye 2 Nephi 28:3–9; D&C 1:15–16.) Kuht kuh in karihngihn kuht sifacna liki ma kuluk inge fuhkah?
- Efuh kuhtuh mwet uh “kwac lutlut, ac tiacna kahlwem ke ma pwacye uh”? (2 Timote 3:7). Kuht kuh in ahkpwacyeyelah lutlut lasr uh in use nuh sesr sie etuh nuh ke ma pwacye uh fuhkah?
- Meac Paul el luti nuh sel Timote ke kunohkohn luhn mwet suc luti wosasuc uh? (Liye 1 Timote 4:6–7, 13–16; 2 Timote 2:16, 23–25; 3:14–17; 4:2, 5. Kom ac ke suhmuhsalah kunohkohn inge ke port an.) Pacl fuhkah lasr kuht kuh in luti wosasuc uh? (Top uh kuh in pa luti mempucr ke sucu, ahkfalye pahng ke alu uh, ac sramsramkihn wosasuc nuh sin kawuck ac mwet luhngse. Ahkkahlwemye lah kais sie sesr ke kuhtuh srihpac sie mwet luti ke wosasuc.) Kuht kuh in luti wosasuc in wo likina fuhkah?
- Paul el ahkkahlwemye yohk srihpaciyacn luti ac lutlut ke olweacng pwacye uh. (1 Timote 1:3; 4:6, 13; Taitus 2:1). Lutlut ke olweacng pwacye uh kahsrse kuht in lain fahsr liki ma pwacye uh fuhkah? Mac kuhtuh sensen ke luti stuhuh uh? Lutlut ke olweacng pwacye ke wosasuc uh ahkinsewowoye mou lom fuhkah?

Sramsramkihn kuh luhn olweacng pwacye, Elder Boyd K. Packer el fahk: “Olweacng pwacye, etweyuck, ekuhllah ohiyac ac elah. Lutlut ke olweacng ke wosasuc uh ac ahkwoyelah elah uh in sa likina in lutlut ke sie elah ma ac ahkwoye elah.... Pa oruh kuht kwac tohlah ke lutlut ke olweacng luhn wosasuc” (ke Conference Report, Oct. 1986, 20; kuh *Ensign*, Nov. 1986, 17).

- Kuht kuh in etuh ma pwacye lah ma kuht luti uh olweacng pwacye fuhkah? (Liye Mosiah 18:19–20; D&C 52:9.)

Elder Joseph B. Wirthlin el kihsen kahsrüh: “God el ahkkahlwemye ma nuhkwewa ma enenuh nuh ke molwelah lasr. Kuht enenuh in luti ac muhta ke ma ahkkahlwemyeyuck tari ac sensenkihn ma pahngpahng mwe sensen. Kihsen kahsrüh luhk nuh sin mwet luti ke alu uh, lah elos luti ke wart kuh stek, ke acn eis etwacack yohk ke lutlut luhn alu uh, lutlut ke alu, lutlut ke pwacpuhl, kuh finne pahpah ac ninac in lohm selos, pa in oruh luti lalos an ke ma suhmuhsrah ac kahs luhn mwet pahluh ke lwen mihsenge uh” (ke Conference Report, Oct. 1994, 101; kuh *Ensign*, Nov. 1994, 77).

- Meac Paul el kihsen kahsre kuht kac in oruh ke pacl se kuht eis kahs pwacye uh (Liye 2 Timote 1:13; Taitus 1:9.) Mac kom nuhnuh kuh muh kalmac pa in sruokyac in kuh”? (Liye 1 Nephi 15:23–24.)

Kom fin orekmakihn mukwikwi ahkoeyucklac an, sruhwack tahk in kahs se ma *Lutlut ac luti olweacng pwacye an*.

2. “In ... sie srihkasrak ke mwet luhlahlfongi.”

Rit ac Sramsramkihn 1 Timote 4:12.

- Meac kom nuhnuh kuh muh pa kalmac in “sie srihkasrak ke mwet luhlahlfongi”? (1 Timote 4:12). Kom eklac sin sie mwet suc “oasr srihkasrak la ke mwet luhlahlfongi” fuhkah?

Tahkuhnlah kais sie ohiyac Paul el kwacfel Timote elan sie mwe srihkasrak kac an. Siyuck mempucr ke kuhlahs in ahkuhtweyac lah kuht kuh in sie srihkasrak ke kais sie ohiyac inge fuhkah?

Kahs

Sramsram inmahsrulon mwet (kuh pac in kalmac pa in ahkfahsrye kuh elah)

Luhngse pwacye in Kraist

Nguhn

Luhlahlfongi

Nwacsnwacs

Kom fin orekmakihn mukwikwi ahkoeyucklac an, sruhwack tahk in kahs ke *In sie srihkasrak ke mwet luhlahlfongi*.

3. “Fahsr tukun ma suwohswohs” ac lahfuhkihn ma koluk.

Rit ac sramsraamkihn fuhs sollac ke 1 Timote 6 ac Taitus 2–3.

- Meac Paul el luti ke luhngse ke mani? (Liye 1 Timote 6:7–10.) Ke akucl fuhkah luhngse ke mani uh “okan ma koluk nuhkwewa”? Kuht kuh in etuh lah kuht tiac loh nuh ke mani ac mwe kahsrüh uh fuhkah? (Liye 1 Timote 6:17–19; Jacob 2:18–19.)

Elder Dallin H. Oak el luti: “Wacngihn ma koluk tuhkuh ke mani uh. Mwet Samaria sac orekmakihn kain in mani sac pac na in sang kuhlwacnsuhpuh mwet wiyacl suc Judas el orekmakihn in sang tuhkahkuhnuh wack Mwet Luti. Luhngse luhn mani [suc] pa okan ma koluk nuhkwewa.’ (1 Timote 6:10; ahk-kohnyeyucklac.) Ip yohk se ma siena uh pa luhpan nguhn ma kuht orekmakihn in liye, lihklhki, ac orekmakihn ma ke facl se inge” (ke Conference Report, Oct. 1985, 78; kuh *Ensign*, Nov. 1985, 63).

- In lwacta lal nuh sel Timote ac Taitus, Paul el sang ahkuhtweyac pucspucs ke moul suwohswohs. Meac kihsen kahsrüh Paul el sang ke fuhs inge: 1 Timote

6:11–12; 2 Timote 2:22; Taitu 2:1–8, 12; 3:1–2, 8? (Ahkfototoyelah top luhn mempucr ke kuhlals an ke port an. Sramsramkihn lah kihsen ahkuhtweyac inge meac kalmac ac kuht kuh in orekmakihn nuh ke moul lasr uh fuhkah?)

Kom fin orekmakihn mukwikwi ahkoeyucklac an, sruhwack tahk in kahs ke *Fahsr tukun ma suwohswohs ac lahfuhkihn ma koluk*.

Sahflah

Ahkkahlwemye lah Paul el etuh lah el ac fah ahkkweokyeyuck ke luhlalfongi lal ke Jisus Kraist. Tuhsruh el oacyacpac etuh lah el moulikihn wosasuc, “[oasr] ahkolah nuh [sel] sie susu luhn suwohswohs” (2 Timote 4:8). Fahkwack luhlalfongi ke yohk srihpaciyacn oruh ma wo ke lwen nuhwewa ac muhtana ke in-kacnek tuh kuht in muh weluhl Paul fahk, “Nga mweuni sie mweun wo, nga ahksahfyelah kahsruhsr luhk, nga karunganwacng luhlalfongi” (2 Timote 4:7).

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge kin ipin lesin an.

1. Ma in weacng mwe sramsram ke 1 Timote

- Meac kihsen kahsruh Paul el sang ke pruhe ke 1 Timote 2:1–3 an? Efuh enenuh kuht in pruhe ke mwet nuhwewa? Kuht kuh in oruh ma se inge in oasr kalmac fuhkah? Efuh enenuh kuht in pruhe yohk na ke mwet kol ke muh-tuhnfac?
- In 1 Timote 3:1–7 Paul el oraclah sie mwe enenuh nuh ke sie pisap. Efuh mwe enenuh inge yohk srihpac nuh sin sie pisap?
- Meac Paul el luti ke 1 Timote 5:8 ke karihngihnyacn sucu lasr? Efuh kom nuhnkuh muh Paul el sramsramkihn yohk na in laenuhlos suc tiac ahkfalye kunohkohn se inge?

2. “God el tiac use nuh sesr nguhn in sahngweng” (2 Timote 1:7)

Siyuck sie mempucr ke kuhlals in riti 2 Timote 1:7.

- Meac kuhtuh ma mwet uh sahngweng kac fin facluh mihsenge uh? Meac mwe ahkkweye Paul el sang nuh sel Timote ke “Nguhn in Sahngweng”? Kom konwacack mwe ahkkweye se inge in pwacye in moul lom sifacna fuhkah?

3. In sie mwet sruh sacn wo.

Rit ac sramsramkihn Taitus 2:9–10.

- Kihsen kahsruh lal Paul nuh sin mwet kuhlwacnsap ke fuhs inge orekmakihnyuck nuh sin mwet sruh sacn uh fuhkah? (Ahkkahlwemye lah kahs se *kuhtasrihk* uh kalmac pa pihsrapasr kuh suhwacfas.) Mwet sruh sacn uh kuhtuh pacl uh pihsre yurin mwet elos orekma yohroh uh fuhkah? (Top an kuh in pa pihsre mani, uslah kuhfa nuh ke orekmakihnyac la sifacna, kuh tiac orekma lwen fohn se.)
- Meac Paul el fahk kuht enenuh in oruh likina in pihsrapasr kuh suhwacfas uh? (Ahkkahlwemye “fokoko,” kuh luhlalfongi ac in luhlalfongiyuck.) Meac sikyak kom liye ke ahkkahlwemyeyacn “fokoko” ke acn in orekma uh?

Jemes

Srihpac In kahsrh mempucr ke kuhlahs in kahlwem ke ma kuht kuh in muhsahi in moukihn ke Alu lasr uh yohk na uh.

Ahkolah

- Rit, nuhnkuh, ac pruhe ke ma suhmuhslah inge.
 - Jemes 1:1–4; 5:10–11. Jemes el luti muh kuht enenuh in kampare ke ongaiyac nuh sesr ke muhtweng.
 - Jemes 1:5–7; 4:8. Jemes el luti lah kuht enenuh in pruhe nuh sin God ke luhlalhfongi.
 - Jemes 1:19–20, 26; 3:2–18. Jemes el luti lah kuht enenuh in karihngihn lohoshir ac in “pahtlac in foloyak.”
 - Jemes 1:22–25, 27; 2:14–26; 4:17. Jemes el luti lah kuht enenuh in “orekma ke kajs,” ahkkahlwemye luhlalhfongi lasr ke orekma lasr.
- Ma in Weacng Mwe Rit: Bible Dictionary, “James,” 709; “James, Epistle of,” 709–10.
- Mwe nguhsr nuh ke mwe luti: “Luti pwacyeyiacn sramsram luhn sie sin sie ac nuh sin God. Kahsrh kais sie in kahlwem ke pruhe wo uh ac akikhlen top sin God” (Richard G. Scott, “Four Fundamentals for Those Who Teach and Inspire Youth,” ke *CES Old Testament Symposium Speeches*, 1987 [1987], 3).

**Mwe Nguhsr Nuh
Ke Ahkyohkyeyacn
Lesin**

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtwack lesin an.

Suhmuhslah *Alu pwacye* ke port an, na siyuck kihsensiyuck inge:

Meac kalmacn kajs se pahngpahng *nwacsnwacs* uh? (Top an kuh in pa pwacye, wo, fas, ac sun.) Meac kalmacn *alu*? (Top an kuh in pa kuhlwacnsap ac alu nuh sin God, sie ohiyac in luhlalhfongi ac oruh ac sie olwelah kuh sackuhnlah nuh ke sie ohiyacn moul.)

Kom ac fahk kalmacn alu pwacye fuhkah?

Siyuck sie mempucr ke kuhlahs in riti Jemes 1:27. Ahkuhtweyac lah lesin se inge sramsramkihn lah kuht ac orekmakihn luti lal Jemes fuhkah in kajsre kuht moukihn sie “alu pwacye”ac in “tiac ahkkolukye God.”

Mwe Sramsram
ke Ma Suhmuhslah
ac Moulkihnycac

Ke kom sramsramkihn mwe luti ke puk lal Jemes, suhmuhslah ke port an ye sifac *Aluh pwacye*. Sramsramkihn lah kais sie ip yohk lutiyuck sel Jemes inge kuh in kajsre kuht moukihn sie alu pwacye.

Ahkkahlwemye lah mwet se suhmuhslah puk lal Jemes motkweyuck muh tamuhlwel lal Jisus Kraist. Tukun Jisus el moulyak, Jemes el kulwacnsap in sie mwet sap ac sie mwet kol yohk srihpac ke alu met ah (Orekma 12:17; 15:13–20).

1. Kuht enenuh in kampare ke ongaiyac nuh sesr ke muhtweng.

Riti ac sramsramkihn Jemes 1:1–4; 5:10–11.

- Meac Jemes el luti ke pacl in srihkasrak luhn luhlalfongi lasr uh? (Liye Jemes 1:2–3 ac foot note 2a, suc ahkkahlwemyeyuck ke lweng lal Joseph Smith Translation, ke pohloh kaks se *mwe ahkkweok pucspucs* ikihlyucklac nuh ke *ka-in in mwe sruhf*. Mwe sruhf uh kaksre kuht in muhsahi muhtweng uh fuhkah? Kuht ahkinsewowoyeyuck fuhkah ke kuht kampare muhtweng mwe sruhf uh? (Liye Jemes 1:4; Mwet Rom 5:3–5; Alma 36:3.)

Elder Orsen F. Whitney el suhmuhslah: “Wacngihn ngal suc kuht kweokihn, wacngihn mwe srihkasrak ma kuht puhlakihn wacngihn srihpac. Kaksre kuht nuh ke lutlut lasr, nuh ke muhsahiyacn kuhtuh ma yohk pa nuh ke muhtweng, luhlalfongi, puhlaik ac puhsisac. Ma nuhkwea kuht kweok kac ac ma nuhkwea kuht kampare kac, ke kuht kwacna kampare in muhtweng uh, muhsahi kuhtyak ke ohiyac lasr, ahknwacsnwacsye insiacsr, ahkyohkye nguhsnasr, ac oruh kuhtwacn fihsracsrsracs, ac kuhlwacng, ac in kuh in suwowswohs in pahngpahng tuhlihk nuhtin God” (itucklac ke Spencer W. Kimball, *Faith Precedes the Miracle* [1972], 98).

- Suc Jemes el sruhmuhn muh srihkasrak wowo ke muhtweng ke ongaiyac uh? (Liye Jemes 5:10–11.) Kom liye mwet pahluh ke pacl mihsenge uh ahkkahlwemye muhtweng se inge fuhkah? Srihkasrak laltahl kaksre kom fuhkah?

2. Kuht enenuh in pruhe nuh sin God ke luhlalfongi.

Rit ac sramsramkihn Jemes 1:5–7 ac 4:8.

- Meac kihsen kaksruh lal Jemes nuh selos suc “srihklac etuh la”? (Liye Jemes 1:5–6.) Meac Pahpah Lucng elac oruh kuht fin siyuck ke luhlalfongi? Meac kom puhlakihn ke eis top nuh ke pruhe?
- Mwet Pahluh Joseph Smith el eklac ke kihsen kaksruh ke Jemes 1:5 fuhkah? (Liye Joseph Smith—History 1:11–13.) Meac kuht kuh in luti ke puhlakihn lal? Sulaclah lal Joseph in ukwe kihsen kaksruh ke Jemes 1:5 oruh nuh sesr fuhkah? (Liye Joseph Smith—History 1:14–20.)

Prestuhn Spencer W. Kimball el fahk: “Ke srihpen tuhlihk mukul yac singucul ahkosr sac som nuh insack ah in pruhe ah, ac in rit ke ma suhmuhslah,... ke srihpen el oruh oacna fwackyuck el eis, oasr yohrohsr Alu luhn Jisus Kraist luhn Mwet Luhalfongi Lal ke Lwen-sahflah. Oasr yohrohsr nohfohn mwe insewowa ma kuh in oruh kuht in mwet engan emet fin facluh mweyen sie tuhlihk mukul yac singucul ahkosr som nuh insack ah in pruhe” (ke Conferenc Report, Melbourne Australia Area Conference 1976, 23).

Kom fin luti mwet fuhsr an fahkwack lah siyuck sin God ke luhlalfongi uh ac eis lahlmwetmtiac suhfal nuh ke matwac kuh kuhtuh pacna ohiyac. Joseph Smith el yac singucul ahkosr matwac likiyac kaks lal Jemes nuh ke sie srihke ac eis ararama se met. El yac singucul itkohsr matwac ke lupufacn Moroni el muhtwacta nuh yohrohl ac ahkkahlwemye acn plet kol ah karihngihnyuc-kyang we.

- Jemes el ahkuhtweyac kaclos suc pruhe ke tiac luhlalfongi uh fuhkah? (Liye Jemes 1:6–7.) Meac kuht kuh in oruh in ahkkweye luhlalfongi lasr uh?
- Jemes el luti, “Kaluckyang nuh yurin God, ac el ac kalohkoht nuh yuruwos.” (Jemes 4:8). Insacnweacng in pruhe uh us kuht in fototo nuh yurin God fuhkah?

3. Kuht enenuh in karihngihn lohohsr ac in “pahtlac in muhlat.”

Sramsramkihn Jemes 1:19–20, 26; 3:2–18. Ngihstre mempucr ke kuhlals in riti fuhs sollac an in yohk.

- Jemes el luti lah kuht enenuh in “pihsrpihsr in lohng, pihsrpihsr in sram-sram” (Jemes 1:19). Meac kom puhlakihn in moul lom ma ahkkweye lahlmwetmwet lom ke kihsen kahsrh se inge? Kuht ac kuh in mwet wo ke lohng uh fuhkah ac mwet in etuh sramsram?
- Jemes el oacyacpac luti lah kuht enenuh in “pahtlac in muhlat” (Jemes 1:19). Meac kuhtuh ma ac sikyak ke sramsram kuh mukwikwi in kasrkuhsrak uh? Meac kom puhlakihn in moul lom ma ahkkweye lahlmwetmwet ke kihsen kahsrh lal Jemes? Kuht kuh in kuhtanglah kuh tulokihnyac puhlakihnyacn kasrkuhsrak uh fuhkah?
- Jemes el luti lah kuht enenuh in sruokyac lohohsr (Jemes 1:26). Meac srihpen kapihr luhn ngasron ohsr uh? (in us ac tilokihn ohsr an.) Kuht kuh in orek-makihn kihsen kahsrh lal Jemes “kapriyac” lohohsr fuhkah? (Liye Jemes 4:11. Top uh kuh in pa in sensenkihn lwesrihk, kikiacp, akuhkuhin, fuhlahk, ac kahs kohu. Ohinge kuht enenuh in orekmakihn lohohsr in sramsram-kihn kahs kuhlwasng, ma pwacye, in pruhe, ac in oruh ma mihs.)
- Riti Jemes 3:3–5. Meac Jemes el kapsra lohoh nuh kac ke fuhs inge? (Kapihr se ke inngasron ohsr ac wil in for ke soko oak. Kom ac ke ahkuhtweyac lah pit pa ip kwekwe se ma ituckyang nuh ke inwaclih ohsr uh.) Meac kuht kuh in luti ke kuhpahsr inge? Luti in karihngihn kahs lasr uh kah sre kuht in karihngihn kuhtuh pac ma ke moul lasr uh fuhakah?
- Riti Jemes 3:9–13. Meac Jemes el luti ke fuhs inge ke karihngihnyacn sramsram lasr uh? (Sramsramkihn sramkihn ma yohk ke kihsen fahk se inge nuh sin mempucr ke kuhlals an. Nuh ke sie srihkarak, fin ac oasr mempucr ma prist ke kuhlals kom ac ke sramsramkihn yohk srihpacyac in karihngihn sramsram nwacsnwacs lalos ke wik sacn elos in muh suwohswohs in ahkinsewowyeh kuhfa luhn Leum ke Sacnri. Kuh pac in orekmakihnyuck ma yohk se inge nuh selos suc luti wosasuc.)
- Karihngihnyacn lohohsr kahsre kuht kol kuht nuh ke mihs fuhkah? (Liye Jemes 3:16–18.) Efuh karihngihnyacn lohohsr sie ip yohk srihpac nuh ke alu pwacye uh?

4. Kuht enenuh in “mwet orekma ke kahs,” ahkkahlwemye luhlalfongi lasr ke orekma lasr.

Rit ac Sramsramkihn fuhs sollac ke Jemes 1:22–25, 27; 2:14–26; 4:17.

- Meac kalmac in “mwet lohng muhkwenah” ke kahs? (Jemes 1:22). Ke luhmah suc in “mwet lohng muhkwenah” kiacpwelos sifacna? (Liye Jemes 1:22–25; 4:17.) Meac mwe insewowo ke “Mwet orekma ke kahs” uh?

- Meac Jemes el luti ke inmahsrion luhlalfongi ac orekma? (Liye Jemes 2:14–26.) Efuh luhlalfongi misac fin wacngihn orekma? Orekma wo uh ahkweye luhlalfongi lasr ke Jisus Kraist fuhkah?
- Meac Jemes el sramsramkihn muh kuht enenuh in oruh in moulkihn sie alu pwacye uh? (Liye Jemes 1:27 kuh ahkacsmakihnye mempucr ke kuhlahs ke mukwikwi ahkoeyucklac an.) Efuh kom nuhnkuh muh muhtwacta ac kahsrüh mwet enenuh sie ip ke alu pwacye uh?
- Meac kuht kuh in oruh in muhta “tiac tuhnlac ke ma luhn facluh?” (Jemes 1:27; liye D&C 59:9). Wi alu ac ipeis ke kuhfa luhn Leum ke kais sie wik kahsre kuht in muhta tiac tuhnlac ke ma luhn facluh fuhkah?

Sahflah

Fahkwack ke pwacyeyiacn luti lal Jemes. Sramsramkihn lah kuht kuh in moulkihn alu lasr uh ke pwacye in muhtweng ke mwe ahkmuhnahs, pruhe nuh sin God ke luhlalfongi, lwem facsr sifac-na, ac oruh orekma wo.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in ip ke lesin an.

1. Sramsram luhn mempucr ke kuhlahs

Wik se met liki lesin se inge ac lutyuck uh, siyuck limekohsr mempucr ke kuhlahs in lutlut ke kais sie sapta ke Jemes. Ke muhtwacwacyiacn kuhlahs (tukun na mukwikwi ahkoeyucklac an kom fin ac orekmakihn), sap mwet inge in akacsruhi ke kahlwem lalos ke sapta elos luti kac an.

2. Petsac in liyeyuck

Riti Jemes 1:27 na oruh in liyeyuck “The Body Is a Temple,” ip se ke *New Testament Video Presentations* (53914) mihnit ohnkohsr. Sramsramkihn lah petsac in liyeyuck se inge luti ke karihngihn kuht sifacna in tiac tuhnlac ke ma luhn facluh.

3. Ma in weacng mwe sramsram ke puk lal Jemes

- Ke Joseph Smith Translation ke Jemes 1:12, kahs se muh *muhtweng* an ikihlyucklac nuh ke *lain*. Meac sielacna liki kuhtanglah mwe sruh ac sensenkihn mwe sruh uh? (Liye Jemes 1:12; 4:7.)
- Meac Jemes el luti ke nuhnunhkweyacn kuhtuh pac uh? (Liye Jemes 2:1–9.) Efuh kuhtuh mwet uh nuhnunhkuh kuhtuh pac ke wal lalos facluh uh kuh ma lalos uh? Kuht ac luti fuhkah in ngwet liki sikyak luhn luhkuh uh ac nuh ke insiacn mwet, oacna God el oruh uh? (Liye 1 Sam 16:7; D&C 38:24–27.)
- Meac Jemes el luti ke ma oruh luhn sok ac kena yohk uh? (Liye Jemes 3:16; 4:1–6.) Kuht kuh in kuhtanglah puhla in sok kuh kena yohk uh fuhkah? (Liye Jemes 4:7–10.)
- Meac Jemes el luti ke ahkweyeyacn mwet mas? (Liye Jemes 5:14–15.) Kom ahkinsewowoyeyuck kuh liye kuhtuh pac ahkinsewowoyeyuck ke kuh in ahkweyelah luhn pristut fuhkah?
- Jemes el sramsramkihn yohk srihpacyiacn kahsrüh mwet suc “kiacpweyucklac liki ma pwacye” (Jemes 5:19–20). Kuht kuh in oruh ma se inge fuhkah?

1 ac 2 Piter; Jud

Srihpac	In kahsrh mempucr ke kuhlahs in muhta ke muhtahllacna ac in sie fihl sollac.
----------------	--

Ahkolah	<ol style="list-style-type: none">Rit, nuhnkuh, ac pruhe ke ma suhmuhslah inge:<ol style="list-style-type: none">1 Piter 1; 2:1–10. Piter el luti lah kuht enenuh in oasr luhlalhfongi ac muhta in muhtahl. El luti lah mwet luhlalhfongi elos sie fihl sollac, pahng in ahkkahlwemye kaksak ke Mwet Lahngo.1 Piter 2:19–24; 3:13–17; 4:12–19. Piter el luti lah kuht enenuh in ukwe srihkarak luhn Mwet Lahngo in muhtweng ke mwe srihkarak ac koase-yuck.2 Piter 1. Piter el kwacfe kuht in mwet ipeis ke moul luhn God ac oaru in suk pahng lowos ac sulaclah lowos.2 Piter 2–3; Jud. Piter ac Jud kihsen sensenkihn mwet luti stuhuh ac elos suc lahfuhkihn tuhkuh ahkluo. Elos ahkkweye mwet fahsr tukun Kraist in muhtana in luhlalhfongi.Ma in weacng mwe rit: 1 Jon 3:2–3; 3 Nephi 12:48; Doctrine and Covenants 122:7–8.Mwe nguhsr nuh ke mwe luti: Lutlut ke kais sie lesin in yohk kom in kuh in luti tiac kwac ngwet nuhke puk an. Etuh ke mwe lutlut uh oruh kom in kuh in ngwet nuh sin mempucr ke kuhlahs ke kom luti uh. Orekmakihnyacn muhta uh oruh mempucr ke kuhlahs in kuh in wi oruh ma orek ke kuhlahs ac ohiyac ac kahsre kom ahkkahlwemye luhngse lom ac nuhnak lom kachtahl. (<i>Liye Teaching—No Greater Call</i>, 107–8.)
----------------	--

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac	<p>Fin wo, orekmakihn mukwikwi inge kuh sie sin ma lom sifacna an in sramtweack lesin an.</p> <p>Akasruhi ke sramsram se sruhmuhnyuck sel Pisap Voughn J. Featherstone inge:</p> <p>“Yac pucspucs somlah nga lohng sie sramsram ke tuhlihk mukul se nahtuhl Tohkohsrah Louis XVI fin acn France. Tohkohsrah Louis itucklac el liki tron lal ac kaclpousiyucki. Tuhlihk mukulfuhsr se nahtuhl suc prins, utucklac el sin mwet ma eislah tron luhn tohkohsrah. Elos nuhnkuhmuh in tuhlihk mukul nuhtin tohkohsrah pa ac usrui tron elos fin kuh in kuhnaosuhllah, el ac tiacna akihlen fuhlwact ac wal suc ituckyang nuh sel uh.</p> <p>“Elos usacllah nuh ke sie acn loeslac ac elos oruh nuh sin tuhlihk mukul fuhsr sac kain in ma koluk nuhkweya ma moul kuh in tuhfahtllah uh.... Puhs liki mahlwem ohnkohsr ma el muhta ke elyac se inge—wacngihn pacl se tuhlihk mukul fuhsr se inge srihke in sruhflah ke ma upac. Na tok tukun mwe sruh</p>
--------------------------	--

upac, elos kihnsensiyuck nuh sel. Efuh el tiac fungyang nuhke ma inge—efuh el tiac srihke? Ma inge ac use pwacr, ahkfalyelah kena upac lal, ac arlacna wo; ma inge nohfohn ma lal. Tuhlihk mukul sac fahk, ‘Nga tiac kuh in oruh ma kom si-yuck sihk tuh nga isuslac sie tohkohsrah’ ” (“The Kings Son,” *New Era*, Nov. 1975, 35).

Pisap Featherstone el sapkihn:

“Pahpah Tuhmasr el sie tohkohsrah, na sie tuhlihk mukul nuhtin tohkohsrah orek nuh sel kain koluk nuhkewewa ke moul se inge, na kom ac fah puhtatyang nuh ke ma koluk ac ma upac ke fihl lasr uh. Tuhsruhk kom ... oacyacpac isuslac in tohkohsrah ac kasra, Prist ac muhtwacn kiacn prist” (*New Era*, Nov. 1975, 35).

- In tuhlihk nguhn nuhtin Pahpah Tuhmasr Inkuhsrao, meac kuhiyacsr uh? Kahlwem ke kuhiyacsr uh ekuhllah inkacnek in moul lasr uh fuhkah?

Ahkkahlwemye lah ke kuht tuhlihk nuhtin Pahpah Tuhmasr Inkuhsrao uh, kuht kuh in oacna el ac usrui ma nuhkewewa ma oasr lal uh pac. Lwacta lal Piter ac Jud use luti yohk srihpac in kaksre kuht moul suwohswohs in tuhlihk nuhtin God.

Mwe Sramsram
ke Ma Suhmuhsalah
ac Moulkihnya

Pruhe in kom sifacna sulaclah mwe rit ke ma suhmuhsalah, kihnsensiyuck, ac kuh-tuh pac kuhfwen mwe luti ma ac wo in oraclah enenuh luhn mempucr ke kuhlahs. Sramsramkihn lah ma suhmuhsalah inge orekmakihnyuck nuh ke moul lasr in lwen nuhkewewa uh fuhkah. Kwacfe mempucr ke kuhlahs in akacsruhi ke puhla lalos ke moulkihnya ma yohk ke ma suhmuhsalah uh.

1. Muhta in luhlalfongi ac muhtahllacna in sie fihl sollac.

Sramsramkihn 1 Piter 1 ac 2:1–10. Ngihstre mempucr ke kuhlahs in riti fuhs sollac inge.

- Meac Piter el luti ke sapta 1 ac ke orekma luhn Jisus Kraist? (Liye 1 Piter 1:3–4, 18–21.) Etuh ke orekma luhn Mwet Lahngo ac kihnsackuhnlah uh oruh fuhkah nuh ke muukwikwi lasr lwen nuhkewewa uh? (Liye 1 Piter 1:8, 13–16, 22–23; 2:5. Kom ac ke suhmuhsalah top luhn mempucr ke port an.)
- Efuh luhlalfongi “yohk likina ... kol” oacna ke Piter el fahk? (Liye 1 Piter 1:7; Mwet Hibru 11:6; 1 Nephi 7:12.) Kom nuhnkuh muh meac kalmac in srihke-yuck luhlalfongi lasr uh ke e? Meac na pwacye srihpac luhn luhlalfongi lasr uh? (Liye 1 Piter 1:5, 9.)
- Piter el luti lah mwet pahluh suc fahkwack ke Jisus kraist “lohngohk kac ac oaru in suk” (1 Piter 1:10; oacyacpac liye fuhs 11). Oaru in pruhe ac lutlut ke ma suhmuhsalah uh ahkkweye luhlalfongi in fahkwack lasr ke Mwet Lahngo fuhkah?
- Suc fihl sollac se Piter el sramsram kac uh? (Liye 1 Piter 2:9–10 ac fahk se ten inge.) Meac kunacsr in sie fihl sollac? (Liye 1 Piter 2:9.) Kuht kuh in ahkpwacye kunohkohn se inge fuhkah? (Liye Mattu 5:16.)

Elder Bruce R. McConkie el konwacack kalmacn sie fihl sollac muh “Tiac elos suc muhta ke puhlan pacl se kuh matwac se, tuhsruhk ... kwewana tuhlihk nuhtin Israel met, ke pacl luhn Kraist fin facluh, ac ingena ke lwen mihsenge uh... [Pa] mwet luhlalfongi ke Alu uh suc eis nuh faclos inen Kraist ac nuhtlah nuh ke sucu lal” (*Doctrinal New Testament Commentary*, 3 vols. [1966–73], 3:294).

2. Ukwe srihkasrak luhn Mwet Lahngo in kuhtanglah mwe srihkasrak ac kaseyuck uh.

Rit ac sramsramkihn 1 Piter 2:19–24; 3:13–17; 4:12–19.

- Piter el suhmuhslah lah “Kraist el ... kweok kacsr, likiyac sie srihkasrak” (1 Piter 2:21). Meac kuht kuh in oruh in ukwe srihkasrak luhn Mwet Lahngo in lain mwe srihkasrak ac kaseyuck uh? (Liye 1 Piter 2:19–23.) Meac srihkasrak kom liye ke mwet ma oacna Kraist in muhtweng ke mwe srihkasrak uh? Kuht ahkinsewowoyeyuck fuhkah ke kuht ukwe srihkasrak luhn Mwet Lahngo in lain mwe srihkasrak uh?
- Ngac kom (kuh sie suc kom etuh) kaseyuck in oruh kena luhn Leum uh? Piter el kihsen kacsr kuht in lain kain ohiyac inge fuhkah? (Liye 1 Piter 3:13–17; 4:12–19. Kom ac ke suhmuhslah top luhn mempucr ke kuhlahs an ke port an.) Meac ohiyac ma mwe srihkasrak uh use pacl in fototo nuh sin Leum uh ac in ahkfuhlwactyacl uh?

3. Ipeis ke moul luhn God ac oaru in suk pahng lowos ac sulaclah lowos.

Rit ac Sramsramkihn fuhs sollac ke 2 Piter 1.

- Meac ma oruh Piter el ahkuhtweyac ip ke moul luhn God uh? (Liye 2 Piter 1:4–7. Suhmuhslah ohiyac inge ke port an.) Efuh yohk srihpac kuhtwacn muhsaheack kuh inge? (Liye 2 Piter 1:8.) Kom liye ohiyac inge orek sin kuh-tuh mwet sahyac fuhkah?
- Piter el kwacfe mwet luhlalhfongi in “oaru in suk pahng lowos ac sulaclah lowos” (2 Piter 1:10). Meac kalmac in oaru in suk pahng lowos ac sulaclah lowos? (In eis sin Leum ahkpwacye kuh olwelah nuh ke engan ke tohkohsrahi luhn God. Sie mwet suc pahng ac sulohsohllah enenuh lwacn kahlwem kac ac etuh lah el siliyuck nuh ke moul ma pahtpaht, ke fwackyuck ac nguhn in pahluh [liye D&C 131:5]. Joseph Smith el eis olwelah se inge sin Leum, oacna ke sihmlac ke Doctrine and Covenants 132:49.)
- Meac kuht enenuh in oruh pahng ac sulaclah nuh sesr uh in pwacye uh?
Mwet Pahluh Joseph Smith el luti: “Tukun sie mwet oasr luhlalhfongi lal ke Kraist, auliyak ke ma koluk lal, ac pacptaislac nuh ke elah ma koluk lal, ac eis Nguhn Muhtahl (ke fihliyac luhn paho),... ac srihke in srackna ahkpuhsisac-lyacl ye muhtuhn God, masrinsracl ac malluhkihn ma suwoswohs, ac moulkihn kacs nuhkwea luhn God, na Leum lac fah fahk nuh sel ke pacl fototo, Wen, kom fah enganwack. Ke Leum el ac fah ahkpwacyeyacl, ac konwacack lah mwet sacn sulaclah in kuhlwacnsuhpacl ke ma upac nuhkwea, na mwet sacn fah konwacack pahng lal ac sulaclah lal in oreklac pwacye” (*Teachings of the Prophet Joseph Smith*, sel. Joseph Fielding Smith [1976], 150).

4. Sensenkihn mwet luti stuhuh ac elos suc lahfuhkihn Tuhkuh se Ahk Luo.

Rit ac sramsramkihn fuhs sollac ke 2 Piter 2–3 ac Jud. Ahkkahlwemye lah Jud el sie tuhlihk mukul nahtuhl Joseph ac Mary ac sie tamuhlwel lal Jisus.

- Piter ac Jud kihsen sensenkihn lah efah oasr mwet luti stuhuh inmahsrlon mempucr ke alu uh Meac elos fahk ke kuhtuh akucl ke mwet luti stuhuh? (Liye 2 Piter 2:1–3, 10, 12–19; Jud 1:4, 8, 10–13, 16, 18–19.) Kuht kuh in akihlen mwet luti stuhuh mihsenge uh fuhkah?

- Meac kihsen kahsrub Piter ac Jud sang ma kuh in kahsre kuht sensenkihn luti stuhuh ac in liyacacng luhlalhfongi ke kuht ahkolah nuh ke tuhkuh se Ahk Luo uh? (Liye 2 Piter 3:11–14, 17–18; Jud 1:3, 20–21; oacyacpac liye Moroni 7:12–17; D&C 45:57; 46:7–8.)

Sahflah

Fahkwack ke ma pwacye kom sramsramkihn ac kwacfe mempucr ke kuhlals in ukwe luti lal Piter ac Piter ac Jud ke elos srihke in moul ke luhlalhfongi ac muh-tahllacna.

Nuhnak in Weacng

Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn sie kuh puhs sin nuhnak inge in ip ke lesin an.

1. Ma in weacng mwe sramsram ke 1 Piter

- Ke 1 Piter 1, meac siena liki Piter el oraclac inmahsrlon ma ma upa kuh fih-sracsr in wacngihnlac ac ma ma fihsracsr ac kawihl uh? (Liye 1 Piter 1:4, 7, 18–19, 23–25. Suhmuhsrah top luhn mempucr ke kuhlals an ke port an ye si-fac luo an: *Kuh in Kuhlrawi kuh Kuh in Tuhlac ac Tiac Kuh in Kuhlrawi kuh Ma Netok Ma Pahtpaht.*) Meac kuht kuh in luti ke siena inge?
- Piter el luti lah Jisus el “nuh akmuhsraiuyucklac met likina oreklac luhn facluh” in Mwet Lahngo. (1 Piter 1:20; oacyacpac liye Fwackyuck 13:8). Efuh ma pwacye se inge yohk srihpac? Meac ma suhmuhsrah ahkkahlwemye in lwen lasr mihsenge uh weacng kahlwem lasr lah akmuhsraiuyucklac Mwet Lahngo met? (Liye Moses 4:1–4; Abraham 3:27–28).
- Meac kihsen kahsrub Piter el ahkkahlwemye ke ma sap luhn acn uh? (Liye 1 Piter 2:13–15.) Meac kihsen kahsrub Leum el ahkkahlwemye ke lwen mihse-nge uh ke ma sap luhn acn uh? (Liye D&C 58:21–22; 98:4–10; 134:5; Ip yohk ke Luhlalhfongi 1:12.)
- Meac Piter el luti ke orekma in luti wasasuc nuh sin mwet misac? (Liye 1 Piter 3:18–20; 4:6.) Ngac Jisus el som nuh ke facl luhn nguhn in ahknweni luti luhn wasasuc inmahsrlon mwet misac? (Liye D&C 138:27.) Efuh el oruh ma se inge? (Liye D&C 138:29–37.) Meac orekma luhn Mwet Lahngo ke facl luhn nguhn ahkkahlwemye ke orekma luhn God? (Top uh kuh in pa ma ke srihpen suwoswohs luhn God ac pahkomuhta. Mwet nuhkwea ma muhta fin facluh uh ac oasr pacl la in eis wasasuc ac engankihn ma ke wasasuc uh.)
- Meac kihsen kahsrub Piter el sang nuh sin mwet kol ke Alu uh ke 1 Piter 5:1–4 an? Mwet kol ke Alu uh “kihte tuhlihk nuhtin God” fuhkah? (1 Piter 5:2; liye 2 Piter 1:12–15; D&C 42:12–14). Kom ahkinsewowoyeyuck sin mwet kol ke Alu uh suc ma ukwe kihsen kahsrub se inge fuhkah?

2. “Moh ... ma suhmuhsrah el oacna kain in lweng nuhkwea” (2 Piter 1:20)

- Riti 2 Piter 1:20–21. Meac Piter el luti ke fuhs inge ke kain in ma suhmuhsrah? Meac Piter el luti ke luhngasyacn ma suhmuhsrah? Kuht etuh fuhkah lah kuht luhngas ma suhmuhsrah pwacye? (Top uh kuh in pa in suk lweng wo sin mwet kol ke Alu uh ac suk kolyuck luhn Nguhn Muhtahl.) Luti luhn mwet kol ke Alu uh kuh kolyuck luhn Nguhn kahsre kom fuhkah in kahlwem ke ka-sie ma suhmuhsrah?

1, 2, ac 3 Jon

Srihpac In kahsrh mempucr ke kuhlahs in kahlwem kac lah Pahpah ac Wen ahkkahlwemye luhngse lalos nuh sesr ac kuht ac ahkkahlwemye luhngse lasr nuh seltahl fuhkah.

Ahkolah

- Rit, nuhnkuh, ac pruhe ke ma suhmuhslah inge:
 - . 1 Jon 2:28–29; 3:1–2; 4:7–19; 5:1,11–15. Jon el luti lah Pahpah Lucng el ahkkahlwemye luhngse lal nuh sesr in use sie inkacnek nuh sesr in oacna El ac usrui moul ma pahtpaht.
 - . 1 Jon 1:7–9; 2:1–2; 3:5–8,16; 5:11–13. Jon el luti lah Jisus el ahkkahlwemye luhngse lal nuh sesr ke iwaclah lal, suc oraclah nuh sesr in oacna Pahpah Tuhmasr Inkuhsrao.
 - . 1 Jon 2:3–17; 3:9–24; 4:4–21; 5:1–10; 2 Jon; 3 Jon. Jon el luti lah kuht enenuh in ahkahlwemye luhngse lasr nuh sel Pahpah Lucng ac Jisus Kraist ke ahkostwen lasr ac luhngse lasr nuh sin sie sin sie.
- Ma in weacng mwe rit: Moroni 7:48, Doctrine and Covenants 45:3–5.
- Kom fin orekmakihn mukwikwi ahkoeyucklac an, use sie petsac luhn sucu kuh sie sin petsac inge: A Family Working Together (62313); Family Fun (62384); kuh Family Togetherness (Gospel Art Picture Kit 616).
- Mwe nguhsr nuh ke mwe luti: “Luhngse, lohacng, sislah pacl la nuh ke orekma, suhkwac nuhnkuh kac sifacna, lutlut ke ma suhmuhslah, ac pruhe usot nuh sum luti ke pwelucng luhn nguhn. In oracni ma inge ke kom ahko-o lesin kuh in kahrse kom oraclah lesin an insifom ke nguhn ac insiom met liki kom luti nuh sin mempucr ke kuhlahs lom an.” [*Teaching—No Greater Call*, iii].

Mwe Nguhsr Nuh Ke Ahkyohkyeyacn Lesin

Mukwikwi
Ahkoeyucklac

Fin wo, orekmakihn mukwikwi inge kuh sie sin ma lom sifacna an in sramtweack lesin an.

Oruh in liyeyuck sie petsac ke sie sucu.

- Meac kuhtuh ohiyac ma pahpah ninac ahkkahlwemye luhngse nuh sin tuhlihk nahtuhlos uh? Tuhlihk uh ahkkahlwemye luhngse nuh sin pahpah ninac, tamuhlwel, ac tahmtahel fuhkah?
- Ke ohiyac fuhkah kuht nohfohnna mempucr ke sucu se uh?

Ahkacsmakihnye mempucr ke kuhlahs lah in weacng ke kuht ekihn sie mwet ke sucu se facluh uh, kais sie sesr tuhlihk mukul ac tuhlihk muhtwacn nguhn nuhtin Pahpah Lucng, suc luhngse kuht ac kena in ahkinsewowoye kuht. Ke lwacta lal Jon el kalweni ahkkahlwemye lah Pahpah ac Wen ahkkahlwemye luhngse laltahl nuh sesr ac lah kuht kuh in ahkkahlwemye luhngse lasr nuh seltahl fuhkah.

Ke kom luti mwe rit ke ma suhmuhsalah inge, sramsramkihn lah ma inge orek-makihnyuck fuhkah nuh ke moul in lwen nuhkewewa lasr uh. Kwacfe mempuer ke kuhlals in akacsruhi ke ma elos puhlakihh ma kuhpahsr nuh ke ma yohk ke ma suhmuhsalah uh.

1. Kahlwem ke luhngse luhn Pahpah Lucng nuh sesr

Sramsramkihn fuhs likiyucki ten inge. Kom ac ke ahkfototoyelah mwe sramsram an ke port an in suhmuhsalah ma kahlwem ke luhngse luhn God.

- Kom ac fin ke orekmakihh sie kahs in ahkuhtweyac Pahpah Lucng, pa ac meac uh. Meac kahs se Jon el orekmakihh sang ahkuhtweyac Pahpah Lucng ke 1 Jon 4:8, 16 an? Efuh kahs se inge in fal?
- Riti 1 Jon 3:1–2. Meac kahlwem ke luhngse luhn God Jon el ahkkahlwemye ke fuhs inge? (God el ac pahngon kuht tuhlihk nahtuhl ac oruh kuht in oacna Kraist—ahkfuhlhwact, enganwack, ac toeni weluhl; oacyacpac liye Mwet Rom 8:14–17.) Meac kuht enenuh in oruh in pahngpahng tuhlihk nuhtin God uh? (Liye 1 Jon 2:28–29; 4:7; 5:1; Mwet Galetia 3:26–27; Mosiah 5:5–9; Moroni 7:48. Ahkkahlwemye lah ke kuht nohfohn tuhlihk nguhn nuhtin God, orek-makihnyacn kahs se inge “tuhlihk nuhtin God” ke 1 Jon 3:1–2 luhmweyuck nuh selos suc esaclosyang sifacna in eis inen Kraist ke pacptais ac ahkfuhlhwactye inel ke luhlalhfongi ac suwohswohs.)
- Riti 1 Jon 4:9–10. Meac kahlwem ke luhngse luhn God Jon el ahkkahlwemye ke fuhs inge? oacyacpac (Oacyacpac liye Jon 3:16; 1 Jon 5:11; 2 Nephi 9:10. Ahkkahlwemye lah kahs se inge *propitiation* ke Jon 4:10 an luhmweyuck nuh ke iwaclah luhn Jisus Kraist.) Suhpwacma Wen nahtuhl in iwaclah ke ma koluk lasr ahkkahlwemye luhngse luhn Pahpah Lucng nuh sesr fuhkah?
- Riti 1 Jon 4:13. Meac kahlwem ke luhngse luhn God Jon el ahkkahlwemye ke fuhs se inge? Nguhn el mwe sang yohk srihpac se nuh ke moul lom an fuhkah?
- Jon el luti lah Pahpah Lucng el topuk pruhe lasr kuht fin siyuck oacna ke kena lal (1 Jon 5:14–15). Pruhe uh kahsre kom puhla luhngse lal Pahpah Lucng fuhkah? Efuh pruhe uh enenuh se nuh sesr in eklac oacna Pahpah Tuhmasr Inkuhsrao?
- Jon el luti lah “kuht luhngse [God] mweyen el luhngse kuht met” (1 Jon 4:19). Meac kuhtuh ohiyac God el ahkkahlwemye luhngse lal nuh sum uh? Kom puhla fuhkah ke kom nuhnkuh ohiyac God el ahkkahlwemye luhngse lal nuh sum uh?

Prestuhn Thomas S. Monson el fahk: “Plwacn luhn Pahpah Tuhmasr Inkuhsrao nwacnwaclah ke akucl in luhngse pwacye. Ma nuhkewewa ma kuht luhngse—finne sucu lasr, kawuck lasr, pwacr lasr, kahlwem lasr, fahkwack luhlalhfongi lasr—kuh in wacngihnlac finte ke Pahpah tuhmasr ac Wen Nahtuhl, Leum Jisus Kraist.... Facluh tiac loh ke kuhtwena mwe sang yohk, kuh tiac etuh ke luhngse yohklacna” (ke Conference Report, Apr. 1993, 77; kuh *Ensign*, May 1993, 62–63).

2. Kahlwem ke luhngse luhn Mwet Lahngo nuh sesr

Sramsramkihn fuhs tahkihiyucklac ten inge.

- Riti 1 Jon 3:16. Meac kahlwem ke luhngse luhn Mwet Lahngo Jon el ahkkahlwemye ke fuhs se inge? Meac mwe in sewowo kuht ac eis ke srihpen iwacлах luhn Mwet Lahngo? (Liye 1 Jon 1:7–9; 5:11–13; 2 Nephi 9:11–13; Alma 11:40–44. Kom ac ke suhmuhslah top luhn mempucr ke kuhlahs an ke kom sramsram ke fuhs inge.)
- Riti 1 Jon 2:1–2. Meac kahlwem ke luhngse luhn Mwet Lahngo Jon el ahkkahlwemye ke fuhs inge? Meac aholkuhtlac? (Sie sucu kweok ke srihpen kuhtuh pac.) Meac Jisus el, aholkuhtlac, in oruh nuh sesr uh? (Liye D&C 45:3–5.)
- Jon el luti lah Wen nuhtin God el tuhkuh in kuhnaoslah orekma lal Setuhn (1 Jon 3:8). Moul luhn Mwet Lahngo ac luti kuhnaoslah orekma lal setuhn fuhkah?

3. Ahkkahlwemye luhngse lasr nuh sel Pahpah Lucng, Jisus Kraist ac kuhtuh pac

Sramsramkihn fuhs tahkihnyucklac ten inge. Kom ac ke ahkfototoyelah mwe sramsram an in an ke port an in tahkuhnlah inkacnek ma kuht kuh in ahkkahlwemye luhngse lasr nuh sel Pahpah Lucng ac Jisus Kraist uh.

- Riti 1 Jon 2:3–6. Meac kuht kuh in lotwelah ke fuhs inge in ahkkahlwemye ohiyacn luhngse lasr nuh sin God uh? (Oacyacpac liye Jon 14:15; 1 Jon 3:24; 5:3; 2 Jon 1:6.) Ahkostwen uh ahkkahlwemye luhngse lasr nuh sin God uh fuhkah?
- Riti 2 Jon 1:4 ac 3 Jon 1:4. Luhlahlfongi lasr uh use engan nuh sin Pahpah Tuhmasr Inkuhsrao fuhkah?
- Riti 1 Jon 2:15–17. Meac kuht kuh in lotwelah ke fuhs inge ke ahkkahlwemyeyacn luhngse lasr nuh sin God uh? Kuhtuh pacl uh kuht ahkkahlwemye luhngse lasr nuh ke ma luhn facluh likina luhngse lasr nuh sin God uh fuhkah? Ahkkolukyeyucklac kuht fuhkah ke kuht ahkkahlwemye luhngse lasr nuh ke ma luhn facluh uh? Kuht ac kuhtanglah luhngse lasr nuh ke ma luhn facluh uh fuhkah?
- Riti 1 Jon 4:7–8, 11. Meac kuht kuh in luti ke fuhs inge ke ohiyacn ahkkahlwemye luhngse lasr nuh sin God uh? (Oacyacpac liye 1 Jon 3:11, 23; 4:21.) Jon el ahkuhtweyac elos suc fahk muh luhngse God ac tiac “luhngse sie sin sie” fuhkah? (Liye 1 Jon 2:9, 11; 3:14–15, 17; 4:20.) Efuh luhngse lasr nuh sin kuhtuh pac mwet uh sie srihkasrak ke luhngse lasr nuh sin God uh? Kuht kuh in puhlakihn ac oruh luhngse uh in yohk nuh sin sie sin sie fuhkah? Kom ahkinsewowoyeyuck ke luhngse luhn mwet sahyac nuh sum uh fuhkah?

Kom fin orekmakihn mukwikwi ahkoeyucklac, sifilpac sruhwack petsac ke sucu ac siyuck kihsen siyuck inge:

- Meac mwe in sewowo ke tuhkweni luhn sie sucu ma mempucr kac luhngse sie sin sie ac luhngse God uh? Kuht kuh in kahrhuh kuhtuh pac mwet in engankihn mwe in sewowo pacna ingacn in ip ke sucu luhn God uh fuhkah?

Sahflah

Fahkwack ke luhngse yohk luhn Pahpah Lucng ac Jisus Kraist ahkolah nuh sesr uh. Kwacfe mempucr ke kuhlahs in esam luti lal Jon ke elos srihke in ahkkahlwemye luhngse lalos nuh sel Pahpah Lucng ac Jisus Kraist ac kuhtuh pac mwet sahyac.

Nuhnak in Weacng Mwe Luti

Kuhfa inge kuh in weacng ma nguhsr tahkihnyucklac ke lesin an. Kom kuh in orekmakihn sie kuh puhs liki nuhnak inge in ipin lesin an.

1. “Fahsr in kahlwem” (1 Jon 1:7)

Riti 1 Jon 1:6–7.

- Meac kalmac in “fahsr in lohsr”? Meac kalmac in “fahsr in kahlwem”? (In ipin sramsram lom ke kihnsenyuck inge kom ac ke sap mempucr ke kuhlahs in onkihn “Luti Yuc in Fwahsr ke Kahlem.” Liye *On ac On luhn Tuhlihk Srihsrihk*, 66.)

2. Jon el sensenkihn in lain nguhn in lain Kraist

- Ke lwacta lal, Jon el kalweni in sensenkihn mwet luhlalhfongi in lain mwet lain Kraist. Meac Jon el muh mwet lain Kraist inge srihke in oruh? (Liye 1 Jon 2:22–23; 4:1–3; 2 Jon 1:7.) Eful kom nuhnkuh muh mwe lain srihke in kuhnaoslah luhlalhfongi lasr ke Mwet Lahngo? Meac kuht kuh in oruh in karuhnganwacng luhlalhfongi lasr in fokoko uh?

Elder M. Russell Ballard el luti: “Kais sie, fahkwack luhlalhfongi ke ma pwacye ke wosasuc luhn kais sie, yohkna ke moul kawihl ac orekma luhn Leum Jisus Kraist, pa enenuh nuh ke moul ma pahtpaht lasr uh.... Moul ma pahtpaht pa-lyeyuck muh ac oan yurin kais sie sesr, etuh luhn kais sie ke Pahpah Tuhmasr Inkuhsrao ac Wen Muhtahl Nahtuhl. In etuh kacitahl muhkweni tiac fal.

Enenuh in oasr yurin kais sie sifacna ke ma el puhlakihn, nguhn in puhla lasr in kawuckihn kuhti. Ma inge tuhkuh ke kuht sokoltahl ke luhmah se na inge, nuhnak sena ma sie mwet masrinsracl suk ke mongo” (ke Conference Report, Apr. 1996, 111; kuh *Ensign*, May 1996, 80).

3. “Wacngihn mwet liye God ke oacna sie pacl” (1 Jon 4:12)

Fin mempucr ke kuhlahs suk lah 1 Jon 4:12 meac kalmac, kalmac pa wacngihn mwet kuh in liye God, kihfucsuhloslac nuh ke fuhs ke Joseph Smith Translation, suc rityuck ohinge, “wacngihn mwet liye God ke oacna sie pacl, sahyacn elos suc luhlalhfongi” (1 Jon 4:12). Ahkkahlwemye lah mwet Pahluh pucspucs liye God. Liye Exodus 33:9–11; Jon 6:46; Orekma 7:55–56; Doctrine and Covenants 67:10–12; Moses 1:1–2; Abraham 3:11; Joseph Smith—History 1:16–17.

4. Mwe sramsram luhn mwet fuhsr

Sifilpac liye mukwikwi ahkoeyucklac in oruh sie sramsram kahlwem ke mwet fuhsr lah elos kuh in ahkkahlwemye luhngse yohk nuh sin pahpah ac ninac kiactahl uh fuhkah. Kwacfe mempucr ke kuhlahs in ukwe ke nuhnak lalos, ac siyuck selos in ahkolah ke ma elos puhlakihn ke wik tohkoh an.

5. On ke luhngse

Sulaclah soko on ke luhngse (liye ke “Love” ke “Topics” tahkihnyucklac ke puk in on an.) Ahko-o in oasr sie u srihsrihk ke kuhlahs in onkihn on, kuh onkihn on an in kuhlahs fohn se, riti kajs an kuh sritackihn sie ma sruh uh kac an.

“El Suc Kuhtanglah Fah Usrui Nohfohn”

Lesin Ahk
45

Fwackyuck 1–3; 12

Srihpac	In kahsrüh mempucr ke kuhlahs in kahlwem ke kuhtuh mwe insewowo ma ac tuhkuh nuh selos suc kuhtanglah mwe srihkasrak luhn ikoac ke luhlalfongi lalos ke Jisus Kraist.
----------------	---

Ahkolah	<ol style="list-style-type: none">Rit, nuhnkuh, ac pruhe ke ma suhmuhslah inge:<ol style="list-style-type: none">.Fwackyuck 1:1–3, 9–20. Fwackyuck nuh sel Jon in suhmuhslah fwackyuck el eis sin Leum sin sie lupufacn. Jon el liye ke fwackyuck kais kuhtuh akucl ahkkahlwemye ip ke Alu luhn Jisus Kraist.Fwackyuck 2–3. Kac! Jon, Leum el luti ke lah itkohsr ke Alu uh fin acn Asia ke mwe insewowo yohk ma soanwelos suc kuhtanglah mwe srihkasrak ac mwe sruhf luhn ikoac.Fwackyuck 12. Jon el liye sie ararama ke mweun inkuhsrao ac ke fahfahlac la nuh fin facluh. El kahlwem kac lah mwet luhlalfongi kuhtanguhllah setuhn ke iwacalah luhn Jisus Kraist ac ke luhlalfongi in fahkwack lalos.Ma in weacng mwe rit: Fwackyuck 21:7.Kom fin orekmakihn mukwikwi kuh sritacl ahkoeyucklac uh ahko-o in orekmakihn ma ke sra puk 191. Kom ac ke srolwacalah in yohk ke port an kuh sie ipin pwepuh luhlaph in muh nohfohn mempucr ke kuhlahs kuh in liye.Mwe nguhsr nuh ke mwe luti: Mwet luti wo uh mwet porongo wowo se. Lohng uh tiac lohng muhkwen tuhsruhk oacyacpac srihke in akihlen lah me-ac fwackyuck uh. Mwet luti ma lohng wo uh kuh in sramsram ke ma elos kahlwem kac ac in mwe wo nuh sin mempucr ke kuhlahs.
----------------	--

Mwe Nguhsr Nuh Ke Ahkyohkyeyacn Lesin

Mukwikwi Ahkoeyucklac	<p>Fin wo, orekmakihn mukwikwi inge kuh sie sin ma lom sifacna an in sramtweack lesin an.</p> <p>Siyuck mempucr ke kuhlahs in nuhnkuh ke mwe akucl Leum el orekmakihn ke luti lal ke pacl se el orekma fin facluh ah. (Top an kuh in pa sohl, wit ac tacs, pret ac sahk olif.)</p> <ul style="list-style-type: none">Efuh mwe akucl uh orekmakihnyuck ke luti uh? (Kuh in kahsrüh mwet lutlut se in kahlwem kac ac esam in kapsra nuhnak ma tiac kahlwem kuh ma nuh ke ma suc kahlwem kuhtuh; ac oasr kain in fihl luhn kalmac; ma inge kuh in kwacfe sie mwet lutlut in nuhnkuh in loal ke ma lutiyuck an.) <p>Ahkkahlwemye lah mwe akucl uh orekmakihnyuck ke ma suhmuhslah, ac ke puk luhn Fwackyuck yohk na. Ahkkahlwemye mwe ahkkahlwemye se ke sra puk 191, na ahkkahlwe lah ma inge ahkkahlwemye mwe akucl ma sruhmuhnyuck ke</p>
--------------------------	--

sapta 1 ke Fwackyuck. Kais sie sin mwe akucl inge ac fah sruhmuhyuck ke lesin se inge.

Kom ac ke ahkkahlwemye lah Mwet Sap Jon, el pa suhmuhsalah puk luhn Fwackyuck el tuhkuh ke sie acn ma orekmakihn akucl uh yohk na nuh ke kahs la ac mwe rit. Mwet rit mihsenge uh kwac upackihn akucl ke sihm lal Jon uh. Kuht fin luhngas kahs kac uh in oacna, na puk luhn Fwackyuck kuh in tahfuhn-kahs ac fohs. Kuht fin ac kuh in esam lah puhs sin luhmah inge akucl ac ahk-kahlwemye mwet, ma, kuh kahs yohk ma kuht kahlwem kac tari, na puk sacn fihsracsr in akihlenyuck.

Mwe Sramsram
ke Ma Suhmuhsalah
ac Moulkihyac

Pruhe in nuhnkuh lah piac kac sin mwe rit ke ma suhmuhsalah ac kihsen siyuck ke lesin se inge ma ac wo emet in sun enenuh luhn mempucr ke kuhlals an. Sislah inkaiyacn pacl ke kuhlals an sramsramkihn mwe rit ac kihsen siyuck inge. Kahsruh mempucr ke kuhlals in liye lah puk luhn Fwackyuck oasr ac orekma-kihyuck nuh sesr mihsenge.

1. Jon el liye kuhtuh akucl ahollah ip ke Alu luhn Jisus Kraist.

Riti ac sramsramkihn Fwackyuck 1:1–3, 9–20.

Sifil sramsramkihn nuh sin kuhlals mwe ahkkahlwemye yohk ke puk luhn Fwackyuck inge:

Jon el sie Mwet Sap emet luhn Mwet Lahngo ah. El lihllihllac sin kafucrmacn Rom nuh Patmos, sie tuhka srihsrihk ke weacn nuh rohtohiyacn acn se suc pahngpahng mihsenge Turkey, in fahkwack luhlalhfongi ke Jisus Kraist. Ke el oasr we, sie lupufacn muhtwacta nuh yohrohl Jon ac sang sie fwackyuck ma el suhmuhsalah in lwacta lal nuh sin lah itkohsr ke Alu uh in acn Asia (Fwackyuck 1:1, 9–11). Lwacta inge pa oraclah Puk luhn Fwackyuck uh.

Puk luhn Fwackyuck sihmlac yohkna ke kahs in akucl. Sifac la uh pa “ac fah oasr kuhtanglah se inge sin God in kuhtanguhllah Setuhn; sie itto ke ma wo kuhtanglah ma koluk, sin mwet luhlalhfongi kuhtanglah mwet ahkohsyaclos, ke tohkohsrahi luhn God kuhtanglah tohkohsrahi luhn mwet ac Setuhn.... Ahkuhtweyac ke kosro suhlallacl, mweun, lupufacn, mukul, kuh kuhtuh pac, oasr srihpac nuh ke muhsahelah luhn sifac se inge. Ke kihtin lutlut, sifac se inge kuh in lutiyuck finne ahkuhtweyucki kac tiac sahflah” (Bible Dictionary, “Revelation of John,” 762).

Sapta tolu ma muhtwacwacack ke sapta ke puk se sihmlac fahkwack ke luhlalhfongi lal Jon ke pwacyeyiacn Fwackyuck, mwe ahkkahlwemye lal Jon sin Leum, ac kihsen kahsruh lal Jon nuh sin lah itkohsr ke alu uh fin acn Asia. Sapta 4 sihmlac ararama lal Jon ke inkuhsrao, ac sapta 5 nuh ke20 sihmlac ararama lal ke kuhtanglah sahflah nuh ke Tohkohsrahi luhn God. Ararama se inge ahkkahlwemye mweun lain Tohkohsrahi lal Setuhn, fohs ke tohkohsrahi lal Setuhn, ac ohiyac sahflah se e ke fahfahsruh luhn facluh. Tukun ma se inge sie ararama ke kuhsrao sasuc ac facluh sasuc—facluh ke sie wolacna la (Fwackyuck 21:1–5). Puk luhn Fwackyuck ahksahfye luhlalhfongi in fahkwack luhn sie lupufacn ac we-acng kihsen kahsruh sin Leum.

- Meac luhmah se met, kuh akucl Jon el liye ke Fwackyuck se inge? (Liye Fwackyuck 1:12.) Meac koan kacntuhl inge luhmweyuck nuh kac uh? (Liye Fwackyuck 1:20.) Efuh koan kacntuhl inge akucl se nuh ke lah in alu uh?

(Liye 3 Nephi 18:24 ac fahk se luhn mwet se ten inge.) Ward ac Pracns mihse-
nge uh orekma sruhlukihn koan kacntuhl inge fuhkah?

Elder Bruce R. McConkie el fahk: “Koan kacntuhl inge us kahlwem; elos tiac
oraclah. Srihpac la uh pa in oruh in oasr, in tiac use in oasr. Na in orekmakihn
koan kacntuhl itkohsr in ahkkahlwemye alu itkohsr an ma Jon el inge ac sang
kihsen kahsrh nuh kac, Leum el ahkkahlwemye lah mwet ke alu lal fin fac-
luh in us kahlwem lal nuh fin facluh” (*Doctrinal New Testament Commentary*, 3
vols. [1966–73], 3:442).

- Mwet Lahngo el oasr oyac nuh ke koan kacntuhl itkohsr ah? (Liye Fwackyuck
1:13.) Mwet Lahngo el oasr ke infulwen alu lal mihsenge uh fuhkah? Efuh
yohk srihpac nuh sesr in etuh lah el oasr ke infulwen mwet lal?
- Meac Mwet Lahngo el sruokyac ke lacpo lacyot lal ke infulwen koan kacntuhl
itkohsr ah? (Liye Fwackyuck 1:16.) Meac itu itkohsr an luhmweyuck nuh kac
uh? (Liye Fwackyuck 1:20; oacyacpac liye Fwackyuck 2:1 ac Fwackyuck 3:1. Ke
Joseph Smith Translation ke Fwackyuck 1–3, kahs se inge *lupufacn* uh ikih-
lyucklac nuh ke *mwet kuhlwacnsap*, oraclah in kahlwem lah itu ngwe luhma
mwet kol ke lah itkohsr ke Alu uh.) Mwet Kol ke Alu uh oacna itu uh fuhkah?
(Top uh kuh in pa elos sruokyac na ac sang kolyuck nuh selos suc suk uh.)
- Meac tuhkuh ke inwaclihn Mwet Lahngo ke ararama se inge? (Liye Fwackyuck
1:16.) Meac katlas se inge luhmweyuck nuh kac uh? (Kahs luhn Leum, suc
pihsrpihsr ac fokoko, kohsroh likina sie katlas muhta luo; liye D&C 6:2.) Ke
ohiyac fuhkah kahs luhn Leum uh oacna sie katlas uh? (Liye Hebru 4:12;
Helaman 3:29.)
- Meac kuhtuh pac akucl oasr yurin Leum ke Fwackyuck se inge uh? (Liye
Fwackyuck 1:18.) Meac Mwet Lahngo el ac oruh ke ki inge uh? (El ac loangwe-
lah mwet nuhkewewa liki misac luhn mahno, ac el ac longwelah mwet suwoh-
swohs liki misac luhn nguhn. Liye 2 Nephi 9:10–13.)

2. Leum el fahk nuh sin lah itkohsr fin acn Asia ke mwe in sewowo uliyuck nuh selos suc kuhtanglah.

Sramsramkihn Fwackyuck 2–3. Ngihstre mempucr ke kuhlals in riti fuhs sollac
an in yohk. Ahkkahlwemye lah sapta 2 ac sapta 3 nacnwack kahs luhn Leum
nuh ke kais sie lah itkohsr ke alu uh fin acn Asia. Leum el kalweni in sramsram-
kihn ma kuh ac mwe muhnahs ke kais sie lah ac sensenkihn sin mwet luhlalfo-
ngi in ahksuwohsyelah mwe muhnahs lalos.

- Oacna ke Leum el sapkihn kac ahksuwohsyeh mempucr ke alu uh fin acn Asia,
el sapkihn ac ahksuwohsyeh kuht mihsenge. Meac Leum el sapkihn nuh sesr
uh? Meac Leum el fahk nuh sesr in ahksuwohsyelah uh?

Ahkuhtweyac lah ke sramsram lal nuh sin lah ke alu uh fin acn Asia, Leum el
oacyacpac olwelah mwe in sewowo yohk nuh selos suc kuhtanglah mwe srihka-
srak ac mwe sruhf luhn ikoac. Suhmuhsrah ke port an *Olwelah nuh Selos Suc
Kuhtanglah*. Ke kom sramsramkihn kais sie olwelah, suhmuhsrah ke port an ye si-
fac se inge.

Nuh Efesus (Fwackyuck 2:1–7)

- Leum el sensenkihn Mwet Efesus ke enenuh lalos in auliyak, tuhsruhke el oac-
yacpac olwelah, “Nuh sel suc kuhtanglah nga fah sang nuh sel in mongo ke

sahk luhn mouL." Meac sahk luhn mouL ahol uh? (Luhngse luhn God, suc fihliyucki insiacn tuhlihk nuhtin mwet ac pa mwe kena se ke ma nuhkwewa; liye 1 Nephi 11:21–22.) Efuh ma se inge pa mwe kena se emet ke mwe in sewowo nuhkwewa uh?

Nuh Smyrna (Fwackyuck 2:8–11)

- Leum el sensenkihn mwet luhlalhfongi fin acn Smyrna lah elos ac kweok ke fohs, tuhsruhk el oacyacpac Olwelah, El suc kuhtanglah fah tiac ngal ke misac ahkluo. Meac misac ahkluo? (Liye Alma 12:16, 32; Heleman 14:18.) Olwelah luhn Leum nuh sin mwet luhlalhfongi fin acn Smyrna kahsre kuht in liye fohs lasr nuh ke ngwetngwet nuh ke ma wo fuhkah?

Nuh Pergamos (Fwackyuck 2:12–17)

- Leum el ahkkulukye kuhtuh sin mwet fin acn Pergamos ke ukweyacn olweacng lal Balaam, sie mwet pahluh ke Wuhlweacng Mahtuh suc luhngse ahkfuhlwact luhn facluh ac mwe ahkfal likina elacn ukwe luhngse luhn Leum. Meac mwe ahkfuhlwact luhn facluh ac mwe ahkfal ma oasr yohrohrs uh kuht in fuhlweack in ahkos luhngse luhn Leum?
- Nuh sin mwet luhlalhfongi fin acn Pergamos Leum el olwelah, "Nuh sel suc kuhtanglah nga fah sang nuh sel in mongo ke macna in lukmac." (Kahs se *lukmac* ke kalmac se inge pa oal, kuh tiac ma kahlwem se nuh sin mwet nuhkwewa.) Meac macna oal ahol uh? (Liye Jon 6:35, 49–51.)

Nuh Thyatira (Fwackyuck 2:18–29)

- Ke kahs lal nuh sin mwet luhlalhfongi Thyatira, meac Leum el olwelah nuh selos suc kuhtanglah? (Liye Fwackyuck 2:26–28. Ahkkahlwemye lah olwelah inge luhmweyuck nuh ke mwe in sewowo ke engan ac mouL ma pahtpaht, ke mwet suwohswohs ac fah nuhnuhkuh Tohkohsrahi Inkuhsrao.) Meac pohloh osra se ma mwet luhlalhfongi fah nuhnuhkuh muhtuhnacl nuhkwewa kac uh? (Kahs luhn God; liye 1 Nephi 11:25; Joseph Smith Translation, Fwackyuck 2:27.) Kuht ac orekmakihn kahs luhn God in nuhnuhkuh mouL lasr sifacna uh fuhkah?
- Suc itu in lututacng se sruhmuhnyuck ke Fwackyuck 2:28 an? (Kahs luhn God; liye Fwackyuck 2:16.) Ac meac kalmac in ituckyang itu in lututacng? (Top an kuh in pa eis Kraist nuh ke mouL lasr ac in eis mwe in sewowo sacn ke iwaclah lal.)

Nuh Sardis (Fwackyuck 3:1–6)

- Meac mwe in sewowo Leum el olwelah nuh sin mwet luhlalhfongi fin acn Sardis? (Liye Fwackyuck 3:5.) Oruh akwuck muhtahl ke tempuhl ahkoekuhtlac fuhkah in nuknukyang ke fasrfasr ne tok ma pahtpaht? Meac puk luhn mouL? (Ma sihmlac ke mwet suc oasr inkuhsrao; liye D&C 128:7; oacyacpac liye Exodus 32:33; Alma 5:58; Bible Dictionary, "Book of Life," 626–27.) Meac ac sikyak nuh selos ma inelos sihmlac ke puk sac ac tiacna ilac ke srihpen ma koluk uh? (Liye Fwackyuck 21:10, 23–27; Alma 5:58; D&C 88:2.)

Nuh Philadelphia (Fwackyuck 3:7–13)

- Meac Leum el fahk muh elac oruh nuh sin mwet luhlalhfongi fin acn Philadelphia ke srihpen elos "karihngihn kahs [lal], ac ... tiac lahfuhkihn

inel?" (Liye Fwackyuck 3:10.) Moul suwohswohs uh oruh fihsracs in lain mwe sruhf uh fuhkah?

- Leum el Olwelah nuh selos suc kuhtanglah, "nga fah suhmuhslah nuh facl inen God luhk, ac inen siti luhn God luhk." Meac kalmac in eis inen God ac inen siti lal sihmlac oan kacsr? (Kuht eklac oacna God ac fah mwet ke tohkohsrahi ma pahtpaht lal.)

Nuh Laodicea (Fwackyuck 3:14–22)

- Leum el oruh in koluk nuh sin mwet luhlhlafongi Laodicea suc "Pihlesreack ac kuh in Mihsrihsr kuh fol" (Fwackyuck 3:15–16). Kuhtuh pacl kuht "pihlesreack" in nguhn fuhkah? Kuht kuh in ahkyohkye kampare lasr nuh ke wosa-suc luhn Jisus Kraist uh fuhkah?
- Leum el olwelah nuh sin Mwet Laodicea, "nuh sel suc kuhtanglah nga fah sang acn in muhta in wiyuc ke tron luhk suc nga oacyacpac kuhtanglah, ac nga wi Pahpah tuhmuhk ke tron lal" (Fwackyuck 3:21). Meac mwe in sewowo ma mwe akucl ke olwelah in muhta wi Leum ke tron lal? (Liye Rom 8:16–17.)

Liye ke tahk in olwelah ma oan ke port an, na ahkuhtweyac lah ke olwelah inge nohfohn motkweyuck muh tuhkkweni uh, eltahl ahkuhtweyac ke inkacnek luhn moul ma pahtpaht luhn mwet suwohswohs. Sap mempucr ke kuhlals in riti Doctrine and Covenants 132:20 in sie sramsram ahkfototoyeyucklac ke olwelah inge.

3. Jon el kahlwem kac lah mwet luhlhlafongi kuhtanguhllah Setuhn ke iwacalah luhn Jisus Kraist ac ke luhlhlafongi in fahkwack lalos.

Riti ac sramsramkihn fuhs sollac ke Fwackyuck 12. Ahkuhtweyac lah in ipin fwackyuck lal Jon el liye akucl ke ararama ke Mweun Inkuhsrao sac ac fahfahsruh la nuh fin facluh.

Ahkuhtweyac lah muhtwacn se sruhmuhnyuck ke Fwackyuck 12:1–2, 5 el ahol Alu luhn God. Tuhlihk srihsrihk se ma el use ma ahol tohkohsrahi luhn God—Kafucrmacn se ma ac fah sikyak fin facluh ke kol luhn Jisus Kraist ke pacl luhn Mihliniuhm.

- Suc trackuhn soko ke Fwackyuck 12 ahol uh? (Liye Fwackyuck 12:9.) Meac sikyak nuh sel trackuhn ac mwet ukwacl ke mweun inkuhsrao ah? (Liye Fwackyuck 12:3–4, 7–9.) Meac trackuhn el oruh tukun el sisilac ah? (Fwackyuck 12:17.) Suc Setuhn el mweuni mihsenge uh? (Liye Fwackyuck 12:12.)

Prestuhn Wilford Woodruff el fahk: "Oasr kuh luo fin facluh ac ke infulwacn mwet nuhkwewa fin facluh uh—kuh luhn God ac kuh lal Setuhn.... Ke God el oraclah mwet uh nuh facluh uh, tiac orek matwac, Lucifer, Wen nuhtin lututacng, ac miliacn sin nguhn ma puhtatlac ma sisilac liki inkuhsrao, mweun la in God, lain Kraist, lain orekma luhn God, ac lain mwet luhn God. Ac elos tiac mwekihn in oruh ke lwen ac we lasr uh. Ke pacl Leum el ac sang pahol in oruh kuhtwena orekma uh, kuh ingo orekmakihnyuck in oruh in wacngihnlac" (ke *Deseret Evening News*, 17 Oct. 1896, 9; fwacklac sel Gordon B. Hinckley, ke Conference Report, Oct. 1986, 56; kuh *Ensign*, Nov. 1986, 43).

- Alu uh ac tohkohsrahi luhn God ac oruh fuhkah in kuh in kuhtanguhllah Setuhn? (Liye Fwackyuck 12:11.) Iwacalah luhn Kraist ac luhlhlafongi lasr kac kahsruh kais sie sesr in lain Setuhn fuhkah?

Sahflah

Ahkkahlwemye lah elos suc kuhtanglah mwe sruhf ac mwe kweok luhn facluh ac fah usru i mwe insewowo luhn moul ma pahtpaht. Ahkacsmakihnye mempucr ke kuhlals lah iwaclah luhn Mwet Lahngo oraclah inkacnek lasr in kuhtanglah kuht fin auliyak ac luhlalfongi na pwacye.

Nuhnak in Weacng





Mwe Luti

Kuhfa inge kuh in weacng ma nguhsr tahkihnyucklac ke lesin an. Kom ac ke orekmakihn nuhnak se inge in ip ke lesin an.

“Liye, Nga tu lihkihn motonwac uh” (Fwackyuck 3:20)

Sruhkwack petsac ke Jisus lihkihn Motonwac uh (62170; Gospel Art Picture Kit 237).

- Meac Fwackyuck 3:20 luti ke Leum? (Oacyacpac liye Fwackyuck 22:17.) Kom konwacack fuhkah lah ma se inge pwacye?



Srihpac

In ahkkweye mempucr ke kuhlahs in ngwetlah nuh ke pacl fahsruh uh wi finsrak mweyen kuh luhn ma koluk ac fah kuhtangyucklac ac Mwet Lahngo el ac fah kol ke kuh.

Ahkolah

1. Rit, nuhnkuh, ac pruhe ke ma suhmuhslah inge:
 - a. Fwackyuck 5:1–5; 6. Jon el liye ke fwackyuck sie puk sihmlac sil tari ke sil itkohsr ac liye kuhtuh ma sikyak ke sil ohnkohsr met, kuh puhlan pacl. El liye lah Setuhn el mweun lain mwet suwohswohs ke puhlan pacl uh nuhkwewa.
 - b. Fwackyuck 19:1–9; 20:1–11. Jon el liye lah Setuhn el ac fah kapihri ac Kraist el ac fah kol ke kuh ke Mihliniuhm.
 - c. Fwackyuck 20:12–22:21. Jon el luti lah tukun nuhnuhnkuh sahflah tari, mwet suwohswohs ac fah muhta yurin God.
2. Ma in weacng mwe rit: *Doctrine and Covenants 77; Bible Dictionary, “Revelation of John,” 762–63.*
3. Mwe nguhsr nuh ke luti: “Yohk liki nuhkwewa, ahkolah yohk srihpac se emet uh pa in kom sifacna. Ahko-o in muh oasr kolyuck luhn Nguhn Muhtahl” (Boyd K. Packer, *Teach Ye Diligently* [1975], 219). Kais sie sesr enenuh in srihke in moul oacna Mwet Lahngo ac in luti oacna ke el luti. Pruhe in nuhnkuh ke ma kom kuh in oruh in ahkpwacyei lah kom luti ke mokleyuck luhn Nguhn Muhtahl.

**Mwe Nguhsr Nuh
Ke Ahkyohkyeyacn
Lesin**

**Mukwikwi
Ahkoeyucklac**

Fin wo, orekmakihn mukwikwi inge kuh sie sin ma lom sifacna an in sramtweack lesin an.

- Sruhwack sie nus pwepuh sasuc an, ac ahkkahlwemye luu kuh tolu ma sihmlac ma ahksuhpwacr fin pa nuh ke ohiyac koluk kuh mwe elyah ma sikyak ke kohkoh luhn God.
- Kom puhla fuhkah ke kom riti kain ohiyac sikyak inge? (Tiac sramsramkihn ma sikyak ke kais sie mwet in arlac tahkihnyucklac.)

Sap sie mempucr ke kuhlahs an in riti 2 Timote 3:1.

Ahkkahlwemye lah kuht oasr ke lwen sahflah, ke puhlan pacl se Mwet Sap Paul el ahkuhtweyac muh “elyah.” Ahkkahlwemye lah sie mwe kuhtangyuck ke oasr lasr ke lwen sahflah pa in luti in kuhtanglah sahngweng ac fuhlweack finsrak kuht in muh kuh in kuhtanglah mwe srihkasrak ac mwe sruhf. Lesin se inge sramsramkihn lah kuht kuh in konwacack finsrak ac puhlaik fuhkah in etuh ke ma ac fah tuhkuh ke lwen sahflah.

Mwe Sramsram
ke Ma Suhmuhsrah
ac Moulkihnyac

Sramsramkihn lah mwe rit ke ma suhmuhsrah inge kuh in kahsre kuht eis fin-
srah ke kuht sun ma upac ke lwen sahflah uh fuhkah? Kahsruh mempucr ke
kuhlahs in kahlwem kac lah mwet suwohswohs uh tiac enenuh in sahngweng ke
tuhkuh ahkluo.

1. Setuhn el mweun lain mwet suwohswohs.

Sramsramkihn Fwackyuck 5:1–5; 6. Ngihstre mempucr ke kuhlahs in riti fuhs sol-
lac inge in yohk. Ahkuhtweyac lah sapta tolu emet ke puk luhn Fwackyuck ma
ke pacl lal Jon (liye lesin 45). Inkaiyacn puk sacn ma ke ma sikyak nuh sel Jon
tok, ke fahsr liki ma pwacye ma sikyak tukun misac luhn Mwet Sap, nuh ke
Tuhkuh AhkLuo luhn Jisus Kraist ac nuhnuhkuh sahflah.

Ahkkahlwemye lah sapta 5 ac 6 ke Fwackyuck orekmakihn akucl ke sie puk
“siliyucki ke sil itkohsr” (Fwackyuck 5:1). Kais sie sil ahol sie tausin yac ke moul
in ikoac fin facluh (liye D&C 77:6–7); kuht oasr ke puhlan pacl se ke sil ahk
ohnkohsr (Liye nuhnak in weacng mwe luti ahktolu nuh ke kuhtuhpac mwe
ahkkahlwemye ke sil ahk itkohsr.) Ke sapta ohnkohsr, Lahm (Jisus Kraist) el
ikacsrah sil ohnkohsr emet ahkkahlwemye kuhtuh ma fototo nuh ke kais sie
puhlan pacl.

- Sie ma kuht luti ke sapta ohnkohsr pa Setuhn el mweun lain mwet suwoh-
swohs ke fahfahsruh luhn facluh. Ke Fwackyuck 6:4–11 meac kuhtuh ma el
oruh ke ohiyac se inge? (Top an kuh in pa ma tahkihnyucklac ten inge.)
 - a. Lokalok ac mweun (Fwackyuck 6:4, 8)
 - b. Masrinsracl ac Sracl (Fwackyuck 6:5–6, 8. Ahkkahlwemye lah sacn sruhsrah
Rom pa luhpan molo se ke lwen se ac sie luhpah ke wit pa lusacn lwen se
ke molin mongo nuh sin sie mwet; fuhs 6 ahkkahlwemye lah molin lwen se
kuh in molwelah luhpan mongo nuh sin sie mwet.)
 - c. Koaseyuck (Fwackyuck 6:9–11)
- Meac ohiyac Setuhn el orekmakihn mihsenge in sang kuhtanglah mwet su-
wohswohs uh?

Prestuhn Gordon B. Hinckley el fahk:

“Mweun sac, arulacna koluk, arulacna upac, srackna fahsr, ac koflah in tui.
Mweun inmahsrton pwacye ac stuhuh, inmahsrton sukohsohk in sulaclah ac
sap ke kuh, inmahsrton mwet ukwe Kraist ac elos suc lahfuhkuhnuhl. Mwet
lokalok lal orekmakihn ohiyac in ahkkoluk ke fohs se inge. Elos kikiacp ac
suhlallacl. Elos moulkihnyuck ke mani ac mwe kahsruh. Elos suhlallacli nuh-
nak luhn mwet. Elos uniyac ac kuhnaoslah ac oruh kain in ma fohkfohk ac
mukwikwi suhfal in ahksrihkye orekma luhn Kraist....

“[Lain] puhlahkihnyuck sin mwet puhs, kwewana loh lihkihn Alu uh, in kuh-
naoslah luhlalhfongi, in ahksrihkye, in sifacna, in mwet loh kikiacp, in srihfe,
in pwentiki, ac oruh mwet lasr in oruh ma suhfal ma lain lutlut ac akwuck
fuhlwact ke orekma se luhn God inge....

“Mweun se inge srackna fahsr. Mweun se inge orek raunweack facluh ma ke
sukohsohk in sulaclah ac sap ke kuh. Fosngahkihnyuck sin un mwet mweun
luhn misineri ke sramsram ke pwacye ac stuhuh. Fosngahkihnyuck ke moul
lasr sifacna, ke lwen nuhkewea, lun lohm sesr, ke orekma lasr, ke lutlut lasr;
fosngahkihnyuck ke kihsen siyuck ke luhngse ac ahkfuhlwact, ke luhlalfo-

ngi ac fokoko, ke ahkostwen ac wo. Kuht nohfohn oasr kac” (ke Conference Report, Oct. 1986, 55–58; kuh *Ensign*, Nov. 1986, 42, 44–45).

- Tukun el oraclah fahk lal sihmlac lucng inge, Prestuhn Hinckley el tahfwelah, “Kuht kuhtanglah [mweun laenuhl Setuhn], ac pacl fahsruh uh tiac na kahlwem” (ke Conference Report, Oct. 1986, 58; kuh *Ensign*, Nov. 1986, 45). Kuht kuh in sruokyac in kuh finsrak ac sie ngwetngwet suwohs ke kuht mweuni mweun laenuhl Setuhn fuhkah? Meac oasr yohrohsr in ahkkweyekuht lain kuh luhn Setuhn ac mwet lal? (Top uh kuh in pa ma suhmuhslah ac luti luhn Mwet Pahluh moul, kuh luhn pristut, tempuhl, ac sie sin sie wi mempucr ke alu uh.)

2. Setuhn el ac fah wacngihnlac, ac Kraist el ac kol ke kuhtanglah ke mihliniuhm.

Riti ac sramsramkihn Fwackyuck 19:1–9 ac 20:1–11.

- Jon el ahkkahlwemye fohs pucspucs, mweun, ac nuhnuhnuh ma ac sikyak met liki Tuhkuh Ahk Luo luhn Jisus Kraist (Fwackyuck 8–16). Na, ke Fwackyuck 19, el ahkuhtweyac ke tuhkuh luhn Leum, akucl ke sie ekuh in macruht (Fwackyuck 19:7–16). Meac muhtwacn kiacn Lahm sac ahol uh? (Alu luhn Jisus Kraist.) Meac akucl luhn ekuh in macruht sac, suc Kraist pa mukul se ma ac pahyuck ah ac Alu uh pa muhtwacn se ma ac pahyuck ah, ahkkahlwemye ke inmahsrlon Leum ac Alu lal?
- Meac kuht in oruh in ngihrsreyuck nuh ke mongo se ke ekuh in macruht se inge?

Elder Bruce R. McConkie el ahkuhtweyac: “Elders luhn Israel inge tahfwelah nguhsr nuh ke mongo se ke ekuh in macruht luhn Leum; elos suc luhlhlfoongi ac ahkos wosasuc fah ahokkuhnlah nguhsr ac ac fah muhta ke inkacnek ... ke kuhfa in macruht” (*Doctrinal New Testament Commentary*, 3 vols. [1966–73], 3:563–64).

- Tuhkuh ahkluo luhn Jisus Kraist ac fah kahlwem ke Mihliniuhm, tausin se yac ke Kraist lac sifacna kol fin facluh. Meac ac sikyak nuh sel Setuhn ke Mihliniuhm? (Liye Fwackyuck 20:1–3.) Moul uh ac fuhkah ke Setuhn lac kapihri uh? (Ac wacngihnlac kuh lal Setuhn ke insiacn mwet uh; mwet ac puhseni ac fokokoi, ac tuhlihk nahtuhltahl ac kapwack in wacngihn ma koluk la nuh ke moul ma pahtpaht; liye 1 Nephi 22:26; D&C 45:55, 58.) Kuht kuh in ahksrihkyelah kuh luhn Setuhn ke moul lasr ingena uh fuhkah?
- Tukun mihliniuhm, setuhn lac taltallah ke puhlan pacl se, ac sie mweun upac ac fah orek in mahsrlon solse luhn God ac solse lal Setuhn (Fwackyuck 20:7–8; D&C 88:111–13). Pahngpahng kuhtuh pacl uh mweun luhn Gog ac Magog. Meac ac sikyak ke mweun luhlalhp se inge tukun mihliniuhm? (Liye Fwackyuck 20:9–11; D&C 88:114–15.) Ke ma sikyak ke mweun kahlwem tari uh, meac kuhnacsr nuh ke kuhtanglah se inge?

Prestuhn Ezra Taft. Benson el fahk: “Kais sie lwen kuh luhn ma koluk ac kuh luhn ma wo use ma sasuc. Kais sie lwen kuht sifacna oraclah sulaclah pucspucs ahkkahlwemye srihpen taptap lasr uh. Ma sahflah ac tuhkuh kac uh ac kahlwem—kuh luhn suwohswohs ac kuhtanglah. Tuhsruh ma ac srackna akihlenyuck uh pa *oyac* kais sie sesr, inge ac nuh tok, ac tu ke mweun se inge—na ac fuhkah *puhlaik lasr* ke kuht ac tu uh. Yac kuht ac pwacye nuh ke

lwen sahflah lasr ke kuht ac tu uh. Yac kuht ac pwacye nuh ke lwen sahflah lasr ac ahkpwacyeye ahkmuhsrala lasr met nuh ke orekma?" ("In His Steps," *Ensign*, Sept. 1988, 2).

3. Tukun nuhnuhkuh sahflah, mwet suwohswohs ac fah muhta yurin God.

Riti ac sramsramkihn fuhs sollac ke Fwackyuck 20:12–22:21.

- Tukun mweun luhlahp sahflah, nuhnuhkuh sahflah ac fah sikyak. Meac kuht luti ke Fwackyuck 20:12 lah kuht ac nuhnuhkweyuck fuhkah? Meac mwe ahkinsewowo ac tuhkuh nuh selos suc nuhnuhkweyuck muh suwohs? (Fwackyuck 21:3–7. Suhmuhsrah top luhn mempucr ke kuhlahs ke port an. Top uh kuh in pa ma fahklac ke sra pwepuh tohkoh inge.)

Mwet suwohs ac fah:

- a. Muhta ke acn God el oasr we (Fwackyuck 21:3).
 - b. Fah tiac sifil puhlakihn misac, ahsor, tuhng, kuh kweok (Fwackyuck 21:4).
 - c. Usrui ma nuhkwewa in tuhlihk mukul ac tuhlihk muhtwacn nuhtin God (Fwackyuck 21:7).
- Kahlwem ke mwe ahkinsewowo yohk inge kaksre kuht fuhkah ke kuht sun ma upac ke moul in ikoac uh?
 - Fwackyuck 21:10–22:5 ahkuhtweyac wolacna luhn Celestial fin facluh ac siti se ma elos suc eis wolacna Celestial fah muhta we. Efuh wacngihn tempuhl ke siti Celestial? (Liye Fwackyuck 21:22. Srihpac luhn tempuhl pa in uskuhtweni nuh yurin God ac luti kuht ke plwacn lal. Ke kuht ac sifil weluhl muhta uh, tempuhl ac fah tiac sifil enenweyuck.) Meac Fwackyuck 22:14 sruhmuhn nuh sesr ke kuht ac ilyak nuh ke motonwac ac ke siti ma pahtpaht uh?

Prestuhn David O. Mckay el sruhmuhn ke sie ararama muh el liye sie siti wolacna, mwet pucspucs nuknukyang, ke fasrfasr ac Mwet Lahngo:

"Nga etuh siti sac, pa [ma sin Mwet Lahngo]. Pa siti ma pahtpaht; ac mwet suc ukwac elos muhta in mislac ac engan ma pahtpaht.

"Tuh suc eltahl uh?

"Tuh oacna Mwet Lahngo elacn riti nuhna luhk, el topuk ac srihsrngiyac sie raun ma na sikyak lucng factahl, ac suc sihmlac ke kol kaks inge: *Elos Inge Suc Kuhtanglah Facluh—Suc Sifil Isuslac Pwacye!*" (*Cherished Experiences from the Writings of President David O. Mc Kay*, comp. Clare Middlemiss [1976], 60).

Sahflah

Ahkkahlwemye lah Wuhlweacng Sasuc sahflah ke sie mwe fahkwack ke luhlahlfongi yohk . Mwet pahluh oacna Jon mwet fahkwack liye ma ma ac fah tuhkuh ac fahk nuh sesr ke mwe insewowo kuht ac fah eis kuht fin sruokyac luhlahlfongi ac kampare nuh ke sahflah. Fahkwack lah mwet suwohswohs ac fah kuh-tanglah ke sahflahiyacn facluh. Kwacfe mempucr ke kuhlahs in puhlaik ac finsrak ke kahlwem se inge ke elos tu lain mwe muhnahs ac suk in kuhtanglah mwe kutong ke moul se inge.

**Nuhnak in Weacng
Mwe Luti**

Kuhfa inge kuh in weacng ma nguhsr tahkihnyucklac ke lesin an. Kom kuh in orekmakihn sie kuh puhs sin nuhna inge in ip ke lesin an.

1. Mwe sensen ke likiyac insiacsr nuh ke ma luhn facluh

- Fwackyuck 18:11–18 luti lah mwet muhnaahs ac fah tuhng ke wacngihnlac luhn ma lalos fin facluh ac lutkihn lah tohkohsrahi luhn facluh kuhnanuclac kena kihtin pacl. Ngac kom liye ma luhn facluh kuhnanuclac kuh tuhlaclac ke kihtinna pacl?
- Meac mwe sensen ke likiyac insiacsr ke ma luhn facluh? Ke inkacnek suc ma luhn facluh uh uskuhtlac liki ma luhn nguhn uh?

2. Sifilpac Moulyak Se Met

Sap mempucr ke kuhlals in riti Fwackyuck 20:4–6. In kahrshuh mempucr ke kuhlahs in kahlwem ke fuhs inge, akacsruhi ke mwe ahkkahlwemye inge (ke sra pwepuh se tok uh).

Sifilpac Moulyak Se Met, kuh moulyak luhn mwet suwohswohs, ac fah muh-twacwacack ke Tuhkuh Ahk-luo luhn Mwet Lahngo. Elos suc ac fah eis opi nuh ke Celestial kuh Terestial ac fah tuhkuh nuh met ke moulyak se inge (liye D&C 88:98–99). Moulyak Ahk Luo, kuh moulyak luhn mwet sesuwohs, ac fah tiac muhtwacwacack ne kena sahflahiyacn mihliniuhm. Elos suc ac fah eis opi luhn Telestial Wen nuhtin kuhnaoslah el fah tuhkuh nuh met ke moulyak se inge (liye D&C 88:100–102).

3. Sil itkohsr ke puk luhn Fwackyuck

Ma tahklac inge ahkkahlwemye kuhtuh mwe fahkwack ke kais sie sil itkohsr ah. Tahk se inge oacyacpac wo in ahkkahlwemye oreklac luhn Puk luhn Fwackyuck.

Sil	Ma Yohk Sikyak
Sil se met	Ke oreklac ac puhtatlac lal Adam ac Eve; orekma lal Enoch ac luhngasyucklac luhn siti lal nuh inkuhsrao (Fwackyuck 6:1–2).
Sil ahk luo	Noah ac Sronot (Fwackyuck 6:3–4).
Sil ahk tolu	Orekma lal Abraham, Isaac, Jacob ac Joseph (Fwackyuck 6:5–6).
Sil ahk ahkosr	Orekma lal Moses; Tufoklac; pacl in nuhnunhkuh sin mwet nuh-nunhkuh; pacl in nuhnunhkuh sin tohkohsrahi; kihtakatweliik luhn tohkohsrahi; kuhtanglah tohkohsrahi (Fwackyuck 6:7–8).
Sil ahk limekohsr	Isuslac, orekma, srihpsrihyak, ac moulyak luhn Jisus Kraist; muh sahiyuckyak luhn Alu lal ac orekma luhn mwet sap; acnwucklac luhn mwet sap; fahsr liki ma pwacye (Fwackyuck 6:9–11).
Sil ahk ohnkohsr	Kalweniyacn forlah liki ma pwacye; fohlohkihnuyuckyak luhn wo sasuc sin Mwet Pahluh Joseph Smith; akucl nuh ke pacl ahkkahlwemyeyuck (Fwackyuck 6:12–17; 7:1–8).
Sil ahk itkohsr	Mweun, fohs, ac pahkomuhta; Tuhkuh Ahkluo luhn Leum (Fwackyuck 8:1–19:21). Mihliniuhm in mihs (Fwackyuck 20:1–6). Setuhn el ac taltallah ke puhluhn pacl se, sie mweun yohk sahflah, ac nuhnunhkuh sahflah (Fwackyuck 20:7–15).
Tukun sil ahk itkohsr	Facluh ac celestial (Fwackyuck 21:1–22; 6).

- Ahkkahlwemye lah sil limekohsr met an oasr ke fuhs 11 met an, sil ahk ohn-kohsr oasr ke fuhs 14 tohkoh an ac sil ahk itkohsr oasr ke fuhs 226 tohkohyang an. Meac ma se inge luti kuht kac uh?

Ahkkahlwemye lah Jon el loh na pwacye nuh ke ma ma sikyak ke puhlan pacl lasr uh ac ma se ma ac fah tuhkuh uh. Puk luhn Fwackyuck sihmlac nuh ke lwen lasr uh, ac moul lasr ac fah ahkinsewowoyeyuck ke kuht lutlut kac ac ahkoo tuhkuh ahk luo luhn Mwet Lahngo.

ALU LUHN
JISUS KRAIST
LUHN MWET
LUHLAHLFONGI LAL
KE LWEN-SAHFLAH

KOSRAEAN

